

საქართველოს სსრ მეცნიერებათა აკადემია
აკად. ზ. წერეთლის სახელობის აღმოსავლეთმცოდნეობის
ინსტიტუტი

მანანა გაბაშვილი

საქართველოს ქალაქები XI — XII
საუკუნეებში



მეცნიერება
თბილისი
1981

9 (C 41)
63.3 (2 Γ)
9 (47.922)
გ 123

გამოკვლევაში ქართული და უცხოური წყაროების საფუძველზე შესწავლილია XI—XII სს. საქართველოს ქალაქების პოლიტიკური, ეკონომიკური, სოციალური და კულტურული ეითარება. დოკუმენტურ და ნარატიულ წყაროებთან ერთად გამოყენებულია „ვეფხისტყაოსნის“ ურბანისტიკული ტერმინოლოგია, გათვალისწინებულია აგრეთვე ნუმისმატიკური და არქეოლოგიური მასალები.

I. წყაროებისა და ლიტერატურის მიმოხილვა

XI—XII საუკუნეების საქართველოს ქალაქების და, კერძოდ, თბილისის ისტორია სათანადოდ არ არის შესწავლილი.

იმდროინდელი საქართველოს ქალაქები არ ყოფილა მონოგრაფიული კვლევის საგანი. საერთოდ შუა საუკუნეების ქალაქების შესწავლას დიდ დაბრკოლებას უქმნის ის, რომ ქართულ საისტორიო წყაროებში ქალაქების შესახებ დაცულია მცირე, ფრაგმენტალური ხასიყლის ცნობები.

ამასთან, ფეოდალური ხანის არქეოლოგია ჩვენში არ იყო იმდენად განვითარებული, რომ მას ნივთიერი მასალებით სარგებლობის შესაძლებლობა მოეცა.

ვითარება ამ მხრივ მკვეთრად შეიცვალა უკანასკნელ წლებში. XI—XII სს. საქართველოს ქალაქების შესახებ საისტორიო-სამეცნიერო ლიტერატურაში შემოვიდა ახალი (უპირატესად აღმოსავლური) წერილობითი მასალები, გაიზარდა არქეოლოგიური მონაპოვარი, გამოქვეყნდა მონოგრაფიული გამოკვლევები ადრეფეოდალური (VI—X სს.), შუაფეოდალური (XI—XIII სს.) და გვიანდელი XVI—XVIII სს.) საქართველოს ქალაქების შესახებ.

ყველა ამან მნიშვნელოვნად განაპირობა XI—XII სს. საქართველოს ქალაქების მონოგრაფიულად შესწავლის შესაძლებლობა.

სამწუბაროდ, მასალის სიმცირე ჯერჯერობით არ იძლევა XI—XII სს. ქართულ ქალაქებთან და საქალაქო ცხოვრებასთან დაკავშირებულ ყველა მოვლენის დამაჯერებლად და მთლიანად შესწავლაგაშუქების შესაძლებლობას.

სრულიად გარკვეული მიზეზების გამო, XII ს. საქართველოს ქალაქებიდან თბილისზე შედარებით მეტი და მრავალფეროვანი ცნობებია შემონახული ქართულ წერილობით წყაროებში. ამას უნდა დაემატოს უკანასკნელი დროის არქეოლოგიური აღმოჩენებიც, რამაც გაამდიდრა ჩვენი ცოდნა XII საუკუნის თბილისზე და, ამავე დროს, მოგვ-

ცა არქეოლოგიური მასალების წერილობით წყაროებთან შეჭერების შესაძლებლობა.

ამით აიხსნება, რომ წინამდებარე გამოკვლევაში ყურადღება XII ს-ის თბილისზე არის გამახვილებული.

ცნობები XII ს-ის საქართველოს ქალაქებისა და თბილისის შესახებ მეტ-ნაკლები სისრულითა და რაოდენობით მოიპოვება როგორც ქართულ, ისე აღმოსავლურ წყაროებში.

რა თქმა უნდა, ჩვენ მიერ სათანადოდაა გათვალისწინებული X ს. წყაროთა ცნობებიც.

თბილისის შესახებ არსებული ქართული წყაროებიდან უაღრესად საყურადღებოა ქართლის მატიანე. ეს საინტერესო ნაწარმოები XI ს-ის 70-იანი წლების ბოლოს არის დასრულებული, იქ მოთხრობილი ამბები კი თანამედროვე ავტორის მიერ აღწერილი.

„ქართლის მატიანეში“ საინტერესო მასალებს ნახულობს XI ს-ის თბილისის პოლიტიკური ისტორიის მკვლევარი. ქრონოლოგიურად თბილისის ისტორიის სხვადასხვა მოვლენები თავსდება 40—70-იან წლებში და მოიცავს თბილისის ამირას ხელისუფლების დაკნინებისა და ტფილელ ბერთა აღზევება-გაძლიერების პერიოდს. ფაქტიურად ასეთ პოლიტიკურ ფონზეა გაშლილი თხზულებაში ბაგრატ IV-ის ბრძოლა თბილისის შემოშტკიცებისათვის. ამიტომაც, რომ „ქართლის მატიანეში“ მნიშვნელოვანი ადგილი ეთმობა ტფილელ ბერთა მოღვაწეობას, მათ დამოკიდებულებას ბაგრატ IV-სთან და მათსავე ურთიერთობას ამირას ხელისუფლებასთან.

„ქართლის მატიანეში“ საკმაოდ დაწვრილებით აღწერილი ტფილელ ბერთა ბრძოლა და ამ ბრძოლის პოლიტიკური შედეგები შესაძლებლობას გვაძლევს სათანადოდ გავითვალისწინოთ და შევაფასოთ ის ცნობები, რომლებსაც XI ს-ის მეორე ნახევრის და XII ს. დამდეგის თბილისის შესახებ აღმოსავლურ წყაროებში ვნახულობთ.

XI ს. პირველი მეოთხედის თბილისის ისტორიის აღსადგენად საგულისხმო ცნობებს ვპოულობთ დავით აღმაშენებლის ისტორიკოსის თხზულებაში. ეს ქართველი ისტორიკოსიც, „ქართლის მატიანეს“ ავტორის მსგავსად, აღწერილი მოვლენების თანდამხვედური და თვითმხილველი იყო. ეს, ცხადია, ზრდის მისი ცნობების ღირსებას და მნიშვნელობას.

დავით აღმაშენებლის ისტორიკოსს აღწერილი აქვს თბილისის შემოერთებასთან დაკავშირებული მოვლენები, თბილისში მიმდინარე მღელვარებანი (შეტაკებანი მუსლიმანურ და ქრისტიანულ მოსახლეობას შორის) ტფილელ (და აგრეთვე დმანელ და განძელ) ვაჭართა პოლიტიკური (და ამასთან ეკონომიკური) პოზიცია.

საქართველოს მეფის ღელისუფლების გაძლიერებასთან დაკავშირებით აღწერილია დავით აღმაშენებლის ღონისძიებანი ქალაქებისა და სავაქრო გზების კეთილმოწყობის მიზნით და სხვ.

გარდა ნარატიული წყაროებისა, XI—XII სს. საქართველოს ქალაქებთან დაკავშირებული მასალა მიმოფანტულია თანამედროვე დოკუმენტურ ძეგლებში. მათი რაოდენობა, სამწუხაროდ, დიდი არაა, მაგრამ ის რაც ჩვენს განკარგულებაშია, შეიცავს უაღრესად საყურადღებო ცნობებს XI—XII სს. თბილისის მართვა-გამგეობის გასათვალისწინებლად. და, საზოგადოდ, მუსლიმანთა ბატონობისაგან განთავისუფლებული და კვლავ საქართველოს დედაქალაქად გადაქცეული თბილისის ისტორიის აღსადგენად.

მხედველობაში გვაქვს ისეთი დოკუმენტები, როგორცაა გიორგი II-ის 1072 წლის სიგელი¹, დავით აღმაშენებლის ანდერძი², გიორგი III-ის 1170 წლით დათარიღებული საბუთი³.

ამ დოკუმენტთა შინაარსი უპირატესად თბილისს და თბილისში დადასტურებულ არაბული წარმოშობის საქალაქო თანამდებობებს (რაისი, მუჰთასიბი, ამიდი და სხვ.) ეხება. გიორგი II-ის 1072 წ. სიგელში კი პროვინციულ შურტებზე არის საუბარი.

საქართველოს ისეთი ქალაქების გამო, როგორც იყო რუსთავი, დმანისი, სამშვილდე და სხვ. ქართულ წყაროებში მხოლოდ კანტიკუნტი ცნობები გვხვდება. კიდევ უფრო მძიმე მდგომარეობაა ამ მხრივ დასავლეთ საქართველოს ქალაქების მიმართ.

ზოგიერთ ქალაქთან დაკავშირებით წერილობით წყაროებში მათი სახელწოდების უბრალო ფიქსაციასთან გვაქვს საქმე. ამიტომ XI—XII სს. საქართველოს ქალაქების შესწავლისას, როცა წერილობითი წყაროები სდუმან, მთავარი მნიშვნელობა ენიჭებათ ეპიგრაფიკულსა (ატენის სიონის წარწერა)⁴ და ნუმისმატიკურ მასალებს. ნუმისმატიკური მასალების ანალიზის შედეგად XI—XII სს. საქართვე-

¹ თ. უ ო რ დ ა ნ ი ა, ისტორიული საბუთები შიომღვიმის მონასტრისა, ტფ., 1896, გვ. 9—12; ქართული სამართლის ძეგლები, ტ. II, თბ., 1965, გვ. 10—12.

² ქართული სამართლის ძეგლები, ტ. II, გვ. 18—20.

³ საქართველოს სიძველენი, ტ. III, დამატება, ტფ., 1926, გვ. 4—5; ქართული სამართლის ძეგლები, ტ. II, გვ. 20—24.

⁴ ივ. ჭ ა ე ა ხ ი შ ვ ი ლ ი, მასალები ქართველი ერის მატერიალური კულტურის ისტორიისათვის, ტ. 1, თბ., 1946, გვ. 33—35; თ. ბ ა რ ნ ა ვ ე ლ ი, ატენის სიონის წარწერები, თბ., 1957, გვ. 39, ზ. ა ლ ე ქ ს ი ძ ე, ატენის სიონის სომხური წარწერები, თბ., 1978.

ლოს ქალაქების ეკონომიკური ცხოვრების არა ერთი საყურადღებო ფაქტის თუ მოვლენის აღდგენა არის შესაძლებელი.

მაგრამ ამ მხრივ მაინც განსაკუთრებულია არქეოლოგიური მასალების მნიშვნელობა. ასეთი მასალები სულ უფრო და უფრო მრავლდება ინტენსიური არქეოლოგიური გათხრების შედეგად. ფეოდალური ხანის ქართული ქალაქების არქეოლოგიურმა შესწავლამ მყარი საფუძველი შეუქმნა ქართული ურბანისტიკის განვითარებას, ფეოდალური საქართველოს ქალაქების ისტორიის სხვადასხვა საკითხის დასმას და გაშუქებას. არქეოლოგიური მონაპოვარი უტყუარ წარმოდგენას გვაძლევს ქალაქის გარეგან სახეზე (რაც თავის მხრივ შესაძლებელს ხდის ქალაქის სოციალური სტრუქტურის და კლასობრივი განშრეების გათვალისწინებას), გვიჩვენებს ქალაქის ტერიტორიულ გავრცელების არეს, მოსახლეობის რაოდენობას მატერიალურ-კულტურულ დონეს. გვისურათებს ხელოსნობას და ხელოსნობის დარგებს, სავაჭრო-ეკონომიკურ ურთიერთობათა ხასიათს და სხვ.

XI—XII სს. საქართველოს ქალაქების შესწავლისას შეიძლება გამოვიყენოთ მხატვრული ნაწარმოებიც („ვეფხისტყაოსანი“, „ვისრამიანი...“), ვინაიდან ასეთ ნაწარმოებებში საკმაო რაოდენობითაა დაცული ურბანისტული ტერმინოლოგია.

ამ მხრივ განსაკუთრებული მნიშვნელობა აქვს შოთა რუსთაველის „ვეფხისტყაოსანს“.

ამიტომაც რომ ჩვენს გამოკვლევაში V თავი დაეუთმეთ „ვეფხისტყაოსნის“ ურბანისტიკულ ტერმინოლოგიას („ყოველი ერი“. „ქალაქის ერი“, „ქალაქის კრებული...“) და ამის მიხედვით ქალაქის საზოგადოებრივი ფენების შესწავლას.

ქართული წყაროების ცნობებს მეტად მნიშვნელოვანი ფაქტობრივი მონაცემებით ავსებენ XI—XII სს. აღმოსავლური წერილობითი წყაროები, მათი უმრავლესობა, როგორც ცნობილია, ეხება არა მთლიანად საქართველოს ქალაქებს, არამედ უმთავრესად თბილისსა და თბილისში მომხდარ მოვლენებს.

X—XIII სს. თბილისის შესახებ არა ერთი საყურადღებო ცნობა მოეპოვებათ ისეთ ავტორებს, როგორიც არიან: ალ-ისთახრი, იბნ-ჰაუკალი, ფაკიჰი, ალ-ფარიკი, იბნ ალ-ასირი, მაკუთი, ალ-იდრისი, სიბტ იბნ ალ-ჯაუზი, ზაქარია ყაზვინი და სხვ.

ასევე საყურადღებოა სპარსული გეოგრაფიული თხზულების ანონიმური ავტორების ცნობები (X ს. „ჰოდუდ ალ-ალემ“, XIII ს. დამდგენს „აჯაიბ ად-დუნია“).

განსაკუთრებული ყურადღება მივაქციეთ XI—XII საუკუნეების

ისეთ აღმოსავლელ ისტორიკოსებს, როგორც იყვნენ ფაკიზი და ალ-ფარიკი.

ანონიმ-ავტორს ვინმე ფაკიზს თავისი ნაშრომი „დარუბანდის და შირვანის ისტორია“ («سریخ‌الباپ و شروان» — „თარის ალ-ბაბ ვა შარვან“) დაუსრულებია 500/1106 წელს, ხოლო ამბების თხრობა მასში მოტანილია 468/1075 წლამდე. ამრიგად ჩვენ საქმე გვაქვს აღწერილი მოვლენების თანადამხედურთან და თვითმხილველთან. მაგრამ, სამწუხაროდ, მის თხზულებას ჩვენამდე არ მოუღწევია. დასახელებული ნაშრომიდან ნაწყვეტები შემოგვინახა თურქმა ისტორიკოსმა ჭუნეჯი-ბაშიმ (გარდაიცვალა მექაში 1702 წ.). როგორც ჩანს, მუნეჯი-ბაშის მოყავს არა უშუალოდ დედანი, არამედ შირვანისა და დერბენდის ისტორიის ფრაგმენტების მოკლე შინაარსი. მაგრამ როგორც გამოცდილ კომპილატორს მას არ უნდა გამორჩენოდა ფაკიზის ქრონიკაში აღწერილი მოვლენების არსებითი მხარეები⁵.

საქართველოს ქალბჭების ისტორიის მკვლევრისათვის განსაკუთრებით მნიშვნელოვანია ფაკიზის თხზულების სწორედ ის ნაწილი, რომელიც ავსებს „ქართლის მატიანეს“ ცნობებს XI ს. II ნახევრის თბილისის შესახებ.

აღნიშნულ ნაწყვეტში აღწერილია ჯათარაანთა საგვარეულოს ამირას მოღვაწეობა და, საზოგადოდ, ის მოვლენები, რომლებიც ამირას ხელისუფლების დაკნინებასთან და ქალაქის ბერების აღზევება-გაძლიერებასთან იყვნენ დაკავშირებული.

ჩვენთვის განსაკუთრებით საყურადღებოა ფაკიზის ის ცნობა, სადაც ლაპარაკია XII ს. 70-იანი წლების თბილისში მოქმედი „თბილისის კეთილშობილთა ჯგუფის“ შესახებ. ამან საშუალება მოგვცა დაგვეჩინა განსხვავება (სოციალური თვალსაზრისით) „თბილისის კეთილშობილთა ჯგუფისა“ და „თბილისის ხალხს“ შორის, რომელიც ალ-ფარიკის ცნობის მიხედვით XI ს-ის უკანასკნელი მეოთხედიდან მოყოლებული მთელი 40 წლის განმავლობაში თბილისში იყო გაბატონებული.

ფაკიზის ნაშრომი 1953 წ. გამოსცა ვლ. მინორსკიმ (თარგმანი და კომენტარებით)⁶. ვ. მინორსკის პუბლიკაციის საფუძველზე რუსული თარგმანი შეასრულა ა. მამედოვმა⁷. 1958 წ. გამოქვეყნდა „შირ-

⁵ В. Ф. Минорский, История Ширвана и Дербенда X—XI веков, М., 1963, с. 18.

⁶ V. Minorsky, Studies in Caucasian History, The Oriental Series of the University of Cambridge, vol. VI. London, 1953.

⁷ А. Мамедов, Ахмед ибн Лютфуллах (Мунеджим-баши), «Джами ад-дувал», Труды Института истории АН Аз ССР XIII, Баку, 1957

ვანისა და დერბენდის ისტორია“ ვ. მინორსკის ვრცელი გამოკვლევა-
თა და კომენტარებით⁸. ვ. მინორსკის დასახელებული პუბლიკაცია გა-
ნოკვლევითა და კომენტარებით რუსულ ენაზე 1963 წ. გამოსცა
აზერბაიჯანის მეცნიერებათა აკადემიამ⁹. ამ ახალ გამოცემაში მონა-
წილეობა მიიღო თვით ავტორმა, რომელმაც მასში მთელი რიგი დამა-
ტებანი და შესწორებანი შეიტანა.

XI ს-ის უკანასკნელი მეოთხედის და XII ს-ის პირველი მეოთხე-
დის თბილისის ისტორიისათვის სრულიად განსაკუთრებული მნიშვნე-
ლობა და ადგილი ენიჭება ალ-ფარიკის თხზულებას „მაიაფარიკინის
ისტორიას“¹⁰.

ალ-ფარიკი ბევრს მოგზაურობდა. ნამყოფი იყო სირიაში, ბალ-
დაღში, სომხეთში. 1153 წ. იგი ჩამოვიდა საქართველოში და ერკოხანს
მსახურობდა დემეტრე მეფის კარზე. საქართველოში მან რამდენიმე
წელი დაჰყო. მანვე, სხვათა შორის, მოინახულა დიდგორის ბრძოლის
ადგილები და, როგორც ჩანს, გულდასმით გაეცნო თბილისის თავგა-
დასავალს მის განთავისუფლებამდე და განთავისუფლების შემდეგ.
აპრივად, მას შეეძლო სათანადო ცნობები შეეგროვებინა იმათ შორის,
ვინც თბილისში XI ს. დამლევს და XII ს. დამდეგს დატრიალებული
ამბების თანადამხდური ან თვითმხილველი იყო.

ალ-ფარიკის მიერ აღწერილი ყველაზე საყურადღებო მოვლენა,
„ხალხის“ მმართველობა თბილისში, ქრონოლოგიურად თავსდება
1082—1122 წლებში¹¹.

ამავე პერიოდს და ამავე მოვლენას ეხება არაბულენოვანი სიბტ
იბნ ალ-ჯაუზის ცნობაც¹².

სიბტ იბნ ალ-ჯაუზი შედარებით გვიანდელი ხანის მოღვაწეა
(1186—1257), მაგრამ, როგორც ჩანს, იგი სარგებლობდა ალ-ფარიკის
იმ ცნობებით, რომელთა შინაარსი 1082—1122 წლების თბილისში
მომხდარ ამბებს ეხება. ეს ჩვენ გვაძლევს ალ-ფარიკის (აღრიხდელი)

⁸ V. Minorsky, A History of Sharvan and Darband in the 10—th-11th Cen-
turies, Cambridge, 1958.

⁹ В. Ф. М и н о р с к и й, История ширвана и Дербенда X—XI ве-
ков, М., 1963.

¹⁰ გ. წ ე რ ე თ ე ლ ი, არაბული ქრესტომათია, თბ., 1949, გვ. 68—75; ვ. ფ უ-
თ უ რ ი ძ ე, არაბი ისტორიკოსი XII ს. თბილისის შესახებ, ენიქის მოამბე, ტ. 8,
თბ., 1942.

¹¹ შ მ ე ს ხ ი ა, საქალაქო კომუნა შუა საუკუნეების თბილისში, თბ., 1962,
გვ. 63.

¹² თ. ც ქ ი ტ ი შ ვ ი ლ ი, სიბტ იბნ ალ-ჯაუზის ცნობა დავით აღმაშენებლის
შესახებ, თსუ. შრ., ტ. 118, 1967 გვ. 204—206.

და სიბტ იბნ ალ-ჯაუზის (გვიანდელი) ცნობების ურთიერთშეჭერების შესაძლებლობას.

გარდა პოლიტიკური ისტორიისა, აღმოსავლური წყაროები საინტერესო მასალებს გვაწვდის საქართველოს ქალაქებსა სავაჭრო-ეკონომიკური ცხოვრებისათვის, კერძოდ კი, თბილისის ეკონომიკური ისტორიისათვის.

ამ თვალსაზრისით საინტერესოა XII ს-ის მეორე ნახევრის ავტორის ნაჯიბ ჰამადანელის თხზულება „აჯაიბ ალ მახლუკათ ვა ლარაიბ ალ-მავეკუდათ“-ის („ქმნილებათა საკვირველებანი და არსებულის იშენიათობანი“), სადაც თბილისი დახასიათებულია, როგორც დიდი და სიკეთით აღსავსე ქალაქი¹³.

ნაჯიბ ჰამადანელის კოსმოგრაფიულ-გეოგრაფიული თხზულება სპარსულ ენაზეა დაწერილი. მისი საუკეთესო და უძველესი ნუსხა პარიზშია დაცული, ლენინგრადში ამ ნაწარმოების ორი ხელნაწერი ინახება (D 129 და A 453), ორივე ნაკლულია¹⁴. ჰამადანელის ხელნაწერების აღწერილობა მოცემული აქვთ აღმოსავლეთმცოდნეებს ვ. პერჩს, მ. ფლიუგელს და ვ. როზენს. ჰამერმა და ღორნმა ფართო აღგილი დაუთმეს აღნიშნულ თხზულებას თავიანთ გამოკვლევებში.

ქართულ ისტორიოგრაფიაში უკანასკნელ წლებში შემოვიდა ალ-ჰუსეინის ცნობები თბილისის შესახებ.

სადრ ად-დინ აბულ-ჰასან ალ-ჰუსეინი XII ს. მიწურულისა და XIII ს. პირველი ნახევრის ისტორიკოსია¹⁵. არაბულ ენაზე დაწერილ თხზულებაში „ახბარ ად დავლათ ას-სელჰუკია“ („სელჰუკთა სახელმწიფოს ისტორია“) მას მოცემული აქვს XI ს. 60-იანი წლების თბილისის აღწერილობა და ვანსაზღვრული აქვს აგრეთვე იმდროინდელი თბილისის ტერიტორიული ფართობი¹⁶.

საგანგებოდ უნდა აღვნიშნოთ სპარსელი ანონიმური ავტორის

¹³ Н. Д. М и к л у х о - М а к л а й, Географическое сочинение XIII в. на перс. яз. Уб. зап. ИВАН СССР, М.—Л., 1954, № 9, с. 186.

¹⁴ რ. კ ი კ ნ ა ძ ე, XI—XII სს. თბილისის ისტორიიდან (აღმოსავლური წყაროების მიხედვით), ისტორიის ინსტიტუტის შრ., ტ. 5, ნაკვ. I, 1960, გვ. 128.

¹⁵ Б. Ш е н г е л и я, Садр ад-დინ абул-Хасан ал-Хусейни XI—XII сс. საქართველოსა და ამიერკავკასიის შესახებ, ისტორიის ინსტიტუტის XVIII სამეცნიერო სესია, სესიის მუშაობა, გეგმა და მოხსენებათა თეზისები, თბ., 1969, გვ. 10.

¹⁶ السجلوية، أخبار الدولة الحوسينية، مؤتممةد إكباليس გამოცემა, ლაპორი, 1933, თარგმანი, Б. შენგელისი (ხელნაწერი), გვ. 43—44. Садр ад-дйн Алпй ал-Хусайнй, Ахбәр ад-даулат ас-Седжўкўнйна (Зубдат ат-таварих), Изда-ние текста, перевод, введение, примечания и приложения З. М. Бушнятава, М., 1980. არაბული ტექსტი, გვ. 74, რუსული თარგმ. გვ. 55.

თხზულება („აჯაიბ აღ-დუნია“—„სამყაროს საკვირველებანი“— რომელიც შედგენილია XIII ს. 20-იან წლებში).

„აჯაიბ აღ-დუნია“ მკაფიო წარმოდგენას გვიქმნის XII ს. მიწურულია და XIII ს. დამდეგის თბილისის და თბილისური ალებ-მიცემის შესახებ¹⁷. ანონიმი ავტორი მეტ-ნაკლებად აღწერს აგრეთვე თბილისის გარეგნულ სახეს, მოსახლეობას და მიუთითებს სავაჭრო უბნების ადგილმდებარეობას¹⁸. თხზულებიდან ჩანს, რომ აჯაიბ აღ-დუნიას ავტორს ბევრი უმოგზაურია, ყოფილა მექაში, ჰიჯაზში, ინდოეთში, ერაყში, ირანში, არაბეთში, აზერბაიჯანში, სომხეთსა და საქართველოში, კერძოდ კი თბილისში¹⁹. ამიტომ იგი ბევრი აღწერილი ზოვლების უშუალო მოწმე და თვითმხილველი ყოფილა. გარდა ამისა, მას გამოუყენებია თავისი წინამორბედი ისტორიკოსების და გეოგრაფების ნაშრომები, მათ შორის ნაჯიბ ჰამადანელის თხზულება.

ასევე მნიშვნელოვანია და მრავალმხრივ საყურადღებო ზაქარია ბენ მოჰამედ ბენ მაჰმუდ აბუ იაჰია ყაზვინის (1203—1283) ცნობები XI—XIII სს. თბილისის ეკონომიკური ისტორიის აღსადგენად.

ზაქარია ყაზვინის თხზულება «أخبار البلاد» („ასარ აღ ბილად ვა ახბარ აღ-იბად“ — „ქვეყნიერების ძეგლები და ცნობები ალაჰის მონათა შესახებ“²⁰, შედგენილია 674 წ. (1275—1276 წწ), არაბულ ენაზე და გეოგრაფიული ენციკლოპედიის ხასიათს ატარებს, მას მოყვანილი აქვს ნაწყვეტები თავისი თანამედროვე და წინამორბედი 50-ზე მეტი ავტორის თხზულებებიდან (აბუ-რ-რაბი, სულეიმან აღ-მულტანა, აღ-ისთაბრი, იბნ-სინა, იბნ-ფადლანი და სხვ.), რომელთაგან ზოგიერთს ჩვენამდე არ მოუღწევია.

ქართულ ისტორიოგრაფიაში ზაქარია ყაზვინის ცნობებს თავდაპირველად აკად. ივ. ჯავახიშვილმა მიაქცია ყურადღება და სათანადო კომენტარებიც გაუკეთა მას²¹.

¹⁷ Н. Д. Миклухо-Маклай, *დასახ. ნაშრ.*, გვ. 203, ფ. 199; რ. კიკნაძე, „სამყაროს საკვირველებათა“ ცნობები საქართველოსა და კავკასიის შესახებ სპარსული ტექსტი ქართული თარგმანით, შესავლითა და შენიშვნებით გამოსცა რ. კიკნაძემ, თბ.. 1978, გვ. 28—29.

¹⁸ Н. Д. Миклухо-Маклай იქვე, გვ. 202, 203, ფ. 198, რ. კიკნაძე, *დასახ. ნაშრ.*, გვ. 28.

¹⁹ Н. Д. Миклухо-Маклай, *დასახ. ნაშრ.*, გვ. 182—183; რ. კიკნაძე, იქვე, გვ. 14—15.

²⁰ *أثار البلاد و أخبار العباد زكريا بن محمد بن محمود القزويني*, ed T. Wüstenfeld, Göttingen, 1847, 247, გვ. 349—359.

²¹ ივ. ჯავახიშვილი, *საქართველოს ეკონომიური ისტორია*, 1, ტფ., 1930, გვ. 115.

ზაქარია ყაზვინის ცნობების ქართული თარგმანი შესრულებულია ო. ცქიტიშვილის მიერ²².

ზაქარია ყაზვინის დასახელებული და ჩამოთვლილი აქვს თბილისური წარმოშობის მრავალფეროვანი საქონელი. ზაქარია ყაზვინის ცნობების შეფერება XIII ს. სპარსელი ანონიმური ავტორისა და არაბ-სპარსელ ისტორიკოსთა ანალოგიური ხასიათის ცნობებთან შესაძლებლობას გვაძლევს შევადგინოთ თბილისში დამზადებული საქონლის მრავალფეროვანი და საკმაოდ ვრცელი ნუსხა.

თბილისს აღწერს აგრეთვე XIII ს. შუააზიელი ისტორიკოსი მოჰამედ ნეჟევი—ჯალალ ედ-დინის ლაშქრობების მონაწილე და მისი კანცელარიის მდივანი²³.

ქ. დმანისის საექსპორტო საქონელი აღნიშნული აქვს XIII ს. ავტორს მაკუთს²⁴.

დავით აღმაშენებლის მიერ სავაჭრო-ეკონომიკური ცხოვრების გამოცოცხლებასთან დაკავშირებით ჩატარებული ღონისძიებები აღწერილი აქვს შემს ედ დინ იუსუფს²⁵.

გვიანდელი ხანის ისტორიკოსებიდან თბილისის შესახებ ცნობები მოეპოვება აზდ არ რაშად აღ-ბაკუვის, აღ-ბაკუვი XIV ს. მეორე ნახევარსა და XV ს. დასაწყისში მოღვაწეობდა. ერთადერთი სრული ხელნაწერი აღ-ბაკუვის შრომისა ინახება პარიზის ნაციონალურ ბიბლიოთეკაში (№ 585). აღ-ბაკუვის შრომა წარმოადგენს ზაქარია ყაზვინის თხზულების შემოკლებულ რედაქციას²⁶. ავტორს განსაზღვრული აქვს თბილისის მდგომარეობა და მოცემული აქვს თბილისის

²² ზაქარია აღ-ყაზვინის ცნობები საქართველოსა და კავკასიის შესახებ, არაბულ ტექსტს შესავალი, ქართული თარგმანი და შენიშვნები დაურთო ო. ცქიტიშვილმა, თბ., 1975.

²³ Mohammed en Nesewi, Histoire du sultan Djelal ed-Din Mankobirti prince du Kharezm, Traduit de l'arabe par O. Houdas, Paris, 1895., Ш и х а б а д-Д и н М у х а м м а д а н-Н а с а в и, Жизнеописание султана Джалал ад-Дин Манкбурны, Перевод с арабского, предисловие, комментарии примечания и указатели З. М. Бунятова, Баку, 1973, с. 167—168.

²⁴ معجم البلدان ، يا قوت ، ed. Wüstenfeld, B. 111, Leipzig, 1866, 505, ე. ს. ი. ხ ა რ უ ლ ი ძ ე, მაკუთის ცნობები საქართველოსა და კავკასიის შესახებ, თბ., 1964, გვ. 57.

²⁵ ივ. ჯ ა ე ა ხ ი შ ვ ი ლ ი, საქართველოს ეკონომიური ისტორია, ტფ., 1907, გვ. 22.

²⁶ А б д а р -р а ш и д а л-Б а к у в и, Китаб талхис ал-асар ва аджа иб ал малик ал каххар («Сокращение [книги] о памятниках и чудесах царя могучего») издание текста, перевод, предисловие, примечания и приложения З. М. Бунятова, М., 1971, С. 6.

გარეგნული აღწერის ცდა. აღ-ბაკუვი ეხება აგრეთვე თბილისის მოსახლეობის რელიგიას.

შედარებისათვის ვითვალისწინებთ აღრეული ხანის, კერძოდ. X ს-ის არაბი და სპარსელი ისტორიკოსების, გეოგრაფებისა და მოგზაურების იმ მონაცემებსაც. რომლებიც თბილისის სავაჭრო-ეკონომიკურ ურთიერთობათა ასპექტში განიხილავენ (აღ-ისთახრი, იბნ-ჰაუკალი. ანონიმური ავტორის „ჰოდუდ აღ-ალემი“).

ამიერკავკასიაზე და თბილისზე გამავალი სავაჭრო გზების შესახებ, დაწვრილებით, ცნობები დაცულია არაბი გეოგრაფების იბნ ხორდადბეჰის, აღ-ისთახრის, იბნ ჰაუკალის, მუჟადდასის, მაკუთის და სხვათა თხზულებაში²⁷.

ქართული ქალაქებისა და საქალაქო ცხოვრების აღნიშნულ მოვლენებს გარკვეული ადგილი ეთმობა აგრეთვე ბიზანტიურსა და სომხურ წყაროებში. მაგრამ ჩვენ ძირითადად გამოყენებული გვაქვს აღმოსავლური წყაროები.

ყურადღება მივაქციეთ იმ არაბ თუ არაბულენოვან ისტორიკოსთა ცნობებსაც, რომლებსაც აღნიშნული აქვთ დავით აღმაშენებლის შემწყნარებლობითი პოლიტიკა თბილისის მუსლიმანი მცხოვრებლების მიმართ (აღ-აინი, შემს ედ ღინ იუსუფი...).

როგორც უკვე აღვნიშნეთ, აღმოსავლურ წყაროებში ცნობები უპირატესად X—XII საუკუნეების თბილისის შესახებ მოიპოვება, მაგრამ მათში ზოგჯერ დასახელებულია საქართველოს სხვა ქალაქებიც (მაგ., რუსთავი, დმანისი...). იგივე შეიძლება ვთქვათ საკუთრივ ქართული წყაროების მიმართაც.

საქართველოს ქალაქების ისტორიის შესწავლა XIX ს-ის 40-იანი წლებიდან იწყება. ამ მხრივ მნიშვნელოვანი როლი შეასრულა პლ. იოსელიანმა²⁸. XIX ს. მეორე ნახევარში ქ. თბილისი ისტორიული და ეთნოგრაფიული თვალსაზრისით შესწავლილი აქვთ ნ. ბერძენოვს და დ. ბაქრაძეს²⁹.

XIX ს. ქართველმა ისტორიკოსებმა საფუძველი ჩაუყარეს ქართულ ურბანისტიკას. მაგრამ ქართული ურბანისტიკის განვითარება მაინც ივ. ჯავახიშვილის საბილთან და მოლვაწეობასთან არის დაკავშირებული. ისევე როგორც საქართველოს ისტორიის სხვა დარგები,

²⁷ ე ს ი ხ ა რ უ ლ ი ძ ე, ამიერკავკასიის სამარშრუტო გზები IX—X სს. არაბული წყაროების მიხედვით, კრ. მახლობელი აღმოსავლეთის ისტორიის საკითხები თბ., 1963, გვ. 175—189.

²⁸ П. Иоселиани, Города существовавшие и существующие в Грузии, Тифлис, 1850.

²⁹ Д. Бакрадзе и Н. Берзенов, Тифлис в историческом и этнографическом сочинениях, Тифлис, 1870.

ქართული ურბანისტიკაც, ივ. ჯავახიშვილმა მეცნიერულ ნიადაგზე და-
ყენა და პირველწყაროების ღრმა და საფუძვლიან ანალიზზე დააფუძ-
ნა.

უკვე 1907 წ. გამოცემულ „საქართველოს ეკონომიურ ისტორია-
ში“ ივ. ჯავახიშვილმა ყურადღება დაუთმო საქართველოს ქალაქებს,
წყობილებას, საქალაქო ცხოვრებას. აღმოსავლურ (არაბულ, სპარსულ)
წყაროებში მოიხილა ქალაქების, საქალაქო წყობილების, ხელოსანობი-
სა და ვაჭრობის ამსახველი ცნობები³⁰. მან, პირველად ქართულ ისტო-
რიოგრაფიაში, ყურადღება მიაქცია არაბული წარმოშობის ისეთ სა-
ქალაქო თანამდებობებს, როგორც იყო შურტასა და მუშრების თა-
ნამდებობები. ვრცლად დაახასიათა „ქალაქის ბერთა“ ინსტიტუტი.
მანვე მიუთითა იმ არაბ და სპარსულ ისტორიკოსებზე, რომელთაც მო-
ეპოვებათ ცნობები საქართველოს ეკონომიური ისტორიის და, კერ-
ძოდ, ქალაქების საქალაქო წყობილებისა და ცხოვრების შესასწავ-
ლად³¹. ამის გამო ივ. ჯავახიშვილი წერდა: „სტრაბონის შემდგომ სა-
ყურადღებო გეოგრაფიული ცნობები არაბი და სპარსელი გეოგრაფე-
ბის თხზულებებშია, ამათგან ყველაზე საყურადღებო ისტაქრის, ზა-
ქარა ყაზვინისა და ჰამდალამ ყაზვინის ნაშრომებია“³². ივ. ჯავახი-
შვილს თავის „საქართველოს ეკონომიური ისტორიის“ I ტომში საყ-
მოდ ვრცლად აქვს დახასიათებული თითოეული მათგანის მნიშვნელო-
ბა, აგრეთვე მათი გამოცემები, ხელნაწერები და თარგმანები³³.

უნდა აღვნიშნოთ, რომ 1907 წ. გამოქვეყნებულ ივ. ჯავახიშვილის
„საქართველოს ეკონომიურ ისტორიაში“ მთავარი ყურადღება X—XII
საუკუნეების საქართველოს ქალაქებს ეთმობა. ამან საგრძნობლად გა-
გვიადვილა XI—XII სს. საქართველოს ქალაქების შესწავლა.

მომდევნო წლებში ივ. ჯავახიშვილი სულ უფრო და უფრო მეტ
ყურადღებას უთმობდა საქართველოს ძველ ქალაქებს, ინტენსიურად
აგროვებდა მასალებს „საქართველოს ეკონომიური ისტორიის“ იმ ტო-
მისათვის, რომელთა შინაარსი საქართველოს ქალაქების ისტორიას,
წყობილებას, ხელოსნობას და ვაჭრობას უნდა დათმობოდა.

სამწუხაროდ, ივ. ჯავახიშვილს არ დასცალდა „საქართველოს
ეკონომიური ისტორიის“ დასრულება. გამოქვეყნდა მხოლოდ მისი I

³⁰ ივ. ჯავახიშვილი, საქართველოს ეკონომიური ისტორია, ტფ., 1907,
გვ. 19—45.

³¹ ივ. ჯავახიშვილი, დასახ. ნაშრ., გვ. 19—27.

³² ივ. ჯავახიშვილი, საქართველოს ეკონომიური ისტორია, ტ. I, თბ.,
1930, გვ. 114.

³³ იქვე, გვ. 114—118.

მუნა შუა საუკუნეების თბილისში³⁹ ძირითად საკითხებთან ერთად (მმართველობის ფორმა) დაწვრილებით განხილულ-შესწავლილია ქალაქის ბერთა ინსტიტუტი, ქალაქის საზოგადოებრივი ფენები, პოლიტიკური და სოციალური ბრძოლის ფაქტები და, საზოგადოდ, XI—XII სს. თბილისის ისტორიის ყველა ის საკითხები, რომელთა შესწავლისა და შეფასების შესაძლებლობას არსებული წყაროები იძლევა, ფართოდ არის მის მიერ გამოყენებული ალ-ფარიკის ცნობები „ხალხის“ მმართველობის შესახებ თბილისში და დაზუსტებულია ამ მმართველობის ქრონოლოგიური საზღვრები — 1082—1122 წლები.

შ. მესხიას ეკუთვნის გამოკვლევა XII ს. საქართველოს ქალაქების სოციალურ ურთიერთობათა საკითხებზე⁴⁰.

X—XII სს. საქართველოს ქალაქებს ჯეროვანი ადგილი ეთმობა რუსულ ენაზე გამოქვეყნებულ მის მონოგრაფიულ გამოკვლევაში, თუმცა ამ გამოკვლევაში ყურადღება ძირითადად XVI—XVIII სს. საქართველოს ქალაქებზეა გამახვილებული⁴¹.

საქალაქო ინსტიტუტების შესწავლისას შ. მესხიას გათვალისწინებული აქვს აგრეთვე „ვეფხისტყაოსნის“ ზოგიერთი მონაცემის მნიშვნელობა.

პროფ. მ. ლორთქიფანიძის ნაშრომებში შესწავლილია X—XII სს. საქართველოს ქალაქებისა და სამოხელეო ორგანიზაციის საკითხები. თბილისის ისტორიის სხვადასხვა ფაქტებისა და მოვლენების შეფასებისას მას სათანადოდ აქვს გათვალისწინებული თბილისის პოლიტიკური ორგანიზაციის თავისებურებანი და არაბული სახელწოდების მატარებელი იმ მოხელეების ნიშნელობა, რომელნიც თბილისის მმართველობის სარბიელზე ნოღვაწეობდნენ⁴².

პროფ. ვ. ჩანტლაძეს მიმოხილული აქვს რუსთაველის ეპოქის საქართველოს ეკონომიკური მდგომარეობა და ეკონომიკური აზრი „ვეფხისტყაოსანში“⁴³.

³⁹ შ. მესხია, საქალაქო კომუნა შუა საუკუნეების თბილისში, თბ., 1962.

⁴⁰ შ. მესხია, საქართველოს ქალაქების სოციალური ურთიერთობის ისტორიიდან (IX—XIII სს.), მიმოხილველი, ტ II, თბ., 1951, გვ. 83—107. მისივე, Из истории грузинского феодального города, საქ. სსრ მეცნ. აკად. ისტორიის ინსტიტუტის შრ., ტ. II, თბ., 1956, გვ. 139—143.

⁴¹ Ш. А. М е с х и а, Города и городской строй феодальной Грузии, Тб., 1959.

⁴² მ. ლორთქიფანიძე, თბილისის სამიროს ისტორიიდან, მიმოხილველი, ტ. II, თბ., 1951, გვ. 185—201; მისივე, ქალაქის მოხელეთა საკითხისათვის ფეოდალურ საქართველოში (არაბული სახელწოდების მოხელენი), მასალები საქართველოს და კავკასიის ისტორიისათვის, ნაკვ. 30, თბ., 1954, გვ. 143—157.

⁴³ ვ. ჩანტლაძე, ქართული ეკონომიური აზრი „ვეფხისტყაოსანში“, „ისიკარი“, № 8, თბ., 1969, გვ. 120—132.

ამავე (ეკონომიკური) თვალსაზრისითაა იმდროინდელი ქალაქები შესწავლილი ნ. ქოიავას⁴⁴ და დ. მუსხელიშვილის⁴⁵ გამოკვლევებში.

პროფ. ვ. გაბაშვილმა ყურადღება დაუთმო X—XI სს. თბილისის მმართველობის თავისებურებას⁴⁶. XI—XII სს. დამახასიათებელ სოციალურ ურთიერთობას (რინდების მოღვაწეობის მაგალითზე) და საქართველოს სავაჭრო ურთიერთობებს უცხოეთის ქვეყნებთან⁴⁷.

XI ს. დამღვეის და XII ს. დამღვეის თბილისის მოსახლეობის ორიენტაციის საკითხი შესწავლილია ვ. კობალიანის მიერ⁴⁸.

XI—XII სს. თბილისის შესახებ სპარსული და არაბული წყაროები გამოყენებული აქვს რ. კიკნაძეს⁴⁹.

⁴⁴ ნ. ქოიავა, ძვირფასი ქვები შოთა რუსთაველის ეპოქაში, „ენიმკის მოამბე“, ტ. III, ტფ. 1938, გვ. 55—89, მისივე, ფულის ტრიალი რუსთაველის ეპოქის საქართველოში, იქვე გვ. 89—111.

⁴⁵ დ. მუსხელიშვილი, ფეოდალური ხანის საქართველოს და ამიერკავკასიის მნიშვნელობა საერთაშორისო ვაჭრობაში, „ცისკარი“, № 11, თბ., 1970, გვ. 127—138; О. Д. Лордкипანიძე Д. Л. Мухелишвили, Закавказье в международной торговле Востока и Запада (с древнейших времен до XIII в. н. э.), Международный конгресс экономической истории, М., 1970, с. 110.

⁴⁶ ვ. გაბაშვილი, თბილისის მმართველობა X—XI საუკუნეებში, თსუ, შრ., ტ. 108, თბ., 1964, გვ. 331—358.

⁴⁷ ვ. გაბაშვილი, ქალაქ თბილისის სოციალური ისტორიიდან (ეკონომიკური ისტორიის ერთი ცნობის განმარტება), ნარკვევები აღმოსავლეთის ქალაქების ისტორიიდან, თბ., 1966, გვ. 122—163; მისივე, თბილისის სოციალური ისტორიიდან (მოქალაქეთა ამბობება 1122—1123 წწ. იბილისში), კრ., ძიებანი საქართველოსა და კავკასიის ისტორიიდან, თბ., 1976, გვ. 166—177; მისივე, საქართველოს ქალაქების ისტორიის მასალები გენიზას დოკუმენტებში, კრ. აღმოსავლური ფილოლოგია, VI, თბ., 1976, გვ. 295; მისივე, საქართველოს სავაჭრო ურთიერთობანი XII ს., თსუ, შრ., ტ. 121, თბ., 1976, გვ. 201—224; მისივე, საქართველო-ეგვიპტის ურთიერთობის ისტორიიდან (XI—XII სს.), კრ. XII საუკუნის საქართველოს ისტორიის საკითხები, თსუ, შრ., ტ. 255, თბ., 1968, გვ. 55—81.

⁴⁸ ვ. კობალიანი, თბილისელთა ორიენტაციის საკითხისათვის 1082—1122 წლებში, საიუბილეო კრებული „თბილისი—1500 წლისა“, თბ., 1957, გვ. 49—93.

⁴⁹ რ. კიკნაძე, XI—XII სს. თბილისის ისტორიიდან (აღმოსავლური წყაროების მიხედვით), გვ. 109—137; მისივე, არაბული და სპარსული ისტორიული წყაროები XI—XII სს. თბილისის შესახებ, „ცისკარი“, № 10, თბ., 1958, გვ. 163—168; იხ. აგრეთვე, ე. სიხარულიძე, იბნ ჰალკალი თბილისის შესახებ, კრ., საქართველოს ისტორიის აღმოსავლური მასალები, წიგნი I, თბ., 1976, გვ. 31—39; მისივე, ას-საშანის ცნობები საქართველოს შესახებ, იქვე, გვ. 45—53; იხ. აგრეთვე, გ. ბერაძე, მასალები XII საუკუნის საქართველოს ისტორიისათვის იბნ ისქანდიშარის თხზულებაში, იქვე, გვ. 54—94; იხ. აგრეთვე ჩვენი, თბილისი 1082—1122 წლებში, კრ., ქართული წყაროთმცოდნეობა, IV, თბ., 1973, გვ. 8—22; XII საუკუნის თბილისის ისტორიისათვის, კრ. ძიებანი საქართველოსა და კავკასიის ისტორიიდან, თბ., 1976, გვ. 178—186.

სიბტ იბნ ალ-ჯაუზის ცნობა თბილისის მმართველობის შესახებ საინტერესოდ არის გაანალიზებული და კომენტარებული ო. ცქიტიშვილის წერილში⁵⁰.

დ. მუსხელიშვილს დაყენებული აქვს „ამირას“ და „ამირთამირას“ ურთიერთმიმართების საკითხი და გამოთქმული აქვს საყურადღებო მოსაზრებანი⁵¹.

უღრესად საინტერესოდ არის მიმოხილული ლ. ჭილაშვილის მიერ X—XII სს. საქართველოს ქალაქები⁵². წერილობით წყაროებთან ერთად ავტორს გამოყენებული აქვს არქეოლოგიური მასალები. რაც მის მსჯელობას, მოსაზრებას და შეხედულებას X—XII სს. საქართველოს ქალაქების თავისებურებათა შესახებ (პოლიტიკური, სოციალური, ეკონომიკური, კულტურული თვალსაზრისით) კიდევ უფრო დამაჯერებელს ხდის.

X—XII სს. თბილისის ისტორიას სათანადო ადგილი ეთმობა ავტორთა კოლექტივის ნაშრომში „თბილისის ისტორია“⁵³, აგრეთვე საქართველოს ისტორიის სხვადასხვა დროს გამოცემულ სახელმძღვანელოებში⁵⁴.

უღრესად საყურადღებოა ქართველი ნუმიზმატებისა⁵⁵ და არქეოლოგების გამოკვლევები⁵⁶, რამაც მნიშვნელოვნად გაგვიადვილა

⁵⁰ ო. ცქიტიშვილი, სიბტ იბნ ალ-ჯაუზის ცნობა დავით აღმაშენებლის შესახებ, გვ. 207—208.

⁵¹ დ. მუსხელიშვილი, თბილისის ამირთამირობის ინსტიტუტისათვის კრ. საქართველო რუსთაველის ხანაში, თბ., 1966 გვ. 199—221.

⁵² ლ. ჭილაშვილი, ქალაქები ფეოდალურ საქართველოში, ტ. II, თბ., 1970; მისივე, ქალაქი რუსთავი, თბ., 1958.

⁵³ დ. გვრიტიშვილი, შ. მესხია, თბილისის ისტორია, თბ., 1952; შ. მესხია, დ. გვრიტიშვილი, მ დ უ მ ბ ა ძ ე, ა. ს უ რ გ უ ლ ა ძ ე, თბილისის ისტორია, თბ., 1958.

⁵⁴ საქართველოს ისტორია, ს. ჯანაშიას რედაქციით, თბ., 1946, გვ. 167—170, 183, 187; საქარველოს ისტორია (დამხმარე სახელმძღვანელო) თბ., 1958, გვ. 144—148, 161, 175—176.

⁵⁵ დ. კაპანაძე, ქართული ნუმიზმატიკა, თბ., 1969; თ. ლომოური, ფული შოთა რუსთაველის ეპოქაში, კრ., შოთა რუსთაველის ეპოქის მატერიალური კულტურა, თბ., 1938, გვ. 283—319; ნ. ქოიავა, ფულის ტრიალი რუსთაველის ეპოქის საქართველოში, ნიშნის მოამბე, ტ. III, თბ., 1938; E. A. Пахомов, Монеты Грузии, Тб, 1970; D. M. Lang, Studies in the Numismatic History of Georgia in Transcaucasia, New York, 1955; И. Л. Джалаганиа, Иноземная монета в денежном обращении Грузии V—XIII вв. Тб., 1970..

⁵⁶ დ. მუსხელიშვილი, დანისი (ქალაქის ისტორია და ნაქალაქარის აღწერა), კრ., შოთა რუსთაველის ეპოქის მატერიალური კულტურა, თბ., 1938, გვ. 319—451; გ. ლომთათიძე, არქეოლოგიური გათხრა თბილისში 1948 წლის

XI—XII სს. საქართველოს ქალაქების ისტორიის საკითხების შესწავლა და დამუშავება ნუმისმატიკური და არქეოლოგიური მასალების საფუძველზე.

მთავარი ყურადღება კი, როგორც უკვე აღვნიშნეთ, ექცევა წერილობით წყაროებს, კერძოდ, XI—XII სს. საქართველოს ქალაქების ისტორიის აღმოსავლურ მასალებს და ურბანისტიკული ხასიათის ორიენტალისტიკურ გამოკვლევებს.

ზამთარში, მასალები საქართველოს და კავკასიის არქეოლოგიისათვის, I, თბ., 1955, გვ. 119—167; მისივე, არქეოლოგიური გათხრა 1949 წელს, თბ., 1948; მისივე, რუსთავში წარმოებულ არქეოლოგიური თხრის უმნიშვნელოვანესი შედეგები, მსკა I, გვ. 171—202; მისივე, თბილისის არქეოლოგიური შესწავლილობა, ისტორიის ინსტიტუტის 1948 წლის არქეოლოგიური გათხრის ანგარიში, მსკა 1, 1955, გვ. 89—99; ი. გ რ ძ ე-
ლი შ ე ი ლ ი, ო. ტ ყ ე შ ე ლ ა შ ე ი ლ ი, ადრეფეოდალური ხანის მატერიალური კულტურის ახალი ძეგლები თბილისიდან, ისტორიის ინსტიტუტის შრ., ტ. 5, ნაკვ. 1, 1960, 1975—182; მათივე თბილისის მატერიალური კულტურის ძეგლები, თბ., 1961; მ. მ ი წ ი შ ე ი ლ ი, ჰოქიქული კერამიკის საწარმო შუა საუკუნეების თბილისში (IX—XIII სს.), თბ., 1979...

II. საქართველოს ქალაქები XI—XII საუკუნეებში

XI—XII საუკუნეების საქართველოში არსებობენ ყოველმხრივ ჩამოყალიბებული ფეოდალური ქალაქები. მათი აღმავლობა-განვითარება გაპირობებული იყო მაღალი ფეოდალური ეკონომიკით, ინტენსიური ხელოსნობა-ვაჭრობით, საქართველოს სავაჭრო-ეკონომიკური ურთიერთობით მეზობელ და შორეულ ქვეყნებთან.

როგორც ცნობილია, ფეოდალური ქალაქის ჩამოყალიბების პროცესი საქართველოში დამთავრდა IX—X საუკუნეებში, მაგრამ მათი ფეოდალიზება მიმდინარეობს VI—VIII საუკუნეებში, „ჭერ კიდევ ადრეფეოდალურ ხანაში საქართველოში არა ერთი მდიდარი ქალაქი მოაპოვებოდა“¹.

ქალაქების არსებობას ამ დროს არ შეიძლებოდა გავლენა არ მოეხდინა ფეოდალურ ურთიერთობათა განმტკიცებასა და გაძლიერებაზე, ისევე როგორც ეს მოხდა ადრეფეოდალური ხანის მახლობელსა და შუა აღმოსავლეთში². საქართველოშიც VI—VIII სს. შემორჩენილი ანტიკური ქალაქები გზას უთმობენ ფეოდალურ ქალაქებს და, როგორც ჩანს, ფეოდალური ქალაქის ჩამოყალიბება საქართველოშიც საკმაოდ ხანგრძლივი პროცესის შედეგი იყო.

ფეოდალური ქალაქი საქართველოში საბოლოოდ ყალიბდება IX—X საუკუნეებში. საამისოდ ამ დროისათვის ყველა საჭირო სოციალური და ეკონომიკური პირობა არსებობდა.

ქვეყნის სოციალური, პოლიტიკური, ეკონომიკური და კულტურული განვითარების პროცესი დაახლოებით ბატონობის დასუსტებამ და დამხობამაც³.

¹ ნ. ბერძენიშვილი, ვ. დონდუა, მ. დუმბაძე, გ. მელიქიშვილი, შ. მესხია, პ. რატიანი, საქართველოს ისტორია (დამხმარე სახელმძღვანელო), ტ. 1, 1958, გვ. 175.

² ვ. გაბაშვილი, ადრეფეოდალური ხანის ახლოაღმოსავლური ქალაქი, კვრ. მახლობელი აღმოსავლეთის ისტორიის საკითხები, ტ II, თბ. 1972, გვ. 17.

³ ნ. ბერძენიშვილი, ძველი თბილისის ტოპონიმებიდან (ავარანი), კვრ. საქართველოს ისტორიის საკითხები, II, თბ., 1964, გვ. 305.

კავკასიის და წინა აზიის კულტურულ ხალხებს შედარებით მშვიდობიან ხანა დაუდგათ, შეწყდა დიდი გამანადგურებელი ომები, ამოცქევა გამომფიტველი არაბული ხარკი, რამაც, თავის მხრივ, მყარი საფუძველი შეუქმნა ეკონომიკის განვითარებას⁴. ხარკი, წინათ სახალიფოს ცენტრში რომ იგზავნებოდა, ახლა ადგილობრივ დატრიად და ადგილობრივი სამეურნეო საჭიროებებისათვის გამოიყენებოდა.

მართალია არაბთა დასუსტებამ ბიზანტიას კვლავ გაახსენა ძველი და ტრადიციული კავკასიური პოლიტიკა, მაგრამ მისმა მოძალებამ და აგრესიულმა ზრახვებმა მხოლოდ XI ს-ის პირველ ნახევარში იჩინეს თავი (გიორგი I და ბაგრატ IV მეფობაში).

IX—X საუკუნეები „დიდი სამეურნეო, საზოგადოებრივ-პოლიტიკური და კულტურული აღმავლობის ხანაა თითქმის მთელ საქართველოში“. განვითარდა სოფლის მეურნეობა (მემინდვრეობა, მევენახეობა, მებაღეობა...) საამშენებლო საქმე (გზები, ხიდები, არხები...) ხელოსნობა, ვაჭრობა. „შესაბამისად იზრდება ფულის ტრიალი და საქალაქო ცხოვრებაც, ჩნდება ახალი და ძლიერდება ძველი ქალაქები. დიდი სამრეწველო-სავაჭრო ცენტრები იყვენენ: ტფილისი, დმანისი, სამშვილდე, რუსთავი, არტანუჯი, ქუთათისი, ცხუმი (ახლა სოხუმი) და სხვ. აღნიშნული მოვლენები ჰქმნის ფეოდალურ დაქსაქსულობის მოსპობის და უფრო ფართო პოლიტიკური ფორმის დამყარების ობიექტურ აუცილებლობას“⁶...

ძველი ქალაქების გაძლიერება და ახალი ქალაქების წარმოშობა ქვეყნის ეკონომიკური განვითარების ერთი ყველაზე მკაფიო ნიშანთაგანი იყო. შემთხვევით არ უწოდებენ IX—XI საუკუნეებს „ახალქალაქობის პერიოდს“⁷.

აღნიშნულმა ძვრებმა ეკონომიკურ ცხოვრებაში, სხვა ფაქტორებთან ერთად, ნიადაგი მოუშადა საქართველოს პოლიტიკურ გაერთიანებას, რაც ძირითადად X საუკუნეში დამთავრდა.

ქვეყნის პოლიტიკური გაერთიანება განაპირობა იმანაც, რომ აუცილებელი გახდა ეკონომიკური კავშირის დამყარება ცალკეულ კუთხეებს შორის.

ივ. ჯავახიშვილის მოსწრებელი შენიშვნით „ბარელს მთა სჭირ-

⁴ ნ. ბერძენიშვილი, დასახ. ნაშრ., გვ. 305.

⁵ სიმონ ჯანაშია, საქართველოს ისტორია უძველესი დროიდან მე-13 საუკუნემდე (კონსპექტის პროექტი), შრ., ტ. II, თბ., 1952, გვ. 423.

⁶ იქვე.

⁷ ლ. კილაშვილი, ქალაქები ფეოდალურ საქართველოში, ტ. II, თბ., 1970, გვ. 82—87.

დებოდა და მთიელს კიდევ ბარი⁸. ამას გარდა „მიმოსვლისა და აღმ-
ზიციემობის გზები იყო აგრეთვე ის თვალსაჩინო ძალა, რომელიც ერ-
თის მხრივ საქართველოს მრავალ კუთხეს ერთიერთმანეთს უზ-
ლოვებდა და აერთებდა, მეორე მხრივ უცხოეთის გავლენა, პოლიტი-
კური თუ სულიერი შემოპქონდა, რომლითაც სამაგიეროდ საქარ-
თველოს გავლენაც ვრცელდებოდა მეზობელს და შორეულს ერებაა და
სამეფოებზე“⁹.

მრავალრიცხოვანი გზები ერთმანეთს უკავშირებდა სოფლებს,
ქალაქებს, ბაზრებს, ივ. ჭავჭავაძის ამის გამო შენიშნავდა: „თუმ-
ცა ეს აღამიანს ეუცხოვება, მაგრამ უტყუარი ქეშმარიტებაა, რომ ძვე-
ლად საქართველოში უფრო მეტი და მრავალმხრივი გზები ყოფილა,
ვიღრე ამ უკანასკნელ დრომდე იყო და მოიპოვება“¹⁰.

ყოველივე ამას არ შეიძლებოდა გავლენა არ მოეხდინა საქარ-
თველოს ქალაქებზე, მათს განვითარებასა და გამრავლებაზე და, რაც
მთავარია, არ დაეჩქარებინა საქართველოს პოლიტიკური გაერთიანე-
ბის პროცესი¹¹.

საქართველოს ცალკეული კუთხეების ურთიერთ სამეურნეო-ეკო-
ნომიკური კავშირები აპრობებდა როგორც შინაგანი, ისე, განსაკუთ-
რებით, საგარეო ვაჭრობის განვითარებას.

აღნიშნული სამეურნეო-ეკონომიკური ერთიანობის პროცესი
XI—XII საუკუნეების საქართველოს თითქმის უკლებლივ ყველა
კუთხისთვის რყო დამაზასიათებელი. „საქართველოში იმ ხანად
შეიმჩნეოდა მასობრივი მოქმარების საგნებით ვაჭრობის გაღიდება
და მწარმოებლური მოხმარების საგნებით ვაჭრობის გაფართოება. მა-

⁸ ივ. ჭავჭავაძის, საქართველოს ეკონომიური ისტორია, ტ. I, ტფ., 1930, გვ. 317.

⁹ ივ. ჭავჭავაძის, ქართველი ერის ისტორია, ტ. II, თბ., 1965, გვ. 68.
საქართველოს ცალკეული კუთხეების სამეურნეო და ეკონომიკური ერთობის შესახებ.
იხ. აგრეთვე მისი „საქართველოს საზღვრები ისტორიული და თანამედროვე თვალ-
საზრისით“, ტფ., 1919, გვ. 49, ივ. ჭავჭავაძის კონცეფციის შესახებ საქართველოს
შინაგანი სამეურნეო-ეკონომიკურ ურთიერთობასთან დაკავშირებით, იხ. მ. გეგეშევი-
ძე, აკად. ივ. ჭავჭავაძის საქართველოს შინაგანი სამეურნეო-ეკულურ-
ული კავშირ-ურთიერთობის შესახებ, მაცნე, ისტორიის, არქეოლოგიის, ეთნოგრაფიის
და ხელოვნების ისტორიის სერია, თბ., 1973, № 2, გვ. 32—35.

¹⁰ ივ. ჭავჭავაძის, ქართველი ერის ისტორია, II, გვ. 68—69.

¹¹ გ. მელიქიშვილი, ფეოდალური საქართველოს პოლიტიკური გა-
ერთიანება და საქართველოში ფეოდალურ ურთიერთობათა განვითარების ზოგიერთი
საკითხი, თბ., 1973.

გალითად, იყიდებოდა სამშენებლო მასალა (ქვა, ქვიშა, კირი, ხე-ტყე) ლითონი, სახნისი, ნედლეული-მატყლი, ტყავი და სხვ.¹²

ყველაფერი ეს ზრდიდა ქალაქების როლს, მრავლდებოდა ქალაქები, გზებთან დაკავშირებული დასახლებული პუნქტები, ქარვასლა-ფუნდუკები, საგზაო ტრანსპორტი და სხვ.

საქართველოს გაერთიანების ერთ-ერთ წინამძღვრად შ. მესხიას სხვადასხვა მიზეზთან ერთად ქალაქებისა და საქალაქო ცხოვრების დაწინაურება მიაჩნდა¹³. ქალაქები და ქალაქებში წარმოდგენილი საზოგადოებრივი ფენები საქართველოს გაერთიანების პროცესში სამეფო ხელისუფლების ერთ-ერთ დასაყრდენ ძალას წარმოადგენდა¹⁴.

საქართველოს პოლიტიკურმა გაერთიანებამ, თავის მხრივ, განაპირობა და განსაზღვრა საქართველოს ქალაქებისა და საქალაქო ცხოვრების შემდგომი აღმავლობა.

ფეოდალური ქალაქების წარმოშობა და განვითარება საქართველოშიც მკიდრო კავშირში იყო ფეოდალურ ურთიერთობათა განვითარებასთან, ქვეყნის ფეოდალიზაციის პროცესთან. X ს-ის დამლევისათვის საქართველოში დამთავრდა ადრეფეოდალური პერიოდი და დაიწყო განვითარებული ფეოდალიზმის ხანა. „საქართველოში, ისევე როგორც ევროპის ქვეყნებშიც, ფეოდალიზმის ეპოქაში ახალქალაქების წარმოშობა და საქალაქო ცხოვრების გაცხოველება სწორედ ქვეყნის საბოლოო ფეოდალიზაციის ხანას ემთხვევა“¹⁵.

განვითარებული, ანუ შუაფეოდალური ხანა ფეოდალურ ურთიერთობათა განვითარებაში ახალ საფეხურს ნიშნავდა. ქალაქების გამრავლება, მათი მნიშვნელობის ზრდა და საქალაქო ცხოვრების აღმავლობა ამის შესაბამისად მიმდინარეობდა.

შუაფეოდალური ხანის პირველ საუკუნეებში (XI—XII სს.) საქართველოს ტერიტორია ახალი ქალაქებით მოიფინა, ხოლო მანამდე არსებული ქალაქების მნიშვნელობა კიდევ უფრო მეტად გაიზარდა.

ამ მხრივ (ე. ი. ქალაქების სიმრავლით¹⁶) XI—XII საუკუნეებს საქართველოს ისტორიის ვერც ერთი პერიოდი ვერ გაუტოლდება.

¹² ვ. ჩ ა ნ ტ ლ ა ძ ე, „ისტორიანი და აზმანი შარავანდედთანის“ ერთი ადგილის გაგებისათვის, ტისკარი, 1968, № 5, გვ. 127.

¹³ Ш. А. Месхиа. Города и городской строй феодальной Грузии, с. 39.

¹⁴ ი ქ ვ ე, გვ. 39.

¹⁵ მ. ლ ო რ თ ქ ი ფ ა ნ ი ძ ე, ფეოდალური საქართველოს პოლიტიკური გაერთიანება, თბ., 1963, გვ. 36.

¹⁶ ერთგვარად განსხვავებულ მოსაზრებას გამოთქვამს პროფ. შ. მესხია, რომლის აზრით, XI—XII სს. საქართველოში არ შეინიშნება ქალაქების რაოდენობის მნიშვნელოვანი ზრდა, მეორეს მხრივ, იზრდება და ძლიერდება მნიშვნელობა უკვე არსებული ქალაქებისა. Ш. А. Месхиа, დასახ. ნაშრ., გვ. 46.

ამის გამო აკად. ნ. ბერძენიშვილი აღნიშნავდა: „არც ერთ დროს ფეოდალურს (თუ წინაფეოდალურს) საქართველოში გარკვეული ხანის მონაკვეთზე იმდენი ქალაქი არ წარმოშობილა, რამდენიც წარმოიშვა IX—XII საუკუნეთა მანძილზე. მეორეს მხრივ, არც ერთ დროს შეცხრამეტე საუკუნემდელ საქართველოში იმდენი მოქმედი, ე. ი. ცოცხალი ქალაქი არ ყოფილა, როგორც ეს იყო XII საუკუნის დასასრულაათვის“¹⁷.

მაგრამ IX საუკუნიდან დაწყებული XII საუკუნის დასასრულამდე ქალაქების წარმოშობა თუ განვითარება განუხრელად არ მიმდინარეობდა. იყო შემაფერხებელი პერიოდებიც. მხედველობაში გვაქვს თურქ-სელჩუკთა შემოსევები XI ს-ის 60-იან წლებში და, განსაკუთრებით, ამავე საუკუნის 80-იანი წლების „დიდთურქობის“ შედეგები.

თუ XI ს-ის 60-იანი წლების დასაწყისამდე ქართლის მატთანეს ავტორის სიტყვით ქართლში პურისა და ღვინის არაჩვეულებრივი სიუხვე იყო („იყო ქართლსა შინა პური და ღვინო ფრიადი“)¹⁸ თურქთა შემოსევებისა და ბატონობის შედეგად მოსახლეობის რაოდენობა მკვეთრად შემცირდა, გადაარჩენილები მიუვალ მთებს შეეხიზნენ, ხოლო ქართლის ინტენსიური მეურნეობის ვრცელი ადგილები ნადირის სადგომად და ბუნაგებად იქცა, საცვებით მოიშალა მეურნეობა და ეკონომიკური ცხოვრება. ამას თავისი დალი არ შეიძლებოდა არ დაესვა ქალაქზეც. მით უმეტეს რომ თურქთა მძლავრობა და თარეში მტკვრის, ალაზნისა და ივრის ხეობებში 30—40 წლის განმავლობაში გაგრძელდა.

ამას გარდა, თურქებმა მტკიცედ მოიკიდეს ფეხი ქვემო ქართლის ქალაქებში.

დავით აღმაშენებლის ისტორიკოსი აღნიშნავს: „ქალაქი ტფილისი, რუსთავი და სომხითი და ყოველი სამშვილდე და აგარანი თურქთა ჰქონდეს“¹⁹. თურქებს ეპყრათ ისეთი ქალაქები, რომლებიც ინტენსიურად იყვნენ დაკავშირებული წინა აზიის სავაჭრო გზებთან და ქალაქებთან. ამიტომ თურქთა ბატონობას დასახელებულ ქალაქებში, ცხადია, არ შეიძლებოდა უარყოფითი გავლენა არ მოეხდინა საქართველოს ეკონომიკურ მდგომარეობაზე, არ შეეფერხებინა და არ დაებრკოლებინა მისი შემდგომი განვითარება.

¹⁷ ნ. ბერძენიშვილი, გზები რუსთაველის ეპოქის საქართველოში, თბ., 1966, გვ. 13.

¹⁸ მატთანე ქართლისა, ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. I, თბ., 1955, გვ. 309.

¹⁹ ცხოვრება მეფეთ-მეფისა დავითისი, ქართლის ცხოვრება, ტ. I, გვ. 331.

თუ დავით აღმაშენებლის პოლიტიკურ და სამხედრო ღონისძიებებში მთავარი იყო თურქთა დამარცხება და საქართველოს ტერიტორიიდან განდევნა, მის ერთ უმნიშვნელოვანეს პოლიტიკურ და, აგრეთვე, ეკონომიკურ ღონისძიებას შეადგენდა საქართველოს ქალაქების განთავისუფლება და, ამის შემდეგ, მათი ეკონომიკური მნიშვნელობის შენარჩუნება მახლობელი აღმოსავლეთის საერთაშორისო ვაჭრობაში.

დავით აღმაშენებლის პოლიტიკური და ეკონომიკური ხასიათის ღონისძიებები ერთ საერთო მიზანთან იყო მჭიდროდ და ორგანულად დაკავშირებული — საქართველოს პოლიტიკური გაერთიანების პროცესის დამთავრებასთან და ქვეყნის შეუფერხებელი ეკონომიკური განვითარების უზრუნველყოფასთან. ამ პოლიტიკური და ეკონომიკური მიზნის განხორციელებაზე დიდად იყო დამოკიდებული საქართველოს ქალაქების განთავისუფლება, მათი შემოერთება და შემოპტკიცება.

დავით აღმაშენებლის პოლიტიკურ და სამხედრო წარმატებებს დაუყოვნებლივ მოჰყვა ქალაქების თურქთა ბატონობისაგან განთავისუფლება.

1110 წ. განთავისუფლდა სამშვილდე, 1115 წ. რუსთავი, 1112 წ. თბილისი, 1123 წ. დმანისი.

როგორც პოლიტიკური, ისე ეკონომიკური თვალსაზრისით განსაკუთრებით დიდი მნიშვნელობა ჰქონდა თბილისის განთავისუფლებას და გაერთიანებულ საქართველოს დედაქალაქად გადაქცევას. ეს საგანგებოდ აქვს აღნიშნული დავით აღმაშენებლის თანამედროვე ისტორიკოსს²⁰.

თბილისის განთავისუფლებისა და შემოერთების პოლიტიკური და ეკონომიკური მნიშვნელობა კარგად ესმოდათ ჯერ კიდევ თანამედროვეებს. ცნობილია, თუ როგორ ცდილობდნენ თბილისში მუსლიმთა მფლობელობის შენარჩუნებას თბილელ-დმანელ-განძელი ვაჭრები²¹.

თბილისისა და საქართველოს სხვა ქალაქების თურქ-სელჩუკთა ბატონობისაგან განთავისუფლების მნიშვნელობა აღნიშნული და შეფასებული აქვს პროფ. შ. ნესხიას²².

²⁰ დავით აღმაშენებლის ისტორიკოსი შემდეგი სიტყვებით გადმოგვცემს თბილისის განთავისუფლებას: „ხოლო მეორესა წელსა აიღო მეფემან ქალაქი ტფილისი, პირველსავე ომსა, ოთხას წელს ქონებულ სპარსთა, და დაუშკვდრა შვილთა თესთა საქურჭლედ და სახლად თესად საუკუნოდ. ქორონიკონი იყო სამას ორმოცდაორი“ „ცხოვრება მეფე თამარისა დავითისი, გვ. 342.

²¹ იქვე, გვ. 340.

²² III. A. М е с х и а, დასახ. ნაშრ., გვ. 39. მისივე, ძლევაჲ საკვირველი, თბ., 1972, გვ. 122—138.

ამრიგად. XII ს-ის პირველ მეოთხედში საქართველოს დაუკავშირდა ისეთი ქალაქები, რომელნიც თითქმის 400 წლის განმავლობაში მუსლიმანთა მფლობელობაში იმყოფებოდნენ (თბილისი, რუსთავი, სამშვილდე, დმანისი...), მათ, ძველ და IX—X საუკუნეების მანძილზე წარმოშობილ ქალაქებთან ერთად, მნიშვნელოვანი როლი შეასრულეს საქართველოს საერთო ეკონომიკურ აღმავლობასა და განვითარებაში. თითქმის საუკუნოვანი ეკონომიკური განვითარების შედეგი იყო ის, რომ „არც ერთ დროს მეცხრამეტე საუკუნემდელ საქართველოში იმდენი მომქმედი, ე. ი. ცოცხალი ქალაქი არ ყოფილა, როგორც ეს იყო XII საუკუნის დასასრულისათვის“ (ნ. ბერძენიშვილი).

თბილისი იმთავითვე ასრულებდა მნიშვნელოვან როლს მახლობელი აღმოსავლეთის საერთაშორისო ვაჭრობაში. ამიტომაც რომ მის შესახებ საინტერესო და საყურადღებო ცნობებს ეპოულობთ დასავლურ (ბერძნულ-ბიზანტიურ) და აღმოსავლურ (არაბულ, სპარსულ, თურქულ, სომხურ...) წყაროებში. XII ს-ის და XIII ს. დამდეგის საქართველოს ქალაქებიდან ყველაზე ხელშესახები (და შედარებით უხვი) ცნობები სწორედ თბილისის დასახასიათებლად მოგვებოვება. მაგრამ პირდაპირი თუ არაპირდაპირი ცნობების ანალიზის შედეგად შეიძლება აღვადგინოთ XII ს-ის საქართველოს ქალაქების საერთო სურათი.

ქართველი ისტორიკოსებისა და არქეოლოგების გამოკვლევების წყალობით ჩვენ შესაძლებლობა გვეძლევა თვალი გავადევნოთ ძველი და ახალქალაქების განვითარებას IX—X საუკუნეების მანძილზე.

ქართველ ისტორიკოსებსა და არქეოლოგებს აღნიშნული აქვთ ისიც, თუ რომელი ძველი ქალაქი, რასთან დაკავშირებით ჰკარგავს თავის ოდინდელ მნიშვნელობას (მაგ., წუნდა, უჯარმა და სხვ.), რომლის მნიშვნელობა რჩება უცვლელი, ანდა რატომ იწყებენ არსებობას და სწრაფად წინაურდებიან ახალქალაქები²³.

წერილობითი წყაროების ცნობათა სიმცირის გამო ამ მხრივ და ამ თვალსაზრისით გადამწყვეტი მნიშვნელობა ენიჭება არქეოლოგიურ მონაპოვარს.

აკად. ნ. ბერძენიშვილი აღნიშნავდა: „ჩვენ დღეს გვაქვს საშუალება ყველა ეს ფეოდალური (თუ წინაფეოდალური) ხანის ქალაქი მათი ასაკისდა მიხედვით დავალაგოთ...“²⁴.

²³ ამ მხრივ ყველაზე ვრცელი ექსკურსები შესრულებულია ლ. ქილაშვილის მიერ. იხ. ლ. ქილაშვილი, ქალაქები ფეოდალურ საქართველოში, თბ., 1970, ტ. II; Г. П. Апраксин, Происхождение феодального города в Грузии (Эпоха „Новгородов“ IX—X вв.), Авторсф. канд. дисс., Тб., 1974.

²⁴ ნ. ბერძენიშვილი, დასახ. ნაშრ., გვ. 13.

საქართველოში ფეოდალური ქალაქების არსებობის ერთი მნიშვნელოვანი მონაკვეთია XI—XII საუკუნეები.

ამ ხნის მანძილზე ზოგი ძველი ქალაქი გაქრა, ზოგი დაკნინდა, ზოგმა თავისი მნიშვნელობა ახალ სოციალურ-ეკონომიკურ პირობებშიც შეინარჩუნა, ზოგიც ამ ახალი სოციალურ-ეკონომიკური პირობების უშუალო ნაყოფი იყო და ახალქალაქობის დამახასიათებელ ვითარებას გამოხატავდა.

პროფ. შ. მესხიას აღნიშნული აქვს, რომ VIII—X საუკუნეებში წარმოიქმნა ახალი ქალაქები: დმანისი, არტანუჯი, ახალქალაქი, ოლთისი, თმოგვი, ახალციხე და თელავი²⁵. ამას მკვლევარი დასძენს, რომ რა თქმა უნდა ეს სია სრული არ არის²⁶.

თავისთავად არ შეიძლება საინტერესო არ იყოს ერთ-ერთი ახლად დაარსებული ქალაქის სახელწოდება „ახალქალაქი“ (და აგრეთვე „ახალციხე“). ახალქალაქი გარკვეულ ანალოგიას პოულობს რუსულ „ნოვგოროდთან“ და ევროპულ „ნეაპოლთან“. ეს გარემოება საშუალებას გვაძლევს აღვნიშნოთ, რომ რუსულ-ევროპული და ქართული „ახალქალაქები“ ერთი და იგივე მოვლენის გამოხატველი არიან — უშუალოდ და ორგანულად უკავშირდებიან ახალი, ფეოდალური ქალაქის ჩამოყალიბებასა და განვითარებას.

§ 1. აღმოსავლეთ საქართველოს ქალაქები XI—XII საუკუნეებში

„ახალქალაქობის პერიოდი“ განსაკუთრებით დამახასიათებელია აღმოსავლეთ საქართველოსათვის, სადაც თითქმის ზედიზედ X—XII საუკუნეების განმავლობაში არსდება ახალი ქალაქები.

ახლად დაარსებულ ქალაქებს შორის უნდა დავასახელოთ: ატენი, გორი, ახალქალაქი, ახალციხე, ოლთისი...

აღმოსავლეთ საქართველოს ქალაქების აღმავლობა-განვითარებას და, ამავე დროს, ძველი ქალაქების მნიშვნელობის გაძლიერებას, ერთის მხრივ, ხელს უწყობდა საქართველოს გაერთიანების პროცესიდან გამომდინარე ფაქტორები, ხოლო, მეორეს მხრივ, აღმ. საქართველოს ეკონომიკური ურთიერთობანი კავკასიისა და წინა აზიის ქალაქებთან.

როგორც ქვემოთ ვნახავთ, XI—XII საუკუნეების აღმოსავლეთ

²⁵ Ш. А. Месхиа, დასახ. ნაშრ., გვ 38.

²⁶ იქვე.

საქართველოს სავაჭრო-ეკონომიკური ურთიერთობანი გარესამყაროს-თან გაცილებით უფრო ინტენსიური იყო, ვიდრე იმავე საუკუნეებში დასავლეთ საქართველოს ქალაქებისა.

ამის მიზეზი ქვემოთ გვაქვს გამოკვლეული (იხ. § 2 „დასავლეთ საქართველოს ქალაქები XI—XII საუკუნეებში“).

დამახასიათებელია ისიც, რომ „ახალქალაქების პერიოდი“ დამახასიათებელი არა ჩანს დასავლეთ საქართველოს ქალაქებისათვის, მაშინ როდესაც აღმ. საქართველოში, როგორც ირკვევა, ახალქალაქობის პერიოდი მეტად ცხოველი და თვალსაჩინო იყო.

ლ. ჭილაშვილი აღმოსავლეთ საქართველოს მაგალითზე ახალქალაქის დაარსებას ათარიღებს XI საუკუნის დასაწყისით, ან X საუკუნის მიწურულთ²⁷.

XI საუკუნიდან ახალქალაქი ჯავახეთის ცენტრს წარმოადგენდა. შ. მესხიას ვარაუდით, „ახალქალაქი“ IX—X საუკუნეებში უნდა წარმოქნილიყო, თუმცა პირველად ის ბაგრატ მეოთხის დროს აჩვენება²⁸.

ჯავახეთის ინტენსიური დასახლება, როგორც ჩანს, X—XII საუკუნეებიდან არის მოსალოდნელი²⁹. ლ. ჭილაშვილმა ახალქალაქის წარმოშობა დაუკავშირა ამ მხარის დასახლებისა და აღორძინების პერიოდს³⁰. მისი სიტყვით ახალქალაქის წარმოშობაში და ქალაქად ქცევაში ხელსაყრელი გეოგრაფიული ფაქტორი უნდა იყოს განმსაზღვრელი. „ქალაქი გაშენებულია ჯავახეთის მტკვრისა და ახალქალაქის წყლის შეერთებაზე, მაღალ, კლდოვან მასივზე თავისი გეოგრაფიული მდებარეობით იგი ხერთვისია, ძლიერ წააგავს დმანისს და სამშვილდეს“³¹. მაგრამ მკვლევარი იქვე დასძენს: „ახალქალაქის უპირატესი გეოგრაფიული განლაგება მხოლოდ ციხე-ქალაქის მდებარეობას არ გულისხმობს, იგი მნიშვნელოვანი სავაჭრო გზების ორბიტაში იყო მოქცეული“³².

ლ. ჭილაშვილს აღნიშნული და დასახლებული აქვს ყველა ის დასახლებული პუნქტი, რომელიც ახალქალაქიდან გზად გაივლიდა (ზოსპია, ხორენია, კარნეთი, ყაურმა, სათხე, სალამო, განძანი, ფოკა,

²⁷ ლ. ჭილაშვილი, დასახ. ნაშრ., გვ. 99.

²⁸ III. A. Месхиа, დასახ. ნაშრ., გვ. 36.

²⁹ ლ. ჭილაშვილი, დასახ. ნაშრ., გვ. 88.

³⁰ იქვე.

³¹ იქვე.

³² იქვე. ნ. ბერძენიშვილის სიტყვებით, ჯავახეთი, თრიალეთის მსგავსად, ნამდვილ გზასაყარს წარმოადგენდა. გზები აქ შემოდირიდა თბილისიდან, შიდა ქართლიდან, ლიხთ-იმერეთიდან, სამცხედან, სომხეთიდან, ბიზანტიიდან, ნ. ბერძენიშვილი დასახ. ნაშრ., გვ. 100.

ფარაენა)³³. ახალქალაქი დაკავშირებული იყო, თბილისთან და არტანუჯთან, ხოლო არტანუჯის საშუალებით — ტრაპიზონის გზასთან.

ლ. კილაშვილს შესაძლებლად მიაჩნია, რომ ნაქალაქარის ტერიტორიაზე დღემდე შემორჩენილი თაღებიანი კედლები, ანალოგიების მიხედვით ქულბაქებს ეკუთვნოდეს³⁴. მასვე ნაფარაუდევი აქვს ფუნდუკის არსებობა³⁵. ახალქალაქში დადასტურებულია ე. წ. „ხელოსანთა უბანი“, ნამოსახლარი, ჯვრის ტიპის ეკლესიის ნაშთები და „ქარვასლა“³⁶.

ქართლის მატრიანეს მიხედვით, ახალქალაქს ზღუდე შემოავლეს მხოლოდ XI ს. შუა ხანებში (ბაგრატ მეოთხის დროს), მაგრამ ეს არ უნდა იყოს საქართველოში უზღუდო ქალაქის მაჩვენებელი³⁷. „ქალაქების არსებობა ზღუდის გარეშე, ამ დროს შეუძლებელია“³⁸. აღნიშნული ფაქტი გამოყენებულია იმის საჩვენებლად, თუ რამდენად ახალგაზრდა ქალაქი იყო იმ დროს ახალქალაქი.

მკვლევართა აზრით, „ახალქალაქობის“ ეამსვე დაწინაურდა ქალაქი არტანუჯი³⁹.

არტანუჯის შესახებ სუმბატ დავითის-ძესთან ვკითხულობთ: „და ამან აშოტ კურაპალატმან პოეა კლარჯეთის ტყეთა შინა კლდე ერთი, რომელი პირველ ვახტანგ გორგასალს ციხედ აღეშენა, სახელით არტანუჯი; და აოჯრებულ იყო ბაღდადელისა მის ყრუობითგან. იგი განაახლა აშოტ და აღაშენა ეგრეთვე ციხედ, და წინა — კერძო მისსა ქუეშეთ აღაშენა ქალაქი... და შექმნა მას შინა საფლავი თვისი, და დაემკვიდრა ციხესა მას შინა ცხოვრებად“⁴⁰.

არტანუჯის ციხე და მისი სავაჭრო-ეკონომიკური ურთიერთობანი კავკასიისა და წინა აზიის ქვეყნებთან დახასიათებული აქვს კონსტანტინე პორფიროგენეტს. მისი სიტყვით: „ადრანუჯის ციხე ძალიან მტკიცეა და აქვს დიდი „რაბატიც“ და დაბა-ქალაქიც; და იქ მოდის საქონელი ტრაპეზუნტისა, იბერიისა, აფხაზეთისა და არმენიის და სი-

³³ ლ. კილაშვილი, დასახ. ნაშრ., გვ. 90.

³⁴ ლ. კილაშვილი, დასახ. ნაშრ., გვ. 93.

³⁵ იქვე.

³⁶ ე. ჯანდიერი, ახალქალაქის ისტორიისათვის, ფეოდალური საქართველოს არქეოლოგიური ძეგლები, თბ., 1969, გვ. 60, 69.

³⁷ ლ. კილაშვილი, დასახ. ნაშრ., გვ. 96.

³⁸ იქვე.

³⁹ III. A. Месхиа, დასახ. ნაშრ., გვ. 35.

⁴⁰ სუმბატ დავითის-ძე, 1, გვ. 377, შდრ. ვ. გაბაშვილი, საქართველოს ქალაქების ისტორიიდან (არტანუჯი და უჯარმა), კრ., საქართველოს ისტორიის აღმოსავლური მასალები, წიგნი I, თბ., 1976.

რის ყველა ქვეყნიდან; და ამ საქონლებიდან მას უამრავი ბაჟი შემოდის. ადრანუჯის ციხეს მიწაწყალი ე. ი. არზენი, დიღია და ნაყოფიერი და წარმოადგენს იბერიის, აფხაზეთისა და მესხთა ქვეყნის გასაღებს⁴¹.

განსაკუთრებულ აღმავლობას არტანუჯმა, როგორც ახალმა ფეოდალურმა ქალაქმა, ახალქალაქობის პერიოდში მიაღწია.

ნ. ბერძენიშვილის ვარაუდით, „ახალციხე“ სამცხის ეს ნაგვიანევი ცენტრი (ციხე და ქალაქი), XI—XII სს. უნდა წარმოშობილიყო. ეს ქალაქი აქ გამავალი სავაჭრო გზის საშუალებით დაკავშირებული იყო საქართველოს და ამიერკავკასიის სხვადასხვა დასახლებულ პუნქტთან (გეგუთი, არტაანი, ანისი...)⁴².

„ახალციხეც“, როგორც ეს მისი სახელიდან აშკარაა, „ახალქალაქთა“ რიცხვს განეკუთვნებოდა.

სამხრეთ საქართველოს მნიშვნელოვანი ქალაქი ჩანს აგრეთვე არტაანი.

არტაანს ნ. ბერძენიშვილი დიდი მაგისტრალების საკვანძო პუნქტს უწოდებს (აფხაზეთი, ჭავჭავთი, აღმოსავლეთ საქართველო, სომხეთი...)⁴³.

IX—X სს. წარმოიშვა ქ. თმოგვი, რომელიც განსაკუთრებით გაძლიერდა XI საუკუნეში⁴⁴.

ამავე ხანებში ჩაისახა ტაოს პროვინციის ერთ-ერთი მნიშვნელოვანი ქალაქი ოლთისი⁴⁵.

ტაშირის ხეობაში მდებარეობდა ლორე, რომელსაც უაღრესად დიდი მნიშვნელობა ჰქონდა სტრატეგიული თვალსაზრისით. ეს ქალაქი მდებარეობდა სამხრეთიდან საქართველოში შემომავალი გზების გზასაყარზე. შემთხვევით არ იყო, რომ ლორე უპირველესი მონაპირის—ამირსპასალარის ქალაქად იქცა⁴⁶.

სამშვილდეც განსაკუთრებულ აღმავლობას IX—X სს. განიცდის. სამხრეთის, ანუ „არტანუჯის გზის“, გამოცოცხლებამ თავისი კვალი დაამჩნია ამ ქალაქის სამეურნეო-ეკონომიკურ ცხოვრებას⁴⁷.

⁴¹ გეორგიკა IV, ნაკვ. II, თბ., 1952, გვ. 278—280.

⁴² ნ. ბერძენიშვილი, გზები..., გვ. 84.

⁴³ იქვე, გვ. 91—92.

⁴⁴ III. A. Месхиа, დასახ. ნაშრ., გვ. 37.

⁴⁵ იქვე.

⁴⁶ ნ. ბერძენიშვილი, გზები..., გვ. 77; შ. მესხიას აღნიშნულ საუკუნეებში ლორე ქალაქის ტიპის დასახლებად მიაჩნია, III. A. Месхиа, დასახ. ნაშრ., გვ. 46.

⁴⁷ ლ. ქილაშვილი, ქალაქები ფეოდალურ საქართველოში, ტ. II, გვ. 122.

XII—XIII სს. სამშვილდე საქართველოს ერთ-ერთი დაწინაურებული ქალაქია. მას სტრატეგიული მნიშვნელობა ჰქონდა. ქალაქი კარგად იყო გამაგრებული, გაშენებული იყო კლდოვან ნაპირზე, წარმოდგენდა ტიპურ ხერთვისს და ძალზე წააგავდა დმანისს და ახალქალაქს⁴⁸.

მ. მესხია დმანისსაც ახალქალაქების რიგს უკავშირებს⁴⁹. მისი აზრით, დმანისის ქალაქად. ე. ი. ვაჭრობისა და ხელოსნური წარმოების მნიშვნელოვან ცენტრად გადაქცევა IX საუკუნიდან ხდება. მისივე სიტყვით, ამ დროიდან ჩნდება პირველი ცნობები ქართულ საისტორიო ლიტერატურაში დმანისის, როგორც ქალაქის შესახებ⁵⁰. დმანისის მნიშვნელობის ზრდას განსაკუთრებით შეუწყო ხელი მისმა ხელსაყრელმა მდებარეობამ, მთავარ გზაზე, რომელიც საქართველოს სომხეთთან აკავშირებდა⁵¹, და რომელმაც უკანასკნელ ხანამდე (სომხეთის რკინიგზის გაყვანამდე) შეინარჩუნა თავისი მნიშვნელობა. ამ გზას აქლემის გზა ეწოდებოდა⁵². დმანისთან დაკავშირებით ლ. ჭილაშვილი იმის შესაძლებლობასაც უშვებს, რომ იგი ანტიკური პერიოდის ქალაქი ყოფილიყო⁵³. მაგრამ, მისი აზრითაც, დმანისის აღორძინება IX ს. იწყება და ორგანულად უკავშირდება ახალ სოციალურ-ეკონომიკურ პირობებს.

IX ს. აღორძინებული და განახლებული დმანისი წარმოდგენილი იყო არა საქართველოს ქალაქებს შორის, არამედ თბილისის საამიროს ფარგლებში. მაგრამ თბილისის საამირო IX—X სს. სულ უფრო და უფრო ექცეოდა ქართულ ფეოდალურ ურთიერთობათა გავლენაში და ქართულ ფეოდალურ ერთეულებთან ერთად მონაწილეობდა ქვეყნის პოლიტიკურ და ეკონომიკურ ცხოვრებაში. ამის საუკეთესო დადასტურებაა XI ს. მცხეთის სიგელის შინაარსი⁵⁴.

IX—XII საუკუნეებში ახალი ქალაქების წარმოშობა და ძველი ქალაქების ფეოდალიზაცია, გარდა ჩვენთვის კარგად ცნობილი სოციალური და ეკონომიკური ფაქტორებისა (ფეოდალურ ურთიერთობათა

⁴⁸ ლ. ჭილაშვილი, ქალაქი ფეოდალურ საქართველოში, ტ. II, გვ. 118.

⁴⁹ III. A. Месхиа, დასახ. ნაშრ., გვ. 34—35.

⁵⁰ იქვე, გვ. 35.

⁵¹ ლ. მუსხელიშვილი, დმანისი (ქალაქის ისტორია და ნაქალაქარის აღწერა), კრ., შოთა რუსთაველის ეპოქის მატერიალური კულტურა, თბ., 1938, გვ. 327.

⁵² იქვე, გვ. 330.

⁵³ ლ. ჭილაშვილი, დასახ. ნაშრ., გვ. 113.

⁵⁴ ნ ბ ე რ ძ ე ნ ი შ ვ ი ლ ი, მცხეთის საბუთი XI საუკუნისა, საქ. მუზეუმის მოამბე, ტ. VI, 1931.

განვითარება), გაპირობებული იყო იმითაც, რომ ისინი ინტენსიურად მოქმედი სავაჭრო გზების გასწვრივ მდებარეობდნენ. ეს გარემოება ხაზგასმით არის აღნიშნული სპეციალურ ლიტერატურაში⁵⁵.

ახალი ქალაქების წარმოშობის კავშირი სავაჭრო გზების მნიშვნელობის ზრდასთან ჩვენ შეიძლება დავადასტუროთ არა მარტო არტანუჯისა და დმანისის, არამედ ატენისა და ენეანის მაგალითებზეც.

მაგრამ მიუხედავად იმისა, რომ დმანისი მნიშვნელოვან სავაჭრო გზაზე მდებარეობდა და ცნობილია მრავალრიცხოვანი მუსლიმანური ეპიგრაფიკული ძეგლებით, კანტი-კენტად იხსენიება არაბული პაისტორიო და გეოგრაფიულ თხზულებებში.

ცისია კახიანმა ყურადღება მიაქცია იმ საგულისხმო გარემოებას, რომ დმანისი არ არის ნახსენები, მაგალითად, ალ-ისთახრისთან (X ს.), იბნ ხორადღბეჰთან (IX ს.), იბნ რუსთესთან (IX ს.), ალ-მასუდისთან (X ს.), იბნ ჰაუკალთან (X ს.) ალ-მუკადდასისთან (X ს.), იბნ ალ-ფაკიჰთან (X ს.), ალ-ბაქრისთან (XI ს.), მაკუბისთან (IX ს.), აბულ-ფიდასთან (XIV ს.). ავტორი ამის გამო შენიშნავს: „თუ გავითვალისწინებთ ამ წყაროების ხასიათს, თითქოს მოსალოდნელი იყო მისი ხსენება, რადგან, როგორც ცნობილია, დმანისი სამარშრუტო გზაზე მდებარეობდა“⁵⁶.

დმანისის ისტორიის ერთ-ერთი საუკეთესო მკვლევარი ლ. მუსხელიშვილი დმანისს უწოდებდა „მუსლიმანურ-ქრისტიანულ ქალაქს“⁵⁷. მით უფრო მოსალოდნელი იყო მისი ხსენება IX—XIII სს. არაბ ისტორიკოსთა და გეოგრაფთა ნაწარმოებებში, მაგრამ მას, როგორც ჩანს, ასახელებენ მხოლოდ ალ-ფარიკი⁵⁸ და მაკუთი⁵⁹.

დმანისის გამო ქართულ წერილობით წყაროებშიც მეტიმეტად მცირე ცნობებია შემონახული.

ქართული წყაროებიდან ვგებულობთ, რომ XI ს-ის 60-იან წლებში ჯაფარიანთა ერთ-ერთი განშტოების წარმომადგენელი დმანისში ამირად იჯდა. უაღრესად საყურადღებოა დმანელი ამირას წარწერა ფი-

⁵⁵ ლ. ქილაშვილი, დასახ. ნაშრ., გვ. 82—87; ნ. ბერძენიშვილი, გზები... თბ., 1966.

⁵⁶ ცისია კახიანი, დმანისის ეპიგრაფიკული წარწერები, გვ. 5, შენ. 42.

⁵⁷ ლ. მუსხელიშვილი, დასახ. ნაშრ., გვ. 447.

⁵⁸ V. Minor sky, *Caucasia in the History of Mayyafariqin*, Bulletin of the School of Oriental and African Studies, (University of London), v. XIII, pt. 1 London, 1949—1950, 235—236. ცისია კახიანი, დასახ. ნაშრ., გვ. 70.

⁵⁹ البلدان، اقوت، ed. T. Wüstenfeld, B 11, Leipzig, 1866, 505; ე. სიხარულიძე, მაკუთის ცნობები საქართველოსა და კავკასიის შესახებ, თბ., 1964, გვ. 57.

ნეზაურის ხეობიდან⁶⁰, საიდანაც ცხადად ირკვევა, თუ რამდენად შორს იყო წასული არაბული წარმოშობის პოლიტიკურ ერთეულებში გაქართულების პროცესი. ნიშანდობლივია ის, რომ დმანელი ამირას წარწერა ქართულად არის შესრულებული, მაგრამ მუსლიმანური ელემენტი IX—XIII სს. დმანისში, ჩანს, ჯერ კიდევ საკმაოდ ძლიერია. ამ მხრივ საყურადღებოა დავით აღმაშენებლის ისტორიკოსის ცნობა დმანელი ვაჟრების (რომლებიც ტფილელ და განძელ ვაჟრებთან ერთად შეთანხმებულად მოქმედებენ) განწყობილებისა და მათი საქართველოს მეფის ხელისუფლებასთან დამოკიდებულების თაობაზე.

დმანისის ისტორიის აღდგენა XI—XIII სს. შესაძლებელი ხდება უმთავრესად ეპიგრაფიკული ნუმიზმატიკური და არქეოლოგიური მონაპოვრის საფუძველზე, მაგრამ ყველა ცნობა, ქართული თუ უცხოური, მცირე თუ შედარებით ვრცელი, ერთხმად აღნიშნავს, მის, როგორც სამარშრუტო გზაზე მდებარე ქალაქის მნიშვნელობას.

დმანისის, როგორც ქალაქის, განსაკუთრებული აღმავლობა XI—XII საუკუნეებზე მოდის⁶¹.

მნიშვნელოვან ქალაქს წარმოადგენდა IX—XII საუკუნეებში უფლისციხეც. მის მნიშვნელობას უფრო ადრე (IX—X სს.) ზრდიდა ის, რომ სანამ თბილისი არაბთა ხელში იყო, იგი ქართლის პოლიტიკურ ცენტრად ითვლებოდა. უფლისციხე ამის გამო ასრულებდა თვალსაჩინო როლს ქვეყნის ეკონომიკურ ცხოვრებაში, ამიტომაც, რომ თბილისის საქართველოსთან შეერთების შემდეგ უფლისციხეს მნიშვნელობა თანდათანობით ეცემა⁶².

ახალქალაქობის პერიოდში განახლებულ ქალაქთა რიცხვს განეკუთვნება აგრეთვე ქ. რუსთავი.

ეს უკანასკნელი, ხუნანისა და სამშვილდის მსგავსად, ანტიკური ქალაქების რიგს განეკუთვნება⁶³. რუსთავის განახლებისა და დაწინაურების ერთ-ერთი ძირითადი ფაქტორი იყო მისი სავაჭრო გზების გა-

⁶⁰ დ. ბერძენიშვილი, დმანელი ამირას წარწერა ფინეზაურის ხეობიდან, საქართველოს სსრ მეცნ. აკადემიის „მოამბე“, ტ. XX XIII, № 3, 1964, გვ. 747; ვ. ჯაფარიძე, შუა საუკუნეების ერთი ისტორიულ-არქეოლოგიური ძეგლი ნაქალაქარ დმანისის გარეუბანში (საყდისქედის ეკლესია), კრ. ფეოდალური საქართველოს არქეოლოგიური ძეგლები, II, თბ., 1974, გვ. 160—161.

⁶¹ ლ. მუსხელიშვილი, დასახ. ნაშრ., გვ. 448.

⁶² III. A. Меченна, დასახ. ნაშრ., გვ. 43.

⁶³ ლ. კილაშვილი, დასახ. ნაშრ., გვ. 117; ლ. კილაშვილის მონოგრაფიულად აქვეს შესწავლილი ქალაქი რუსთავი და მისი ისტორია; ლ. კილაშვილი, ქალაქი რუსთავი, თბ., 1958.

დაკვეთაზე მდებარეობა (თბილის—ბარდავის გზა, „ტრაპიზონის გზის“ მონაკვეთი)⁶⁴.

რუსთავი წმინდა ქართული ქალაქი იყო, ქართული მოსახლეობით (ნივთიერი კულტურა, ქართული წარწერები...) ⁶⁵ შესაძლებელია ეს იყოს იმის მიზეზი, რომ რუსთავი აღმოსავლურ წყაროებში არსად არ მოიხსენიება⁶⁶.

თავისი მნიშვნელობით და ეკონომიკური განვითარებით დონით რუსთავი არაფრით არ ჩამოუვარდებოდა დმანისს⁶⁷.

ერთადერთი ქართული წყარო (თუ მხედველობაში არ მივიღებთ ლეონტი მროველის ცნობებს ანტიკური პერიოდის ქართლში ქალაქების დაარსების თაობაზე) რომელიც მოგვითხრობს ქალაქის წარმოქმნასა და ახლად დაარსებული ქალაქის თავისებურებებზე არის ატენის სიონის წარწერა.

წარწერა, ივ. ჯავახიშვილის გამოკვლევით, 1060—1068 წლებს ეკუთვნის⁶⁸. მასვე შესწავლილ-შეფასებული აქვს წარწერის შინაარსი და მისი რეალიები⁶⁹. წარწერამ არა ერთი ქართველი მკვლევარის ყურადღება მიიქცია (დ. ბაქრაძე, თ. ყორღანიძე, ე. თაყაიშვილი, ივ. ჯავახიშვილი, შ. ნესხია, ლ. ჭილაშვილი...), ყველამ ერთხმად წარწერა დაუკავშირა ბაგრატ IV-ეს. წარწერა, სიონის ტაძრის სხვა წარწერებთან ერთად, გამოაქვეყნა თ. ბარნაველმა⁷⁰.

შ. ნესხიას აზრითაც, ქალაქი ატენი აგებულია დაახლოებით 1060—1068 წლებში⁷¹. ამავე წლებით ათარილებენ მის გაქალაქებას სხვა მკვლევარებიც⁷².

ატენის გაქალაქებას წინ უძღოდა ხანგრძლივი პროცესი⁷³. ეს ლ. ჭილაშვილს საფუძველს აძლევს აღნიშნოს: „შეიძლება დავუშვათ, რომ ადგილი, სადაც ბაგრატ მეოთხეს მითითებით შენდება ქალაქი, ადრეც ძლიერი პუნქტი იყო. მისი სიძლიერე გაპირობებული იყო ნაყოფიერი სამეურნეო რაიონით, სადაც ძირითადი დარგი მევენახეობა ჩანს და ქართლიდან თრიალეთის მიმავალი გზით, რომელმაც განსა-

⁶⁴ ლ. ჭილაშვილი, ქალაქები ფეოდალურ საქართველოში, ტ. II, გვ. 117.

⁶⁵ იქვე.

⁶⁶ იქვე.

⁶⁷ იქვე.

⁶⁸ Ш. А. Месхиа, დასახ. ნაშრ., გვ. 57.

⁶⁹ И. Джавахов, К вопросу о времени построения грузинского храма в Атене, Христианский Восток, т. I, вып., III, 1912, с. 291.

⁷⁰ ივ. ჯავახიშვილი, ქართველი ერის მატერიალური კულტურის ისტორიისათვის, ტ. I, თბ., 1946, გვ. 33—35.

⁷¹ თ. ბარნაველი, ატენის სიონის წარწერები, თბ., 1957, გვ. 39.

⁷² Ш. А. Месхиа, დასახ. ნაშრ., გვ. 43.

⁷³ ლ. ჭილაშვილი, დასახ. ნაშრ., გვ. 101; Г. Абрамишвили,

Два строительных периода атенского Сиона, მცნე, ისტორიის არქეოლოგიის, ეთნოგრაფიის და ხელოვნების ისტორიის სერია, I, 1972, გვ. 55.

⁷³ Ш. А. Месхиа, დასახ. ნაშრ., გვ. 100.

კუთრებული როლი შეასრულა X—XII საუკუნეებში სამეფო კარსა და კლდეკარის ერისთავთა შორის ურთიერთობის დროს⁷⁴.

ატენს თავისი საფორტიფიკაციო ნაგებობაც ჰქონდა („ციხე ატენისა“), რომელიც XI ს. შინაური აშლილობის ასპარეზად ხდება⁷⁵. ატენის სიონი VII საუკუნეშია აგებული. აქ, ჩანს, დასახლებული პუნქტიც არსებობდა, მაგრამ XI საუკუნის 60-იან წლებამდე ატენი ქალაქად არ ითვლებოდა. ქალაქად იგი აქცა მხოლოდ XI ს-ის 60-იან წლებში. ივ. ჯავახიშვილის სიტყვით, ატენი ქალაქად იქცა მას შემდეგ, რაც აქ „ქულბაქები ააგეს“⁷⁶.

XI—XII სს. დაარსებული ყოველი ახალი ქალაქი, ძველი ქალაქის მნიშვნელობის ზრდა თუ დასახლებული პუნქტის ქალაქად გადაქცევა, შეპირობებული იყო მზარდი ქართული ფეოდალური საზოგადოების სოციალური, პოლიტიკური და ეკონომიკური მოთხოვნილებებით, ქვეყნის აღმავალი ეკონომიკური განვითარებით.

მართებულად გვეჩვენება ლ. ჭილაშვილის ის მოსაზრება, რომ ატენის დაწინაურება მოულოდნელი არ უნდა იყოს ისეთ ვითარებასა და პირობებში, როდესაც განსაკუთრებული მნიშვნელობა მიენიჭა ჯავახეთიდან და თრიალეთიდან ქართლისაკენ მიმავალ გზას და რომელიც ტანას ხეობიდან, გომარეთით, თრიალეთზე გადმოსასვლელს წარმოადგენდა. ეს გზა „ფეოდალურ ხანაში საკმაოდ ინტენსიური დატვირთვით მუშაობდა“, ამან განაპირობა ატენის დაწინაურება, „რადგან ეს გზა დაწინაურებული პოლიტიკური ერთეულებისაკენ მიდიოდა, რომელზედაც... მთავარი სავაჭრო მაგისტრალი იღო...“⁷⁷.

ამავე გზას უკავშირებს ლ. ჭილაშვილი ქალაქ გორის მნიშვნელობის ზრდას და გამოცოცხლებას⁷⁸. მაგრამ გორიც მხოლოდ XI—XII ს. მიჯნაზე იქცა ქალაქად⁷⁹, ისევე როგორც ატენი იქცა ქალაქად XI ს-ის 60-იან წლებში.

⁷⁴ ლ. ჭილაშვილი, დასახ. ნაშრ., გვ. 103.

⁷⁵ იქვე, გვ. 101.

⁷⁶ ამის გამო ივ. ჯავახიშვილი წერდა: „ქალაქის მთავარი დამახასიათებელი თვისება იმში მდგომარეობდა, რომ ქალაქში საქულბაქე ადგილები უნდა ყოფილიყო... ამგვარად, ქალაქის, ასაშენებლად ანუ ატენის ქალაქად გადასაქცევად, ქულბაქები ააგეს. მეფეს ასეთი ადგილები იმათთვის დაურიგებია, რომელთაც „შენება შეეძლოთ“. ე. ი. ყველასათვის კი არა, არამედ მხოლოდ იმათთვის, რომელთაც ქალაქისთვის შესაფერის შენობების აგება შეეძლოთ“. ი. ჯავახიშვილი, მასალები ქართველი ერის მატრიალური კულტურის ისტორიისათვის თბ., 1946, გვ. 35. შდრ. ლ. ჭილაშვილი, დასახ. ნაშრ., გვ. 99.

⁷⁷ ლ. ჭილაშვილი, დასახ. ნაშრ., გვ. 101.

⁷⁸ მეფის ხელისუფლება გორის გამოცოცხლებით და გაძლიერებით მიზნად ისახავდა აგრეთვე შიდა ქართლის აღორძინებას და საქალაქო ცხოვრების გაღვივებას. ლ. ჭილაშვილი, დასახ. ნაშრ., გვ. 101, შდრ. 110.

⁷⁹ მათე ურჩავლის სიტყვებით, გორი ააშენა დავით აღმაშენებელმა და შიგ სომეხი ვაჭრები ჩაასახლა. ლ. დავლიანიძე, მათე ურჩავლის ცნობები დავით

ყველა ახალი ქალაქის წარმოშობა XI—XII საუკუნეებში დაკავშირებული ჩანს სავაჭრო მაგისტრალებთან⁸⁰.

ასე წარმოიშვა XII ს. ქ. ეინვანი. ეინვანი დააწინაურა იმან, რომ მისი საშუალებით დამყარდა სავაჭრო ურთიერთობანი იმიერ—კავკასიის და სამხრეთ რუსეთის ქალაქებთან⁸¹.

ანევე სავაჭრო გზებთან ურთიერთობის ნიადაგზეა XII ს. წარმოშობილი სურამი. ალი, ბარალეთი, ზოვრეთი⁸².

ყოველივე ეს დასტურდება ქართული და უცხოური წერილობითი წყაროებით.

ამრიგად, XI—XII სს. წარმოშობილი ქალაქებია: ატენი, გორი, ეინვანი, ბარალეთი, სურამი, ალი, ზოვრეთი.

რა თქმა უნდა, ამ შემთხვევაში იგულისხმება მათი ქალაქად ქცევა და არა ის, რომ ზოგაერთი მათგანი გაცილებით ადრე არსებობდა როგორც დასახლებული პუნქტი.

ახალი ქალაქები არსდება არა მარტო ქართლში, არამედ კახეთშიც.

IX—X საუკუნეებში ჩანს აღმოცენებული თელავი. თუმცა მკვლევრები აღნიშნავენ იმასაც, რომ ადგილი, სადაც შემდეგ ქალაქი თელავი არსებობდა, უკვე ძველ დროს დასახლებულ პუნქტს წარმოადგენდა⁸³.

ქალაქი თელავი მოხსენიებულია X ს. არაბი გეოგრაფის მუჟად-დასის თხზულებაში⁸⁴.

თელავს იგი ასახელებს ამიერკავკასიის ქალაქებს შორის (თბილისი. კალა (გარდაბანი), ხუნანი, შამქორა, განჯა, ბერდიჯი, შამახა, შარვანი, ბაქო, შაბირანი, დარუბანდი, კამალა, შაქი, მალაზკერდი...), მასვე თელავი არაბული ტრანსკრიპციით თებლა — التبلّاء და-

აღმაშენებლის შესახებ, კრ., საქართველო რუსთაველის ხანაში, თბ., 1968, გვ. 247 — 248; საქართველოს ისტორიის სახელმძღვანელო, თბ., 1958, გვ. 116, 117 დ. გ ვ რ ი ტ ი შ ვ ი ლ ი, გორის ისტორიიდან, თბ., 1949, გვ. 7.

⁸⁰ ნ. ბ ე რ ძ ე ნ ი შ ვ ი ლ ი, გზები რუსთაველის ეპოქის საქართველოში. კარგად აქვს ნაჩვენები ლ. კილაშვილს ახალ სამარშრუტო გზებთან ახალქალაქების კავშირი. მისი სიტყვით, „ახალმა სამიმოსვლო ტრასამ ბიზანტიიდან ირანისაკენ, საქართველოზე, მის სამხრეთ პროვინციებზე გავლით (ხოფჩა-არტანუჯი-არტანანი-ახალქალაქი—ფარაენა-სიმშვილდე-ლომთაგორა-თბილისი) ახალი ქალაქების წრე შექარა“.

ლ. კ ი ლ ა შ ვ ი ლ ი, დასახ. ნაშრ., გვ. 114—115.

⁸¹ Ш. А. М е с х и а, დასახ. ნაშრ., გვ. 44.

⁸² იქვე, გვ. 45.

⁸³ ლ. კ ი ლ ა შ ვ ი ლ ი, დასახ. ნაშრ., გვ. 78.

⁸⁴ Al-M o q a d d a s i, Descriptio Imperii Moslemici, edito secunda, BGA, ed M. J. de Goeje, Lugduni Batavorum, 1906, 276.

კავშირებული აქვს მნიშვნელოვან სავაჭრო გზებთან. მისივე სიტყვით, თელავში 500 კომლი მუსლიმანი მოსახლე იყო. „თუ ეს ცნობა სანდოა. ჩანს, ქალაქი მეტად ხალხმრავალი ყოფილა“ — აღნიშნავს ლ. კილაშვილი⁸⁵. ამასთან, უნდა დავეუშვათ ისიც, რომ ეს მოსახლენი მუსულმანი ვაჭრები იყვნენ და ვაჭრობას მისდევდნენ, ხოლო თელავი ინტენსიური სავაჭრო ურთიერთობით იყო დაკავშირებული აღმოსავლეთ ამიერკავკასიის და წინა აზიის ქალაქებთან.

თელავში ნაპოვნი სხვადასხვა ყაიდის ჯამები, მკვლევართა აზრით, იმის მაჩვენებელი უნდა იყოს, რომ კახეთის ეს ქალაქი სავაჭრო ურთიერთობით იყო დაკავშირებული აზერბაიჯანთან, სპარსეთთან და თვით შორეულ ხერსონესთან.

თელავის დაწინაურებას, როგორც ეს აღნიშნულია სათანადო ლიტერატურაში, ხელი შეუწყო მისმა მდებარეობამ მნიშვნელოვანი გზების შესაყარზე, ბუნებრივ-გეოგრაფიულმა პირობებმა (სოფლის მეურნეობის, მეცხოველეობის, მევენახეობის განვითარება), ცხოველმა სავაჭრო-ეკონომიკურმა ურთიერთობებმა⁸⁶.

პროფ. შ. მესხია აღნიშნავს XI—XII საუკუნეების აღმოსავლეთ საქართველოს ისეთი დასახლებული პუნქტების მნიშვნელობასაც, რომლებიც ქალაქებად წყაროებში არ იხსენიებიან, მაგრამ აქტიურად მონაწილეობდნენ ქვეყნის ეკონომიკურ ცხოვრებაში.

XI—XII საუკუნეების ასეთ დასახლებულ პუნქტებს წარმოადგენენ: მცხეთა, უჯარმა, ქერემი, მანგლისი, აწყური, ერუშეთი, ნაჭარმაგევი, ბოლნისი, გაგი, ჟალეთი, ბოჭორმა და სხვ⁸⁷.

ამ ქალაქის ტიპის დასახლებებს შორის არსებობდა გარკვეული ეკონომიკური კავშირი, რომელიც სუსტი იყო იმის გამო, რომ განვითარებული იყო არა საშინაო ვაჭრობა, არამედ საგარეო ვაჭრობა. ფეოდალური ხანის როგორც დასავლეთის, ისე აღმოსავლეთის ქვეყნებში წამყვანი და მთავარი საგარეო ვაჭრობა იყო. ამ მხრივ გამოინაკლისს არც ფეოდალური საქართველო წარმოადგენდა.

XI—XII საუკუნეებში, როგორც ვნახეთ, არსებობდნენ როგორც მსხვილი ქალაქები, ისე შედარებით მცირე ქალაქის ტიპის დასახლებული პუნქტები.

⁸⁵ ლ. კილაშვილი, დასახ. ნაშრ., გვ. 78.

⁸⁶ ც. ჩიკოძე, არქეოლოგიური მასალები თელავის ისტორიისათვის შუა-ფეოდალურ ხანაში, ისტორიის ინსტიტუტის შრ., 1964, 7, გვ. 144, 147, 150; [მისივე, ქალაქ თელავის ისტორიიდან (ნივთიერი ძეგლებისა და წერილობითი წყაროების მიხედვით) სერია: ფეოდალური საქართველოს არქეოლოგიური ძეგლები, ტ. I, თბ., 1969, გვ. 43.

⁸⁷ შ. ა. მესხია, დასახ. ნაშრ., გვ. 46.

XII ს-ის აღმოსავლეთ საქართველოში მნიშვნელოვან ქალაქებს წარმოადგენდნენ თბილისი, რუსთავი, გორი, ჟინვანი, დმანისი, ახალქალაქი, ახალციხე, თმოგვი, სამშვილდე, ხუნანი, თელავი, ბარალეთი, ალი, რუსთავი, ზოვრეთი...

აღნიშნული ქალაქები საგარეო ვაჭრობასთან იყვნენ დაკავშირებული და საგარეო ვაჭრობით საზრდოობდნენ.

შემთხვევით არ აიხსნება, რომ ასეთი მსხვილ სავაჭრო და ეკონომიკურ ცენტრებში საკუთარი ზარაფხანა არსებობდა.

სავარაუდო და ფაქტობრივი მონაცემების მიხედვით, ზარაფხანები მოწყობილი ყოფილა ისეთ ქალაქებში, როგორც იყო თბილისი, არტანუჯი, დმანისი, ახალციხე, ქუთაისი, ჟინვანი⁸⁸.

ყოველივე ზემოთქმული საშუალებას გვაძლევს XII საუკუნე გამოვეყნოთ ახალ, უფრო მაღალ ეტაპად საქართველოს ქალაქების განვითარებაში IX—XII საუკუნეების მანძილზე⁸⁹. ქალაქების ზრდა და აღმავლობა მხოლოდ XII საუკუნის საქართველოსათვის არ იყო დამახასიათებელი.

XI—XII საუკუნეებში ქალაქები აღმავლობის გზაზე იყვნენ დამდგარი სომხეთშიც და აზერბაიჯანშიც.

აღმოსავლეთ საქართველოს ქალაქებს მკიდრო სავაჭრო-ეკონომიკური კავშირები ჰქონდათ დამყარებული, ერთი მხრივ, აღმოსავლეთ ამიერკავკასიის ქალაქებთან, ხოლო, მეორე მხრივ, წინა აზიის ქალაქებთან⁹⁰.

⁸⁸ დ. კ ა პ ა ნ ა ძ ე. ზარაფხანათა და მონეტების გამომშვეები ცენტრების ლოკალიზაციისათვის ძველ საქართველოში, საქ. სსრ. მეცნ. აკად. მოამბე, ტ. 28, № 4, 1954, გვ. 511.

⁸⁹ არსებული მასალებისა და მონაცემების მიხედვით, IX—XIII საუკუნეების საქართველოს ქალაქების განვითარებაში შეიძლება გამოვეყნოთ შემდეგი პერიოდები: IX—X საუკუნეები—ახალქალაქების წარმოშობა, XI ს-ის პირველი ნახევარი (ქალაქების გაძლიერება ადრეფეოდალური ხანიდან შუაფეოდალურ ხანაში გარდამავალ პერიოდში), XI ს-ის 60-იანი წლებიდან დაწყებული ამ საუკუნის 90—იან წლებამდე (ქალაქების დაკნინება ეკონომიკური ცხოვრების შეფერხების შედეგად), XI ს-ის მიწურული და XII ს. (ქალაქების აყვავება).

⁹⁰ მეზობელ სომხეთსა და აზერბაიჯანში ფეოდალური ხანის ქალაქების საფუძვლიანი შესწავლა, ისევე როგორც საქართველოში, განაპირობა ინტენსიურმა არქეოლოგიურმა გათხრებმა, წარმატებით იქნა მოშველიებული წერილობითი წყაროების ცნობები: Я. А. М а н а н д я н, О торговле и городах Армении в связи с мировой торговлей древних времен (V в. до н. э.—XV в. н. э.) Ер. 1954; Б. Н. А р а к е л я н, Развитие ремесел и товарного производства в Армении в IX—XIII веках, Советская археология, XXVI, М., 1956. აზერბაიჯანელმა მეცნიერებმა გ. აჰმედოვა და ს. აშურბეილიმ უჩვენეს ქალაქების, ვაჭრობისა და ხელრსნობის მაღალი დონე XII ს. აზერბაიჯანში. Г. М. А х м е д о в, Из ис-

აზერბაიჯანის ქალაქების ფეოდალური განვითარებაც. მსგავსად საქართველოს ქალაქებისა, IX საუკუნიდან იწყება, ხოლო მათი, როგორც სავაჭრო-სახელოსნო და ეკონომიკური ცენტრების განვითარება, XII ს. მოდის. აღნიშნულ მოვლენას საფუძვლად ედო პოლიტიკურ-ეკონომიკური ხასიათის ძვრები აზერბაიჯანის საზოგადოებრივ ცხოვრებაში.

IX საუკუნიდან არაბთა ბატონობის ძალა საგრძნობლად შესუსტდა, რამაც ხელსაყრელი პირობები შეუქმნა აზერბაიჯანის საერთო ეკონომიკურ აღმავლობას. განვითარდა სოფლის მეურნეობა, ხელოსნობა, ვაჭრობა. შესაბამისად გაიზარდა ქალაქების მნიშვნელობაც. IX—X საუკუნეების აზერბაიჯანში, საქართველოს მსგავსად. ვითარდება ძველი და არსდება ახალი ქალაქები. ამ დროს ფუნქციონირებენ ბარდავი. განა, ბელაყანი, ნახიჭევანი, შაბერანი, შემახა, შამქორი, დარუბანდი, ბაქო, ქაბალა, შექა და ბერზენდი⁹¹.

ქალაქების მნიშვნელობის ზრდა გამოხატულებას და ასახვას პოულობს წერილობით ძეგლებშიც.

თუკი IX—X საუკუნემდედ წყაროებში უმნიშვნელო ცნობებს ვნახულობთ, ანდა საერთოდ სდუმან, ახლა ისინი უკვე დაწვრილებით და, ვრცელი ხასიათის ფაქტობრივ მასალებს გვაწვდიან⁹². აღნიშნული მოვლენა ლოგიკურად ასახავს ქალაქებისა და საქალაქო ცხოვრების როლსა და მნიშვნელობის ზრდას ქვეყნის ცხოვრებაში.

სომხეთის ქალაქების, ხელოსნობისა და ვაჭრობის განვითარება წერილობით წყაროებისა და არქეოლოგიური მასალების საფუძველზე კარგად და დამაჯერებლად აქვთ ნაჩვენები სომეხ ისტორიკოსებსა და არქეოლოგებს (მანანდიანი, ტორამანიანი, არაქელიანი...).

აღსანიშნავია, რომ სომხეთში, საქართველოსა და აზერბაიჯანის-მსგავსად, ე. წ. ახალქალაქების წარმოქმნა უკავშირდება IX—X საუკუნეებს⁹³, რაც აგრეთვე გაპირობებული იყო გარკვეული პოლიტიკური და ეკონომიკური ხასიათის მოვლენებით.

წერილობითი წყაროები ერთხმად ადასტურებენ ქალაქების მნიშვნელობასა და ხაზს უსვამენ მათ სიმდიდრეს. არისტაკეს ლასტივერ-

тории некоторых городов Азербайджана IX—XIII вв., Тр. Института Истории АН АЗССР, № 13, Баку, 1958; С. Ашурбейли, Очерк истории средневековой Баку (VIII-начало XIX вв.) Баку, 1964.

⁹¹ Г. М. Ахмедов, დასახ. ნაშრ., გვ. 112.

⁹² იქვე, გვ. 112—113.

⁹³ თუ IV—IX საუკუნეების სომხეთში სულ სამიოდ ქალაქი არსებობდა IX—XI საუკუნეებში ახალქალაქობის ეამს, სომხური ქალაქების რიცხვმა ორმოცდახუთს მიაღწია. Б. Аракелян, Города и ремесла Армении IX—XIII вв., с. 293.

ტეცი ანის უწოდებს სახელგანთქმულს, არწნს—დიდებულსა და მთელ მსოფლიოში განთქმულს⁹⁴, მათე ედესელის თანახმადაც, არწნი ცნობილი და ხალხმრავალი ქალაქია. მისი სიტყვით, არწნის ალების შემდეგ თურქ-სელჩუკებმა აქედან დიდძალი ოქრო-ვერცხლი და სიმდიდრე გაზიდეს⁹⁵. ასევე ცნობილი და მდიდარი იყო ქ. ყარსიც, რომლის სიმდიდრეც აღნიშნული აქვს არისტაკეს ლასტივერტეცს⁹⁶. სომხურ ქალაქებს შორის განსაკუთრებით ცნობილი და მდიდარი იყო ქ. ანი, რომელიც აქტიურად მონაწილეობდა აღმოსავლეთისა და დასავლეთის ვაჭრობაში⁹⁷. აღნიშნულ ფაქტებს ადასტურებს არქეოლოგიური კვლევა-ძიებების შედეგად მოპოვებული მასალაც.

როგორც ვხედავთ, სომხური წერილობითი წყაროები განსაკუთრებით უზამენ ხაზს ქალაქების როლისა და მნიშვნელობის ზრდას XI—XII საუკუნეებში.

ამგვარად, ამჟამად, რომ სომხური ფეოდალური ქალაქების წარმოქმნისა და განვითარების ერთ-ერთი მთავარი საფუძველი იყო საერთაშორისო ვაჭრობის კვლავ აღორძინება⁹⁸.

არ შეიძლება ყურადღება არ მიიქციოს იმ გარემოებამ, რომ ნსხვილი ქალაქები დვინი, ყარსი, არწნი (ერზერუმი). ერზნკა (არზანჯანი), ნპრკერტი (მაიაფარიკინი) სავაჭრო გზების გადაკვეთაზე ფუნქციონირებენ, ხოლო სავაჭრო მაგისტრალებიდან მოშორებით მდებარე ქალაქები შესამჩნევად დაბალ დონეზე დგანან, სუსტად განვითარებული ხელოსნობითა და ვაჭრობით. ისინი სოფლური ტიპის დასახლებებს განეკუთვნებიან⁹⁹.

XI—XII საუკუნეების ამიერკავკასიის ქალაქებს შორის რომ მჭიდრო სავაჭრო-ეკონომიკური ურთიერთობა არსებობდა, ამას გვიდასტურებს როგორც არქეოლოგიური მონაპოვარი, რომელიც საქართველოს, აზერბაიჯანის და სომხეთის ქალაქებსა და ნაქალაქარებშია

⁹⁴ Повествование Вардапета Аристакеса Ластивертци, перевод с древнеармянского, вступительная статья, комментарии и приложения К. Н. Юзбашяна, М., 1966, с. 90, 93, 128; არისტაკეს ლასტივერტეცი, ისტორია, ქართული თარგმანი გამოკვლეით, კომენტარებითა და საძიებლებით გამოსცა ე. ცაგარეიშვილმა, თბ., 1974, გვ. 79, 125.

⁹⁵ Chronique de Matthieu d'Edesse avec la continuation de Grégoire le Prêtre jusque'en 1162, tr. par E. Dulaurier, 1858, 83—84.

⁹⁶ Аристакес Ластивертци, с. 93; არისტაკეს ლასტივერტეცი, გვ. 86, 186.

⁹⁷ Н. Я. Марр, АНИ, Книжная история города, раскопки на месте городища, Л.—М., 1934., с. 36.

⁹⁸ Я. А. Манандян, დასახ. ნაშრ., გვ. 205—206.

⁹⁹ Б. Н. Аракелян, დასახ. ნაშრ., გვ. 118—119.

აღმოჩენილი, ისე წერილობით წყაროებში დადასტურებული მასალები.

ამიერკავკასიის ქალაქები XI—XII სს. მკიდრო სავაჭრო-ეკონომიკური ურთიერთობებით იყვნენ დაკავშირებული აგრეთვე სამხრეთ რუსეთისა და წინა აზიის ქალაქებთან.

აღსანიშნავია, რომ წინა აზიაში თურქ-სელჩუკთა შემოსევებისა და ბატონობის შედეგად შეფერხებული ეკონომიკური ცხოვრება კვლავ განახლდა XII ს-ის შუა ხანებში. ამ დროიდანვე იწყება აღმოსავლური ქალაქების ხელახალი დაწინაურება და აყვავება. მაგრამ ამ დროს წინა აზია პოლიტიკურად იყო დაშლილი და დაქუცმაცებული, ამან სხვა ფაქტორებთან ერთად განაპირობა ის, რომ საქართველო წინა აზიის უბლიერეს სახელმწიფოდ იქცა¹⁰⁰. გაძლიერებული საქართველო ყველა საშუალებას მიმართავდა, რათა გაბატონებულიყო კავკასიისა და მახლობელი აღმოსავლეთის მთავარ სავაჭრო მაგისტრალზე. XIII ს. 20-იან წლებში საქართველო ექსპლოატაციას უწევდა დვინ-არზრუმისა და დარუბანდ-შამახიის სავაჭრო გზებს. მაგრამ საქართველოს იმდროინდელი პოლიტიკური მესვეურნი მიზნად ისახავდნენ ირანის ტერიტორიაზე გამავალი მთავარი სავაჭრო მაგისტრალის დაუფლებასაც¹⁰¹. ეს გზა, როგორც ცნობილია განსაკუთრებულ როლს ასრულებდა აღმოსავლეთისა და დასავლეთის სავაჭრო ურთიერთობაში¹⁰².

საქართველოს ფეოდალური მონარქიის ამგვარი მისწრაფება შეპირობებული იყო მისი პოლიტიკური და ეკონომიკური ძლიერებით. კერძოდ კი, ქალაქების აღმავლობით და აყვავებით XII საუკუნეში. საზოგადოდ ხაზი უნდა გაესვას იმ გარემოებას, რომ ამიერკავკასიის ქალაქების განვითარება მკიდრო კავშირში იმყოფებოდა მახლობელი აღმოსავლეთის საერთო ეკონომიკურ აღმავლობასა და განვითარებასთან. წინა აზია თავისი ქალაქებით აქტიურად მონაწილეობდა იმდროინდელ მსოფლიო ვაჭრობაში, ირანის ზეგანზე გადიოდა განსაკუთრებული მნიშვნელობის სავაჭრო მაგისტრალები, რომელთა გასწვრივ ვაჭრობით განთქმული ქალაქები იყვნენ განლაგებული. შემთხვევით არ აინსნება, რომ XII—XIII საუკუნეებში პოლიტიკურად

¹⁰⁰ საქართველოს ისტორია, ს. ჯანაშიას რედაქციით, თბ., 1946, გვ. 197; ვ. გ. ბაშვილი, აღმოსავლეთი ქართული წყაროების ფურცლებზე, კრ. XII საუკუნის საქართველოს ისტორიის საკითხები, თსუ, ტ. 125, № 6, თბ., 1968, გვ. 299.

¹⁰¹ ნ. ბერძენიშვილი, საქართველოს ისტორია XIII—XIV სს. (კონსპექტი), საქართველოს ისტორიის საკითხები, ტ. II თბ., 1957, გვ. 54; ვ. გ. ბაშვილი, საქართველოს სავაჭრო ურთიერთობანი XII ს., გვ. 205.

¹⁰² იქვე.

და ეკონომიკურად გაძლიერებული საქართველო მიისწრაფოდა კავკასიისა და წინა აზიის მნიშვნელოვანი სავაჭრო მაგისტრალების დაუფლებისაკენ.

კავკასიისა და წინა აზიის სავაჭრო მაგისტრალებთან მკიდროდ იყვნენ დაკავშირებული აღმ. საქართველოს ქალაქები, რომელთა მნიშვნელობის ზრდა, როგორც ვნახეთ, გაპირობებული იყო მათი აქტიური მონაწილეობით მახლობელი აღმოსავლეთის საერთაშორისო ვაჭრობაში.

ამ მხრივ ერთგვარად განსხავებული მდგომარეობა არსებობდა დასავლეთ საქართველოს ქალაქებში.

§ 2. დასავლეთ საქართველოს ქალაქები XI—XII საუკუნეებში

XI—XII სს. აღმოსავლეთ საქართველოს ქალაქებთან შედარებით, დასავლეთ საქართველოს ქალაქები ნაკლებ არის შესწავლილი. ეს გამოწვეულია წყაროებისა და მასალების უკიდურესი სიმცირით. მაგალითად, პროფ. შ. მესხია წიგნში, რომელიც ეხება ფეოდალური საქართველოს ქალაქებსა და საქალაქო წყობილებას, ძალიან ცოტას ამბობს XI—XII სს. დასავლეთ საქართველოს ქალაქებზე. იგი ვრცლად განიხილავს მხოლოდ აღმოსავლეთ საქართველოს ქალაქებს. მკვლევარს ამის მიზეზად მოჰყავს სათანადო წყაროების უკმარისობა.

მას მხოლოდ მოკლედ აქვს დახასიათებული ისეთი ქალაქები, როგორც იყო ქუთაისი, სოხუმი (ცხუმი), ნიკოფსია, ბიჭვინტა და სხვ¹⁰³, დასავლეთ საქართველოს ქალაქები სამარშრუტო გზებთან მიმართებაშია შესწავლილი აკად. ნ. ბერძენიშვილის მიერ. კვლევა-ძიების შედეგად მან დაადგინა აღმოსავლეთ და დასავლეთ საქართველოს ქალაქების დამაკავშირებელი გზები და გადასასვლელები¹⁰⁴.

პროფ. ლ. კილაშვილი, რომელსაც XI—XII სს. აღმოსავლეთ საქართველოს ქალაქების შესახებ ყველაზე ვრცელი და საფუძვლიანი კვლევა აქვს ჩატარებული, მხოლოდ გაკვრით ეხება დასავლეთ საქართველოს ქალაქებს და იმ სამარშრუტო გზებს რომლებიც ქუთაისზე გადიოდა. მას აღნიშნული აქვს ქუთაისის სავაჭრო-ეკონომიკური

¹⁰³ III. A. Месхиа, города и городской строй феодальной Грузии, Тб., 1959, с. 14, 62—63.

¹⁰⁴ ნ. ბერძენიშვილი, გზები რუსთაველის ეპოქის საქართველოში, თბილისი, 1966, გვ. 33—34, 72.

მნიშვნელობა¹⁰⁵. ლ. ჭილაშვილი ასახელებს აგრეთვე შავიზღვისპირეთის ქალაქებს: სოხუმს, ანაკოფიას, ფოთსა და ხუფათს¹⁰⁶.

პროფ. ზ. ანჩაბაძე წიგნში შუა საუკუნეების აფხაზეთის ისტორიიდან (VI—XVII სს.), განიხილავს ქალაქებს და აღნიშნავს სოხუმის როგორც საქართველოს სახელმწიფოს ერთ-ერთი მთავარი საზღვაო ცენტრის მნიშვნელობას, ადგენს ქალაქის ტერიტორიულ საზღვრებს¹⁰⁷ და მის ეკონომიკურ როლს გენუის ახალშენებთან დაკავშირებით აფხაზეთის სანაპიროზე (XV—XV სს.)¹⁰⁸.

ე. ჩაკვეტაძის მიერ მონოგრაფიულადაა შესწავლილი ქუთაისის პოლიტიკური ისტორია უძველესი დროიდან მე-15 საუკუნემდე¹⁰⁹. შეძლებისდაგვარად გამოკვლეულია აგრეთვე მისი ეკონომიკური ცხოვრება და სავაჭრო ურთიერთობანი უპირატესად დედაქალაქობის პერიოდში (1122 წლამდე)¹¹⁰. ვ. ჩაკვეტაძე ყურადღებას აქცევს ქუთაისის მდგომარეობას საქართველოსთან შეერთების შემდეგაც.¹¹¹ მაგრამ ბევრი არაფერია ნათქვამი დასავლეთ საქართველოს სხვა ქალაქების შესახებ.

ამდენად, შეიძლება ითქვას, რომ XI—XII სს. დასავლეთ საქართველოს ქალაქების მდგომარეობა და მათი განვითარების განმსაზღვრელი პირობები დღემდე არ ყოფილა სპეციალური კვლევა-ძიების საგანი.

მასალების სიმცირე, რასაკვირველია, არ იძლევა დასავლეთ საქართველოს ქალაქებთან დაკავშირებული ყველა მოვლენის შესწავლისა და გაშუქების საშუალებას, მაგრამ ის, რაც ჩვენს ხელთაა, ერთგვარად მაინც გვიქმნის იმის შესაძლებლობას, რომ აღვადგინოთ დასავლეთ საქართველოს ქალაქებისა და საქალაქო ცხოვრების ზოგიერთი მხარე.

წყაროებში დასავლეთ საქართველოს ქალაქებიდან მხოლოდ ერთი ქალაქის შესახებ მოგვეპოვება ასე თუ ისე სრული ცნობები. ესაა ქუთაისი. დასახელებულია აგრეთვე სოხუმი, ფოთი, ხუფათი, ანაკოფია, ნიკოფსია.

¹⁰⁵ ლ. ჭილაშვილი, ქალაქები ფეოდალურ საქართველოში, ტ. II, თბილისი, 1970, გვ. 128, 135.

¹⁰⁶ იქვე, გვ. 128, 130, 144.

¹⁰⁷ ვ. ბ. ანჩაბაძე, Из истории средневековой Абхазии (VI—XVII вв.), Сухуми, с. 189—190.

¹⁰⁸ ვ. ბ. ანჩაბაძე, დასახ. ნაშრ., გვ. 43—249.

¹⁰⁹ ე. ჩაკვეტაძე, ქუთაისის ისტორიიდან თბ., 1960.

¹¹⁰ ვ. ჩაკვეტაძე, დასახ. ნაშრომი, გვ. 96—117, 118, 123, 129, 156, 157—179.

¹¹¹ იქვე, გვ. 161—162, 173—178.

აღნიშნულ ქალაქებთან დაკავშირებით მასალები ფრაგმენტული სახით გვხვდება და მიმოფანტულია როგორც თანამედროვე (XI—XII სს.). ისე გვიანდელ (XVI—XVIII სს.) წყაროებში (გიორგი მთაწმინდელის ცხოვრება, ქართლის მატიაწე, დავით აღმაშენებლის ისტორიკოსი, „ისტორიანი და აზმანი“, ვახუშტი ბაგრატიონის „ისტორია“...).

საქართველოს ქალაქებს შორის ქუთაისი ერთ-ერთი უძველესთაგანია. ესაა დასავლეთ საქართველოს მთავარი ქალაქი და გარკვეული წლების განმავლობაში ერთიანი საქართველოს დედაქალაქიც.

ქუთაისი მნიშვნელოვანი ცენტრი იყო. აქ გადიოდა დიდი სავაჭრო-სატრანზიტო გზა. ქუთაისის საშუალებით დასავლეთ საქართველოს კუთხეები—რაჭა, ლეჩხუმი, სვანეთი—შავი ზღვის ქალაქებთან იყვნენ დაკავშირებული¹¹².

ქუთაისის შემოგარენს წყაროები ახასიათებენ როგორც „ადგილსა ყოვლად შუენიერსა და ყოვლითურთ უნაკლულსა“¹¹³.

ქალაქი კარგად იყო გამაგრებული (ციხე, გალავანი).

აქ საქალაქო ცხოვრების განვითარებისათვის მეტად ხელსაყრელი პირობები შეიქმნა X—XIII საუკუნეებში. აღნიშნულ ქრონოლოგიურ ჩარჩოებში თავსდება ქუთაისის დედაქალაქობის პერიოდი (980—1122 წწ.), რამაც, უდავოდ, განსაზღვრა ქუთაისის შემდგომი დაწინაურება¹¹⁴.

ქუთაისი ფაქტიურად წარმოადგენდა მთელი საქართველოს დედაქალაქს, ვინაიდან თბილისი ჯერ კიდევ მუსლიმანთა ხელში იყო.

ქართული წყაროები ქუთაისს ქართველ მეფეთა სახლს, ანუ რეზიდენციას უწოდებენ („სახლად მათდა ქუთათისს“, „შემოვიდა სახლად თვსად, ქუთათისს“ და სხვ.)¹¹⁵.

რაც უფრო ვითარდებოდა საქართველოს გაერთიანების პროცესი, მით უფრო იზრდებოდა ქუთაისის როლი და მნიშვნელობა. ქუთაისსა და მის სანაპიროებში შენდება ტაძრები, სასახლეები და საერო და-

¹¹² ვ. ჩაკვეტაძე, დასახ. ნაშრომი, გვ. 163.

¹¹³ ცხოვრება მეფეთ-მეფისა დავითისი, ქართლის ცხოვრება, ტექსტი დადგენილი ყველა ძირითადი ხელნაწერის მიხედვით. ს. ყაუხჩიშვილის მიერ, ტ. 1, თბ., 1955, გვ. 329.

¹¹⁴ ქუთაისის აფხაზთა ქართული სამეფოს დედაქალაქად გადაქცევა VIII-ის მეორე ნახევარში (ძველი ციხე-გოჯის-არქეოპოლისის მაგიერ) განაპირობა პოლიტიკური და ეკონომიკური ხასიათის ფაქტორებმა (დაწვრილებით იხ. ლ. კილაშვილი, დასახ. ნაშრ., გვ. 68).

¹¹⁵ მატიაწე ქართლისა, გვ. 290, 304.

ნიშნულების ნაგებობანი (ბაგრატის ტაძარი, გელათი, გეგუთი, აბანოები, ხიდეები, მოკირწყლული გზები, წყალსადენები).

ქუთაისის მნიშვნელობის ზრდით იყო გაპირობებული ის, რომ მის მახლობლად დავით აღმაშენებლის ინიციატივით დააარსდა სასწავლო-კულტურული ცენტრი — გელათის აკადემია. გელათს დავითის ისტორიკოსი „აღმოსავლისა მეორედ იერუსალემად“ და „სხუად ათანად“ მიიჩნევს¹¹⁶. გელათშივე დავით აღმაშენებელმა „აღმართა ქსენონი“ (სასწავლო სახლი) „ადგილსა შემსგავსებულსა და შუენიერსა“¹¹⁷.

ქუთაისის და, კერძოდ, გელათის მნიშვნელობაზე მეტყველებს ის ფაქტი, რომ გელათი ქართველ მეფეთა ერთ-ერთ საძვალედ გადაიქცა, გელათში დაკრძალულია დავით აღმაშენებელი.

წერილობითი წყაროები იმასაც აღნიშნავენ, რომ აქვე უნდა იყვნენ დაკრძალული დემეტრე I, გიორგი III¹¹⁸, თამარი¹¹⁹, დავით სოსლანი, გიორგი ლაშა¹²⁰. საკუთრივ ქუთაისის საყდარში—გიორგი I¹²¹.

ქართლის მატთანეს გადმოცემით, ქუთაისში ყოფილა სამეფო საჭურჭლე. წყაროს ცნობით, გიორგი II-ის დროს მომხდარი არეულობის უამს ნიანია ქვაბულიძემ „წარულო ქუთათისისა საჭურჭლე“¹²². 1122 წელს დავითმა საჭურჭლე ქუთაისიდან თბილისში გადაიტანა¹²³.

ქუთაისში არსებობდა ზარაფხანაც, სადაც იჭრებოდა ქართული მონეტები (ბაგრატი IV, გიორგი II, დავით აღმაშენებელი...), თ. ლომოურის აზრით, „საფიჭრებელია, რომ ზარაფხანა სატახტო ქალაქში უნდა ყოფილიყო. ე. ი. დავითის მიერ თბილისის აღებაამდე ქუთაისში, ხოლო ამ ამბის შემდეგ, 1122 წლიდან თბილისში“¹²⁴.

ქუთაისი, როგორც დედაქალაქი, სამეფო კარისა და დიდებულების ადგილსამყოფელი იყო. აქ მოქმედებდნენ სახელმწიფო და საზოგადოებრივი დაწესებულებები. გარდა პოლიტიკური ცენტრისა მას ეკონომიკური მნიშვნელობაც ენიჭებოდა. ხელსაყრელი გეოგრაფიული მდებარეობის წყალობით, ის მნიშვნელოვან სავაჭრო ცენტრად

¹¹⁶ დავით აღმაშენებლის ისტორიკოსი, გვ. 330—331.

¹¹⁷ იქვე, გვ. 331.

¹¹⁸ ლაშა გიორგის-დროინდელი მემატიანე, გვ. 367.

¹¹⁹ ისტორიანი და აზმანი, გვ. 112—113.

¹²⁰ ლაშა გიორგის-დროინდელი მემატიანე, გვ. 369, 371.

¹²¹ მატიანე ქართლისა, გვ. 291.

¹²² მატიანე ქართლისა, გვ. 316.

¹²³ თბილისის დავითმა. „დამუკკდრა შვილთა თესთა საჭურჭლედ და სახლად თესად საუკუნოდ“ (დავით აღმაშენებლის ისტორიკოსი, გვ. 342).

¹²⁴ თ. ლომოური, ფული შოთა რუსთაველის ეპოქაში, კრ. შოთა რუსთაველის ეპოქის მატერიალური კულტურა, თბილისი, 1938, გვ. 399.

ითვლებოდა. ქუთაისზე გამავალი საერთაშორისო-საევაქრო გზები მისი ეკონომიკური და კულტურული დაწინაურების ერთ-ერთი ფაქტორი იყო.

XI საუკუნის ქუთაისის შავი ზღვის ქალაქებთან და ნავმისადგომებთან კავშირი კარგად ჩანს გიორგი მთაწმინდელის „ცხოვრებიდან“, რომელშიც მისი მოგზაურობაა აღწერილი. „მოვიწიეთ სამოსონს, ქალაქსა ზღუს კიდისასა და მუნ განვყიდენით საკედარნი ჩუენნი და ესრეთ ნავითა წარვემართენით ფოთს და მიერ საკედართა ქუთათისს“¹²⁵.

საინტერესოა ის ცნობაც, სადაც აღწერილია ბაგრატ მეფის საბერძნეთიდან დაბრუნება. ბაგრატ მეოთხეს „მიეგება ყოველი ლაშქარი აფხაზეთისა ზღუს პირსა, ხუფათს... და შემოვიდა სახლად თუსად ქუთათისს“¹²⁶.

ქუთაისზე გადიოდა ჩრდ. კავკასიისაკენ მიმავალი გზა¹²⁷, აღმოსავლეთ საქართველოსთან და მცირე აზიასთან დამაკავშირებელი გზები¹²⁸.

ქუთაისიდან თბილისისაკენ (ლიხის მთით) მიემართებოდა ონიშენელოვანი მაგისტრალი¹²⁹.

ლიხთ-იმერეთს ამერეთთან აკავშირებდა პერანგას, კორტოხის, დედაბერას, რიკოთის, სურამის და „ციხის ძირის“ გადასასვლელები¹³⁰.

ამ გზებისა და გადასასვლელების საშუალებათ ქუთაისი დაკავშირებული იყო აღმოსავლეთ საქართველოს მნიშვნელოვან ქალაქებთან (თბილისი, რუსთავი, დმანისი. ხუნანი, სამშვილდე და სხვ.), ხოლო აღმ. საქართველო მას აკავშირებდა ირანის მთავარ სავაჭრო-ეკონომიკურ ცენტრებთან — არდებილ-ზენჯანის და დვინ-თავრიზის მაგისტრალებით.

მახლობელ აღმოსავლეთის ქვეყნებს ქუთაისი უკავშირდებოდა სამხრეთ-დასავლეთ საქართველოს მაგისტრალებითაც (არტანუჯისა და არტანის გზები და ტრაპიზონის გზის განტოტებანი)¹³¹.

¹²⁵ ათონის კრებული, თბილისი, 1901, გვ. 319.

¹²⁶ მათიანე ქართლისა, გვ. 304.

¹²⁷ ვ. ჩ ა კ ვ ე ტ ა ძ ე, დასახ. ნაშრ., გვ. 163.

¹²⁸ იქვე.

¹²⁹ ნ. ბ ე რ ძ ე ნ ი შ ვ ი ლ ი, დასახ. ნაშრ., გვ. 33—34.

¹³⁰ იქვე, გვ. 34.

¹³¹ ერთ-ერთი ასეთი მნიშვნელოვან მაგისტრალს წარმოადგენდა არტანუჯის გზა. „არტანუჯიდან ერთი გზა ყველის ციხით და შემდეგ ოძრხე-კლდეკარის გასასვლელით ქუთაისს მოემართებოდა, მეორე კი არტანისაკენ“. ლ. ჭ ი ლ ა შ ვ ი ლ ი, დასახ. ნაშრ., გვ. 128.

შავიზღვისპირეთის ქალაქების (ფოთი, სოხუმი, ანაკოფია..) მეშ-
ვეობით კავშირი მყარდებოდა ბიზანტიის იმპერიასთან.

ჩვენ მოგვეპოვება ქართული წყაროს ცნობა, საიდანაც ირკვევა,
რომ დასავლეთ საქართველოს ზღვით პირდაპირი კავშირი დამყარე-
ბული ჰქონდა კონსტანტინოპოლთან. მაგ.. ბაგრატს აფხაზთა მეფის
ძეს კონსტანტინოპოლში „მოსცა მეფემან ლაშქარი და გამოგზავნა
ზღვთ და ნავითა შემოვიდა აფხაზეთად“¹³². ამგვარ ცნობებს თავის
დროზე ყურადღება მიაქცია აკად. ივ. ჭავჭავიძემ და სხვათა შორის
აღნიშნა, რომ „სამისონითგან ფოთში ნავით წასვლა ეხლაც ადვილი
საქმე არ არის, მაშინ ხომ, ალბათ, მხოლოდ როცა დარი ხელს უწ-
ყობდა ადამიანს შეეძლო გაებედნა ზღვით მგზავრობა, მაშინ აფხა-
ზეთში ზღვით კონსტანტინეპოლითგან პირდაპირაც მიდიოდნენ თურ-
მე“¹³³.

როდესაც ბაგრატ III-ის თაოსნობით დამთავრდა ქუთაისის კა-
თედრალის მშენებლობა (1103 წ.). მეფემ „აკურთხა ეკლესია ქუთა-
თისა“, ამ საზღაგო ცერემონიალს დაესწრნენ“... მახლობელნი ყოველ-
ნი ქელმწიფენი და კათალიკოსნი, მღვდელთმოძღუარნი და ყოველთა
მონასტერთა წინამძღუარნი, და ყოველნი დიდებულნი ზემონი და
ქუემონი, მამულისა და სამეფოსა მისისა მყოფნი, და სხუათა ყო-
ველთა საკელმწიფოთანი“¹³⁴.

აღნიშნული ფაქტი ქუთაისის საერთაშორისო რეზონანსზე მეტ-
ყველებს. უცხო ქვეყნებთან ურთიერთობას გვიდასტურებს აქ ნაპოვ-
ნი ნუმისმატიკური მასალაც¹³⁵.

1122 წლის შემდგომაც, როცა თბილისი საქართველოს დედაქა-
ლაქად იქცა, ქუთაისს არ დაუკარგავს თავისი მნიშვნელობა. დავით
აღმაშენებელი, გიორგი III და თამარი არაერთხელ გადასულან ქუ-
თაისში და იქიდან უმართავთ სახელმწიფო.

¹³² მათიანე ქართლისა, გვ. 261.

¹³³ ივ. ჭავჭავიძე, ქართული ერის ისტორია, II, გვ. 72. ივ. ჭავ-
ხიძის ეს განმარტება იმითაა საყურადღებო, რომ შავ ზღვაზე, სადაც ნაოსნობა
ნაკლებ ინტენსიური იყო, მგზავრობა მთელ რიგ სიძნელეებთან იყო დაკავშირებული
და საზღვაო ტექნიკაც, ამიტომ მაღალი არ უნდა ყოფილიყო, მაგრამ იქ, სადაც ზღვაოს-
ნობა ინტენსიური იყო, ხმელთაშუა ზღვასა და ინდოეთის ოკეანეზე, საზღვაო ტექნიკა
იმდენად იყო განვითარებული, რომ მუსლიმანი მეზღვაურები თავიანთი ხომალდებით
ზღვის ვრცელ სივრცეებს სერავდნენ. გაეიხსენოთ სინდბადის ამბავი და თავგადასა-
ვალი.

¹³⁴ მათიანე ქართლისა, გვ. 281.

¹³⁵ И. А. Джалагания, Два клада сельджукских монет, СА, №2,
с. 213

ქუთაისი ყოველთვის სამეფო ქალაქი იყო, ხოლო წყაროები საქართველოს მეფეებს ზოგჯერ მოიხსენიებენ როგორც თბილისისა და ქუთაისის ტახტის მპყრობლებს¹³⁶.

ქუთაისს წყაროები უკავშირებენ სამოქალაქოს, ამდენადვე არ შეიძლება ყურადღება არ მიიქციოს ქუთაისისა და სამოქალაქოს ურთიერთდამოკიდებულებამ.

წერილობით წყაროებში სამოქალაქოს გამო ნათქვამია: ბაგრატ III „მოვიდა ქუთაისის, და მოიყენა ქუთაისისა სამოქალაქოსა ლაშქარი“¹³⁷.

1080 წელს დიდთურქობის ეპოს „...არგუეთი, სამოქალაქო და ჰყონდიდი აღივსო თურქითა“¹³⁸.

გიორგი III—ეს „აფხაზეთი. სუანეთი და ყოველი სამოქალაქო აქუნდა დაწყნარებით“¹³⁹.

აჯანყებულ იური ბოგოლუბცის მიემხრო „ყოველი სუანეთი და აფხაზეთი, საეგროი, გურია, სამოქალაქო, რაჭა, თაკუერი და არგუეთი“¹⁴⁰.

ქართული წყაროების „სამოქალაქომ“ კარგა ხანია მიიქცია მკვლევართა ყურადღება.

აკად. ივ. ჯავახიშვილის მიხედვით, „სამოქალაქო“ ქუთაისის სახეებს უნდა გულისხმობდეს¹⁴¹. ამასვე აღნიშნავდა აკად. ვ. კეკელიძე¹⁴², განსხვავებული აზრისაა აკად. ს. ჯანაშია. მას სამოქალაქო მუხირეზისის (მოხირისის) ძველ ქართულ სახელწოდებად მიაჩნდა და მასში იმერეთისა და სამეგრელოს (ყერძოდ, აბაშა—მარტვილის) ნაწილს გულისხმობს¹⁴³.

ქუთაისის ისტორიის მკვლევარი ვ. ჩაკვეტაძე თვლის, რომ სამოქალაქო (ადრინდელი სახელწოდება მოხირისი) ქუთაისის ახლო-მახლო მდებარე ტერიტორიას, ანუ მის სანახებს ეწოდებოდა და არავინ

¹³⁶ ვ. ჩაკვეტაძე, დასახ. ნაშრ., გვ. 100.

¹³⁷ მათიანე ქართლისა, გვ. 299.

¹³⁸ დავით აღმაშენებლის ისტორიკოსი, გვ. 319.

¹³⁹ ლაშა გიორგის დროინდელი მემათიანე, გვ. 367.

¹⁴⁰ ისტორიანი და აზმანი შარავანდედთანი, ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, II, თბილისი 1959, გვ. 49.

¹⁴¹ ივ. ჯავახიშვილი, ქართველი ერის ისტორია, II, გვ. 55, 61.

¹⁴² История и восхваление венценосцев, Грузинский текст перевел, предисловием и примечаниями снабдил К. С. Кекелидзе, глава XXIV, с. 105. прим. 6, Тб., 1954.

¹⁴³ ს. ჯანაშია, ვერისის სამეფოს წარმოშობა, ტ. II, თბილისი, 1952, გვ. 320.

თარ შემთხვევაში არ მოიცავდა თანამედროვე აბაშა-მარტვილის (გე-გეპკორის) რომელიმე ნაწილს. აღნიშნული ფაქტის დასადასტურებლად, ვ. ჩაკვეტაძეს სხვადასხვა მასალებთან ერთად მოაქვს პროკოფი კესარიელის ერთი ცნობა, სადაც ნათქვამია: რომ არქეოპოლისი (ნოქალაქევი) ერთი დღის სავალზე მდებარეობდა მოხირისიდან¹⁴⁴.

მისივე აზრით, „სამოქალაქოს“ სინონიმურ ცნებად უნდა მივიჩნიოთ „ქუეყანა ქუთათისისა“¹⁴⁵.

როგორც ჩანს, „სამოქალაქო“ უფრო ფართო ცნების მომცველი იყო, ვიდრე ცალკე აღებული ქუთათისი¹⁴⁶.

„სამოქალაქოში“ წარმოდგენილი იყო მთელი რიგი დასახლებული პუნქტები.

ქუთათისის სანახებში მდებარე მალლაკი, გეგუთი, წყალტუბო, ვარდციხე, გელათი, კურსები, გოდოგანი და სხვ. მნიშვნელოვან როლს ასრულებდნენ ქუთათისის ეკონომიკურ ცხოვრებაში¹⁴⁷.

გელათთან ერთად, ქუთათისთან მკვიდრო კავშირში იმყოფებოდა გეგუთიც.

შ. მესხიას გეგუთი ქალაქის ტიპის დასახლებად მიაჩნია და იქვე აღნიშნავს, რომ ამ ტიპის დასახლებანი აქტიურად მონაწილეობდნენ ქვეყნის ეკონომიკურ ცხოვრებაში¹⁴⁸.

გეგუთი დაახლოებით 1156 წ. დაარსა გიორგი III-მ¹⁴⁹ და ქართველ მეფეთა ერთ-ერთ რეზიდენციას წარმოადგენდა. აქ ჩერდებოდნენ გიორგი III¹⁵⁰, თამარი („ხოლო მეფე თამარ ზამთრის დურს

¹⁴⁴ ვ. ჩაკვეტაძე, დასახ. ნაშრ., გვ. 115.

¹⁴⁵ იქვე, გვ. 116.

¹⁴⁶ „სამოქალაქოს“ გამო ქართულ ისტორიოგრაფიაში გამოთქმულია სხვა მოსაზრებებიც. ქ. ჩხატარაიშვილის აზრით, „ფიცის კაცთა“ ინსტიტუტი ადრეულ საისტორიო წყაროებში დამოწმებული „სამოქალაქო“ მოსახლეობის იდენტურია და გულისხმობს მეფის დომენს (ქ. ჩხატარაიშვილი, ძველი ფეოდალური სამხედრო ორგანიზაციის ისტორიიდან (შიდა ლაშქარი), მაცნე, ისტორიის, არქეოლოგიის, ეთნოგრაფიისა და ხელოვნების ისტორიის სერია, 1971, № 4, გ. 131—139). ამას იზიარებს მ. კეკელიაძე, (მ. კეკელიაძე, იმერეთის სამეფოში არსებული „ფიცის-კაცთა“ ინსტიტუტის შესახებ, მაცნე, იგივე, 1972, № 3, გვ. 143, შენ. 6). გ. ცქიტიშვილის აზრით, „სამოქალაქო“ ქუთათისთან ერთად მოიცავდა ქვემო იმერეთს (გ. ცქიტიშვილი, „ისტორიანი და აზმანი შარავანდელთანი“-ს ერთი ადგილის წაკითხვისათვის, კრებ., საქართველო რუსთაველის ხანაში, 1966, გვ. 223).

¹⁴⁷ ვ. ჩაკვეტაძე, დასახ. ნაშრ., გვ. 117.

¹⁴⁸ Ш. А. Месхиа, Города и городской строй феодальной Грузии, с. 106.

¹⁴⁹ ვ. წილოსანი, გეგუთი, ციხე-დარბაზი, კრ. „შოთა რუსთაველის ეპოქის მატერიალური კულტურა“, თბილისი, 1938, გვ. 458.

¹⁵⁰ ისტორიანი და აზმანი შარავანდელთანი, გვ. 22.

იყვის და ზაფხულის კოლას ცელის ტბასა, ზოგჯერ გარდავიდის აფხა-
ვზთს: გეგუთს და ცხუმს¹⁵¹, ვახუშტი გეგუთს ზანთრის სადგურს უწო-
დებს („სად ერთგის რიონს ყვირილა, მის ჩრდილოეთ და რიონს და-
სავლეთით არს გეგუთი სადგური ზანთრის მეფეთა)¹⁵² გეგუთს, ვა-
ხუშტის თქმით, „ციხე დარბაზსაც“ ეძახდნენ¹⁵³.

გელათისა და გეგუთის დაარსება XII ს-ში კარგად მოწმობს,
თუ როგორ ყურადღებას აქცევდა მეფის ხელისუფლება დასავლეთ
საქართველოს პოლიტიკურ-კულტურული ცენტრების მნიშვნელობის
ზრდასა და განმტკიცებას.

ყურადღება ექცეოდა აქაური ქალაქების ეკონომიკურ განვითა-
რებასაც.

ზემოთ, თავის ადგილზე უკვე ითქვა, რომ ქართულ ისტორიო-
გრაფიაში აღნიშნულია (ნ. ბერძენიშვილი, ლ. ჭილაშვილი) იმ გზების
მნიშვნელობა, რომლითაც დასავლეთ საქართველოს ქალაქები და,
კერძოდ, ქუთაისი აღმოსავლეთ და სამხრეთ-დასავლეთ საქართვე-
ლოს სავაჭრო მაგისტრალებს უკავშირდებოდა.

დასავლეთ საქართველოს საქალაქო ცხოვრებაში მნიშვნელოვან
როლს თამაშობდნენ ზღვისპირეთის ქალაქებიც.

ზღვისპირეთის ქალაქებს შორის სოხუმი ერთ-ერთი უმნიშვნელო-
ვანესი და უძველესი ქალაქია. ძველად მას სევასტოპოლე რქმევია. ლე-
ონტი მროველის თხზულების ჩანართებში წერია: „შევიდეს ქუეყანა-
სა აფხაზეთისასა და სევასტე ქალაქად¹⁵⁴ მოვიდეს, რომელსა აწ ეწო-
დება ცხუმი“¹⁵⁵.

„ჭუანშერის თხზულებაშიც ცხუმი ქალაქია“¹⁵⁶.

¹⁵¹ ისტორიანი და აზმანი შარავანდელთანი, გვ. 111.

¹⁵² ვ ა ხ უ შ ტ ი, აღწერა სამეფოსა საქართველოსა (საქართველოს ვეოგრაფია),
თბილისი, 1941, გვ. 156.

¹⁵³ იქვე, გვ. 157.

¹⁵⁴ მკვლევართა აზრით, სევასტოპოლისი (სებასტოპოლისი) იგივე ძველი დიოს-
კურიაა. М. П. И н а д з е, Причерноморские города древней Колхиды, Тб.,
1968, с. 242.

¹⁵⁵ ლ ე ო ნ ტ ი მ რ ო ვ ე ლ ი, I, გვ. 42, მსგავსი ჩანართები ანდრია მოცი-
ქულის მოღვაწეობიდან არის აღებული, მაგრამ, რა თქმა უნდა, ამ მოღვაწეობის ამ-
სახველი „ცხოვრება“ ძველ ქართულ წყაროთა რიგს განეკუთვნება. ამ წყაროთა შესახებ
იხ. ივ. ჭ ა ვ ა ხ ი შ ვ ი ლ ი, ანდრია მოციქულის და წ-და ნინოს მოღვაწეობა სა-
ქართველოში (ეურნ. „მოამბე“, ტფ. 1900, გვ. II, გვ. 55—70, № 6, გვ. 18—50);
მისივე, Проповедническая деятельность ап. Андрея и св. Нины в Грузии (журн.
мин. нар. просв., Спб., 1901, № I, с. 77—113).

¹⁵⁶ ქართლის ცხოვრება, ტ. I, გვ. 235.

საზოგადოდ, ძველ წყაროებში სოხუმი ქალაქად იწოდება „დაი-
ზანაკა პიტიოტას, ზღვს პირს, ქალაქსა, რომელსა ჰქვან ცხუმი“¹⁵⁷.
ვახუშტიც სოხუმს ქალაქად იხსენიებს, თუმცა მის დროს ის უკვე და-
ბაა¹⁵⁸.

სოხუმს ქალაქს უწოდებს აგრეთვე აბულფიდა (დაიბ. 1273 წ.)¹⁵⁹.

შუა საუკუნეების სოხუმი ძირითადად მდ. ბესლეთის მარცხენა ნა-
პირზე იყო გაშენებული. ვახუშტი შემდეგნაირად განსაზღვრავს სო-
ხუმის ადგილმდებარეობას: „ხოლო ამ კოდორის დასავლეთად დის
მდინარე ცხომისა, გამომდინარე კავკასიასა, და მოერთვის ზღვას
ჩრდილოდამ. ამ წყალზედ, მთაში არს ცხომი, და ისაბელების მდინა-
რე ესე ამისგან“¹⁶⁰.

XI—XII სს. სოხუმი მნიშვნელოვანი ეკონომიკური ცენტრი ჩანს,
მაგალითად, არქეოლოგთა აზრით, აქ უნდა არსებულყო კერამიკის
საწარმოო ცენტრი¹⁶¹.

სოხუმის საგარეო კონტაქტებზე მეტყველებს აქ ნაპოვნი უცხო-
ური მონეტები¹⁶².

სოხუმის მაზლობლად მდ. ბესლეთზე აგებული ხიდი, ქართული
ასომთავრული წარწერით, მიმანიშნებელია კეთილმოწყობილი გზები-
სა და მშენებლობის მაღალი დონის, აგრეთვე, სოხუმის სავაჭრო-ეკო-
ნომიკური კონტაქტებისა. სოხუმი კარგად იყო დაცული. აღნიშნული
ქალაქის თავდაცვით ნაგებობებს განეკუთვნება ე. წ. „ზაგრატის ცი-
ხე“¹⁶³.

კიდევ უფრო ცოტა ცნობები მოიპოვება ბიჭვინტის შესახებ.
შ. მესხია მას ასახელებს, VIII—XII სს. წყაროების მიხედვით, დას.
საქართველოს ქალაქებს შორის (ნიკოფსია, დიოსკურია, (ცხუმი),
ბიჭვინტა და სხვ.)¹⁶⁴ XII ს-ში ბიჭვინტა გარკვეული მნიშვნელობის

¹⁵⁷ ჟუანშერი I, გვ. 238.

¹⁵⁸ ვ ა ხ უ შ ტ ი, დასახ. ნაშრ., გვ. 169.

¹⁵⁹ Géographie d'Aboulfeda, texte arabe publié par M. Reinau, Paris, MDC-
CCXL, 389.

¹⁶⁰ ვ ა ხ უ შ ტ ი, დასახ. ნაშრ., გვ. 169.

¹⁶¹ ე. ჯ ა ფ ა რ ი ძ ე. ქართული კერამიკა (XI—XII სს.), თბ., 1956, გვ. 40.

¹⁶² Е. А. Па х о м о в, Монетные клады Азербайджана, вып., I, № 140.
вып. II, № 440, Баку, 1926.

¹⁶³ З. В. А л и ч а б а д з е, დასახ. ნაშრ., გვ. 189.

¹⁶⁴ Ш. А. М е с х и а, დასახ. ნაშრ. გვ. 14.

ქალაქი ჩანს. დავით აღმაშენებელი, მისი ისტორიკოსის ცნობით, „ჩავიდა აფხაზეთს ბიჭვინტამდე და განაგნა საქმენი მანდაურნი“¹⁶⁵.

წერილობითი წყაროების მიხედვით, ანაკოფია, ეტყობა. XI—XII სს. დას. საქართველოს შავიზღვისპირეთის მნიშვნელოვან ცენტრს წარმოადგენდა.

ჯუანშერი ანაკოფიას მოიხსენიებს როგორც ციხე-ქალაქს („მიწყუდეულ არს ციხე-ქალაქი ესე შემუსრვად“)¹⁶⁶.

ვახუშტი აღწერს ქალაქს და შემდეგნაირად განსაზღვრავს მის მდებარეობას: „ამ ცხოშის დასავლით არს ანაკოფია და მდინარე მისი მცირე, გამომდინარე კავკასიისა და მომრთველი ზღვისა ეგრეთვე ჩრდილოდამ. ამ მდინარის აღმოსავლით და ზღვის კიდეზედ არს ქალაქი ანაკოფია“¹⁶⁷.

ანაკოფია, ვახუშტის განმარტებით, ძველი („ეს აღაშენეს ბერძენთა“) და სახელოვანი ქალაქია. ანაკოფიას შესანიშნავი ბუნებრივი პირობები და მდებარეობა ჰქონდა. „იყო ქალაქი კეთილი, შვენიერი, ზღვასა ზედა წაშენებული, და შემდგომად ბაგრატიონთაგან უმეტეს განდიდებული, რომლისა ზღვასა შინა სვეტნი ორმოცამდე დღესაც ჩანან. არამედ აწ ოკერ არს“¹⁶⁸.

ეს ნაგვიანევი, მაგრამ საინტერესო და საყურადღებო ცნობა, ძველი ვითარების ანარეკლი უნდა იყოს. კერძოდ, არ შეიძლება ჩვენი ყურადღება არ მიიქციოს იმან, რომ ვახუშტის მიხედვით, ანაკოფიის მნიშვნელობა „უმეტეს განდიდეს“ ბაგრატიონებმა.

ანაკოფიის ციხეს არაერთგზის მოიხსენიებენ ძველი ავტორები—ჯუანშერი¹⁶⁹, ქართლის მატიანეს ავტორი. თამარის ისტორიკოსი („მოადგა ციხესა ანაკოფისასა“, „ანაკოფიის ციხე“¹⁷⁰ და სხვ.). საგულისხმოა, რომ ქართლის მატიანე მას უწოდებს აფხაზეთის ციხეთა თავადს („...ანაკოფია, თავადი ციხეთა აფხაზეთისათა“)¹⁷¹, ე. ი. ყველაზე მთავარსა და მნიშვნელოვანს მთელს დას. საქართველოში.

ანაკოფიის მნიშვნელობაზე მეტყველებს ის ფაქტიც, რომ ის XI—XII სს. საქართველო-ბიზანტიის ქიშპობის ობიექტს წარმოადგენდა (აღრე მის აღებას ცდილობდა მურვან ყრუ)¹⁷²,

¹⁶⁵ დავით აღმაშენებლის ისტორიკოსი გვ. 339.

¹⁶⁶ ჯუანშერი, გვ. 236.

¹⁶⁷ ვახუშტი, აღწერა..., გვ. 169.

¹⁶⁸ იქვე.

¹⁶⁹ ჯუანშერი, გვ. 235.

¹⁷⁰ ცხოვრება მეფეთ-მეფისა თამარისი, გვ. 129.

¹⁷¹ მატიანე ქართლისა, გვ. 317.

¹⁷² ჯუანშერი, გვ. 235.

გიორგი I-ის ძემ დემეტრემ ანაკოფია გადასცა ბიზანტიას: „და ამისა შემდგომად სხუაცა ძე დარჩა გიორგი მეფესა ანაკოფიას შინა... შიმართა ბერძენთა მეფესა, და წარუტანა თანა ანაკოფია და მიერთ-გან წარუტდა ანაკოფია აფხაზთა მეფესა მოაქაჲამადმდე“¹⁷³.

საბოლოოდ საქართველომ მაინც შეიძლო ანაკოფიის დაბრუნება.

ამგვარად, ანაკოფია ჩვენთვის საინტერესო ხანაში შავიზღვის-პირეთის მნიშვნელოვანი საშუალო ქალაქი იყო. წყაროებიდან ირკვევა, რომ ქართველი მეფეები მას დიდ მნიშვნელობას ანიჭებდნენ და შე-საბამის ყურადღებასაც უთმობდნენ.

შავიზღვისპირეთის სხვა მნიშვნელოვანი ქალაქი იყო ნიკოფსია ნიკოფსიას ქალაქი ეწოდება ლეონტი მროველის თხზულების ერთ-ერთ ჩანართში და შემდეგნაირად არის განსაზღვრული მისი მდებარეობა: „ხოლო სიმონ კანანელისა საფლავი არს ნიკოპს ქალაქსა, შორის აფხაზეთისა და ჭიქეთისა, რამეთუ მუნ აღესრულა წმიდა სკმონ კანანელი“¹⁷⁴.

მართალია, წერილობითი წყაროები ბევრს არაფერს ამბობენ ამ ქალაქის თაობაზე, მაგრამ ყურადღებას იქცევს შემდეგი გარემოება: საქართველოს ტერიტორიული საზღვრების აღნიშვნისას, შავი ზღვი-დან კასპიის ზღვამდე, წყაროები არაერთგზის ასახელებენ ორ უმნი-შვნელოვანეს პუნქტს: ნიკოფსიას შავ ზღვაზე და დარუბანდს—კას-პიის ზღვაზე, ე. ი. იღებენ ამ უკიდურეს დასავლეთით და უკიდურეს აღმოსავლეთით მდებარე ზღვისპირა ქალაქებს¹⁷⁵.

XI—XII სს. ბათუმის შესახებ ცნობები არ მოგვეპოვება. ვა-ხუშტი მას მცირე ქალაქად წარმოადგენს. ასეთსავე მცირე ქალაქად მოიხსენიებს ის გონიოსაც (ანტიკური ხანის აფსაროსი). „და ამ ჩაქვის სამჯრით დის ჭოროხის მდინარე. ზღვის შესართავზედ და ჭოროხის ჩრდილოეთ კიდურზედ არს ბათომი, მცირე ქალაქი და ციხე კარგი... და ბათომის პირისპირს, ჭოროხის სამჯრეთის კიდებზე, არს გონია, მცირე ქალაქი და ციხე“¹⁷⁶.

შესაძლოა ჩვენთვის საინტერესო ხანაში ბათუმი და გონიო უკ-ვე ქალაქის ტიპის დასახლებებს, ან მცირე ქალაქებს წარმოადგენდნენ.

¹⁷³ მათიანე ქართლისა, გვ. 295.

¹⁷⁴ ლეონტი მროველი, გვ. 43, გიორგი მთაწმინდელის ცხოვრებაში კი ნათქვამია: სიმონ კანანელი „ქუეყანასა ჩვენსა დამარხულ არს აფხაზეთს, რომელსა ნიკოფსი ეწოდებს“ ციტარებულია ივ. ჯავახიშვილის მიხედვით: ქართველი ერის ისტორია, ტ. II, გვ. 52.

¹⁷⁵ ისტორიანი და აზმანი შარვაანდელთანი, გვ. 94, 103; ანდერძი დავით აღმა-შენებლისა (1125 წ.), ქართული სამართლის ძეგლები, ტ. II, თბილისი, 1965, გვ. 37.

¹⁷⁶ ვახუშტი, აღწერა..., გვ. 176.

ყოველ შემთხვევაში, ორივე ზემოდსახელებული ქალაქი ძველია. ანტიკურ ხანაში ისინი მნიშვნელოვან (სტრატეგიული თუ სავაჭრო ეკონომიკური თვალსაზრისით) ქალაქებად ითვლებოდნენ¹⁷⁷.

ამგვარად, ქუთაისს გარდა, როგორც ვნახეთ, დასავლეთ საქართველოში არსებობდა ქალაქები—სოხუმი, ანაკოფია, ნიკოფსია, ბიჭვინტა, ხუფათი, ფოთი.

ყველა ეს ქალაქი (ქუთაისს გარდა) შავი ზღვის სანაპიროზე მდებარეობს, მაგრამ ისინი თავიანთი მასშტაბებითა და მნიშვნელობით ვერ შეედრებიან ანტიკური და ელინისტური ხანის ქალაქებს. რომლებიც თავის დროზე განუზრელი განვითარების გზაზე იდგნენ. ეს ხაზგასმითაა აღნიშნული სპეციალურ ლიტერატურაში¹⁷⁸.

ამას გარდა, როგორც ჩანს, ადრეფეოდალური ხანის დასასრულს დას. საქართველოში ადგილი არა აქვს ე. წ. „ახალქალაქობის“ პერიოდს, რაც ასე დამახასიათებელი იყო ამავე პერიოდის აღმ. საქართველოს ქალაქებისათვის.

დას. საქართველოში ზოგიერთი ქალაქი—ციხე-გოჯი (არქეოპოლისი), კლისურა, ვანი, ფიჭვნარი, გადაშენდა ზოგიერთი მათგანი ქალაქის ტიპის დასახლებად იქცა (აფსაროსი, პიტიუნტი, ბათონი), ზოგიც კიდევ განაგრძობდა არსებობას (მაგ., ქუთაისი, სოხუმი), მაგრამ ქალაქების საერთო მდგომარეობა სულ სხვა სურათს გვიჩვენებს, ვიდრე ეს ანტიკურ ხანაში იყო¹⁷⁹.

XI—XII სს. საქართველოს ქალაქების შესწავლით აშკარა ხდება, რომ აღმ. და დას. საქართველოში ერთნაირი ვითარება არ იყო ქალაქებისა და საქალაქო ცხოვრების განვითარების მხრივ.

თუ XI—XII ს-ში აღმოსავლეთ საქართველოში არსებობდა

¹⁷⁷ М. П. И н а д з е, დასახ. ნაშრომი, გვ. 191, 251.

¹⁷⁸ მაგალითისათვის შეიძლება დავასახელოთ პიტიუნტი. თუ ის ელინისტურ ხანაში, იმდროინდელი წერილობითი წყაროების თანახმად, წარმოადგენს „დიდ პიტიუნტს“ (ფეესელი) და „უმდიდრეს ქალაქს“ (პლინიუსი), (М. П. И н а д з е, ნაშრომი, გვ. 225), XI—XII სს. ის უკვე მცირე ქალაქია.

¹⁷⁹ ლ. კ ი ლ ა შ ვ ი ლ ს ამის ერთ-ერთი მიზეზად აღნიშნული აქვს ის, რომ „მოისპო ზღვისპირეთის კულტურული ცენტრები“ (ლ. კ ი ლ ა შ ვ ი ლ ი, ქალაქები ფეოდალურ საქართველოში, II, გვ. 84), მაგრამ ამ მოვლენას იგი მხოლოდ მურვან-ყრუს ლაშქრობის შედეგებს უკავშირებს (იქვე, გვ. 84, შენ. 53), მასვე აღნიშნული აქვს დას. საქართველოს გზების (და ზღვისპირეთის ქალაქების) ლოკალური მნიშვნელობა და ისიც, რომ IX—X საუკუნეებში ტაო-კლარჯეთმა საგრძნობლად გააწრო კოლხეთს (იქვე, გვ. 84). ერთგვარად განსხვავებულ მოსაზრებას გამოთქვამდა აკად. ნ. ბერძენიშვილი, რომლის სიტყვით: „ძველს საზღვისპირო ქალაქებს ახლებიც შემოემატა (ხოფათი, ბათონი...)“, ნ. ბ ე რ ძ ე ნ ი შ ვ ი ლ ი, გზები რუსთაველის ეპოქის საქართველოში, გვ. 10.

მრავალი დაწინაურებული და განვითარებული ქალაქი, დასავლეთ საქართველოში, როგორც ვნახეთ, სულ რამდენიმე ქალაქი იყო, მათ შორის ყველაზე მთავარი და მნიშვნელოვანი ქუთაისი ჩანს.

დამახასიათებელია, რომ დასავლეთ საქართველოს ურბანიტიკული სინამდვილე ამ მხრივ ერთნაირი იყო აღმავლობა-განვითარების პერიოდშიც (X—XII სს.) და დაქვეითების პერიოდშიც (XVI—XVIII სს.). ზოუხედავად აშკარად განსხვავებული პოლიტიკური და სოციალ-ეკონომიკური პირობებისა, მსგავსებას ამ თვალსაზრისით, როგორც ჩანს, აპირობებდა შავი ზღვის მდგომარეობა.

X—XII სს. დასავლეთ საქართველოს ქალაქების შესწავლისას, ჩვენი აზრით, განსაკუთრებული ყურადღება უნდა მიექცეს შავი ზღვის როლსა და მნიშვნელობას. საქმე ისაა, რომ შავ ზღვაზე შექმნილი მდგომარეობა (უკეთ შავი ზღვის კავშირების გარესამყაროსთან ინტენსიურობა) მნიშვნელოვნად განსაზღვრავდა დას. საქართველოს ქალაქების მდგომარეობას ანტიკურ და ფეოდალურ ხანაში.

შავ ზღვაზე VIII—XI საუკუნეებში ბიზანტია ბატონობდა.

არაბი გეოგრაფები უკვე IX საუკუნიდან შავი ზღვის აღსანიშნავად ხმარობენ ტერმინ „ბაჰრ არ-რუმს“ („ბიზანტიის ზღვა“), რაც ადრე ხმელთაშუა ზღვის სახელწოდება იყო¹⁸⁰. ალ-ფერგანი, რომლის ნაშრომშიც პირველად გვხვდება ეს დასახელება, ხმელთაშუა ზღვას უწოდებს „ბაჰრ ამ-შამს“ („სირიის ზღვა“)¹⁸¹.

„ბაჰრ-არ-რუმ“ შავი ზღვის მნიშვნელობით დამოწმებულია იბნ ხორდადბეჰის თხზულებაშიც¹⁸².

ამავე ხანებში ასტრონომ ალ-ბატანისგან მოყოლებული არაბულ გეოგრაფიულ ლიტერატურაში პოპულარული ხდება შავი ზღვის ბერძნული სახელწოდება — პონტოსი¹⁸³.

ქართულ წყაროებში მოიპოვება შავი ზღვის ისეთი სახელწოდება რომელიც სხვაგან არსად არაა ფიქსირებული. ესაა „სპერის ზღვა“, გვხვდება ლეონტი მროველთან: „დასავლით ვიდრე ზღუადმდე სპერისა“¹⁸⁴. ჭუანშერთან: „დაიპყრა მირდატ, ძემან ვანტანგისმან, ფარავნითგან და ტასისკარითგან, ვიდრე ზღუადმდე სპერისა“¹⁸⁵ და ვახუშ-

¹⁸⁰ В. М. Бейлис, Сведения о черном море в сочинении арабских географов IX—X вв., сб., Ближний Восток, М., 1962, с. 22.

¹⁸¹ იქვე, გვ. 23.

¹⁸² В. М. Бейлис, დასახ. ნაშრ., გვ. 23.

¹⁸³ იქვე.

¹⁸⁴ ლეონტი მროველი, გვ. 8, 9, 19.

¹⁸⁵ ჭუანშერი, გვ. 205.

ტისთან: „ბექას ეპყრა ტაშისკარს ზეით სპერის ზღუადმდე“¹⁸⁶. სპერის ზღვა შავი ზღვის აშკარად ქართული სახელწოდებაა. ნაწარმოებია იგი სამხრეთ დასავლეთ საქართველოში მდებარე ერთ-ერთი ცნობილი ადგილის სახელწოდებიდან¹⁸⁷.

აღსანიშნავია რომ ამ სახელწოდებას რალაცნაირად ეხმაურება X ს-ის სპარსული გეოგრაფიული თხზულება „ჰოდუდ ალ-ალამში“ („ქვეყნიერების საზღვრები“) დამოწმებული „ქართველთა ზღვა“ („ბაჰარ ალ-ჯურზი“)¹⁸⁸.

ეს თითქოს იმის მაჩვენებელი უნდა იყოს, რომ ქართველები ნაონობისათვის იყენებდნენ შავი ზღვის სანაპიროების ქალაქებსა და ნავსადგურებს, მაგრამ არა ისე ინტენსიურად, როგორც ეს ანტიკურ ხანაში იყო.

შავი ზღვის მდგომარეობა მკვეთრად შეიცვალა არაბეთ-ბიზანტიის მეტოქეობის პერიოდში.

VIII საუკუნიდან დაწყებული არაბები განუყოფლად ბატონობდნენ ხმელთაშუა ზღვის დასავლეთ ნაწილში¹⁸⁹. X ს-ში მათ შეძლეს სიცოლიის და კრეტის ხელში ჩაგდება, რითაც დასაყრდენი გაიჩინეს ჰმელთაშუა ზღვის აღმოსავლეთ ნაწილშიც¹⁹⁰. არაბთა სწრაფვა ზღვებზე ბატონობისაკენ ფართოდ აისახა იმდროინდელ არაბ გეოგრაფთა თხზულებებში. X—XIII სს. არაბი გეოგრაფები ცხოველ ინტერესს

¹⁸⁶ ბ ა ტ ო ნ ი შ ვ ი ლ ი, ვ ა ხ უ შ ტ ი, აღწერა სამეფოსა საქართველოსა, ტექსტი დადგენილი ყველა ძირითადი ხელნაწერის მიხედვით ს. ყუხჩიშვილის მიერ, თბ. 1973, გვ. 245, იხ. აგრეთვე გვ. 40, 48, 49, 50.

¹⁸⁷ მ ა ნ ა ნ ა გ ა ბ ა შ ვ ი ლ ი, შავი ზღვა ქართული წყაროების მიხედვით, თბლისის სახ. უნივერსიტეტის შრომები, აღმოსავლეთმცოდნეობის, სერია თბ., 1978, ტ. 186, გვ. 126—127.

¹⁸⁸ Hudud al-Alam, გვ. 67. ერთხანს შავ ზღვას ეწოდებოდა აგრეთვე „რუსთა ზღვა“ და „ხაზართა ზღვა“, (კასპიის ზღვასთან ერთად), ოღონდ ეს სახელწოდებები ნაკლებ იყო გავრცელებული. В. В. Бартольд, Ислам на Черном море, Собр. соч. т. VI, გვ. 659. კიდევ უფრო ნაკლებ იყო ცნობილი „ყირიმის ზღვა“ («Bahry Kirim») და ტრაპიზონის ზღვა («Bahr al-Trabuzunda»).

¹⁸⁹ სრუტეებზე ბატონობას უაღრესად დიდი პოლიტიკური და ეკონომიკური მნიშვნელობა ენიჭებოდა. ზღვების სანაპიროებზე მდებარე ქვეყნების ერთ-ერთ მთავარ საზღუნავს ზღეოსნობასთან დაკავშირებული საქმიანობის წარმატება და ფლოტის გაძლიერება შეადგენდა. ე. როზენის თქმით: «В государствах, которые владели морским берегом, степень заботливости о флоте (военном и торговом) в большинстве случаев может служить мериллом государственной мудрости правителей» (Император Василий Болгоробойца, Извлечения из летописи Яхьи Антиохийского. Издал, перевел и объяснил В. Р. Розен, СПб., 1883, с. 283).

¹⁹⁰ А. А. Васильев, Византия и Арабы, СПб., 1900, с. 204, 206.

იჩენენ ხმელთაშუა ზღვის კიშართ¹⁹¹. მაგრამ, როგორც ცნობილია, არაბებმა ვერ შეაღწიეს ვერც ხმელთაშუა ზღვის უკიდურეს აღმოსავლეთ ნაწილში, ვერც, მით უმეტეს, შავ ზღვაზე¹⁹².

VIII—XI სს. შავ ზღვაზე განუყოფლად ბატონობდა ბიზანტია, ხმელთაშუა ზღვაზე კი მუსლიმები ბატონობდნენ. ბიზანტიელებისა და მუსლიმანების სამხედრო ფლოტები ხშირად ესხმოდნენ ხოლმე ერთმანეთს თავს. აღნიშნულ გარემოებათა გათვალისწინების შედეგად გასაგები ხდება, თუ რით იყო გაპირობებული დასავლეთ საქართველოს ქალაქების განვითარების ერთგვარი შეფერხება აღმოსავლეთ საქართველოს ქალაქებთან შედარებით IX—X საუკუნეებში.

იმის გამო, რომ არაბები გაბატონდნენ ხმელთაშუა ზღვაზე, შავი ზღვა ჩაკეტილი აღმოჩნდა. შავი ზღვის ქალაქები გამოეთიშნენ იმდროინდელი მსოფლიო ვაჭრობის მთავარ ცენტრებს, რომელთა ურთიერთკავშირი ხმელთაშუა ზღვის და ინდოეთის ოკეანის მეშვეობით მყარდებოდა. აღსანიშნავია ისიც, რომ მსოფლიო ვაჭრობაში გაბატონებული მუსლიმანი ვაჭრები დაინტერესებული არ იყვნენ შავი ზღვისპირეთის სავაჭრო ახალშენების დაარსებით¹⁹³. ამიტომ იყო, რომ შავი ზღვა ფაქტიურად დიდხანს „დაკეტილი ზღვა“ იყო— „Mare clausum“.

ამან შავი ზღვის სანაპიროთა ქალაქები ისევე მოწყვიტა მსოფლიო სავაჭრო ცენტრებს, როგორც გვიან, თურქეთის გაბატონებამ შავ ზღვაზე (XV ს.) გამოიწვია აქაური ქალაქების იზოლაცია და შავი ზღვის „თურქეთის ტბად“ გადაქცევა.

შავი ზღვის ბლოკირებას უშედეგოდ არ ჩაუვლია. მისმა ჩაკეტ-

¹⁹¹ არაბები რომ განსაკუთრებულ ყურადღებას აქცევდნენ ფლოტს ჩანს აღმკროზისის შეფასებიდან, რომელშიაც აღნიშნულია: ყველა ყოველნაირად ცდილობდა ფლოტში მოხვედრას და რომ ფლოტის მსახურნი დიდი პატივისცემით სარგებლობდნენ (Василий Болгаронойца с. 174).

¹⁹² «К Черному морю не смогли на длительное время продвинуться ни персы при Сасанидах, несмотря на их многочисленные победы над Римом, ни позднее арабы» (В. В. Бартольд, დასახ. ნაშრ., გვ. 659). სამწუხაროდ, ამჟამად, ჩვენ ხელთ არა ვვაქვს ჰონიგმანის ნაშრომი, რომლის შინაარსი ეხება შავ ზღვაზე ერთი არაბული მარშრუტის აღწერილობას: E. Honigman, Un itinéraire arabe à travers le Pont, Annuaire de l'Institut philologique et historique orientale et slaves, IV, 1936.

¹⁹³ ამის გამო აკად. ვ. ბარტოლდი აღნიშნვდა: «У мусульманских купцов, которые, в то время господствовали в мировой торговле, естественно, повсюду были свои интересы, однако эти интересы на Черном море не нашли своего выражения в виде основания мусульманских торговых поселений» .. (В. В. Бартольд, დასახ. ნაშრ., გვ. 660).

ვამ გამოიწვია ზღვისპირა ქალაქების იზოლირება გარესამყაროსაგან. ეს პროცესი, ბუნებრივია, დასავლეთ საქართველოს ქალაქებსაც შეეხო, რომლებიც მანამდე (ანტიკურ და ელინისტურ ხანაში) აქტიურად მონაწილეობდნენ შავი ზღვის საერთაშორისო ვაჭრობაში¹⁹⁴. სამაგიეროდ, დასავლეთ საქართველოს ქალაქებისაგან განსხვავებით, ხელსაყრელი პირობები შეექმნათ აღმოსავლეთ საქართველოს ქალაქებს.

სამხრეთის სავაჭრო გზების ჩრდილოეთისაკენ გადანაცვლებას XIII ს. მოჰყვა მტკვრის აუზში ვაჭრობის გამოცოცხლება. ამით იყო გაპირობებული აღმ. საქართველოს ქალაქების, განსაკუთრებით კი თბილისის აყვავება IX—XII სს-ში. მსგავსი მიზეზების გამო ასევე ეკონომიკურ აღმავლობას განიცდიან IX—XII სს. აზერბაიჯანის ქალაქებიც (დარუბანდი, ბარდავი, განძა, ბაილყანი, ნახჭევანი, შაბერანი, შემახა...) ¹⁹⁵. ამავე დროს, სავაჭრო გზის მდ. მტკვრის აუზში გადანაცვლებამ და შავიზღვისპირეთის ნავსადგურებთან სავაჭრო ურთიერთობის შეწყვეტამ (შავი ზღვის ბლოკირებას გამო). გამოიწვია სომხეთის ქალაქების დაცემა-დაქვეითება. სომხეთის ქალაქების ეკონომიკური დაკნინების ერთ-ერთი მიზეზი VIII ს. აყო საერთაშორისო სახმელეთო ვაჭრობის შეწყვეტა შავიზღვისპირეთის ნავსადგურებთან¹⁹⁶.

მაგრამ, ამასთან ერთად, უნდა აღინიშნოს ისიც, რომ შავი ზღვის ჩაკეტვის პერიოდშიც დასავლეთ საქართველოს ქალაქები ვითარდებიან იმ საერთო ეკონომიკურ საფუძველზე, რომელმაც X საუკუნეში მტკიცე პირობა შეუქმნა საქართველოს პოლიტიკურ გაერთიანებას. ამას გარდა, როგორც ეს სათანადო ქართული წყაროებიდან ჩანს, კვლავ გრძელდებოდა ნაოსნობა შავ ზღვაზე მოგზაურობისა თუ ვაჭრობის მიზნით. მაგრამ ამ ნაოსნობას ზემოაღნიშნული მიზეზების გამო ლოკალური და შეზღუდული ხასიათი უნდა ჰქონოდა.

საინტერესოა, რომ ანალოგიურ სიტუაციას ადგილი ჰქონდა ნავიანევი საუკუნეებშიც (XV—XVIII სს.) თუმც, როგორც უკვე ზემოთ აღვნიშნეთ, სულ სხვა პოლიტიკურ ვითარებასა და, რაც მთავარია, სრულიად განსხვავებულ სოციალურ-ეკონომიკურ პირობებში.

¹⁹⁴ М. П. Инадзе, Причерноморские города древней Колхиды; а. კ ა ხ ი ძ ე. საქართველოს ზღვისპირეთის ანტიკური ხანის ქალაქები, თბ., 1971-მისივე, აღმოსავლეთ შავიზღვისპირეთის ანტიკური ძეგლები, ბათუმი, 1975.

¹⁹⁵ Я. А. Манандян, О торговле и городах Армении в связи с мировой торговлей древних времен, Ер., 1954, 189—200; Г. М. Ахмедов, Из истории некоторых городов Азербайджана IX—XIII вв., Труды института истории АН АзССР, № 3, Баку, 1958 с. 112.

¹⁹⁶ Я. А. Манандян, დასახ. ნაშრ., გვ. 194.

1453 წ. თურქების მიერ კონსტანტინეპოლის აღების შემდეგ თურქეთი გაბატონდა შავ ზღვაზე. 1475 წლიდან, ყირიმის ნახევარკუნძულის დაპყრობის შემდეგ, ოსმალებმა შავი ზღვა გადააქციეს „თურქეთის ტბად“¹⁹⁷.

შავ ზღვაზე გაბატონებულმა ოსმალებმა უმკაცრესი კონტროლი დააწესეს შავი ზღვის გასასვლელ სრუტეებზე, რაც მთელი სამასი წლის მანძილზე გაგრძელდა. თურქეთის შავ ზღვაზე გაბატონებას და შავი ზღვის „თურქეთის ტბად“ გადაქცევას არ შეიძლებოდა უარყოფითი გავლენა არ მოეხდინა დასავლეთ საქართველოს ქალაქების განვითარებაზე.

ამრიგად, შავ ზღვაზე შექმნილმა ვითარებამ ერთნაირად განსაზღვრა როგორც VIII—XI სს-ის, ისე XV—XVIII სს. დასავლეთ საქართველოს ქალაქებისა და საქალაქო ცხოვრების მდგომარეობა.

შავი ზღვის ბლოკირებამ და გარე სამყაროსთან სავაჭრო კონტაქტების შეწყვეტამ ორივე შემთხვევაში გავლენა მოახდინა დასავლეთ საქართველოს ქალაქებზე, მათ საერთაშორისო ვაჭრობაში მონაწილეობის ინტენსიურობაზე. ოღონდ, რა თქმა უნდა, გვიან ეს გავლენა ისეთი იყო, რომ მან გამოიწვია დასავლეთ საქართველოს ქალაქებისა და საქალაქო ცხოვრების დაცემა-დაქვეითება, მაშინ როდესაც XI—XII სს. დასავლეთ საქართველოს ქალაქები (მათი მცირე რაოდენობის მიუხედავად) ეკონომიკურად საქმაოდ ღონიერი იყვნენ¹⁹⁸.

ქუთაისი X—XI სს. და XII ს-ის პირველ მეოთხედში (1122 წლამდე) გაერთიანებული საქართველოს დედაქალაქი იყო, რასაც ცხადია, არ შეიძლებოდა გავლენა არ მოეხდინა დასავლეთ საქართველოს ქალაქების პოლიტიკურ, ეკონომიკურ და კულტურულ მდგომარეობაზე.

მაგრამ ლიხის მთაზე რამდენიმე გადასასვლელის არსებობა მოწმობს, რომ სავაჭრო-ეკონომიკური ურთიერთობა ირანთან უფრო ინ-

¹⁹⁷ G. B. Depping, *Histoire du Commerce du Levant entre l'Europe et du Levant depuis les Croisades*, Paris, 1832, 11, 227—228. A. H. Lybier, *The Ottoman Turks and the Routes of Oriental Trades*, *The English Historic-Rewiew*, vol.-XXX-no, CXX, 1915, 582.

¹⁹⁸ დასავლეთ საქართველოს ეკონომიკური და ქონებრივი სახსრის მაჩვენებელი X—XII სს-ში მიმდინარე ინტენსიური მშენებლობა ისეთი საკულტო ნაგებობებისა, როგორც იყო: მოქვის დიდი კათედრალი (X ს.) ბედისის ტაძარი (X—XI სს. მიჯნა), ბიკინტის მთავარი ტაძარი (X და XI საუკუნეთა მიჯნა), ლიხნის ტაძარი (XI—XII სს-ის მიჯნა), ბაგრატის კათედრალი ქუთაისში (XI ს. დამდეგი), ნიკორწმინდა (1015 წ.), კაცხის ტაძარი (XI ს დამდეგი), სვანის ტაძარი (1046) წ., ეჯხევის ტაძარი XI ს., გელათი (XII ს.) და სხვ. შ. ა მ ი რ ა ნ ა შ ვ ი ლ ი, ქართული ხელოვნების ისტორია, თბ., 1971, გვ. 228—248.

ტენსიური იყო, ვიდრე შავი ზღვით დასავლეთთან, თუმცა ამ გადასასვლელ-გადმოსასვლელების ერთ-ერთი გზა „დასავლის გზის“ სახელითაა ცნობილი¹⁹⁹.

ამ გადასასვლელების საშუალებით დასავლეთ საქართველო სავაჭრო-ეკონომიკური ურთიერთობით უკავშირდებოდა აღმოსავლეთ საქართველოს, იქიდან კა—მახლობელი აღმოსავლეთის ქვეყნებს. მაგრამ ეს ურთიერთობა აღმოსავლურ სამყაროსთან გაცილებით ნაკლებად ინტენსიური იყო. ვიდრე აღმოსავლეთ საქართველოსი²⁰⁰. ამაზე მეტყველებენ როგორც წერილობითი წყაროები, ისე ნუმიზმატიკური მონაცემები²⁰¹.

ვითარება ამ მხრივ ერთგვარად შეიცვალა XI—XII სს-ში, როცა ბიზანტიის მეტოქე არაბები ხმელთაშუა ზღვაზე თურქებმა შეცვალეს. მაგრამ ალექსი კომნენოსის (1081—1118) პოლიტიკის შედეგად სელჩუკებმა ზღვებზე ვერ გააღწიეს და შავ ზღვაზე ბატონობა კვლავ ბიზანტიამ შეინარჩუნა²⁰². ასე რომ ვითარება ზღვებზე თურქ-სელჩუკთა შემოსევებისა და ბატონობის დროსაც არსებითად უცვლელი დარჩა.

სიტუაცია მკვეთრად შეიცვალა მხოლოდ XII ს-ის მეორე ნახევარში, როდესაც დასუსტებული ბიზანტიის ადგილს ვენეციელები

¹⁹⁹ ნ. ბ ე რ ძ ე ნ ი შ ვ ი ლ ი, გზები რუსთაველის ეპოქის საქართველოში, ვკ. 29.

²⁰⁰ აბულ ფიდა ზემოთ დამოწმებულ ცნობაში სოხუმს ასახელებს შავიზღვისპირეთის ქალაქებს შორის და იქვე აღნიშნავს, რომ სოხუმი მდებარეობდა ტრაპიზონის ჩრდილოეთით (Géographie d'Aboulféda გვ. 389.). ტრაპიზონი, როგორც ცნობილია, აღმოსავლეთის ვაჭრობასთან იყო ინტენსიური ურთიერთობით დაკავშირებული. ამ ქალაქში განუწყვეტლივ მოდიოდნენ აღმოსავლელი ვაჭრების ქარავნები. მასულის ცნობის თანახმად, ტრაპიზონში მრავლად იყვნენ ამიერკავკასიელი ვაჭრები.

Macoudi, Les prairie d'or, texte et traduction par C. Barbier de Meynard et Pavet de Courteille, Paris, 1863 p. 3. ისთახრის სიტყვით, ტრაპიზონი რუმის საზღვარია. ვაჭრები იქ იყრიან თავს და ყველაფერი, რაც იქ ქვეყნებში იშოვება, ტრაპიზონიდან მოდის. ისთახრი, ჰოდუდ ალ-ალემი, ჰამდალაჰ ყაზვინი. თარგმანი შენიშვნებითა და საძიებლებითურთ ვ. ფ უ თ უ რ ი ძ ი ს ა, საქართველოს ისტორიის წყაროები, 4, თბ., 1937. გვ. 4.

²⁰¹ ფულის განძების გავრცელების მიხედვით თუ ვიმსჯელებთ, ის გაცილებით ნაკლებ ინტენსიურია დასავლეთ საქართველოში, ვიდრე აღმოსავლეთ საქართველოში. როგორც თ. ლომოური აღნიშნავს, „ქართულ ფული ვრცელდება მთელს საქართველოში, უფრო ინტენსიურად მის აღმოსავლეთ ნაწილში სამცხეთურთ. დასავლეთ საქართველოში ქართული ფულის გავრცელების შესახებ მცირე ცნობები გვაქვს“ (თ. ლომოური, დასახ. ნაშრ., გვ. 315).

²⁰² История Византии, т. II, М., 1967. с. 321. სელჩუკებმა მცირე აზიის მხოლოდ შიდა ოლქები დაიკავეს, მაგრამ შემდეგ მათ გეზი ზღვისკენ აიღეს.

და გენუელები იკავებენ და აქ (განსაკუთრებით ყირიმსა და შავი ზღვის ჩრდილოეთ სანაპიროებზე) თავიანთ ახალშენებს ქმნიან.

ჯვაროსანთა ომების დროს საგრძნობლად გაიზარდა იტალიური ქალაქ-კომუნების როლი აღმოსავლეთის პოლიტიკურსა და ეკონომიკურ ცხოვრებაში. აღნიშნულ ხანაში, XII—XIII სს-ში, ვენეციის, გენუისა და პიზის როლი აღმოსავლეთისა და დასავლეთის ვაჭრობაში არაჩვეულებრივად ინტენსიური გახდა²⁰³.

იტალიელებმა ჯვაროსნული ომების მსვლელობის პერიოდში მთელი რიგი პრივილეგიები მოიპოვეს. ხმელთაშუა ზღვის სანაპიროებზე აღმოცენდა იტალიელთა ახალშენები. მათი კოლონიები გაჩნდა აგრეთვე შავი ზღვის სანაპიროზე.

ამგვარად, XII ს. დასუსტებული ბიზანტიის ნაცვლად, ხმელთაშუა ზღვის არენაზე გამოდის სამი ძლიერი კონკურენტი—პიზის, ვენეციისა და გენუის სახით.

საბოლოოდ უპირატესობა ვენეციისა და გენუის ხელში გადადის. XIII ს. დასაწყისში ინიციატივა შავ ზღვაზე გენუამ იგდო ხელთ²⁰⁴. აქ მათი გავლენა უფრო და უფრო იზრდება. მაგალითად, XII—XIII სს. იტალიელთა ახალშენები დაარსდა შავ ზღვაზე და ყირიმის ნახევარკუნძულზე. XIII საუკუნის მეორე ნახევარში გენუელებმა შეიძინეს ყირიმის ქალაქი კაფა²⁰⁵. XIII ს. დასაწყისში გენუამ სავაჭრო ხელშეკრულებები დადო ყარსის მმართველთან²⁰⁶. ხოლო XIII ს. 50-იან წლებში ერთ-ერთი გენუელი წარჩინებული აქ ჩამოსულა სავაჭრო მიზნებით²⁰⁷.

არაბ და ირანელ ისტორიკოსთა ცნობით, XIII ს. დამდეგს ჩრდილოეთ ყირიმის ქალაქი სუდაკი აყო მსხვილი სავაჭრო ცენტრი, სადაც შეხვედბოდით სხვადასხვა ეროვნების ვაჭრებს: ალანებს, სომხებს, ხაზარებს, რუსებს, ბიზანტიელებს²⁰⁸. სუდაკში არსებობდა გენუელების ციხე-სამაგრე²⁰⁹, რაც აქ გენუელების გავლენაზე მეტყველებს. შავი-ზღვისპირეთში მათი ასეთივე მნიშვნელოვანი პუნქტი ხდება

²⁰³ История Италии, М., т. I, 1970, с. 207.

²⁰⁴ W. Heyde, Histoire du Commerce du Levant au Moyen Age. II, Leipzig, 1885, с. 187—188.

²⁰⁵ Я. А. Манандян, დასახ. ნაშრ. გვ. 286.

²⁰⁶ Л. А. Плпшан, Сисакан, Венеция, დამოწმებულია ი. მანანდიანის მიხედვით Я. А. Манандян, დასახ. ნაშრ., გვ. 282. ა

²⁰⁷ იქვე, გვ. 283.

²⁰⁸ А. Якубовский, Рассказ Ибн ал-Биби о походе малоазиатских турок на Судак, половцев и русских в начале XIII в., «Византийский Временник т., XXV, 1928, с. 64—65.

²⁰⁹ იქვე, გვ. 85.

ქ. სინოპი²¹⁰. მაგრამ მთავარი მაინც ისაა, რომ კვლავინდებურად გაიბა სავაჭრო კავშირი დასავლეთსა და აღმოსავლეთს შორის. შავი ზღვა კვლავ დაუკავშირდა ხმელთაშუა ზღვას, ხოლო მისი საშუალებით დასავლეთის სავაჭრო ეკონომიკურ ცენტრებს.

ამ დროს ევროპელებმა ხომალდები პირველად გადაიტანეს კასპიის ზღვაზე, კვლავ შეიქმნა პირობა შავი და კასპიის ზღვების ერთმანეთთან დასაკავშირებლად²¹¹. მეტი გასაქანი მიეცა შავი ზღვის მონაწილეობას საერთაშორისო ვაჭრობაში.

თუ ბიზანტიელი ფეოდალები დაინტერესებული იყვნენ არა საერთაშორისო ვაჭრობის ინტენსიურობით, არამედ მიწების შექენით, იტალიელი ვაჭრები ახორციელებდნენ მრავალ ღონისძიებას სწორედ საერთაშორისო ვაჭრობის გაფართოებისა და გაცხოველების მიზნით.

შავი ზღვის სანაპიროებზე ვენეციელებისა და გენუელების ახალშენებთან გაჩენამ ცხოველყოფელი გავლენა მოახდინა დასავლეთ საქართველოს ქალაქებზეც. გაძლიერდა შავი ზღვის საქართველოს სანაპიროთა ვაჭრობა. XII ს. მეორე ნახევარსა და XIII ს. პირველ მეოთხედში დასავლეთ საქართველოს ქალაქები აქტიურად მონაწილეობდნენ შავიზღვისპირეთისა და ყირიმის ვაჭრობაში. საამისო ფაქტები დასახელებული და შეფასებული აქვს ვ. ჰეიდს²¹².

XII—XIII სს. შავი ზღვა უკვე ასრულებს თავის ძველ ფუნქციას, იწყება ქალაქების გამოცოცხლებაც. XIII—XIV სს. დასავლეთ საქართველოს ქალაქები აქტიურად მონაწილეობდნენ ყირიმისა და შავიზღვისპირეთის ქალაქების საერთაშორისო ვაჭრობაში²¹³.

მაგრამ მონღოლთა შემოსევების შედეგები შეეხო შავი ზღვის ქალაქებსაც²¹⁴.

მონღოლთა შემოსევების ერთ-ერთი შედეგი იყო შავი ზღვის ისლამიზაცია და თურქიზაცია²¹⁵. ისლამიზაციის ტალღა მომდინარე-

²¹⁰ А. Якубовский, დასახ. ნაშრ., გვ. 61.

²¹¹ В. В. Бартольд, Ислам на Черном море, с. 226.

²¹² W. Heud, დასახ. ნაშრ., გვ. 393.

²¹³ იქვე.

²¹⁴ მონღოლთა შემოსევების შედეგებს შავ ზღვაზე ცალკე თავი აქვს დათმობილი ე. ბრატიანუს ნაშრომში: G. B. Bratianu, La Mer Noire des origines à la conquête ottomane, Societas Academica Dacoromana, Acta Historica, t. IX. Roma-Munich, v. VII, (Mongole et Italiens). რეცენზია ამ ნაშრომის შესახებ იხ. Journal Asiatique, t. CCLX, Paris, 1972, p. 191.

²¹⁵ ამის გამო ე. ბარტოლდი შენიშნავდა, რომ «Область Черного моря знала только тюркский, не арабско-персидский ислам» (В. В. Бартольд, დასახ. ნაშრ., გვ. 659).

ობდა როგორც შავი ზღვის სამხრეთ სანაპიროებიდან, ისე აღმოსავლეთით ვოლგისა და კასპიისპირეთიდან²¹⁶.

ამავე დროს ზღვის ძველი სახელწოდება „პონტოსი“ სამუდამოდ განდევნა ახალმა სახელწოდებამ „შავმა ზღვამ“.

„შავი ზღვა“—„კარა-დენიზ“ თურქებმა დაუპირისპირეს მარმარილოსა და ხმელთაშუა ზღვას — „აკ-დენიზ“ (თეთრი ზღვა)²¹⁷.

ამიერიდან შავ ზღვაზე იწყება თურქთა გაბატონების პროცესი; რაც XV ს-ში დამთავრდა კონსტანტინეპოლისა და ყირიმის სახანოს დაპყრობით.

ამრიგად, VIII—XIII და XVI—XVIII საუკუნეებში შავ ზღვაზე შექმნილი კითარების გათვალისწინება შესაძლებლობას გვაძლევს წარმოვიჩინოთ დასავლეთ საქართველოს ქალაქების მდგომარეობის გამაპირობებელი ერთ-ერთი მნიშვნელოვანი ფაქტორი.

ყოველივე ეს საშუალებას გვაძლევს აღვნიშნოთ, თუ რით აიხსნება დასავლეთ საქართველოს ქალაქების დაკნინება VI—VIII საუკუნეებში, მათი ზედახალი აღორძინება (აფხაზთა სამეფოს წარმოქმნის დროიდან) IX—X საუკუნეებში და მათი აყვავება XII საუკუნეში, როდესაც კვლავ გამოცოცხლდა შავიზღვისპირეთის ქალაქების მონაწილეობა იმდროინდელ მსოფლიოს საერთაშორისო ვაჭრობაში.

მაგრამ, როგორც ვნახეთ, აღმოსავლეთ საქართველოს ქალაქების ეკონომიკური განვითარებისათვის მაინც გაცილებით მეტი ხელსაყრელი ეკონომიკური პირობები არსებობდა, ვიდრე დასავლეთ საქართველოს ქალაქებისათვის IX—X საუკუნეებში. ამის მიზეზი იყო ის, რომ

²¹⁶ იქვე, გვ. 663.

²¹⁷ შავი ზღვის თურქული სახელწოდება „კარა-დენიზ“ ჩნდება ოსმალთა ბატონობამდე და, როგორც მორღებანი ფიქრობდა, მისთვის ასეთი სახელწოდება თურქულთათრულ მოსახლეობას უნდა შეერქვა. XIII ს-ის დასავლეთეუროპულ წყაროებში მას ჯერ „დიდი ზღვა“ (ლათ. Mare Majusa). იტალ. „Mare Maggiore, გრანჯ. „Mer. Majeure“) ეწოდებოდა, შემდეგ კი—„შავი ზღვა“. ბერძნული „Mavrihalassa“ პირველად ჩნდება ბიზანტიასა და ვენეციას შორის 1265 წელს დადებულ ხელშეკრულებაში, ლათინური «Mare Negrum» კი მხოლოდ 1338 წელს. „კარა“, აღნიშნავდა აკად. ვ. ბარტოლდი, არსებითად ნიშნავდა არა „შავს“, არამედ „დიდს“, ძლიერს, საშინელს. „შავის“ მნიშვნელობა მან გვიან მიიღო. მასვე აღნიშნული აქვს „კარა-დენიზის“ (შავი ზღვის) და „აკ-დენიზის“ (თეთრი ზღვის) ურთიერთდაპირისპირების ნიშნულად აღნიშნავდა, რომ ყველაფერი ეს საკმარისი არაა იმისათვის, რათა აეხსნათ როგორც ევროპულ, ისე მუსლიმანურ ლიტერატურაში საყოველთაოდ გავრცელებული „პონტოსის“ ვაჭრობა. ოსმალთა იმპერიის ბერძენ, დასქენდა ვ. ბარტოლდი, აღმათ, შეუძლებელი იქნებოდა „კარა-დენიზის“ და მისი თარგმანების ასე ფართოდ გავრცელება (B. B. Бартольд, დასახ. ნაშრომი, გვ. 665).

მსოფლიო ვაჭრობა იმ დროს წინა აზიის ქალაქებთან იყო დაკავშირებული, ხოლო მუსლიმანური ქალაქების ვაჭრები გაბატონებული იყვნენ მსოფლიო ვაჭრობაში. მუსლიმანი ვაჭრები ინტენსიურად ვაჭრობდნენ „ჩრდილოეთის გზაზე“ (ვოლგა-ბალტიისპირეთი, აღმ. ევროპა).

მსოფლიო ვაჭრობის იმდროინდელ ცენტრებთან უშუალოდ იყვნენ დაკავშირებული აღმოსავლეთ საქართველოს ქალაქები. ამიტომ გაძლიერებულ საქართველოს სახელმწიფოს მესვეურნი XII—XIII საუკუნეთა მიჯნაზე დაყინებით ცდილობდნენ დაუფლებოდნენ როგორც დვინ-არზრუმის სავაჭრო გზას, ისე ირანის ტერიტორიაზე გამავალ მთავარ სავაჭრო მაგისტრალს.

§ 3. თბილისი 1082—1122 წლებში

როგორც უკვე აღვნიშნეთ, XI—XII საუკუნეების თბილისის ისტორიისათვის შედარებით მეტი ცნობები მოგვეპოვება ქართულსა და აღმოსავლურ წყაროებში. ამიტომ თბილისის ისტორიას XI საუკუნის უკანასკნელ მეოთხედსა და XII საუკუნის პირველ მეოთხედში ცალკე პარაგრაფი დავუთმეთ. ეს გაპირობებული იყო სხვა არანაკლებ მნიშვნელოვანი მიზეზით, ასე მაგალითად, 1082—1122 წლების თბილისში ზოგიერთი მკვლევარი თვითმმართველობას გულისხმობს, ზოგიც საქალაქო კომუნა²¹⁸. ჩვენი აზრით, აღებული ხანის თბილისის ისტორიის და მისი მმართველობის თავისებურების აღსადგენად, საჭიროა დამატებითი მასალების მოხმობა, ანდა უკვე ცნობილი წყაროების ცნობების ახლებურად გააზრება და გაანალიზება. ამ მიზნითაა ჩვენ მიერ შესწავლილი ალ-ფარიკისა და სიბტ იბნ ალ-ჯაუზის თხზულებების ის ცნობები, რომელთა შინაარსი 1082—1122 წლების თბილისსა და მის მმართველობას ეხება.

აღმოსავლური წყაროებიდან, უწინარეს ყოვლისა, აღსანიშნავია ალ-ფარიკი, რომელიც აღწერილი ამბების თითქმის თანამედროვე იყო და, როგორც ცნობილია, ერთ დროს დემეტრე I-ის კარზე მოღვაწეობდა.

არაბი ისტორიკოსი ალ-ფარიკი (1116—გარდაიცვალა 1176 წლის შემდეგ) ავტორია „მაიფარიკინის ისტორიისა“ («تاريخ ميفارقين»).

²¹⁸ ვ. ფუთურიძე, არაბი ისტორიკოსი XII ს. თბილისის შესახებ, ენციკლის მოამბე, ტ. 8, თბ., 1942, გვ. 143., ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, ტ. I, თბ., 1946, გვ. 193; ივ. სურგულაძე, საქართველოს სახელმწიფოსა და სამართლის ისტორიისათვის, თბ., 1952, გვ. 60; შ. მესხია, საქალაქო კომუნა შუა საუკუნეების თბილისში, თბ., 1962, საქართველოს ისტორიის ნარკვევები, ტ. III, თბ., 1979, გვ. 124.

დაწერილია იგი 450 (1165) წელს. ბრიტანეთის მუზეუმში ინახება ამ თხზულების ორი ხელნაწერა.

არანაკლებ საინტერესოა მეორე არაბულენოვანი ისტორიკოსის სიბტ იბნ ალ-ჯაუზის (1196—1257) ცნობა 1082—1122 წლების თბილისის შესახებ. სიბტ იბნ ალ-ჯაუზი შედარებით გვიანდელი ხანის ისტორიკოსია, მაგრამ, როგორც ჩანს, მას გათვალისწინებული ჰქონდა თბილისის ისტორიის ამსახველი უფრო ადრინდელი არაბული წყაროები, მათ შორის აგრეთვე ალ-ფარიკის ცნობები.

ალ-ფარიკისა და სიბტ იბნ ალ-ჯაუზის ცნობებმა 1082—1122 წლების თბილისის შესახებ პირველად ზოგად, ევროპულ ორიენტალისტიკურ ისტორიოგრაფიაში გაიკვლიეს გზა, შემდეგ კი ეს მასალა ქართული ისტორიოგრაფიის შესწავლის საგნად იქცა.

მ. დეფრემერი პირველი იყო, რომელმაც ყურადღება მიაქცია IX—XII სს. საქართველოსა და, კერძოდ, თბილისის არაბულ წყაროებს. მან შეისწავლა პარიზის ნაციონალურ და ლეიდენის უნივერსიტეტის ბიბლიოთეკებში დაცული ხელნაწერები სიბტ იბნ ალ-ჯაუზის თხზულებისა („ეპოქის სარკე ვამოჩენილ პირთა ისტორიის შიხეღვით“) *مرآة الزمان في تاريخ الاعيان* რომელშიც საინტერესო ცნობები მოიპოვება XI—XII სს. თბილისის შესახებ, მან ამ ცნობების ფრანგული თარგმანი (არაბული ორიგინალის გარეშე) გამოაქვეყნა 1849 წელს²¹⁹.

1851 წ. იგივე ტექსტი, ოდნავ შემოკლებული სახით, დაბეჭდა მ. ბროსემ²²⁰.

1897 წ. ი. მაკავარიანმა დეფრემერისეული ფრანგული თარგმანის საფუძველზე გამოსცა სიბტ იბნ ალ-ჯაუზის ტექსტის ქართული თარგმანი²²¹.

1967 წ. თბილისის სახ. უნივერსიტეტის შრომების აღმოსავლეთ-მცოდნეობის სერიაში გამოქვეყნდა ო. ცქიტიშვილის წერილი, რომელშიც ერთხელ კიდევ ექვევა ყურადღება სიბტ იბნ ალ-ჯაუზის თხზულების სათანადო კონტექსტს²²². ხსენებულ წერილში არაბულ

²¹⁹ M. Défrémery, *Fragments de géographes et d'histories arabes et persans inédits, relatifs aux anciens peuples du Caucase et de la Russie Meridionale*, JA, IV series, t. XIII, 1849, 485.

²²⁰ M. Brosset, *Additions et éclaircissements à l'Histoire de la Géorgie*, St., Peterbourg, 1851, 242.

²²¹ ი. მაკავარიანი, არაბულ და სპარსელ მწერალთა გეოგრაფიული და ისტორიული ცნობანი საქართველოს შესახებ. ქუთნ. „მოამბე“, 1897, XII, გვ. 5, შუბ. 11.

²²² ო. ცქიტიშვილი, სიბტ იბნ ალ-ჯაუზის ცნობა დავით აღმაშენებლის შესახებ, თბილისის სახელმწიფო უნივერსიტეტის შრომები, ტ. 118. 1967, გვ. 204—206.

ნაწილს თან ახლავს ქართული თარგმანი, როგორც უკვე აღვნიშნეთ, ამ კონტექსტის შინაარსი შეიცავს საინტერესო ცნობებს XI—XII სს. საქართველოსა და თბილისის შესახებ.

გაცილებით გვიან მიექცა ყურადღება ალ-ფარაჰის ცნობას როგორც ზოგად, ისე ქართულ ისტორიოგრაფიაში.

ალ-ფარაჰის თხზულებით და მისი ცნობებით ჩვენი საუკუნის დამდეგს დაინტერესდა ინგლისელი აღმოსავლეთმცოდნე პ. ამედროზი. მის გამოკვლევაში მოცემულა ალ-ფარაჰის ბიოგრაფიული ცნობები, ხელნაწერთა აღწერილობანი და ცალკეული ადგილების ინგლისური თარგმანი²²³.

ვ. მინორსკიმ „ისლამის ენციკლოპედიისათვის“ დაწერილ სტატიისში—„თბილისი“—გამოიყენა პ. ამედროზის ზემოთ დასახელებული გამოკვლევა. ვ. მინორსკის არ მოუცია ტექსტის ანალიზი, მან უბრალოდ აღნიშნა ალ-ფარაჰის ცნობის მნიშვნელობა თბილისის ისტორიისათვის²²⁴.

1930 წ. თეირანში ირანელმა ისტორიკოსმა ა. ქესრევი თავრიზელმა სამ წიგნად გამოსცა ნაშრომი „დავიწყებული ხელმწიფენი“. (شهریاران گمنام), რომლის მე-3 ტომში მოტანილია ალ-ფარაჰის თბილისთან დაკავშირებული ნაწყვეტის სპარსული თარგმანი²²⁵. მას ეს ცნობა დასჭირებია თბილისის საამიროს ჯათარიანთა დინასტიის ხანგრძლივობის გამოსარკვევად²²⁶. აღსანიშნავია, რომ ირანელმა მეცნიერმა ალ-ფარაჰის ისლამის ერთ-ერთი საუკეთესო ისტორიკოსი უწოდა.

ა. ქესრევის პუბლიკაციის საფუძველზე. ვლ. ფუთურძემ 1942 წელს ქართულ ისტორიოგრაფიაში პირველად შემოიტანა ალ-ფარაჰის ეს მეტად საინტერესო და საყურადღებო ცნობა. მან შეასრულა ტექსტის ქართული თარგმანი და შესაბამისი კომენტარებიც დაურთო²²⁷.

ამრიგად, ქართულ ისტორიოგრაფიაში ალ-ფარაჰის ცნობა XII

²²³ H. F. A medroz, Three Arabic MSS on the Historie of the city of Mayyafariqin, The Journal of the Royal Asiatic Society of Great Britain and Ireland, London, 1902, 738-812.

- ²²⁴ V. Minorsky, Tiflis, Tirage à part de l'Encyclopédie de l'Islam, Leyde, 1930, p. 795.

²²⁵ شهریاران گمنام بخش سومین شادادیان نگارش کسروی تبریزی، تهران، ۱۳۰۷ ინგლისური სათაურია The forgotten rulers (Shaddadits) by S. A. Karawi Tabrizi, vol. III, Teheran, 1930.

²²⁶ ვ. ფუთურძე არაბი ისტორიკოსი XII ს. თბილისის შესახებ, ენიშკის მოამბე, ტ. 8, 1942, გვ. 139.

²²⁷ ვ. ფუთურძე, დასახ. ნაშრომი, გვ. 139—143.

ს. თბილისის შესახებ შემოვიდა არა პირდაპირი გზით (არაბული ორ-გინალიდან), არამედ XX საუკუნეში შესრულებული მისი სპარსული თარგმანის მეშვეობით.

1949 წ. ვ. მინორსკი ხელახლა დაუბრუნდა ალ-ფარიკის ცნობას თბილისის შესახებ. მან ბრიტანეთის მუზეუმის ხელნაწერების საფუძველზე გამოაქვეყნა მისი ინგლისური თარგმანი (არაბული ტექსტის გარეშე), რომელსაც დაურთო კომენტარები, სადაც მოცემულია 1082—1122 წლების თბილისში არსებული ვითარების ანალიზის ცდა²²⁸.

ალ-ფარიკის ცნობების მნიშვნელობა საგანგებოდ აღნიშნა აკად. გ. წერეთელმა და გარკვეული დასკვნებიც გააკეთა²²⁹.

მანვე 1949 წ. „არაბულ ქრესტომათიაში“ გამოაქვეყნა ალ-ფარიკის ცნობების არაბული ტექსტი²³⁰. არაბი ისტორიკოსის თხზულების ამ ნაწყვეტის პუბლიკაციას საფუძვლად დაედო ბრიტანეთის მუზეუმის ზემოთ უკვე დასახელებული ხელნაწერები, რომელთა ფოტოპირები გადაღებულ იქნა სსრკ მეცნიერებათა აკადემიის დაკვეთით. „ქრესტომათიის“ შესავალ ნაწილში გ. წერეთელმა კომენტარები გაუკეთა ალ-ფარიკის თხზულების, გამოკვეთებული ნაწყვეტის ტექსტს²³¹.

1957 წ. ა. მამედოვმა გ. წერეთლის „არაბულ ქრესტომათიაში“ გამოქვეყნებული ალ-ფარიკის არაბული ტექსტის საფუძველზე შეასრულა მისი რუსული თარგმანი²³².

XI—XII სს. თბილისის ისტორიის კვლევისას ალ-ფარიკის ცნობებს მნიშვნელოვანი ადგილი დაუთმო თავის ნაშრომში რ. კიკნაძემ²³³.

ალ-ფარიკის ცნობის ანალიზი მოცემულია აგრეთვე ვ. კობალია-

²²⁸ V. Minorsky, *Caucasia in the History of Mayyafariqin*, BSOAS, v. XIII, London, 1949—1950, p. 27—35.

²²⁹ გ. წერეთელი, სემიტური ენები და მათი მნიშვნელობა ქართული კულტურის ისტორიის შესწავლისათვის, თსუ სამეცნიერო სესიების მოხსენებათა კრებული, № 1, 1947, გვ. 40—41.

²³⁰ გ. წერეთელი, არაბული ქრესტომათია, 1949, გვ. 68—75.

²³¹ გ. წერეთელი, დასახ. ნაშრ. გვ. 6—8.

²³² А. Мамедов, Ахмед ибн Лютфулах (Мунеджим-Баши). «Джами ил-дувал», Труды Института Истории АН Аз. ССР, т. XII, 1957, с. 222—225.

²³³ რ. კიკნაძე, არაბული და სპარსული წყაროები XI—XII სს. თბილისის შესახებ, „ციცქარი“, 1958, № 10; მისივე, XI—XII სს. თბილისის ისტორიიდან, ისტორიის ინსტიტუტის შრომები, ტ. 5, ნაკვ. 1, 1960, გვ. 110—111.

ნის წერილში „თბილისელთა ორიენტაციის საკითხებისათვის 1082—1122 წლებში“²³⁴.

1962 წ. გამოვიდა შ. მესხიას წიგნი „საქალაქო კომუნა შუა საუკუნეების თბილისში“. რომელშიც ალ-ფარიკის ცნობის ვრცელი და საფუძვლიანი ანალიზია მოცემული²³⁵.

ალ-ფარიკის ცნობის გამო გარკვეული მოსაზრებები აქვს გამოთქმული ვ. ვაბაშვილს²³⁶.

ალ-ფარიკის ცნობას ყურადღება მივაქციეთ ჩვენც²³⁷.

როგორც ვხედავთ, ალ-ფარიკის „მაიაფარიკინის ისტორიის“ თბილისთან დაკავშირებული სათანადო კონტექსტა საფუძვლად დაედო არაერთი ქართველი მკვლევრის მოსაზრებებსა და შეხედულებებს და, საზოგადოდ, ფართო ადგილი დაიკავა ქართულ ისტორიოგრაფიაში.

ქართველ მეცნიერთა ერთი ნაწილი (ვლ. ფუთურიძე, გ. წერეთელი, შ. მესხია და სხვ.) ალ-ფარიკის ცნობის შინაარსიდან გამომდინარე 1082—1122 წლების თბილისში კომუნისდაგვარ დაწესებულებას და თვით კომუნას ხედავს. ისტორიკოსთა გარკვეული ნაწილი კი აღნიშნულ ხანის თბილისში უარყოფს როგორც საქალაქო კომუნის, ისე საქალაქო თვითმმართველობის არსებობას (ვ. ვაბაშვილი და სხვ.).

ვ. მინორსკი, მაგალითად, 1082—1122 წლების თბილისში არსებულ ვითარებას ორმოცწლიან ანარქიას უწოდებდა²³⁸. ასეთი, ერთიანკორის გამომრიცხველი, შეხედულება და დასკვნა კეთდებოდა ერთი და იმავე ცნობის შინაარსის საფუძველზე.

დამატებითი მასალები ალ-ფარიკის ცნობის შესწავლისა და აანალიზებისას შეიძლება მოვიხმოთ მხოლოდ სიბტ იბნ-ჯაუზის თხზულებიდან, რადგან რამდენადაც ვიცით, შესაძარებლად სხვა აღმოსავლური წყარო არ მოგვეპოვება.

სიბტ იბნ ალ-ჯაუზის ცნობა, ალ-ფარიკის ცნობისაგან განსხვავე-

²³⁴ ვ. კ. ვაბაშვილი, თბილისელთა ორიენტაციის საკითხისათვის 1082—1122 წლებში, კრებული „თბილისი 1500 წლისა“, თბ., 1953.

²³⁵ შ. მესხია, საქალაქო კომუნა შუა საუკუნეების თბილისში, თბ., 1962.

²³⁶ ვ. ვაბაშვილი, თბილისის მმართველობა X—XI სუკუნეებში, თსუ შრომები, ტ. 108, გვ. 348—349; მისივე, ქალაქ თბილისის სოციალური ისტორიიდან (ეპითალმწერლის ერთი ცნობის განმარტება), ნარკვევები მახლობელი აღმოსავლეთის ქალაქების ისტორიიდან, თბ. 1966, გვ. 123—126, მისივე, თბილისის სოციალური ისტორიიდან (მოქალაქეთა ამბოხება 1122—1123 წწ. თბილისში) კრ. ძიებანი, საქართველოსა და კავკასიის ისტორიიდან, თბ., 1976, გვ. 168, 173.

²³⁷ შ. ვაბაშვილი, თბილისი 1082—1122 წლებში, ქართული წყაროთმკოდნეობა, IV, თბ., 1973, გვ. 8-22.

²³⁸ V. Minorsky, დასახ. ნაშრ., გვ. 29.

ბით, არ გამხდარა სპეციალური დაკვირვებისა და შესწავლის საგანო, თუმცა დავით აღმაშენებლის მოღვაწეობის დახასიათებისას ეს არაბულენოვანი ისტორიკოსი არაერთი ქართველი მკვლევრის მიერ არის დასახელებული და დამოწმებული (ივ. ჯ ა ვ ა ხ ი შ ვ ი ლ ი, ს. მ ა კ ა ლ ა თ ი ა, ა. კ ი ვ ე ი ძ ე, ვ. კ ო პ ა ლ ი ა ნ ი და სხვ.)²³⁹. სიბტ იზნ ალ-ჯაუზის ასახელებენ ისინიც, ვინც ასე თუ ისე ეხებოდა XI—XII სს. თბილისის ვითარებას ალ-ფარიკის აღწერილობის მიხედვით (ვლ. ფუ-თურიძე, ო. ცქიტიშვილი). მაგრამ ფაქტიურად არ დასმულა საკითხი ალ-ფარიკისა და სიბტ იზნ ალ-ჯაუზის ცნობების ურთიერთმიმართე-ბის თაობაზე. ეს, ალბათ, უნდა ავხსნათ იმით, რომ მკვლევრები უპი-რატესობას ანიჭებდნენ ალ-ფარიკის (და სავსებით მართებულადაც), მაგრამ ნეგატიურ დამოკიდებულებას ამქლავებდნენ სიბტ იზნ ალ-ჯა-უზის ცნობების უეჭველობისა და ღირსების მიმართ. მაგრამ სიბტ იზნ ალ-ჯაუზი ერთი იმათგანია, ვინც, როგორც ჩანს, სარგებლობდა ალ-ფარიკის ცნობებით.

ინგლისელი მეცნიერი ამედროზი თვლიდა, რომ სიბტ იზნ ალ-ჯაუზი სარგებლობდა ალ-ფარიკის თხზულებით და თბილისის შესა-ხებ ცნობებიც მისგან ჰქონდა დასესხები, მაგრამ დამახინჯებული სა-ხით²⁴⁰ (პ. ამედროზის ამ მოსაზრებას იზიარებს ვლ. ფუთურიძე)²⁴¹.

ო. ცქიტიშვილის აზრითაც, სიბტ იზნ ალ-ჯაუზის შეცდომები აქვს დაშვებული თბილისის ამბების აღწერისას²⁴². ამდენადვე არ შეიძლე-ბა საინტერესო არ იყოს ალ-ფარიკის და სიბტ იზნ ალ-ჯაუზის ცნობე-ბის ურთიერთშეჯერება. ამ მიზნით ქვემოთ მოგვაქვს სათანადო კონ-ტექსტები როგორც ერთი ისე მეორე ისტორიკოსის თხზულებიდან.

ალ-ფარიკი:

„ხუთას თხუთმეტ (1121/22) წელს თბილისის ხალხმა ნეკმ ად დინ ილაზის მოწვევა გაუგზავნა, რათა (მოსულიყო და) გადაეცათ მისთვის თბილისი. ამაზე წინ კი ორმოცი წლის განმავლობაში იგი (თბილისი) იყო მისი ხალხის ხელში და მათ (თბილისელების) მფლობელად (მულლაქ) ორასი წლის მანძილზე იყო ჯგუფი ადგილობრივი ხალხისა, ჯაფარიანებად წოდებული, რომელიც ამოწყდა. შემდეგ გამგებლობა გადავიდა მისი (თბილისის) ხალხის ხელში და ყოველ თვეს განაგებდა (ქალაქს) ერთი მათგანი²⁴³.

²³⁹ ყველა დასახელებული ავტორის სათანადო ნაშრომი მითითებული აქვს ო. ცქიტიშვილს (ო. ც ქ ი ტ ი შ ვ ი ლ ი, დასახ. ნაშრ. გვ. 201).

²⁴⁰ H. F. Amedroz, დასახ. ნაშრომი., გვ. 782—812.

²⁴¹ ვ. ფუთურიძე, დასახ. ნაშრ. გვ. 142—143.

²⁴² ო. ცქიტიშვილი, დასახ. ნაშრ., გვ. 207.

²⁴³ وفي سنة خمس عشرة. وخمسائة نفذوا أهل تفرليس إلى نجم الدين

სიბტ იბნ ალ-ჯაუზი:

„თბილისის მცხოვრებთა ერთ-ერთი გვარი, რომელსაც უწოდებდნენ ბანუ ჯაფარს, ფლობდა (ქალაქს) ორას წელიწადს. შეიძლება (ამგვარის) მოხუცები გადაშენდნენ და დარჩნენ (მხოლოდ) ყმაწვილები, რომელთაგან თითოეული (მართავდა თბილისს) ერთი თვეს. ასე დაჰყვეს მათ ორმოც წელს, დავითმა, მეფემ აფხაზთა და ქართველთა, ძლიერ შეავიწროვა ისინი.“²⁴⁴

როგორც ვხედავთ, სიბტ იბნ ალ-ჯაუზი ზუსტად იმეორებს ალ-ფარიკის ცნობას. ოღონდ სიბტ იბნ ალ-ჯაუზი „ხალხის“ მაგიერ ასახელებს „ყმაწვილებს“, ალბათ, „ყმაწვილების“ დასახელებამ აფიქრებინა მკვლევართ, რომ სიბტ იბნ ალ-ჯაუზი ამახინჯებს ალ-ფარიკის ცნობას. ამიტომ ბუნებრივად ისმის კითხვა: შეიძლება თუ არა ერთმანეთს დაუუკავშიროთ ალ-ფარიკის „ხალხი“ და სიბტ იბნ ალ-ჯაუზის „ყმაწვილები?“.

სპეციალურ ლიტერატურაში „ხალხი“ გაიგვებულება დაბალ საზოგადოებრივ ფენებთან. შუა საუკუნეების მახლობელი აღმოსავლეთის ქალაქებში „ხალხის“ ცნების ქვეშ ყველგან ნაგულისხმევი იყო:

ابلاغى يستدعونه لیسلمو اليه تفلیس و كان آنفا بيد اهلها مدة ار بعين سنة و كان ملاكها قوم (من اهلها) يسمون بنوا جعفر من مقدار مائتى سنة فانقرضوا فولى اهلها و كان شهر يلى منهم و احد

ბული ქრესტომათია, გვ. 68, თარგმანი შესრულებულია პროფ. ალ. ლეკიაშვილის მიერ; შ. მენსხია, საქალაქო კომუნა შუა საუკუნეების თბილისში გვ. 62).

²⁴⁴ كان قوم من اهل تملیس يقال لهم بنو جعفر قد ملكوها فاقامو مائتى سنة ثم انقض كبار هم و بقى شبابهم كل و احد منهم شهرا فاقامو على ذلك ار بعين و كان داؤد ملك الانجاز و الكرج قدضسا يقما مضايقة شديدة من كتاب مراة الزمان فى تاريخ الاعيان... حيدرا باد ۱۳۷۰—۱۹۵۱.

სტორიებულია ო. ცქიტიშვილის დასახელებული ნაშრომის მიხედვით, გვ. 204; მასვე ეკუთვნის თარგმანი, გვ. 205, ო. ცქიტიშვილი თარგმანი: „(ამ გვარის) მოხუცები გადაშენდნენ და დარჩნენ (მხოლოდ) ყმაწვილები“, მ. დეფრემერის მიერ ოდნე განსხვავებული ნიუანსით არის გადათარგმნილი: «Anciens de cette famille vinrent à mourir, et il ne resta, pour les remplacer que des jeunes gens» JA, IV, t. XIII, გვ. 485, ამრიგად, ერთი შეხედვით, სიბტ იბნ ალ-ჯაუზის თითქოს მხედველობაში აქვს ჯაფარიანთა ბუნებრივი გადაშენება, რის გამოც თბილისში იძულებული იყვნენ (დეფრემერის თარგმანის მიხედვით) გადაშენებული მოხუცები შეეცვალათ ყმაწვილებით, ახალგაზრდებით. მ. გაბაშვილი, მახლობელი აღმოსავლეთის ქალაქების სოციალური ტერმინოლოგიიდან, საქ. სსრ მეცნიერების აკად. „მოამბე“ ტ. 66, № 2, თბ., 1972; მისივე, თბილისი 1082—1122 წლებში.

წერილი ვაჰრები, ხელოსნები, მტვირთავეები. დაქირავებული ნუშები, ფეხზე მოვაჰრენი, ქალაქის ღარიბები²⁴⁵.

იგივე შეიძლება ვთქვათ XI—XII საუკუნეების თბილისის მიმართაც. წყაროების „თბილისის ხალხიც“, ჩვენი აზრით, ქალაქის დაბალ, მწარმოებელ მოსახლეობას უნდა გულისხმობდეს. ვ. გაბაშვილმა ყურადღება მიაქცია იმას, რომ ფაკიძის „თბილისის კეთილშობილთა ჯგუფი“ თავისი სოციალური მდგომარეობით აშკარად განსხვავდება ალ-ფარიკის „თბილისელი ხალხისაგან“²⁴⁶. უალრესად ნიშანდობლივია ისიც, რომ „თბილისის კეთილშობილთა ჯგუფი“ გაბატონებულია XI ს. 70-იან წლების თბილისში, მაშინ როდესაც ალ-ფარიკის მიხედვით 1082—1122 წლების თბილისში „ხალხა“ ბატონობს.

ამ თვალსაზრისით სიბტ იბნ ალ-ჯაუზის „მოხუცები“ შეიძლება გავაიგივოთ ფაკიძის „თბილისის კეთილშობილთა ჯგუფთან“ (ქართული ტერმინოლოგიით „ქალაქის ბერებთან“, აღმოსავლური ტერმინოლოგიით „ქალაქის რაისებთან“), ხოლო „ყმაწვილები“ ალ-ფარიკის „ხალხთან“. „ხალხი“ თავისთავად სოციალური შინაარსისა შემცველია და გამომხატველი. მაგრამ ჰქონდათ თუ არა მინიჭებული აღმოსავლური წყაროების „ყმაწვილს“, ან „ყმაწვილებს“ სოციალური აზრი და მნიშვნელობა?.

საქმე ისაა, რომ მახლობელი და შუა აღმოსავლეთის ქალაქებში მიმდინარე სოციალურ მოძრაობებში მონაწილეობდნენ „ახალგაზრდები“ ანუ „ყმაწვილები“, რომელთა აღსანიშნავად გამოყენებული იყო შესაფერი ტერმინები „ალ-ფათა“ (მრ. „ფითიან“), „ჯეჟანმარდი“.

არაბული „ფითიან“ და სპარსული „ჯეჟანმარდი“ ახალგაზრდას ნიშნავს, ამავე დროს ჩვენთვის ცნობილია, რომ „ფითიანები“ და „ჯეჟანმარდები“ მახლობელი აღმოსავლეთის ქალაქებში მიმდინარე სო-

²⁴⁵ Л. Строева, К вопросу о социальной природе исмаилитского движения в Иране в XI—XII вв., Вестник ЛГУ, № 2, 1964 с. 45; ვ. გაბაშვილი, ქალაქ თბილისის სოციალური ისტორიიდან (ეპითაღმწერლის ერთი ცნობის განმარტება), გვ. 126; შ. გაბაშვილი, ქალაქის საზოგადოებრივი ფენები „ვეფხისტყაოსნის“ მიხედვით, თბილისის სახ. უნივერსიტეტის სტუდენტთა სამეცნიერო შრომების კრებული, ტ. X, 1970, გვ. 164—168. შ. მესხიას „თბილისის ხალხი“ გვიგეებულნი აქვს ქართული წყაროების „ტფილელ ბერებთან“, ე. ი. „ქალაქის კეთილშობილებთან“ და „დიდაჰკებთან“ (შ. მესხია, დასახ. ნაშრ. გვ. 147).

²⁴⁶ ვ. გაბაშვილი, დასახ. ნაშრ., გვ. 125. „თბილისის კეთილშობილთა ჯგუფის“ გამო (ფაკიძის მიხედვით) იხ. V. Minorsky, Studies... c. 19; რ. კიკნაძე, XI—XIII სს. თბილისის ისტორიიდან, გვ. 113—114.

ციალური მოძრაობებისა და კლასობრივი ბრძოლების თანამონაწილენი იყვნენ²⁴⁷.

ისევე როგორც „ფითიანს“ და „ჭევანმარდს“, სოციალური მნიშვნელობა ენიჭებოდა ტერმინ „შაბაბსაც“, არაბული „შაბაბ“ (მრ. شَب-م.ر. شَبَاب) ყმაწვილს ნიშნავდა და სოციალური მოძრაობის მონაწილეს აღნიშნავდა.

ამრიგად, ერთმანეთს თამამად შეიძლება დაუკავშიროთ „ალფათა“ და „აშ-შაბაბ“. სწორედ ამ ტერმინით (მრ. شَبَاب). აღნიშნავს სიბტ იბნ ალ-ჯაუზი 1082—1122 წწ. თბილისში მოღვაწე „ყმაწვილებს“.

აღსანიშნავია, რომ თანამედროვე არაბულ ისტორიოგრაფიაშიც ფითიანი განიხილება როგორც გარკვეული საზოგადოებრივი მოძრაობის მონაწილე. მხედველობაში გვაქვს ომარ ალ-დასუჯის 1959 წელს გამოქვეყნებული გამოკვლევა, რომლის შინაარსი მთლიანად ფუთუჟევა-

²⁴⁷ მახლობელი აღმოსავლეთის ქალაქებში მიმდინარე სოციალურ მოძრაობებში მონაწილე „ახალგაზრდებს“ ეძღვნება ჩვენი წერილი: მახლობელი აღმოსავლეთის ქალაქების სოციალური ტერმინოლოგიიდან, საქართველოს სსრ მეცნ. აკად. „მოამბე“, ტ. 66, № 2, 1972, გვ. 505—503. თამარის ისტორიკოსის ერთი ცნობიდან ცხადდ ირკვევა, რომ სოციალური ბრძოლების მონაწილეებს ქართულ სინამდვილეშიც „ახალგაზრდებს“ უწოდებდნენ. „ყრმებრივი მბორგალება“ ბასილი ეზოსმოძღვართან აშკარად ახალგაზრდულ მღელვარებას ნიშნავს (ბასილი ეზოსმოძღვართი, ცხოვრება მეფეთ-მეფისა თამარისი, გვ. 149; ვ. გაბაშვილი, თბილისის სოციალური ისტორიიდან (მოქალაქეთა ამბოხება 1122—1123 წწ. თბილისში). კრ. ძიებანი საქართველოსა და ვაჟყასის ისტორიიდან, თბ., 1976, გვ. 167). ბასილი ეზოსმოძღვართან აღნიშნული აქვს შემდეგი: „ერთი განემტკიცენს შიშით მონებად ღმრთისა და ერთგულობით უფალთა თვსთა; ყრმანი განიწუართნეს მოძაგებად უჯეროსა უსჯულოებისა, რამეთუ ბილწებამან უწესომან დი ყრმებრივმან მბორგალებითმან ზორგნეულობამან ვერცა თუ ეჟალი პოვა დღეთა თამარისთა“ (ბასილი ეზოსმოძღვართი, ცხოვრება მეფეთ-მეფისა თამარისი, გვ. 149). ყრმა რომ სოციალური ტერმინის მნიშვნელობითა ნახმარი და იმასევე აღნიშნავს, რასაც აღმოსავლური ფითიან-ჯევანმარდი ამის სასარგებლოდ ლაპარაკობს ის გარემოება, რომ ყრმა დასახელებულა სხვადასხვა საზოგადოებრივ ფენებთან ერთად შემდეგი თანმიმდევრობით: მღვდელთმოდვარნი, მღვდელნი, მთავარნი, ყრმანი, წერილი ერი (იქვე). თამარის მეფობაში ახალგაზრდათა „მბორგეულობას“ რომ საკმაოდ ხშირად უნდა ჰქონოდა ადგილი იქიდან ჩანს, რომ ისტორიკოსი თამარის მეფობის ერთ-ერთ წარმატებად მიიჩნევს ყრმათა გაწვრთვნას; „ყრმანი განიწუართნეს მოძაგებად უჯეროსა უსჯულოებისა“ (იქვე), ამასვე გულისხმობს ისტორიკოსის შემდგომი ცნობა: „აღკარი იყო უწესოდ მკრთომელთა და დეზ უდებთათვს; ვანინი სირცხვლისა მოხუცებულთა და კუერთხი რკინისა ქაბუკათვს; კეთილ-მავალთა სობრძნით მცეველ, ხოლო მბორგალებთა თუალ-უხუაჟად მგუემელ“ (იქვე). სოციალური შინაარსის თვალსაზრისით უღარესად საინტერესოა გამოთქმები „უწესოდ მკრთომელთა“ და „დეზ უდებთათვს“. აქედან კავად ჩანს, რომ თამარის მეფობაში, სოციალური ჯიშთარების მხრივ, არც ისეთი სიწყნარე ყოფილა, როგორც მის ზოგიერთ თანამედროვე ისტორიკოსს აქვს ნათქვამი.

ფითიანს ეხება²⁴⁸. ჩვენთვის უალრესად საინტერესოა ისიც, რომ მკვლევარს „ფითიანი“ გაიგივებული აქვს „შაბაბთან“ (شباب)²⁴⁹.

ომარ ალ-დასუკის მსჯელობა „ფითიანებთან“ და „შაბაბებთან“ დაკავშირებით საგულისხმოა სხვა მხრივაც.

მუსლიმანური სამყაროს დასავლეთ ნაწილშიც, ისევე როგორც, ერაყსა და ირანში, ერთი და იგივე ნიშან-თვისებები იყო დამახასიათებელი სოციალური მოძრაობებისა და მღელვარებების მონაწილეებისათვის. ქართულ ორიენტალისტიკურ ისტორიოგრაფიაში აღნიშნულია ყველა ის ნიშან-თვისება, რითაც ხასიათდებოდნენ ფითიანები და ჭევეანმარდები²⁵⁰. აქ აღვნიშნავთ მხოლოდ იმას, რაც ომარ ალ-დასუკის ნათქვამი აქვს სოციალური მოძრაობების მონაწილე „ახალგაზრდებთან“ დაკავშირებით. მისი სიტყვით, ალ-ფუთუჟევას წარმომავლობა ალ-ფათადან უეჭველად მიუთითებს იმაზე, რომ ფათა უნდა ყოფილიყო ძლიერ მამაცი, უნდა ჰქონოდა ძალა და სიმძაფრე. ეს იყო ნიშან-თვისება ყმაწვილებსა (شباب)²⁵¹. ასეთი დახასიათებანი „ფითიანების“ და „შაბაბებისა“ ომარ ალ-დასუკის გამოკვლევის სხვა გვერდებზეც გვხვდება²⁵² და სავსებით ემთხვევა XI—XII სს. არაბულ და სპარსულ წყაროებში „ფითიანებთან“ და „ჭევეანმარდებთან“ დაკავშირებულ დახასიათებებს.

სხვადასხვა არაბულ წყაროებზე დაყრდნობით ომარ ალ-დასუკიც მიუთითებს, რომ, როცა არაბები ფითიანებზე ლაპარაკობენ, „გულისხმობენ მამაცობას, დიდსულოვნებას, ერთგულებას და მრავალ საქებას თვისებას“²⁵³. ამ თვისებებით გამოირჩეოდნენ, როგორც ცნობილია, ჭევეანმარდებიც.

„ფითიანების“ და „ჭევეანმარდების“ ნიშან-თვისებებმა გამოძახილი ჰპოვეს დასავლეთ ევროპაშიც.

საინტერესოა, რომ „ახალგაზრდა“ სოციალური მნიშვნელობითაა ნახმარი ტრუბადურულ პოეზიაში. ეს საკითხი სპეციალურად

²⁴⁸ 1959, عمر الدسوقي، الفتوة عند العرب في مصر بالفحالة، ص 11.

²⁴⁹ იქვე, გვ. 11.

²⁵⁰ ვ. გაბაშვილი, ქალაქ თბილისის სოციალური ისტორიიდან (ეპითა-აღმწერლის ერთი ცნობის განმარტება), გვ. 111—151, 160, 161; М. В. Г а б а ш - в и л и, К вопросу о социальном составе ближневосточных городов XI—XII вв. (по грузинским источникам) сб., Товарно-денежные отношения на Ближнем и Среднем Востоке в эпоху средневековья, М, 1979, с. 43—49.

²⁵¹ عمر الدسوقي، (დასახ. ნაშრ., გვ. 11).

²⁵² იქვე, გვ. 12, 13.

²⁵³ იქვე, გვ. 13.

შეისწავლა ა. დენომიმ, რომლის გამოკვლევაში უამრავი მაგალითია მოტანილი ევროპელი „Joven“-ის („ახალგაზრდას“ . „უკანწილს“) და აღმ. „ფითიანის“ ურთიერთობის საჩვენებლად²⁵⁴. დენომის დამსახურება. ამ მხრივ, ხაზგასმით აქვს აღნიშნული ერობ კოლერს²⁵⁵.

ა. დენომიმ შეისწავლა გიომ IX, მარკაბრიუს, სერკამონის, ალეგრეს, ბერნარ მათისა და სხვათა პოეტური ნიმუშები. მან ცხადყო, რომ დასახელებულ ტრუბადურთა შემოქმედებაში „ახალგაზრდა“ უმრავლეს შემთხვევაში გულსხნობს არა ბიოლოგიურ ასაკს. არამედ სოლიდარობისა და ძმობის იდეით გაერთიანებულთა ჯგუფს („ახალგაზრდის“ ამ მნიშვნელობით ხმარების სულ 39 შემთხვევაა დამოწმებული, აქედან 27 მარტო მარკაბრიუს ნაწარმოებებზე მოდის)²⁵⁶. ამ ნაწარმოებების შესწავლამ ა. დენომი მიიყვანა იმ დასკვნამდე, რომ „ახალგაზრდობაში“ ნაგულსხმევია სოლიდარული ძმობა. მისი აზრით, ამ ძმობას განეკუთვნებოდა, მაგალითად, ტრუბადურული პოეზიის ერთ-ერთი წარმომადგენელი მარკაბრიუს²⁵⁷.

შუა საუკუნეების ევროპულ ტრუბადურულ პოეზიაშიც „ახალგაზრდა“ გამოხატავდა განსაკუთრებული ღირსებებით, პატროსნებით და კეთილშობილებით შემკულ ადამიანებს (შდრ. „ფითიანების“ და ჯევანმარდების“ ღირსება-თვისებები აღმოსავლური წყაროების მიხედვით). „ახალგაზრდობა“ წარმოადგენდა ადამიანთა ასოციაციას. რომელიც ამ თვისებებს იყენებდა და მისდევდა²⁵⁸.

მაგრამ ჩვენთვის მთავარი მაინც ისაა, რომ ტრუბადურულ პოეზიაში „ახალგაზრდას“ ენიჭებოდა არა მარტო ბიოლოგიური ასაკის მნიშვნელობა, არამედ საზოგადოებრივი ფუნქციაც. ე. კოლერი პირდაპირ მიუთითებს, რომ „ახალგაზრდის“ ან „ახალგაზრდობის“ მოხსენებას უმრავლეს შემთხვევაში არავითარი კავშირი არა ჰქონდა ბიოლოგიურ ასაკთან²⁵⁹.

კიდევ მეტი, როგორც უკვე აღვნიშნეთ, ევროპელი მკვლევრები

²⁵⁴ A. I. Denomy, «Jovens» the notions of the youth among the troubadours, its meaning and source, Medieval Studies, t. XII, 1949, p. 13.

²⁵⁵ E. Köhler, Sens et fonction du term «jeunesse» dans la poésie des troubadours, Mélange offert à René Crozet, t. 1, Poitiers, 1963.

²⁵⁶ A. I. Denomy, დასახ. ნაშრ., გვ. 13.

²⁵⁷ იქვე.

²⁵⁸ E. Köhler, დასახ. ნაშრ., გვ. 569.

²⁵⁹ «Jovens» (lat. inventus) et «jove» (lat. invenis) souvent dans la grande majorité des cas à exprimer quelque chose qui est bien différent de l'âge biologique». E. Köhler, დასახ. ნაშრ., გვ. 569.

„jovens“ და „ფათას“ („fata“, „futuwwa“, „fitian“)²⁶⁰ ერთმანეთთან აიგივებენ და აღნიშნავენ იმ გავლენას, რაც აღმოსავლურ „ფითიანებს“ უნდა მოეხდინათ ევროპელ „ახალგაზრდას“, ან „ახალგაზრდობის“ ცნებასა და მნიშვნელობაზე²⁶¹.

ყველა ამ მაგალითის შემდეგ საკვებით გასაგები უნდა იყოს, თუ რა მნიშვნელობითაა ნახმარი „ყმაწვილები“ („შაბაბ“) სიბტ იბნ ალ-ჯაუზის თხზულებაში 1082—1122 წწ. თბილისის ამბების აღწერისას.

საქმე ეხება ამ „ყმაწვილების“ მიერ ძალაუფლების ხელში აღებას ქალაქ თბილისში. ეს სრულიად მკაფიოდ ჩანს სიბტ იბნ ალ-ჯაუზის კონტექსტიდან. იქვე ნათქვამია, რომ ეს ძალაუფლება მათ ხელში იყო მთელი ორმოცი წლის განმავლობაში (ფაქტიურად გამეორებულია ალ-ფარიკის ცნობა).

ამასთან დაკავშირებით ისმის კითხვა: შეეძლოთ თუ არა „ახალგაზრდებს“ ძალაუფლების ხელში აღება ქალაქში?

ალ-ლაზალის „ნასიჰათ ალ-მულუქში“ („ჩრეველ-დარიგებანი მეფეთათვის“) დაცულია ძალზე საინტერესო ცნობა, სადაც პირდაპირ არის ნათქვამი, რომ ახალგაზრდებმა ხელთ იგდეს ძალაუფლება და შეევიწროვეს ხალხი²⁶².

ალ-ლაზალის ეს ცნობა სხვა მხრივაცაა საინტერესო, „ახალგაზრდის“ აღსანიშნავად მას გამოყენებული აქვს სპარსული ტერმინი „ქუდაქ“ (მრ. „ქუდაქან“)²⁶³, რაც აგრეთვე „ახალგაზრდას“, „ყმაწვილს“

²⁶⁰ A. I. Denomy, დასახ. ნაშრ., გვ. 14.

²⁶¹ «That concept of jovens was extant provious to them (the troubadours) in the futuwwa ideal of the arabs». იქვე.

²⁶² «When the governement passed to the joungesters these latter oppressed the people sovereignty has (now) passed from their hand (Gazali's book of counsel for kings, translated by F. R. Baglay, Oxford University Press 1964. 71). ალ-ლაზალის ინგლისურად მთარგმნელის F. R. Baglay-ის აზრით, ძალაუფლების ახალ დინასტიებზე გადასვლა უნდა ეხებოდეს დაზნევიანებს, რომელთაც ბოლო მოუღეს სამანიანებს, ხოლო ამ უკანასკნელებს, თავის მხრივ, ბოლო მოუღეს ალ-ლაზალის მფარველმა სელჩუქებმა (Cazali, დასახ. ნაშრ., იქვე).

²⁶³ სამწუხაროდ, ამჟამად ჩვენს ხელთ არაა ალ-ლაზალის თხზულების სპარსული ორიგინალი და მისი არაბული თარგმანი. ვეყრდნობით მხოლოდ ინგლისურ თარგმანს და მთარგმნელის შენიშვნებს. აქვე შეიძლება შევნიშნოთ, რომ „თარიხ-ე სისტანის“ („სისტანის ისტორიის“) სპარსულ ტექსტში „ქუდაქან“ („ახალგაზრდები“) დასახელებული არიან სოციალური ბრძოლის მონაწილე „დავლასთან“ ერთად
تاریخ سیستان — تالیف در حدود ۷۲۵ — ۷۴۵ بتصحیه ملک الشعراء بهار
გვ. 291 — 292. [۱۳۱۷] تهران, روار، مکتبہ کتابخانہ روار، م. გაბაშვილი, მახლობელი აღმოსავლეთის ქალაქების სოციალური ტერმინოლოგიიდან („დავლა“), კრ., საქართველოს ისტორიის აღმოსავლური მასალები, წიგნი II, თბ., 1979, გვ. 43.

ნიშნავს. მაგრამ ამ შემთხვევაშიც იგულისხმება არა ბიოლოგიური ასაკი, არამედ ქალაქის სრულიად გარკვეული ელემენტების მოღვაწეობა ქალაქში მომხდარ ამბებში.

ალ-ლაზალი, რომლის პოლიტიკური და იდეოლოგიური სიმპათიები კარგადაა ცნობილი, კლასობრივი თვალსაზრისითაც აფასებს „ახალგაზრდების“ მიერ ძალაუფლების ხელში აღებას. მისთვისაც, წმინდა სოციალური თვალსაზრისით, „ახალგაზრდა“ იმასვე ნიშნავს, რასაც შესაბამის ტერმინებში (ფითიანი, ჭევენმარდი) გაბატონებულ კლასთან დაკავშირებულა ყველა ისტორიკოსი გულისხმობდა—სოციალური შოშირობის, ან ამბოხების მონაწილე ქალაქურ ელემენტს. ამავე დროს, ალ-ლაზალი აფართოებს „ხალხის“ ცნებას და მასში ქალაქის მთელ მოსახლეობას, ყველა საზოგადოებრივ ფენას ათავსებს, ხოლო „ახალგაზრდები“ მოძალადეებად გამოჰყავს. მაგრამ ჩვენთვის საინტერესოა არა „ხალხის“ ჩვეულებრივი მნიშვნელობის (ქალაქის დაბალი საზოგადოებრივი ფენების) ამგვარი წარმოდგენა, არამედ ის, რომ ალ-ლაზალიც თავის თხზულებაში „ახალგაზრდებს“ შეამხოებდად თვლის და ამ ცნებაში, ისევე როგორც სხვა თანამედროვე ავტორები, სრულიად არ გულისხმობს ბიოლოგიური ასაკის ნიშან-თვისებებს.

როგორი ვითარება იყო ამ მხრივ თბილისში?

ჩვენს განკარგულებაშია ორი ცნობა: ერთის მიხედვით, 1082—1122 წწ. თბილისში „ხალხი“ არის გაბატონებული (ალ-ფარიკი), ხოლო მეორე ცნობით ძალაუფლება „ყმაწვილების“ ხელთაა (სიბტ იბნ ალ-ჯაუზი).

„ხალხისა“ და „ყმაწვილების“ ურთიერთკავშირი ახლა, ვფიქრობთ, ეჭვს არ უნდა იწვევდეს, ალ-ფარიკი (აღრე) და სიბტ იბნ ალ-ჯაუზი (შედარებით გვიან) თბილისში მომხდარ ერთსა და იმავე მოვლენას აღნიშნავენ.

სიბტ იბნ ალ-ჯაუზის ცნობაში მთავარია თბილისის მმართველობაში ე. წ. „ყმაწვილების“ მონაწილეობა. ამ „ყმაწვილების“ სოციალური ვინაობისა და დანიშნულების გამორკვევა გვეხმარება ახლებურად გავიზაროთ 1082—1122 წლების თბილისში მომხდარი მოვლენები.

ცხადია, სიბტ იბნ ალ-ჯაუზიც „ყმაწვილებში“ ხალხის მმართველობას გულისხმობს, ისევე როგორც ალ-ფარიკი ამავე ხანების თბილისში „ხალხის“ გამგებლობას.

სიბტ იბნ ალ-ჯაუზის ცნობა იძლევა „ხალხის“ ცნების გაფართოების შესაძლებლობას, რადგან ჩვენთვის ცხადი გახდა, რომ თბილი-

სულ „ხალხში“ იგულისხმებიან ფითიანები, ჭევანმარდები და შაბაბები.

მაგრამ შეიძლება თუ არა შუასაუკუნეების ამიერკავკასიის და მახლობელი აღმოსავლეთის ქალაქებში ძალაუფლება ხალხის ხელში გადასულიყო?

XI—XII სს-ის მანძილზე ამიერკავკასიისა და მახლობელი აღმოსავლეთის ქალაქებში მიმდინარეობდა სოციალური მოძრაობანი, ადგილი ჰქონდა უაღრესად გამწვავებულ კლასობრივ ბრძოლას. ქალაქებში მიმდინარე სოციალურ მოძრაობებში განსაკუთრებულ აქტუალობას იჩენდნენ დაბალი საზოგადოებრივი ფენების წარმომადგენლები. ისინი უპირისპირდებოდნენ როგორც ფეოდალურ არისტოკრატიას, ისე დიდვაჭრებს²⁶⁴.

მახლობელი აღმოსავლეთის ქალაქების ისტორიიდან არაერთი მაგალითის მოყვანა შეიძლება, რომ ქალაქები რამდენიმე ათეული წლების განმავლობაში ხალხის გამგებლობის ქვეშ იმყოფებოდა.

მაგალითად, იბნ ალ-ჯაუზის მიხედვით, X—XII სს-ში, გარკვეული ხნის განმავლობაში, ბაღდადში ხალხის წრიდან გამოსული, ხალხის ინტერესების დამცველი „აიარუნები“ ბატონობდნენ²⁶⁵.

X—XI სს-ში ქალაქის ხალხის დახმარებით რაისებმა ხელთ აგდეს ძალაუფლება ამიერკავკასიის ქალაქებში (განჯა, ბაილაყანი, დერბენდი)²⁶⁶. როგორც ჩანს, ქალაქის რაისები (დიდვაჭრების წრიდან. რომ იყვნენ გამოსული) არ ერიდებოდნენ ხალხთან კავშირს, თუ ეს კავშირი მათ კლასობრივ ინტერესებს პასუხობდა.

წყაროების მიხედვით ისე ჩანს, რომ ძალაუფლებას ქალაქში ხელში იღებდნენ როგორც რაისები, ისე „ხალხი“ და ხალხის წარმომადგენლები. მაგალითად, ამბოხების შედეგად ქ. ხოიში (ჩრ. ირანი) ძალაუფლება „ხალხის“ ხელთ აღმოჩნდა²⁶⁷.

XI ს. მეორე ნახევარში ვაზირ იბნ აბადის ცნობით, ქ. ყაზვინში „ხალხის ბელადებმა“ გაიმარჯვეს²⁶⁸. „ხალხი“ აქ საქალაქო არისტოკრატის წინააღმდეგ გამოდიოდა²⁶⁹. იბნ აბადის სიტყვით, მსგავს მოვლენებს ადგილი ჰქონდა ცენტრალური ირანის ქალაქებშიც²⁷⁰.

²⁶⁴ Cl. Cahen, *Mouvements populaire et autonomisme urbain dans l'Asie musulmane du Moyen Age*, (Arabica, t. VI), Leiden, 1958—1959, 38, 40, 50.

²⁶⁵ დამოწმებულია ბ. ლუისის მიხედვით (B. Lewis, *The Islamic guilds*, *The Economic History Review*, p. 22).

²⁶⁶ V. Minorsky, *Studies in Caucasian History*, p. 15, 54.

²⁶⁷ Cl. Cahen, დასახ. ნაშრ., გვ. 55.

²⁶⁸ Cl. Cahen, დასახ. ნაშრ., გვ. 56.

²⁶⁹ იქვე, გვ. 47.

²⁷⁰ იქვე, მუსლიმანური აღმოსავლეთის საქალაქო არისტოკრატის ზოგი-

ქალაქებში მიმდინარე სოციალურ მოძრაობებში. როგორც უკვე აღვნიშნეთ, განსაკუთრებულ აქტივობას იჩენდნენ დაბალი საზოგადოებრივი ფენების წარმომადგენლები. ამბოხებულთა შორის რომ, ჩვეულებრივ, ქალაქის დაბალი საზოგადოებრივი ფენების წარმომადგენლებს გულისხმობდნენ, ეს კარგად ჩანს იბნ ჰაუკალის იმ ცნობიდან, რომლის შინაარსი ეხება კეთილშობილთა და ვაჭართა მიერ X ს-ის არდებილში ძალაუფლების ხელში აღებას. ამ კეთილშობილთა და ვაჭართა მოქმედება გაიგივებულია დაბალი ხალხის მოქმედებასა და ამბოხებასთან²⁷⁰.

იბნ ჰაუკალის მიხედვით, ეს კეთილშობილნი და ვაჭრები იყენებდნენ „იარას“ მოტივებს. ადგენენ ამბოხების გზას და საჭიროდ არ თვლიდნენ არავითარ მშართველს. ისინი მხოლოდ ბოროტებითა და ამბოხებით იყვნენ გართულნი²⁷¹. კეთილშობილთა და ვაჭართა მიერ „იარას“ მოტივების გამოყენება და ამბოხება ნაინც ისე იშვიათი ყოფილა, რომ იბნ ჰაუკალი ასეთ მოვლენაზე საგანგებოდ აჩერებს თავის ყურადღებას. იბნ ჰაუკალს, როგორც ჩანს, მხედველობაში აქვს ისეთი ამბოხება, რომლის აღსანიშნავად აღმოსავლურ წყაროებში გამოიყენებოდა ტერმინი „ლაღა“²⁷².

ამრიგად, ყაზინი ხალხის, ან უკეთ, „ხალხის ბელადების“ ხელთ იყო, არდებილი—დიდვაჭრების ხელთ, ოღონდ ეს დიდვაჭრები, წყაროს მიხედვით, იყენებდნენ „იარას მოტივებს“ (ხალხის ლოზუნგებს და ბრძოლის საშუალებებს) და ამბოხების გზას ადგენენ.

„ხალხი“ ბატონობდა აგრეთვე საქართველოს მეზობლად, ქალაქ ბაილაყანში. „ხალხის („უმმა“, „აჰლ ალ-ბალად“) ამბოხებას და ამბოხებისადმი საქალაქო არისტოკრატიის დამოკიდებულებას (ქალაქის რაისების სახით) 1949 წელს ყურადღება მიაქცევს ვ. შინორსკიმ და კენმა²⁷³. მასულ იბნ-ნამდარის მიხედვით ბაილაყანში მომხდარი ამ-

ერთი თავისებურების შესახებ, იხ. Jean Aubain, *L'aristocratie urbaine dans l'Iran Seldjucide: l'exemple de Sabzavare*, Mélanges offerts à René Crozet, v. I, Poitiers, 1966, s. 322—332.

²⁷⁰ Cl. Cahen, დასახ. ნშრ., გვ. 47.

²⁷¹ იქვე.

²⁷² „ლაღას“ მნიშვნელობის გამო იხ. ვ. გაბაშვილი, ქალაქ თბილისის სოციალური ისტორიიდან, გვ. 157—158; მანანა გაბაშვილი, მახლობელი აღმოსავლეთის სოციალური ტერმინოლოგიიდან („ლაღა“) კრ., საქართველოს ისტორიის აღმოსავლური მასალები, წიგნი II, თბ., 1979, გვ. 36—51.

²⁷³ V. Minorsky et Cl. Cahen, *Le recueil transcaucasien de Mas'ud B. Namdar*, JA, v. CCXXXV, 1949, fasc. 93—142.

ბოხება სპეციალურად შეისწავლა ვ. ბეილისმა²⁷⁴. მანვე გამოსცა პარიზის ნაციონალურ ბიბლიოთეკაში დაცული მასულ იბნ ნამდარის ერთადერთი ხელნაწერის ფაქსიმილე²⁷⁵.

მასულ იბნ ნამდარის სტილის თავისებურების გამო ბაილაყანში ხალხის მოძრაობის ბევრი საყურადღებო დეტალი დღემდე განმარტებული და დადგენილი არ არის, მაგრამ სავსებით ცხადად ირკვევა. თუ როგორ ცდილობდა თავის სასარგებლოდ ხალხის მოძრაობის გამოყენებას საქალაქო არისტოკრატია, რათა არ დაეშვა ფეოდალური ხელისუფლების ძალადობა და გარეშე ძალის (შირვანის, განჯის) ბაილაყანის საქმეებში ჩარევა²⁷⁶.

თავის უარყოფით დამოკიდებულებას ხალხის მოძრაობისადმი მასულ იბნ ნამდარი არსად არ მალავს და მის მონაწილეებს „სწორი გზიდან აცდენილებს“ უწოდებს²⁷⁷. უარყოფით დამოკიდებულებას ამქალაქეებს იგი „ხალხის“ მოძრაობის მეთაურის ბაშარის მიმართ. ქალაქი, სადაც „ხალხი“ გაბატონდა, მისი სიტყვით, დაემსგავსა უთავო ადამიანს, ხოლო მმართველობა უსაძირკველო სახლს²⁷⁸. მკაცრად არის გალანძღული „დაბალი ხალხი“ („უმმა“), რომელიც უარს ამბობდა დამორჩილებოდა ოფიციალური ხელისუფლების ბრძანებებსა და განკარგულებებს²⁷⁹. მათ მიმართ იბნ ნამდარს არაერთი ოდიოზური გამოთქმა აქვს ნახმარი: „ქურდები“, „ავაზაკები“ და სხვ²⁸⁰.

ბაილაყანში ხალხის ბატონობა ჩვენთვის საყურადღებოა, უწინარეს ყოვლისა, იმის გამო, რომ ამ მოვლენას ადგილი ჰქონდა უშუალოდ საქართველოს მახლობლად, აღმოსავლეთ ამიერკავკასიაში. ამავე დროს, ბაილაყანში 492—494 (1099—1101) წლებში მომხდარი ამბები ქრონოლოგიურად ემთხვევა „ხალხის“ ბატონობას 1082—1122 წლების თბილისში.

²⁷⁴ В. М. Бейлис, Мас'уд ибн Намдар и городское население Байлакана, Известия АН АЗ. ССР, Серия истории, философии и права, 1963, № 3, с. 50—64.

²⁷⁵ Мас'уд ибн Намдар, Сборник рассказов и стихов, факсимиле текста, предисловие и указатели В. М. Бейлиса, М., 1970.

²⁷⁶ В. М. Бейлис, დასახ. ნაშრ., გვ. 58, 59.

²⁷⁷ ვ. ბეილისი ამის გამო შენიშნავს: იბნ-ნამდარს არ მოსწონდა ქალაქისა და ვაჭრების მისწრაფებანი და მისი შეხედულებების ანალიზისას აღნიშნავს, რომ «Он не мог мириться с политической самостоятельностью Байлакана, а в каких формах претендовали на нее горожане, мы к сожанию не знаем» (В. Бейлис, დასახ. ნაშრ., გვ. 56).

²⁷⁸ المدينة شخصاً بالارس و اولایة بنا بالا اساسي Мас'уд ибн Намдар, (ფაქსიმილე), გვ. 250.

²⁷⁹ В. М. Бейлис, დასახ. ნაშრ., გვ. 53.

²⁸⁰ იქვე, გვ. 57.

ჩვენ ვუჩვენეთ „ხალხის“ ბატონობის რამდენიმე საგულისხმო მაგალითი (ირანში, აღმოს. ამერიკაკასიაში). ამავე დროს, ყურადღება მივაქციეთ იმასაც, რომ ქალაქში „ხალხის“ მაგიერ ზოგჯერ საქალაქო არისტოკრატია იყო გაბატონებული, ოღონდ ეს საქალაქო არისტოკრატიაც „ხალხის“ მოძრაობის მოტივებს და ღონისძიებებს იყენებდა²⁸¹.

მაშასადამე, ერთდროულად ქალაქში შეიძლებოდა გაბატონებული ყოფილიყო „ხალხიც“ და საქალაქო არისტოკრატიაც (ქალაქის კეთილშობილნი და დიდვაჭრები)²⁸².

ვ. გაბაშვილს შესაძლებლად მიაჩნია, რომ 1082—1122 წწ. თბილისში შექმნილიყო ისეთი ვითარება როგორც, იბნ აბაღის წერილის მიხედვით, ქ. ყაზვინში შეიქმნა და ისეთიც, როგორც იბნ ჰაუკალის მოწმობით, X ს-ში ქ. არღეზელში არსებობდა — კეთილშობილთა და ვაჭართა ბატონობა²⁸³.

ამის საბუთად გამოყენებულია რინდის ნამდვილი მნიშვნელობის განმარტება და დავით აღმაშენებლის ისტორიკოსის ცნობა, რომელიც ახლად შემოერთებულ თბილისში მიმდინარე არეულობებს ებება.

ეს არეულობანი, უნდა ვიფიქროთ, ადრე იყო დაწყებული და გრძელდებოდა იმ დროსაც, როდესაც ქ. თბილისი „ჭერეთ არა სრულიად შემოყენებულ იყო უღელსა ქუეშე მორჩილებისასა, ვითარცა აწ“²⁸⁴... დამახასიათებელია, რომ დავით აღმაშენებლის ისტორიკოსს მხედველობაში აქვს თბილისის მუსლიმანური მოსახლეობის შეტაკე-

²⁸¹ სამწუხაროდ, ჭერჭერობით გამოსარკვევი რჩება „ხალხის“ ქალაქში ბატონობის მმართველობის ფორმა. თუმცა არ შეიძლება ყურადღება არ მიიქციოს იმან, რომ ხელუხლებლად იყო დატოვებული მთელი რიგი ინსტიტუტები, მაგ., მოსტოუფისა (ამ მოვალეობას ბაილაცანში თვითონ მასუდ იბნ ნამდარი ასრულებდა) და ქალაქის რისისა.

²⁸² „ხალხის“ დამოუკიდებელი მოქმედება ქალაქში აღნიშნული აქვთ ბურჯუაზულ მკვლევარებს—კ. კენს და ი. ლაპიდუსს. მათ ნაშრომებზე დაყრდნობით, ა. პურანი აღნიშნავს, რომ „ხალხი“ თავს აღწევდა როგორც მმართველთა, ისე ქალაქის მეთაურთა კონტროლს და ემორჩილებოდა საკუთარ ბელადებს («At times the popular forces, the instruments of political action, could escape from the control both of the government and of the urban leaders and throw up their own leyderys. A. Hourani, The Islamic City in the Light of Recent Research. The Islamic City, ed. by A. Hourany, and S. M. Stern, Oxford, 1970, გვ. 20. ა. პურანი უარყოფს ხალხის მოქმედების პოლიტიკურ საფუძველს და ავრცელებს მას არა მთელ ქალაქზე, არამედ მხოლოდ ქალაქის ცალკეულ უბანსა და უბნებზე (იქვე).

²⁸³ ვ. გაბაშვილი, ქალაქ თბილისის სოციალური ისტორიიდან, გვ. 55.

²⁸⁴ დავით აღმაშენებლის ისტორიკოსი, ქართლის ცხოვრება, ტ. I, თბ., 1955,

ბანი ქრისტიანულ მოსახლეობასთან ახლად შემოერთებულ თბილისში დროდადრო რომ კვლავ მიმდინარეობდა. ამას გვიდასტურებს გაშოთქმა „ოდესმე ყვიან ღაღღავი“²⁸⁵. „ღაღღა“ როგორც უკვე აღვნიშნეთ, გამოაყენებოდა ისეთი ამბების აღსანიშნავად, როგორც იყო ქალაქში მომხდარი აჯანყება—არეულობა რინდების, ოვბაშების, ფითიანების და ჭევანმარდებს მონაწილეობით.

ტერმინ „ღაღღას“ დამოწმება დავით აღმაშენებლის ისტორიკოსის თხზულებაში იმის დამამტკიცებელი უნდა იყოს, რომ ქ. თბილისში მთელი ორმოცი წლის განმავლობაში მიმდინარეობდა ბრძოლა ქალაქის სხვადასხვა საზოგადოებრივ ფენებს შორის.

ასევე საკმაოდ ძლიერი არაგუმენტაციაა რინდების (და, თავისთავად იგულისხმება, ფითიან-ჭევანმარდების) მოღვაწეობა ქ. თბილისში. მაგრამ ეს არაგუმენტი კიდევ უფრო მტკიცე ხდება სიბტ იბნ ალ-ჯაუზის იმ პირდაპირი ჩვენების წყალობით, საიდანაც სავსებით აშკარად ჩანს, რომ 1082—1122 წლებში თბილისში „ყმაწვილები“ („შაბაბ“) ბატონობდნენ. ასე, რომ, თუ აქამდე ჩვენს განკარგულებაში იყო XIV საუკუნის ქართველი ანონიმური ისტორიკოსის ცნობა XIII ს-ის დამდეგის თბილისში რინდების არსებობის შესახებ, ახლა მათს არსებობას ვაცილებით უფრო ადრე, 1082—1122 წლებში, გვიდასტურებს სიბტ იბნ ალ-ჯაუზი.

სიბტ იბნ ალ-ჯაუზის მიხედვით, ეს „ყმაწვილები“ განაგებდნენ თბილისის მთელი ორმოცი წლის განმავლობაში. ამასთან, სავსებით ცხადია ამ „ყმაწვილების“ სოციალური ვინაობა და მნიშვნელობა საქალაქო ცხოვრების სარბიელზე. გასაგები ხდება სიბტ იბნ ალ-ჯაუზის ცნობის მთელი შინაარსიც.

ფაქტიურად ალ-ფარიცი და სიბტ იბნ ალ-ჯაუზიც ერთსა და იმავე მოვლენას აღნიშნავენ და აღწერენ. სახელდობრ იმას, რომ ჯაფარიანთა გვარის გადაშენების შემდეგ თბილისის ორმოცი წლის მანძილზე მართავდა „ხალხი“. განსხვავება მხოლოდ იმაშია, რომ ალ-ფარიცის ნახმარი აქვს „ხალხი“, ხოლო სიბტ იბნ ალ-ჯაუზის „ყმაწვილები“. მაგრამ ჩვენი კვლევა-ძიების შედეგად ერთმანეთს შეიძლება თამამად დავუკავშიროთ „ხალხი“ და „ყმაწვილები“. ორსავე შემთხვევაში ისინი აღნიშნავენ ქალაქის იმ მემამბოხე ელემენტებს, რომელთაც 1082—1122 წწ. ძალაუფლება ხელთ იგდეს თბილისში და ამ ძალაუფლებას მთელი ორმოცი წლის განმავლობაში ინაწილებდნენ

²⁸⁵ დავით აღმაშენებლის ისტორიკოსი, გვ. 349; მ ა ნ ა ნ ა ვ ა ბ ა შ ვ ი ლ ი, დასახ. ნაშრ., გვ. 49—50.

(ასე უნდა გავიგოთ გამოთქმა: „რომელთაგან თითოეული (მართავდა თბილისს) ერთ თვეს“²⁸⁶.)

მაშასადამე, 1082—1122 წწ. თბილისში გაბატონებული უნდა ყოფილიყვნენ არა ქალაქის რაისები, ე. ი. საქალაქო არისტოკრატიის წარმომადგენლები, არამედ ქალაქის დაბალი საზოგადოებრივი ფენებიდან გამოსული რინდები, ფითიანები, ჭევანმარდები, შაბაბები.

ო. ცქიტიშვილი სიბტ იბნ ალ-ჯაუზის ერთ-ერთ შეცდომად უთვლის იმას, რომ „მოხუცებს“ იგი უკავშირებს ჯაფარიანთა საგვარეულოს და აღნიშნავს, „საქმე ეხება თბილისის მმართველობის გარკვეულ ფორმას, რომელიც ჯაფარიანთა საგვარეულოსაგან სრულიად დამოუკიდებლად განვითარდა“²⁸⁷. არც „მოხუცები“ და არც „ყმაწვილები“ არ ეკუთვნოდნენ ჯაფარიანთა საგვარეულოს, მაგრამ თუ „მოხუცებში“ ქალაქის რაისებს ვიგულისხმებთ და გავიხსენებთ, რომ ისინი განსაკუთრებით XI ს-ის მეორე ნახევარში აღზევდნენ და გაძლიერდნენ (სწორედ ჯაფარიანთა საგვარეულოს დასუსტების დროს), მაშინ უნდა დაეუშვათ ისიც, რომ ისინი ჯაფარიანთა საგვარეულოს გადაშენების დროს უნდა დაკნინებულიყვნენ, ე. ი. 1082—1122 წლებში.

ჯერჯერობით ყველა აღმოსავლური მასალა, რომელსაც გავეცანით, იმის სრულ საფუძველს იძლევა, რომ 1082—1122 წლების თბილისში ადგილი ჰქონდა ხალხის მმართველობას. ალ-ფარიკი პირდაპირ მიუთითებს, რომ თბილისის ორმოცი წელიწადი მართავდა „ხალხი“²⁸⁸. ახლა ამ „ხალხის“ ცნების დაზუსტების სრულ შესაძლებლობას იძლევა სიბტ იბნ ალ-ჯაუზის ის ცნობა, რომელშიაც ლაპარაკია იმათზე, ვინც ორმოცი წელი მართავდა თბილისს—„ყმაწვილებზე“. რას ნიშნავს და რა მნიშვნელობით იხმარებოდა „ყმაწვილები“ აღმოსავლურ წყაროებში, ჩვენთვის უკვე ცნობილია.

სიბტ იბნ ალ-ჯაუზი მოგვითხრობს: „დავითმა, მეფემ აფხაზთა და ქართველთა, ძლიერ შეავიწროვა ისინი, მათ (ყმაწვილებმა) გაგზავნეს თოლრულ იბნ მოჰამედ შაჰთან, არანის ბატონთან (ყაცი). მან გამოგზავნა შიჰნა“²⁸⁹.

²⁸⁶ აღნიშნული გარემოება ერთხელ კიდევ გვიდასტურებს რომ „ყმაწვილები“ სულ სხვა რამეს ნიშნავს, ვიდრე, ჩვეულებრივ, ამ ტერმინში ვგულისხმობთ და ხანდაზმულობის ვადაც—ორმოცი წელი, რა თქმა უნდა, საკლებით გამორიცხავს „ყმაწვილების“ ბიოლოგიურ ასაკთან ურთიერთკავშირს.

²⁸⁷ ო. ცქიტიშვილი, დასახ. ნაშრ., გვ. 208.

²⁸⁸ გ. წერეთელი, არაბული ქრესტომათია, გვ. 68.

²⁸⁹ „შიჰნას“ ინსტიტუტის გამო იხ. გ. წერეთელი, არაბულ-ქართული ლექსიკონი, თბ., 1951, გვ. 106; შ. მეხია, საქალაქო კომუნა შუა საუკუნე-

ქალაქის მფარველი შეიძლება მოეწვიათ და მისი „შიჰნა“ მივლოთ როგორც ქალაქის რაისებს, ისე „ყმაწვილებს“, ქალაქის დაბალი ფენების წარმომადგენლებს. ამის არაერთი მაგალითი შეიძლება მოვიყვანოთ X—XII ს. მაჰლობელი და შუა აღმოსავლეთის ქალაქების ისტორიიდან და, კერძოდ, მასუდ იბნ ნამდარის წერილებიდან²⁹⁰.

„ახალგაზრდები“ შეამბოხე ელემენტი იყო. მათი მოქმედების შედეგად მაჰლობელი აღმოსავლეთის ქალაქებში მყარდებოდა „ხალხის“ მმართველობა, ოღონდ დროებით და ისიც პოლიტიკური კრიზისების დროს²⁹¹.

ალ-ფარიკის და სიბტ იბნ ალ-ჯაუზის ცნობების მიხედვით, „ხალხის მმართველობა“ იყო დამყარებული 1082—1122 წლების თბილისშიც.

სიბტ იბნ ალ-ჯაუზის ის ცნობა, რომ დავით აღმაშენებელი ავიწროვებდა ამ შეამბოხე ყმაწვილებს, ჩვენი აზრით, ისე უნდა გავიგოთ, რომ იგი ქალაქის მაღალ საზოგადოებრივ ფენებს უჭერდა მხარს. ამ მოსაზრების საბუთი უნდა იყოს ის, რომ თბილისის შემოერთების შემდეგ კვლავ განაგრძობდა არსებობას ქალაქის რაისის და სხვა არაბული წარმოშობის საქალაქო თანამდებობეზი (ამიდის, მუჰთასიბის, შურტას და სხვ.).

ამჟამად აქ არ ვეხებით თბილისის მმართველობის ფორმის საკითხს. ეს საკითხი ერთხელ კიდევ შეიძლება დაისვას, როდესაც საჭირო სისრულით შეისწავლება „ხალხის მმართველობის“ ფორმა და ზუსტად ალმ. ამიერკავკასიის და მაჰლობელი აღმოსავლეთის ქალაქებში.

ების თბილისში, გვ. 85, 91—94; გ. ბერაძე, XI—XII სს. ირანის ქალაქების აღმინისტრაციული წყობილების ისტორიიდან, საქართველოს სსრ მეცნიერებათა აკადემიის „მოამბე“, ტ. 55, 1969, გვ. 253—256.

²⁹⁰ В. М. Бейлиш, *დასახ. ნაშრ.*, გვ. 63.

²⁹¹ ლიტერატურა ქალაქებში დამყარებული „ხალხის“ დროებითი მმართველობისა და, საზოგადოდ, ისლამური ქალაქის კონსტიტუციური ინსტიტუტების შესახებ სულ უფრო და უფრო მრავლდება. იხ. Cl. Cahen, *Mouvements populaires et autonomisme urbain dans l'Asie musulman du Moyen Age*, 25—26, 223—265; E. Ashfor, *L'administration urbaine en Syrie medievale*, *Revista degli Studi Orientali*, 1956, s. 73—128; S. M. Stern, *The constitution of the Islamic City*, *The Islamic City*, p. 25—26.

III. თბილისი XII საუკუნეში

წყობილება, სოციალური განსრეება. ეკონომიკური მდგომარეობა:

1122 წელს დავით აღმაშენებელმა გაანთავისუფლა თბილისი და შემოუერთა საქართველოს სამეფოს. თბილისის შემოერთებით დასრულდა საქართველოს გაერთიანების პროცესი. ამჟამად თბილისი ერთიანი საქართველოს დედაქალაქია, რამაც, ცხადია, კიდევ უფრო გაზარდა მისი როგორც პოლიტიკური, ისე ეკონომიკური მნიშვნელობა. შესაბამისად გართულდა და მრავალმხრივი გახდა საქალაქო ცხოვრებაც (ვაჭრობა, ხელოსნობა).

თბილისის საქართველოს დედაქალაქად გადაქცევის პოლიტიკური, ეკონომიკური და კულტურული შედეგები საკმაოდ კარგადაა აღნიშნული ქართულ ისტორიოგრაფიაში სხვადასხვა პერიოდის ქართველ ისტორიკოსთა მიერ (ივ. ჯავახიშვილი, ს. ჯანაშია, ნ. ბერძენიშვილი, შ. მესხია, მ. ლორთქიფანიძე, ვ. გაბაშვილი...)

ჩვენ ამჟამად გვაინტერესებს მხოლოდ ის ცვლილებები, რომლებიც თბილისის მმართველობასა და წყობილებაში მოხდა.

მთავარი ყურადღება ამდენადვე ექცევა თბილისის მმართველობის გაქართულებას და თბილისის, როგორც გაერთიანებული საქართველოს დედაქალაქის, დანარჩენ ქართულ ქალაქებთან უშუალოდ და ორგანულად დაკავშირებას.

თბილისის საქალაქო წყობილებას თანდათანობით გაქართულების პროცესს გვიდასტურებს დავით აღმაშენებლის ისტორიკოსის შემდეგი სიტყვები: „ქალაქი ტფილისი იყო, ოდეს ჯერეთ არა სრულიად შემოყენებულ იყო უღელსა ქუეშე მორჩილებისასა, ვითარცა აწ...“¹.

ყურადღებას იქცევს ზემომოთანილი ნაწყვეტის ბოლო სიტყვები, საიდანაც აშკარად ჩანს, რომ დავითის ისტორიკოსი მკვეთრად ასხვავებს მის დროს თბილისში არსებულ პოლიტიკურ სიტუაციას ადრინდელისაგან.

¹ ცხოვრება მეფეთ-მეფისა დავითისი, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, I, თბ., 1955, გვ. 349.

როგორც ირკვევა, თბილისის შემოერთების შემდეგ დავით აღმაშენებელმა ხელუხლებლად დატოვა თბილისში არსებული ადმინისტრაციული წყობილება, ჯიხადან მისი ერთბაშად ქართულ ყაიდაზე გარდაქმნა შეუძლებელი იყო.

მაგრამ ამავე დროს, თანდათან ხდება თბილისის საქალაქო ორგანიზაციის გაქართულება, წყაროებშიც საკმაოდ ხელშესახებადაა ასახული ის ცვლილებები, რაც XII ს. მანძილზე თბილისში მომხდარა.

თუ 1122 წლამდე თბილისში ისეთივე სამოხელეო და საქალაქო ადმინისტრაცია არსებობდა როგორც ყველგან აღმ. ამიერკავკასიისა და მახლობელი აღმოსავლეთის ქალაქებში, 1122 წლის შემდეგ ჯერ მათი გაქართველების ღონისძიებებს მიექცა ყურადღება, ხოლო შემდეგ ისინი საესებით გაქრნენ, თბილისში კვლავ აღსდგა ფეოდალური საქართველოსათვის დამახასიათებელი საქალაქო წყობილება.

ქართულ დოკუმენტურ წყაროებში დაცული ცნობები საშუალებას გვაძლევს თვალი გავადგენოთ აღნიშნულ პროცესს. ამ მხრივ განსაკუთრებული მნიშვნელობა აქვს გიორგი III-ის 1170 წლით დათარიღებულ სიგელს, რომლის შინაარსს არა ერთმა ქართველმა მკვლევარმა მიაქცია ყურადღება (შ. მესხია, მ. ლორთქიფანიძე, ვ. გაბაშვილი)².

ხსენებულ სიგელში ჩამოთვლილია შემდეგი სახელწოდებანი საქალაქო გადასახადები: საამირო, საამიდო, სარაისო, სამუჰთასიბო³.

თავისთავად ცხადია, რომ თითოეული მათგანი აღნიშნავს იმ ხელისუფალს, თუ მოხელეს, რომლის სასარგებლოდაც გადაკვეთილი იყო სათანადო გადასახადი.

გარდა ჩამოთვლილი გადასახადებისა (რა თქმა უნდა, მხედველობაში გვაქვს, რომ არაბული წარმოშობის გადასახადთა სათანადო სახელწოდებებში შესაბამისი არაბული წარმოშობის თანამდებობე-

² Ш. А. Месхиа, Города и городской строй феодальной Грузии, Тб., 1959, с. 79—80; მ. ლორთქიფანიძე, ქალაქის მოხელეთა საკითხისათვის ფეოდალურ საქართველოში (არაბული სახელწოდების მოხელენი), მასალები საქართველოს და კავკასიის ისტორიისათვის, თბ., 1954, ნაკვ. 30, გვ. 147—155; ვ. გაბაშვილი, თბილისის მმართველობა X—XI საუკუნეებში, თსუ შრ., ტ. 108, 1964, გვ. 332—336, 339, 347; მანანა გაბაშვილი, XI საუკუნის თბილისის ისტორიისათვის, ძიებანი საქართველოსა და კავკასიის ისტორიიდან, თბ. 1976, გვ. 179—182.

³ საქართველოს სიძველენი, ტ. III, ტფ. 1926, დამატება, გვ. 5, შდრ. მ. ლორთქიფანიძე, დასახ. ნაშრ., გვ. 143—157. დაბეჭდილ ტექსტშია „საგუსტასიბოისა“, სწორი წაკითხვა აღადგინა აკად. ს. ჯიქია, ს. ჯიქია, მე-18 საუკუნის თურქული დოკუმენტი ოქროს ციხის შესახებ, თსუ შრ., ტ. 91, აღმოსავლეთმცოდნეობის სერია, II, 1960, გვ. 180—182.

ბი იგულისხმება) გიორგი III-ის 1170 წლის სიგელში დასახელებულია „საშურტაოც“⁴, ოღონდ ციხისთავებთან ერთად. აქედან აშკარად ჩანს, რომ შურტა ქართველი მეფის მოხელე იყო და ამ მხრივ ჯერ კიდევ 1122 წლამდე იგი განსხვავდებოდა ამირასაგან, რაიისაგან, ამიდისაგან და მუჰთაჰისაგან.

შურტა დასახელებულია გიორგი II-ის 1072 წლით დათარიღებულ სიგელშიც, სადაც შურტა აშკარად ქართველი მეფის მოხელეა.

საბუთში ნათქვამია: „გაგუითავისუფლებიან ესე ყოველნი საქონელნი მლუიმიისანი ყოვლისა შესავლისა და გამოსავლისაგან სახელმწიფოსა, საერისთავოისა, საციხისთავოისა, სახევისუფლოისა, შურტათა და ჩინებულთაგან და ყოვლისა საქმის მოქმედთაგან“⁵.

საბუთის შინაარსის მიხედვით, შურტა პროვინციელ მოხელედ ჩანს, რაკი იგი ისეთ მოხელეებთან ერთად არის დასახელებული, როგორც იყო ერისთავი, ციხისთავი, ხევისუფალი.

მაგრამ შურტა, როგორც ცნობილია, მახლობელი აღმოსავლეთის ქალაქებში ეწოდებოდა პოლიციის მოხელესაც⁶. ასეთი თანამდებობა, ცხადია, იგულისხმება თბილისის საამიროს ქალაქებშიც. მათ შორის, რასაკვირველია, თბილისშიც.

შურტა ქართულ სინამდვილეშიც საქალაქო თანამდებობად მიანჩნიათ ივ. ჯავახიშვილს⁷, მ. ლორთქიფანიძეს⁸, შ. მესსიანს⁹.

აღსანიშნავია, რომ 1122 წლის შემდეგაც კი თბილისში არსებობდა ისეთი სპეციფიკური აღმოსავლური თანამდებობა, როგორიც იყო ყადის თანამდებობა მუსლიმანური ქვეყნების ქალაქებში.

⁴ საქართველოს სიძველენი, ტ. III, დამატება, გვ. 5, შდრ. ქართული სამართლის ძეგლები, ტ. II, გვ. 21.

⁵ თ. ე ო რ დ ა ნ ი ა, ისტორიული საბუთები შიომღვიმის მონასტრისა, ტფ., 1896. გვ. 11—12; ქართული სამართლის ძეგლები, ტ. II გვ. 10. ქართველ ფეოდალად გვევლინება ქართლის მატაიანეში მოხსენიებული შურტა: „მოერთო შურტა, მჟა კკრიკე ქორეპისკოპოსისა, გიორგი მეფესა, და მიუტანა თანა ციხე მისი უჯარმო“, მატაიანე ქართლისა, გვ. 268.

⁶ ივ. ჯ ა ვ ა ხ ი შ ვ ი ლ ი, საქართველოს ეკონომიური ისტორია, ტფ., 1907, გვ. 23—24.

⁷ ივ. ჯ ა ვ ა ხ ი შ ვ ი ლ ი ს განმარტებით, „გიორგი II-ის სიგელიდან ჩანს, რომ შურტას ქალაქის ბაზრისა და ბაჟის ზედამხედველობა უნდა მპარებოდა“ (ივ. ჯ ა ვ ა ხ ი შ ვ ი ლ ი, დასახ. ნაშ., გვ. 24).

⁸ მ. ლ ო რ თ ქ ი ფ ა ნ ი ძ ი ს აზრით, როგორც გიორგი II-ის ისე გიორგი III-ის სიგელებში შურტა დაკავშირებულია აგრეთვე ადგილობრივ მმართველობასთან. ამიტომ მან ექვექვეშ დააყენა შურტას დამოკიდებულება ბაზართან და ბაზრის ზედამხედველობასთან (მ. ლ ო რ თ ქ ი ფ ა ნ ი ძ ე, დასახ. ნაშ., გვ. 39. 147).

⁹ Ш. А. Месхиа, დასახ. ნაშ., გვ. 82

თბილისის ყადის შესახებ ცნობები მოეპოვებათ როგორც არაბულენოვან და სპარსელ ისტორიკოსებს (იბნ ჰალუალი, იბნ ალ-ასირი, რაშიდ ედ-დინი), ისე ქართველ ისტორიკოსებს (ყამთააღმწერელი).

როგორც ჩანს, არსებობდა ქალაქის „მუშრების“ თანამდებობაც, მაგრამ ის XI—XII სს. ქართულ წყაროებში არ იხსენიება და მხოლოდ XIV საუკუნის ძეგლში „ხელმწიფის კარის გარიგებაშია“ დამოწმებული¹⁰.

ყადის თანამდებობა თბილისის განთავისუფლებამდე და განთავისუფლების შემდეგ არსებობდა იმის გამო, რომ როგორც პირველ პერიოდში, ისე მეორეში აქ საკმაო რაოდენობით იყო მუსლიმანური მოსახლეობა. თუმცა პირველ პერიოდში (VIII ს. 30-იანი წლები—XI საუკუნე) მუსლიმანური მოსახლეობა გაცილებით დიდი რაოდენობით უნდა ყოფილიყო წარმოდგენილი, ვიდრე მეორე პერიოდში, ე. ი. XII—XIII სს¹¹. პირველ პერიოდში (მე-8 ს. 30-იანი წლები—XI საუკუნე) მუსლიმანური მოსახლეობა გაცილებით ნეტი რაოდენობით ჩანს, ვიდრე მეორე პერიოდში, ე. ი. XII—XIII საუკუნეში.

ის გარემოება, რომ გიორგი III-ის 1170 წ. სიგელში თბილისის ყადი სხვა არაბული წარმოშობის თანამდებობებთან ერთად არ იხსენიება, ჩვენი აზრით, იმის მაჩვენებელი უნდა იყოს, რომ აღნიშნული თანამდებობები უკვე ქართულ საქალაქო წყობილებასთან არიან დაკავშირებული, ხოლო თვითონ მოხელენი—ამირა, ამიდი, რაისი, მუქთასიბი, ქართველი მეფის მოხელეებად ითვლებიან და ქალაქის გამგებებს, ე. ი. თბილისის ქართველ ამირას ემორჩილებიან.

ამრიგად, როგორც ვნახეთ, 1122 წლის შემდეგაც თბილისში არსებობას განაგრძობდა რაისის (და შეიძლება ვიფიქროთ რაისების) თანამდებობა, მაგრამ ახლანდელი რაისები არსებითად განსხვავდებოდნენ XI საუკუნის რაისებისაგან ანუ „ტფილელ ბერებისაგან“, ისინი საქართველოს მეფის სელისუფლებას — თბილისის ამირას ზელქვეითი მოხელენი იყვნენ და, ცხადია, თბილისის საქართველოს დედაქალაქად გადაქცევის შემდეგ მოკლებული იყვნენ იმ ძალას და

¹⁰ ხელმწიფის კარის გარიგება, ექ. თაყაიშვილის გამოცემა, თბ., 1920, გვ. 8—9.

¹¹ დავით აღმაშენებლის ანდერძსა და გიორგი III-ის სიგელში აშკარადაა გამოიწვეული თბილისის პოლიტიკური ისტორიის ორი პერიოდი—თბილისი მაჰმადიანთა დროს („სპარსთა ქონებასა, სპარსობითგანე“) და თბილისი მაჰმადიანთა მფლობელობისაგან განთავისუფლების შემდეგ.

გაკლენას, რითაც წინათ ქალაქის ბერები ანუ ქალაქის რაისები სარგებლობდნენ¹².

ქალაქის რაისის თანამდებობა ერთ-ერთ მნიშვნელოვან თანამდებობად ითვლებოდა აღმ. ამიერკავკასიის და მახლობ. აღმოსავლეთის ქალაქებში X—XII საუკუნეებში¹³.

ამდენად, ქალაქის რაისის თანამდებობა უცხო უნდა ყოფილიყო საქართველოს საქალაქო წყობილებისათვის და თავის დროზე, როგორც ჩანს, მხოლოდ თბილისის საამიროში არსებობდა.

ასევე უცხო იყო საქართველოს საქალაქო წყობილებისათვის აშიდის, მუქთასიბის და მუშრიბის თანამდებობები.

განსაკუთრებით უცხო იყო ქართული საქალაქო წყობილებისათვის მუქთასიბის თანამდებობა, რომლის შემსრულებელი, გარდა იმისა რომ ბაზრებსა და ზომა-წონის ერთეულებს უწყევდა კონტროლს, მკიდროდ იყო დაკავშირებული მუსლიმანურ რელიგიასთან და ქალაქის მოსახლეობაში მუსლიმანური წეს-ჩვეულებების მტკიცედ დაცვა მართებდა¹⁴.

ამრიგად, გიორგი III-ის სიგელში დამოწმებული არაბული წარმოშობის სამოხელეო ტერმინები იმის მაჩვენებელია, რომ თბილისის საამიროს ქალაქებში ისეთივე საქალაქო თანამდებობები არსებობდა, როგორც ყველგან აღმ. ამიერკავკასიისა და ახლოაღმოსავლეთის ქვეყნებში.

არაბული წარმოშობის ეს საქალაქო თანამდებობები შემდეგნაირად არის განმარტებული: ამირა—ოლქის და ქალაქის გამგებელი, შურტა საპოლიციო მოხელე¹⁵, მუქთასიბი — საზოგადოებრივი წესრიგისა და მორალის დამცველი, ბაზრებზე ზომა-წონის მეთვალყურე, ანიდი—დიპლომატიური ურთიერთობის საბუთების შემდგენელი მოხელე (ზოგიერთი მკვლევარის განმარტებით—ქალაქის მწერალი),

¹² „ქალაქის ბერებისა“ და „ქალაქის რაისების“ ილენტურობა აღნიშნული აქვს ე. გაბაშვილს, დასახ. ნაშრ., გვ. 357.

¹³ გ. ბერაძე, მახლობელ აღმოსავლეთში ფეოდალური ქალაქის წარმოშობის ისტორიიდან („ქალაქის რაისების“ ინსტიტუტი), საქ. სსრ მეცნ. აკად. „მაცნე“, 1969, № 4; Г. Г. Берაძე, К вопросу об институте городских раисов в Иране X—XII вв. (имущественное и социальное положение „городских раисов“) сб., Иран, М., 1971. იქვე დამოწმებულია სათანადო ბიბლიოგრაფია.

¹⁴ ამიტომ მართებული არ უნდა იყოს მუქთასიბის ქალაქის ნაცვალთან გაიგივება Ш. А. Месхиа, Города., с. 81, სხვაგან ქალაქის ნაცვალს მას შიქნასთან აქვს გაიგივებული, შ. მესხია, საქალაქო კომუნა შუასაუკუნეების თბილისში, გვ. 85.

¹⁵ ივ. ჭავჭავიძე, საქართველოს ეკონომიური ისტორია, ტფ., 1907, გვ. 23—24.

რაისი — ქალაქის გამგებელი, მუშრიბი — ქალაქის საბაჟოში შემოსულ საქონლის, აგრეთვე სასახლის ქონებისა და სასახლის კარის შესანახი ქონების აღმწერელი¹⁶.

ყველა ეს თანამდებობა XII ს. საქართველოს მეფის ხელისუფლებამ დაუკავშირა (ამის თქმისა და მტკიცების შესაძლებლობას გიორგი III-ის 1170 წ. სიგელის შინაარსი იძლევა) გაერთიანებული თბილისის გაქართულებულ საქალაქო წყობილებას.

ამრიგად, შეიძლება დავასკვნათ, რომ თბილისის აღების შემდეგ (1122 წლიდან) იწყება საქალაქო ადმინისტრაციის ქართულ საფუძველზე გარდაქმნის პროცესი, რომელიც მთავრდება XII ს. მიწურულს, რაც არაბული სამონღოლო ტერმინების გაქრობაში და ზოგიერთის გაქართულებაში (ამირა) გამოიხატა¹⁷.

არაბთა დროინდელი ზატონობის საქალაქო წყობილების ლიკვიდაციისა და ქართული სამოხელეო ინსტიტუტების აღდგენის შედეგად თბილისი საბოლოოდ იქნა შემომტკიცებული.

თბილისში, როგორც ჩანს, უნდა შემოეღოთ ის საქალაქო თანამდებობები, რომლებიც საქართველოს დანარჩენ ქალაქებში არსებობდა. ამის დადასტურების ფაქტს უნდა წარმოადგენდეს ქალაქის ნაცვლის თანამდებობა. „ნაცვალი“ ქართული ადმინისტრაციული წყობილებისათვის დამახასიათებელი მოვლენა იყო. ნაცვალი მოიხსენიება თამარის 1193 წ. სიგელში¹⁸. ამის შემდგომ ნაცვალი უკვე საკმაოდ ხშირად გვხვდება.

XI ს. ქალაქის ნაცვალი მეფის მიერ ინიშნებოდა და მასზე უშუალოდ იყო დამოკიდებული.

ერთერთ მნიშვნელოვან თანამდებობად იქცა ქალაქის ამირას თანამდებობა, მიუხედავად იმისა, რომ თავდაპირველად იგი აშკარად არაბული წარმოშობისა იყო. ქალაქის ამირას თანამდებობა დროთა განმავლობაში იმდენად გაქართულდა, რომ იგი საქართველოს სხვა ქალაქებშიც გავრცელდა და მე-17 საუკუნის დამდეგამდე იარსება¹⁹.

¹⁶ მ. ლ ო რ თ ქ ი ფ ნ ი ძ ე, ქალაქის მოხელეთა საკითხისათვის ფეოდალურ საქართველოში, გვ. 143—156., ვ. გ ა ბ ა შ ვ ი ლ ი, თბილისის მმართველობა X—XI საუკუნეებში, გვ. 331—338.

¹⁷ ვ. გ ა ბ ა შ ვ ი ლ ი, იქვე, გვ. 347. ამირას ინსტიტუტის გამოიხ. დ. მ უ ს ხ ე ლ ი შ ვ ი ლ ი, თბილისის ამირთამირობის ინსტიტუტისათვის, კრ. საქართველო რუსთაველის ხანაში, თბ., 1966, გვ. 216—217.

¹⁸ С. К а к а б а д з е, Грамота царицы Тамары Великой на имя Гелата от 1193 г., Известия кавказского историко-археологического института, т. III, Тифлис, 1925, с. 116.

¹⁹ ამირობასთან შედარებით ამირთამირობა დ. მუსხელიშვილს გვიანდელ მოვ-

საქართველოს მეფის მიერ დანიშნული ამირები ისხდნენ ქუთაისში, უჩნევანში, დმანისში.

ამირობის ინსტიტუტის გაქართულების უტყუარ მოწმობას წარმოადგენს ეპიგრაფიკული ძეგლებზე ცნობები. მაგ., ფინეზაურის წარწერაში, რომელიც ქართული ასომთავრულითაა შესრულებული, დმანელი ამირა იობ მიხრიკის ძე აშკარად ქართველი მოხელეა²⁰. წარწერის გამომცემელი დ. ბერძენიშვილი ამასთან დაკავშირებით აღნიშნავს, რომ წარწერის ცნობის შინაარსი უნდა მიუთითებდეს გარკვეულ გარდამავალ საფეხურს დამოუკიდებელ არაბ ამირასა და გვიანდელი ქალაქის მოურავს შორის²¹.

მაუხედავად იმისა, რომ დავით აღმაშენებელმა არსებითად გარდაქმნა თბილისის ადმინისტრაციული მმართველობა და იგი ორგანიზაციულად დაუკავშირა ქართულ საქალაქო წყობილებას, მან საგარეო ურთიერთობის თვალსაზრისით მთელი რიგი ისეთი ღონისძიებები განახორციელა, რომლებიც მიზნად ისახავდნენ თბილისის ეკონომიკური მნიშვნელობის შენარჩუნებას კავკასიასა და წინა აზიაში.

როგორც ცნობილია 1122 წლამდე, ე. ი. თბილისის საქართველოსთან შეერთებამდე კარგა ხნით ადრე, თბილისის როლი მეტად მნიშვნელოვანი იყო მთელს კავკასიასა და წინა აზიაში. ამას გვიდასტურებენ აღმოსავლელი ავტორები, რომელთა ცნობები ამასთან დაკავშირებით არ ერთხელ ყოფილა დამოწმებული ქართულ ისტორიოგრაფიაში.

შედარებით ადრე მოღვაწე (X—XI სს.) არაბ და სპარსელ ავტორთა გადმოცემებით, „ტფილისი დიდი, აყვავებული ქალაქია. მაგარი, გაშენებული და მრავალი სიმდიდრის მქონე“²² ისთახრი უწოდებს მას „საქონლით მდიდარს“²³, იბნ. ჰაუკალი აღნიშნავდა სიიაფეს, რო-

უნად მიაჩნია, ეს თანამდებობა, მისი აზრით, ქართულ ნიადაგზე წარმოიქმნა XII ს. 80-იანი წლების მიწურულს, დ. მ უ ს ხ ე ლ ი შ ვ ი ლ ი, დასახ. ნაშ., გვ. 216—217.

²⁰ დ. ბ ე რ ძ ე ნ ი შ ვ ი ლ ი, დმანელი ამირას უცნობი წარწერა ფინეზაურის ხეობიდან, საქ. სსრ მეც. აკად. მოამბე, XXIII, 3, 1964, გვ. 750.

²¹ წარწერაში ნათქვამია: „ქ(რისტე) სახელითა ღვთისათა და შეწევითა ყოვლად წმიდისა ღვთისმშობელისაჲთა, აღიდენ და ამყარენ ღმერთმან ძლიერი და ოპლქვეელი მეფეთ მეფობა გიორგისი; მე მიწამან მეფობისა მათისამან იობ მიხრიკის ძემან დმანის ჩემსა ამირობა(ს)ა შინა აღეშპართე ჭუარი ესე სახელსა ზედა წმიდისა მოწამისა ღმობტრისა, სალოცველად მეფობისა მათისა, საკსენებელად სულისა ჩემისა. ვინცა მომაულთა ეამთა დაწერილი ესე აღმოიკითხოთ ჩემთვის“... იქვე, გვ. 747.

²² ი ს თ ა ხ რ ი, ჰოდუდ ალ-ლემი, ჰამდალაჲ ყაზვინი, თარგმანი შენიშვნებითა და საძიებლეთურთ ე. ფუთურიძისა, საქართველოს ისტორიის წყაროები, სერია 4, 1937, გვ. 15.

²³ იქვე, გვ. 5.

მელიც ამ ქალაქისათვის მის დროს ყოფილა დამახასიათებელი²⁴, ალ-ჰუსეინის სიტყვით, თბილისის გარშემო კედლის სიმაღლე და სიგანე 40 წყრთა ყოფილა²⁵.

მსგავს ცნობებს გვაწვდიან უფრო გვიანდელი (XII—XIII სს.) ავტორებიც ნაჯიბ ჰამადანელის თანახმად (XII ს. მეორე ნახ.), „თბილისი დიდი და სიკეთით აღსავსე ქალაქია“²⁶. იბნ ისჰანდიარს „თარხე ტაბარისტანში“ (დასრულებულია 1216 წ.) ლაპარაკია „თბილისურ ქსოვილებზე“. აღსანიშნავია, რომ თბილისური ქსოვილები დასახელებულია ბიზანტიურ და ბალღადურ ქსოვილებთან ერთად (جامه «های رومی و بغدادی و تفلیسی»), რომელიც ტაბარისტანის გამგებელს ის-ჰაჰმადანს არღამაჩის ძღვნად გაუგზავნია ხორეზმშაჰ თექემისათვის სხვადასხვა ძვირფასეულობასთან ერთად²⁷. ხოლო სპარსელი ანონი-მური ავტორის გადმოცემით (XIII ს. I ნახ.) თბილისში მრავალი

²⁴ ابن حوقل كتاب صورت الارض ، بيروت 292. გვ.

²⁵ «أخبار الدولت السلجوقية» მუჰამედ იკბალის გამოცემა, ლაჰორი, 1933. საინტერესოა, რომ თბილისში XI ს. 60-იან და 70-იან წლებში ქრისტიანთა ერთი ეკლესია ყოფილა. ალ-ჰუსეინის სიტყვით, „ამ ეკლესიის მნიშვნელობა ისეთივეა, როგორც მუსლიმანებისათვის ქააბას მნიშვნელობა“. სულთანმა (იგულისხმება სელჩუკიანი) განაგრძობს ალ-ჰუსეინი-„ეს ქალაქი დაიპყრო და იქ ერთი წამე გააშენებინა“. აღნიშნული გარემოება ერთხელ კიდევ გვიღვდასტურებს, თუ რამდენად მრავალიცხოვანი იყო მუსლიმანური მოსახლეობა 1122 წლამდე თბილისში. Садр ад-დინ Али пл-Хусайний, Ахбар ад-даулат ас-Селджукийийа (Зубдат ат-таварих), Издание текста, перевод, введение, примечания и приложения З. М. Буннятова, М., 1980 არაბული ტექსტი, გვ. 74; რუსული თარგმ. გვ. 55.

²⁶ ნაჯიბ ჰამადანელი „აჯაიბ ალ-მახლუკათ ვა ლარაიბ ალ-შაჰუდათ“ („ქმნილება-თა საკვირველებანი და არსებულის იშვიათობანი“), დამოწმებულია რ. კიქნაძის მიხედვით. რ. კიქნაძე, XI—XII სს. თბილისის ისტორიიდან აღმოსავლური წყაროების მიხედვით, ისტორიის ინსტიტუტის შპ., ტ. 5, ნაკვ. 1, 1960, გვ. 128.

²⁷ «تاريخ طبرستان تأليف بها الدين محمد بن حسن بن اسفند يار كاتب»

გვ. 136. «تصحيح عباس اقبال ، تهران ، قسم سوم ، ۱۳۲۵ ، ۱۳۲۶»
გ ი ა ბ ე რ ა ძ ე, მასალები XII საუკუნის საქართველოს ისტორიისათვის იბნ ისჰანდიარის თხზულებაში, კრ., საქართველოს ისტორიის აღმოსავლური მასალები, წიგნი I, თბ., 1976, გვ. 73—74. „ქართული ქსოვილები“ პოპულარობით სარგებლობდა იმდროინდელი ბიზანტიის უმაღლეს წრეებშიც: მაგ., ნიკეტა ხონიატეს (გარდ. 1213 წ.) ცნობით, 1182 წელს პატრიარქ თეოდოსის მეთაურობით მოსული დელეგაციის მიღებისას აღრონიკე კომნენოსს ეცვა „იბერიული ქსოვილისაგან“ შეკერილი სამოსი, გეორგიე VI, თბ., 1966, გ. 124. შ. ა მ ი რ ა ნ ა შ ე ლ ი, შოთა რუსთაველის პორტრეტი იერუსალიმის ჯერის მონასტერში, საბჭოთა ხელოვნება, 1961, № 4, გვ. 67; გ. ბ ე რ ა ძ ე, დასახ. ნაშრ., გვ. 87, შენ. 48.

შაზარი ყოფილა²⁸. ყოველივე ეს, ცხადია განვითარებულ საქალაქო ცხოვრებაზე მიგვანიშნებს.

ამას გვიდასტურებს აგრეთვე თბილისში არქეოლოგიური გათხრების შედეგად მოპოვებული მასალაც. ჩვენთვის საინტერესო პერიოდია (XII ს.) ქართული მხატვრული კერამიკის აყვავების ხანად ითვლება. სპეციალისტები კერამიკული წარმოების განვითარებას უკავშირებენ ქალაქების ეკონომიკურ აღმავლობას²⁹.

საინტერესო მასალებს თბილისელი ხელოსნების შესახებ გვაწვდიან აღმოსავლური წყაროებიც, საიდანაც ჩანს, რომ მცირე აზიის ქალაქებში მოღვაწეობდნენ თბილისელი ხელოსნები თბილისური ნისბით³⁰.

გენიზას დოკუმენტების მიხედვით კაიროში საქმობდა თბილისელი ნღებავი³¹. ამ ცნობას ყურადღება მიაქცია და პირველად გამოაქვეყნა გენიზას დოკუმენტებისა და ხმელთაშუა ზღვის აუზის სო-

²⁸ Н. Д. Миклухо-Маклай, Географическое сочинение XIII в. на перс. яз. Уч. зап. Инс-та востоковедения АН СССР, IX, 1954, с. 202; „სამყაროს საკვირველებათა“ ცნობები საქართველოსა და კავკასიის შესახებ, სპარსული ტექსტი ქართული თარგმანით, შესავლითა და შენიშვნებით გამოსცა რევაზ კიკნაძემ, თბ., 1978, VI, გვ. 28.

²⁹ ლ. კილაშვილი, დასახ. ნაშრ., გვ. 147; როგორც ერკლე II-ეს მოედანზე, ისე 300 არავეელის ბალთან მოქიქული ჭურჭელი მონაპოვარ მასალაში აბსოლუტური უმრავლესობაა. აღნიშნული გარემოება საყურადღებოა იმ მხრივ, რომ მოქიქული კერამიკის გავრცელებასა და აყვავებას უკავშირებენ ქვეყნის ზოგად ეკონომიკურ აღმავლობას, საქალაქო მეურნეობის განვითარებას, ისევე როგორც მინის წარმოებას, ოქრომჭედლობასა და სხე.

³⁰ ქ. დიერიგში (ანატოლია) აჰმად შაჰის მეჩეთის კათედრას (1228 წ.) შემდეგი ხასიათის არაბული წარწერა აქვს გაკეთებული («عمل احمد بن ابراهيم التفليسي») „ნამუშევარი აჰმად იბნ იბრაჰიმ თბილისელისა“ ქ. სივასის სასაფლაოზე გვხვდება ეპიტაფია მუჰამედ იბნ აბუ ბეკრ თბილისელის («محمد ابوبكر التفليسي»). ციხისიკახიანი, დმანისის არაბული წარწერები, თბ., 1965, გვ. 13, იხ. აგრეთვე, ეთერ სიხარულიძე, ას-სამანის ცნობები საქართველოს შესახებ, კრ., საქართველოს ისტორიის აღმოსავლური მასალები, წიგნი I, თბ., 1976, გვ. 45—52.

³¹ ცნობა განეკუთვნება XI ს. II ნახევარს. საერთოდ კი გენიზას დოკუმენტები თარიღდება IX—XIII საუკუნეებით. გენიზას დოკუმენტების მნიშვნელობას საბჭოურ ორიენტალისტიკურ ისტორიოგრაფიაში ყურადღება მიაქცია ე. გაბაშვილმა. ე. გაბაშვილი, მახლობელი აღმოსავლეთის სოციალურ-ეკონომიური ისტორიის დოკუმენტური წყაროები, მახლობელი აღმოსავლეთის სოციალურ-ეკონომიური ისტორიის ნარკვევები, თბ., 1968, გვ. 16—18; მისივე, საქართველოს ქალაქების ისტორიის მასალები გენიზას დოკუმენტებში, კრ., აღმოსავლური ფილოლოგია, IV თბ., 1976, გვ. 293.

ციალურ-ეკონომიური ისტორიის საკითხების ცნობილმა მკვლევარმა ს. გოიტეინმა³².

საყურადღებოა ისიც, რომ XII ს. (1122 წ. შემდეგ) მცირე აზიაში გადახვეწილი ხელოსნის აბულ-ფაზლ ხობეიმ იბნ იბრაჰიმ თიქლისის მიერ არის დაწერილი ხელოსნური ტრაქტატი—„ხელოსნობათა აღწერა“ („ბაიან-ას-სანა'ათ“)³³.

თბილისში დადასტურებულია კერამიკული სახელოსნოები და კერამიკოსთა უბანი³⁴. აგრეთვე მინის სახელოსნო და საოქრომკვდლო. კერამიკული საწარმოს გვერდით მინის სახელოსნოს დადასტურება არქეოლოგებს საშუალებას აძლევს, რათა აქ საწარმოო კომპლექსი ივარაუდონ³⁵.

გ. ლომთათიძის აზრით, მეჭურჭლეებს ძირითადად სახელოსნოსთან უნდა ეცხოვრათ „აქერულად“. ამასთან, თბილისელი ხელოსნებიც, აღმოსავლურ და ევროპული ქალაქების მსგავსად, პროფესიების მიხედვით ცალ-ცალკე უბნებად უნდა ყოფილიყვნენ გაერთიანებულნი³⁶.

ამრიგად, როგორც წყაროებიდან და არქეოლოგიური მასალებიდან ირკვევა, XII ს. თბილისში განვითარებული იყო ხელოსნობაც და ვაჭრობაც. განსაკუთრებით ეფექტურა ჩანს საგარეო ვაჭრობა, რომლის საგანსაც, როგორც ცნობილია, ფუფუნების საგნებით ვაჭრობა შეადგენდა და ფეოდალების მოთხოვნილებას აკმაყოფილებდა.

³² S. D. Goitein, A Mediterranean Society, the Jewish Communities, of the Arab World as portrayed in the documents of the Cairo Geniza, v. 1 Berkeley and Los Angeles, 1967, p. 10, 47.

³³ بيان الصناعات ابو الفضل خبيش بن ابراهيم تقيسي
ირ:ჯ ავშარის გამოცემა, თეირანი, 1957; О. Л. В и л я ч е в с к и й, Абу-л-Фахль Хобешши ибн Ибрагим Тифлиси, Бинан ас-санат (Описание технологий), Советская этнография, № 2, М—Л., 1959, с. 180; შ. ა მ ი რ ა ნ ა შ ვ ი ლ ი, ვეფხისტყაოსნის დასურათება, მინიატურები შესრულებულ XVI—XVIII საუკუნეებში, თბ., 1966, გვ. 15. იხ. აღნიშნული ტრაქტატის რუსული თარგმანი: Абу-л-Фахл Хубайш Тифлиси. Описание ремесел (Баиан ас-санат). Перевод с персидского, введение и комментарий Г. П. Михалевич, М., 1976.

³⁴ გ. ლომთათიძე, არქეოლოგიური გათხრა თბილისში, 1948 წლის ზამთარში, მსკა, I, თბ., 1955, გვ. 132; ო. ჯ ა ფ ა რ ი ძ ე, „განჯისკარის“ 1948 წლის არქეოლოგიური გათხრის ანგარიში, იქვე, გვ. 91—92.

³⁵ გ. ლომთათიძე, თბილისის არქეოლოგიური შესწავლილობა, ისტორიის ინსტიტუტის შრომები, ტ. 5, ნაკვ. I, 1960, გვ. 172; მ. შ ი წ ი შ ვ ი ლ ი, მოკიქული კერამიკის საწარმო შუა საუკუნეების თბილისში XI—XIII სს. თბ., 1979, გვ. 68—69.

³⁶ გ. ლომთათიძე, დასახ. ნაშრ., გვ. 172.

თბილისი მნიშვნელოვან როლს იწარჩუნებს საქართველოს შეერთების შემდგომად XII საუკუნეში.

თბილისის საერთაშორისო მნიშვნელობით იყო გაპირობებული დავით აღმაშენებლის მიერ გატარებული ის ღონისძიებები, რომლებიც მიზნად ისახავდა თბილისის წინანდელი როლისა და ადგილის შენარჩუნებას მახლობელი აღმოსავლეთის საერთაშორისო ვაჭრობის სარბიელზე.

დავით აღმაშენებლის ეკონომიკურ პოლიტიკასთან უშუალოდ იყო დაკავშირებული სამონეტო რეფორმაც.

მის დროს, როგორც ცნობილია, მიმოქცევაში ფართოდ გავრცელდა მონეტები მუსლიმანური ზედწერილებით. არაბი ისტორიკოსის ალ-ფარიკის გადმოცემით დავითმა ახალი ტიპის მონეტა მოჭრა, რომელზედაც, საკუთარ სახელთან ერთად, ხალიფას, სულთნისა და ალაჰის მოციქულის (მუჰამედის) სახელები იყო აღბეჭდილი³⁷.

მონეტები არაბული ზედწერილებით დადასტურებულია შემდგომად, კერძოდ, დემეტრე I-ისა და გიორგი III-ის ზეობის წლებში, აგრეთვე მათი მომდევნო მეფეების დროსაც.

ისმის კითხვა. რას უნდა გამოეწვია საქართველოს პოლიტიკური აღმავლობის ხანაში ქართულ მონეტებზე არაბული წარწერებისა და უცხო მბრძანებელთა სახელების გაჩენა.

ამ საკითხით ჯერ კიდევ ჩვენი საუკუნის დასაწყისში დაანტერესდნენ სპეციალისტები (ე. პახომოვი, ევ. ჯავახიშვილი), გამოითქვა სრულიად სხვადასხვა შეხედულებები. XII ს. ქართულ მონეტებზე უცხო მბრძანებელთა სახელების გაჩენას ე. პახომოვი მუსლიმანური ელემენტების გაძლიერებასა და საქართველოს სამეფოს აღმოსავლელ მფლობელებზე დამოკიდებულებით ხსნიდა³⁸. ე. პახომოვის ეს აზრი გაიზიარა ო. ვილჩევსკიმ³⁹. უკანასკნელ წლებში იგივე მოსაზრება გამოთქვა რ. ჰუსეინოვმა⁴⁰.

თავის დროზე ე. პახომოვის ეს შეხედულება უარყო ევ. ჯავახიშვილმა. მან დაამტკიცა, რომ აღნიშნული ღონისძიება ითვალისწინებდა საქართველოს სამეფოს ეკონომიკურ ინტერესებს და ხელს უწყ-

³⁷ გ. წერეთელი, არაბული ქრესტომათია, გვ. 71.

³⁸ Е. А. Пахомов, Монеты Грузии, Тб., 1970, с. 75.

³⁹ О. Л. Вильчевский, Ода Хакани грузинскому царю Дмитрию I, Исследования по истории культуры народов Востока, сб., в честь акад., И. А. Орбели, М.-Л., 1960, с. 60, прим. I.

⁴⁰ Р. А. Гусейнов, Из истории денежного обращения в Передней Азии в XI—XII вв., сб., Нумизматика и эпиграфика, IX, М., 1971, с. 108—109.

ყოფდა არაბული ზედწერილიანი ფულის გავრცელებას მაჰმადიანურ სამყაროში⁴¹. ეს მოსაზრება შემდგომში სხვა მკვლევრებმაც გაიზიარეს (დ. კაპანაძე, ა. ბიკოვი, დ. ლენგი...)⁴².

ანალოგიურ შემთხვევასთან გვაქვს საქმე აგრეთვე მახლობელი აღმოსავლეთის ქვეყნებში.

მუსლიმანური სამყაროს ქრისტიანულ სამყაროსთან მჭიდრო კონტაქტების შედეგად სამონეტო საქმეში შეიმჩნევა ერთგვარი ურთიერთგავლენა. გარდა ამისა, მუსლიმანურ მონეტებზე ჩნდება ქრისტიანული სიმბოლოები (მხედრები, არწივები, ლომები...), რაც ხელს უწყობდა ქრისტიანული, თუ მუსლიმანური ფულის ტრიალს როგორც ქრისტიანთა, ისე მუსლიმანთა ქვეყნებში, ამავე მიზეზებით აიხსნება, როგორც ჩანს, ქრისტიანული მონეტების ნორმიდან ერთგვარი გადახრა⁴³.

⁴¹ И. А. Джавахов (Джавахишвили), Критическая статья Е. А. Пахомова, Монеты Грузии, ч. I, (домонгольский период), сб., Христианский Восток, т. I, вып. I, СПб., 1912.

⁴² დ. კაპანაძე, ქართული ნუმისმატიკა, თბ., 1969, გვ. 72; А. А. Быков, грузинские монеты XII—XIII вв., сб., Памятники эпохи Руставели Л., 1938, с. 79; D. M. Lang, Studies in the Numismatic History of Georgia in Transcaucasia, New York, 1955, p. 20-33.

⁴³ საკითხის კვლევისათვის ჩვენთვის განსაკუთრებით საინტერესოა ბრიტანეთში აღმოჩენილი VIII ს. მონეტა, მოჭრილი მერსიის (Mercia) მეფე ოფას მიერ. აღნიშნული მონეტა, გარდა იმისა, რომ არაბული დინარის ტიპისაა, მასზე ფიქსირებულია არაბული შინაარსის წარწერაც. ორიენტალისტი გ. კირკის სიტყვებით, აღმოსავლური გავლენის ყველაზე საინტერესო და, შეიძლება ითქვას, უცნაური დადასტურებაა ისლადიაში აღმოჩენილი ბრინჯაოს ჭვარი არაბული წარწერით, ერომოდ კი, ისეთი გავრცელებული ფორმულით, როგორცაა ბისმილაჰი („სახელითა ღვთისათა“) (G. E. Kirk, A short history of the Middle East, from the Rise of Islam to Moderne Times, London, 1953, p. 28). დაახლოებით ასეთსავე მოსაზრებას გამოთქვამს მეორე ინგლისელი მეცნიერი დაუსონი (Christopher Dawson, The Making of Europe. An Introduction to the History of European Unity, London, 1934, p. 244). არაბთა ვაჭრობისა და მონეტების გავლენას („the influence of Arabe commerce and coinage in that ages“) აღნიშნავს ა. ატია. (Aziz S. Atiya, Crusade, Commerce and Culture, Bloomington, 1962, p. 169). აღნიშნულ ფაქტში ორიენტალისტი მკვლევრები ხედავენ მუსლიმანური სამყაროს გავლენის შედეგს. ცხადია, ზედმეტია ვილაპარაკოთ ბრიტანეთის რაიმე პოლიტიკურ დამოკიდებულებაზე მუსლიმანურ სამყაროზე, აღნიშნულ მონეტებზე არაბული წარწერები იმავე მიზნით უნდა ყოფილიყო გაკეთებული, რა მიზნითაც დავით აღმაშენებლის, დემეტრე I, გიორგი III და თამარ მეფის მოჭრილ მონეტებზე იყო შესრულებული. ევროპის ქვეყნებში მონეტებზე არაბული ზედწერილების არსებობის ფაქტი დადასტურებულია მთელი XI—XII სს. მანძილზე. ამ ტიპის მონეტებს, როგორც ცნობილია ქრიდნენ ნორმანდიის მეფეები ვილჰელმ I (1066—1087) და ვილჰელმ II (1153—1189), ტანკრედ II (1189—1194). XII ს. და XIII ს. პირველ ნახევარში სამხრეთ იტალიასა

გამონაკლისს ამ მხრივ. როგორც ვნახეთ, არც საქართველო წარმოადგენდა. დავით აღმაშენებლის სამონეტო რეფორმა ითვალისწინებდა, ერთიმხრივ, ადგილობრივი მუსლიმანური მოსახლეობის (ვაკრების, ხელოსნების) ინტერესებს. ხოლო, მეორე მხრივ, საერთაშორისო პოლიტიკურსა და ეკონომიკურ ვითარებას.

დავით აღმაშენებლის ეკონომიკურ პოლიტიკასთან უშუალოდ იყო დაკავშირებული ისიც, რომ დავითმა თბილისის ალბის შემდეგ, მას მაჰმადიანურ მოსახლეობას მთელი რიგი პრივილეგიები მიანიჭა. ალ-ფარაჰის ცნობით, დავითმა თბილისის მოსახლეობა გაანათავისუფლა იმ წლის გადასახადისაგან⁴⁴. ამასვე ამბობენ სხვა მაჰმადიანი მწერლებიც (შემს ედ დინ იუსუფი, ალ-აინი და სხვ.). მათი სიტყვით, ასეთი პრივილეგიები და პატივისცემა მუსლიმებს თვით მაჰმადიანურ ქვეყნებში არ ჰქონათ⁴⁵.

ამგვარად, დავით აღმაშენებლის ზემოთ აღნიშნული შემწყნარებლური პოლიტიკა აშკარად ითვალისწინებდა თბილისის მაჰმადიანური მოსახლეობის ეკონომიკურ ინტერესებს, ვინაიდან მუსლიმანური მოსახლეობა აქტიურად მონაწილეობდა ვაჭრობაში, ხელოსნობაში. ამავე დროს ცნობილია, რომ იმდროინდელი მსოფლიო ვაჭრობის მონაწილენი უპირატესად მუსლიმანური ქვეყნების ვაჭრები იყვნენ⁴⁶. ვ. ბარტოლდის სიტყვებზე რომ ვთქვათ, სწორედ ისინი იყვნენ იმ დროს გაბატონებული მსოფლიო ვაჭრობაში⁴⁷.

აღმოსავლელ ავტორთა მიერ თბილისის ეკონომიკური თვალსაზრისით შეფასებას (საქონლით მდიდარი, მრავალი ბაზარი და სხვ.) გვიდასტურებს როგორც წყაროებში დამოწმებული მრავალფეროვანი თბილისური საქონელი, ისე არქეოლოგიური გათხრების შედეგად აქ აღმოჩენილი მატერიალური კულტურის ნიმუშები (იხ. თავი მე-

და სიცილიაში იჭრებოდა აგრეთვე არაბულ ზედწერილიანი მონეტები (მ. მ. გ. ს. ხ. ი. ა. ძლევაჲ საევირველი, თბ., 1972, გვ. 148). არაბული წარწერები გზას უკაფავდა მათ მაჰმადიანურ სამყაროში, რომელთანაც დას. ევროპა იტალიური ქალაქების მეშვეობით სავაჭრო-ეკონომიკური ურთიერთობით იყო დაკავშირებული. ამგვარად, მოყვანილი ფაქტებიდან, უდავოა, რომ მსგავსი წარწერების დადასტურება არაერთარ შემთხვევაში არ შეტყვევებს პოლიტიკურ დამოკიდებულებაზე. მათი მიზანია გააფართოონ და ინტენსიური გახადონ მონეტების მიმოქცევის სფერო.

⁴⁴ გ. წერეთელი, არაბული ქრესტომათია, გვ. 71.

⁴⁵ Н. Марр, Древнегрузинские одописцы (XIV.), С.—Петербург, 1902, с. 22.

⁴⁶ В. В. Бартольд, Ислам на Черном море, соч. т. VI, М., 1966, с. 660.

⁴⁷ იქვე.

ოთხე. საქართველოს ქალაქების საგარეო სავაჭრო-ეკონომიკური ურთიერთობანი XII საუკუნეში).

XII ს. თბილისში არსებითად შეიცვალა კლასობრივი და საზოგადოებრივი განწყობებაც, ამ შემთხვევაშიც თბილისი მნიშვნელოვნად დასცილდა მუსლიმანური მახლობელი აღმოსავლეთის ქალაქებს (სოციალური თვალსაზრისით), თუმცა, გარეგანი ნიშნებს მიხედვით, მას ბევრი რამ ჰქონდა საერთო აღმოსავლურ ქალაქებთან. ეს გამოწვეული იყო იმით, რომ თბილისს ამ დროსაც და შემდეგაც მჭიდრო სავაჭრო-ეკონომიკური კავშირი ჰქონდა დამყარებული წინა აზიის ქვეყნებთან და ქალაქებთან.

1122 წლის შემდეგ თბილისი წმინდა ქართული ფეოდალური ქალაქია და მისა საზოგადოებრივი ურთიერთობაც ისე მოეწყო, როგორც საქართველოს ყველა დანარჩენ ქალაქში.

მუსლიმანური ელემენტის მაგიერ აქ სულ უფრო და უფრო ქართული ელემენტი ძლიერდებოდა⁴⁸.

მიუხედავად იმისა, რომ თბილისში 1122 წლამდე მუსლიმანები დიდი რაოდენობით იყვნენ წარმოდგენილი, აქ ქართული ელემენტიც საკმაოდ ძლიერი იყო. ამას გვიდასტურებს ის ცნობები, რომელთა შინაარსი ეხება შიომღვიმის მონასტრის საქონებელს თბილისში როგორც მაჰმადიანთა დროს, ასე მისი განთავისუფლების შემდეგ. დავით აღმაშენებლის ანდერძში ამის გამო ნათქვამია: „ქალაქ ტფილისს, რომელ სპარსთა ქონებასა ჰქონებია და რომელ აწ უყიდია და რომელ მე მომიხსენებია, იგი და ანუ წალმართ მოიგონ, იგიცა, ყველა უბაჟოდ და უსუხროდ ყოვლისა სამეფოთა გამოსავლისაგან ჰქონდეს“⁴⁹. ამასვე გვიდასტურებენ გიორგი III-ის 1170 წლის სიგელი, სადაც აღწერილია შიომღვიმის საქონებელი და ქულებაქები მაჰ-

⁴⁸ მუსლიმანთა ერთმა ნაწილმა ჯერ კიდევ XII ს. მცირე აზიის ქალაქებს შეაფარა თავი, მაგრამ დარჩენილი ნაწილიც საკმაოდ მრავალრიცხოვანი ყოფილა, ამას გვიდასტურებს მათი პოზიცია ჯალალ ედ-დინის თბილისზე თავდასხმის დროს, ივ. ჯ ა ვ ა - ხ ი შ ვ ი ლ ი, ქართველი ერის ისტორია, ტ. III, თბ., 1966, გვ. 58. XII ს. სომხური მოსახლეობაც თბილისში თვალსაჩინოდ ჩანს გაზრდილი. სირიელი მწერლის გრიგოლ ბარებრეას (აბულ ფარაჯის) ცნობაში ლაპარაკია იმ წინააღმდეგობაზე, რომელიც არსებობდა ქართულ ფეოდალურ არისტოკრატისა და სომხურ მოსახლეობას შორის, 1197 წ. *Л. Мелниксет-Беков, О междоусобице в Тифлисе в 1197 г., Изв. КИАИ т. III. შ. მესხიას აზრით, ქ. თბილისის სომხურ მოსახლეობაში უნდა ვიგულისხმოთ ხელოსნები და ვაჭრები. Ш. А. Месхиа, Города и городской строи феодальной Грузии, с. 89.*

⁴⁹ თ. უ ო რ დ ა ნ ი ა, შიომღვიმის ისტორიული საბუთები, გვ. 16; ქართული სამართლის ძეგლები, ტ. II, გვ. 14.

მადიანთა დროსაც („სპარსობითგანვე“) და თბილისის საქართველოსთან შეერთების შემდეგაც⁵⁰.

ქრისტიანებისა და მუსლიმანების წინააღმდეგობებსა და ბრძოლაზე თბილისში ამ ქალაქის განთავისუფლების პირველ წლებში მოგვიტხრობს დავით აღმაშენებლის ისტორიკოსი: „ქალაქი ტფილისი იყო, ოდეს ჯერეთ არა სრულიად შემოყენებულ იყო უღელსა ქუეშე შორჩილებისასა ვითარცა აწ, არანედ სავსე იყო სისხლითა ქრისტიანეთათა“⁵¹.

საგანგებოდ უნდა აღინიშნოს, რომ ჩვენ მიერ ზემომოტანილ წერილობით წყაროებში, კერძოდ, დავით აღმაშენებლის ანდერძსა და გიორგი III-ის სიგელში, აშკარადაა გამოიჩნული თბილისის პოლიტიკური ისტორიის ორი პერიოდი—თბილისი მაჰმადიანთა დროს და თბილისი—მაჰმადიანთა მფლობელობისაგან განთავისუფლების შემდეგ.

რა თქმა უნდა, კლასობრივი განლაგებაც ამ ორი პერიოდის შესაბამისი იყო.

მუსლიმანური წარმოშობის ფეოდალური არისტოკრატის მაგიერ (მათ ადგილსამყოფელს წყაროების მიხედვით ისანი წარმოადგენდა, მტკვრის მარჯვენა ნაპირზე კი ვაჭრები და ხელოსნები ცხოვრობდნენ) 1122 წლის შემდეგ თბილისში უნდა გაძლიერებულიყო ქართული ფეოდალური არისტოკრატია.

მასალების სიმცირის მიუხედავად, შეგვიძლია ზოგი რამ აღვნიშნოთ XII ს. თბილისის კლასობრივი განლაგებისა და სოციალური განშრეების შესახებაც.

XII ს. ქალაქის საზოგადოებრივ ფენებთან დაკავშირებით ქართულ წყაროებში შემდეგი ურბანისტოკული ტერმინოლოგია გვხვდება: დიდვაჭარი, ვაჭართუხუცესი, ვაჭართა თავადი, მოქალაქე, ქალაქის მკვიდრი (თანამედროვე წყაროებშია „ტფილისის მკვდრი“). გლახანი.

დიდვაჭართა ფენის საქმიანობა და ფუნქციები საკმაოდ კარგადაა შესწავლილი ქართულ ისტორიოგრაფიაში⁵².

⁵⁰ საქართველოს სიძველენი III, გვ. 5; ქართული სამართლის ძეგლები, ტ. II, გვ. 21; ვ. გაბაშვილი, აღმოსავლეთი XI—XII სს. ქართულ საისტორიო წყაროთა შუქზე, კრ. XII ს. საქართველოს ისტორიის საკითხები, თსუ, შრ., ტ. 125. ისტორიულ მეცნ. სერია, 6, თბ., 1968, გვ. 276.

⁵¹ დავით აღმაშენებლის ისტორიკოსი, გვ. 349.

⁵² შ. მესხია, საქართველოს ქალაქების სოციალური ურთიერთობის ისტორიიდან, მიმოხილველი (IX—XIII სს.) თბ., 1951; Ш. А. Месхиа, Из истории грузинского феодального города X—XIII, საქ. სსრ მეცნ. აკად. ისტორიის ინსტიტუტის შრ. ტ. II, 1956; Ш. А. Месхиа, Города и городской строй..., შ. მესხია, საქალაქო კომუნა შუა საუკუნეების თბილისში, თბ., 1962.

დიდვაკრები საქალაქო არისტოკრატიას განეკუთვნებოდნენ. მათ ხელში იყო საერთაშორისო-საბითუმო ვაჭრობის სადავეები. ისინი მონაწილეობდნენ აგრეთვე ქალაქის პოლიტიკურ ცხოვრებაში. ტერმინ დიდვაჭრის დადასტურება ქართულ წყაროებში, ცხადია, თავისთავად გულისხმობს საშუალო და წვრილი ვაჭრების არსებობასაც. როგორც სათანადო გამოკვლევებმა ცხადყო საზოგადოების სწორედ ამ ნაწილს გულისხმობს ქართლის მათიანეში დამოწმებული სოციალური ტერმინი „ყოველი ერი“⁵³. ყოველი ერი აშკარადაა გამოყოფილი თბილისის საქალაქო არისტოკრატისაგან. XI ს-ის მეორე ნახევრის ქართულ საისტორიო თხზულებებში დამოწმებული ეს ტერმინი იმასვე გულისხმობს, რასაც ვეფხისტყაოსნის „ქალაქის ერნი“, ე. წ. წვრილ ვაჭრებსა და ხელოსნებს⁵⁴.

ამავე პერიოდის წყაროების ვაჭართუხუცესის ინსტიტუტიც უშუალოდ იყო დაკავშირებული დიდვაჭართა ფენასთან. ვაჭართუხუცესები, როგორც მკვლევრებმა აღნიშნავენ, სწორედ მათი წრიდან გამოდიოდნენ. ისინი სათავეში ედგნენ დიდვაჭართა გაერთიანებებს და მთელ რიგ საორგანიზაციო ფუნქციებს ასრულებდნენ⁵⁵.

მსგავს ინსტიტუტს განეკუთვნებოდა „ვაჭართა თავადიც“.

„ვაჭართა თავადი“, რა თქმა უნდა, იგივე „ვაჭართუხუცესია“.

ქართული წყაროების ისეთი სოციალური ტერმინი, როგორცაა „ქალაქის მკვდრი“ („ტფილისის მკვდრი“)⁵⁶ შ. მესხიას ქალაქის ზედა ფენების აღმნიშვნელად მიაჩნია. მას ამ დასკვნის გამოტანის საშუალებას აძლევს თამარის ისტორიკოსის სათანადო ადგილი, სადაც ასეთებად თბილისელი ამირა აბულასანი და თბილისელი დიდვაჭარი ზანქან ზორაბაბელი გვევლინებიან⁵⁷.

თბილისში, უნდა ვიფიქროთ, მრავლად იყვნენ წვრილი ვაჭრებიც და ხელოსნებიც, თუმცა წყაროებში მათ შესახებ ცნობებს იშვიათად ვპოულობთ.

⁵³ П. В. Г у г у ш в и л и, Развитие промышленности в Грузии в XIX—XX вв., Тб., 1957, с. 28—29, ამ განმარტებას იზიარებენ შ. მესხია (საქალაქო კომუნა შუა საუკუნეების თბილისში, გვ. 45, შენ. 1), ე. ვაბაშვილი, (ქალაქ თბილისის სოციალური ისტორიიდან (ქაშთაღმწერლის ერთი ცნობის განმარტება), თბ., 1966, გვ. 122).

⁵⁴ ე. ვ ა ბ ა შ ვ ი ლ ი, დასახ. ნაშრ., გვ. 127; მ. ვ ა ბ ა შ ვ ი ლ ი, ქალაქის საზოგადოებრივი ფენები „ვეფხისტყაოსნის“ მიხედვით, სტუდენტთა სამეცნ. შრომების კრ., X, 1970, გვ. 165.

⁵⁵ Ш. А. М е с х и а, Города... с. 66, 67, შ. მ ე ს ხ ი ა, საქალაქო კომუნა... გვ. 34.

⁵⁶ ისტორიანი და აზმანი შარავანდედანი, გვ. 36, 37.

⁵⁷ შ. მ ე ს ხ ი ა, საქალაქო კომუნა..., გვ. 113—115.

დიდი რაოდენობით იყვნენ წარმოდგენილი საქართველოს ქალაქებში გლახაკნი. გლახაკნი სოციალური კიბის ყველაზე დაბალ საფეხურზე იდგნენ. „გლახაკი“ და „გლახაკნი“ XI—XII სს. არა ერთ ქართულ წყაროშია დასახელებული⁵⁸.

თბილისშიც, ისევე როგორც ფეოდალურ საქართველოს ყველა სხვა ქალაქში, კლასობრივი განლაგება და საზოგადოებრივი ურთიერთობანი 1122 წლიდან მოყოლებული ქართული ფეოდალური საზოგადოების სპეციფიკური თავისებურებების მიხედვით გაიმართა. მაგრამ აქ, როგორც ჩანს, გადმონაშთის სახით, ერთგვარად არსებობას განაგრძობდა თბილისის საამიროს საქალაქო წყობილების და კლასობრივი განლაგების ზოგიერთი გადანაშთი.

ამის დამადასტურებელი უნდა იყოს რინდების არსებობა XII ს. დამლევის და XIII ს. დამლევის თბილისში.

რინდი დამოწმებულია მხოლოდ ეპითაღმწერლის თხზულებაში⁵⁹; მაგრამ თხრობის შინაარსი განეკუთვნება XII ს. დამლევს და XIII ს. დამლევს.

რინდები, როგორც ცნობილია, აქტიურად მონაწილეობდნენ XI—XIII სს. მახლ. აღმოსავლეთის ქალაქებში მიმდინარე სოციალურ მოძრაობებში და თავიანთი სოციალური წარმოშობით განეკუთვნებოდნენ ქალაქის დაბალ საზოგადოებრივ ფენებს⁶⁰.

აღსანიშნავია ისიც, რომ თვითონ ტერმინი „რინდი“ მრ. „რონულ“ (აღმოსავლურ წყაროებში უფრო ხშირად ეს ტერმინი იხსენიება „ოვბაშთან“ ერთად) მახლობელი აღმოსავლეთის ქალაქებში XI ს-ის დამლევიდან გვხვდება⁶¹.

XI—XII სს. თბილისში რინდების და მსგავსი სოციალური ჯგუფების არსებობას მკაფიოდ გვიდასტურებს ალ-ფარიკისა და სიბტიზნ ალ-ჯაუზის ის ცნობები, რომელთა შინაარსს ჩვენი გამოკვლევის II თავის მე-3 პარაგრაფში გავეცანით.

ჩვენ მიერ ზემომოყვანილი საზოგადოებრივი ფენების აღმნიშვნელი საქალაქო ტერმინოლოგია (რინდის გარდა) ყველა ქართულია, რაც იმას ნიშნავს, რომ XII საუკუნიდან (1122 წლის შემდეგ) თბილისის საზოგადოებრივ ურთიერთობაში ისეთი ცვლილებები ხდება

⁵⁸ ვ. გაბაშვილი, ქალაქ თბილისის სოციალური ისტორიიდან (ეპითაღმწერლის ერთი ცნობის განმარტება), გვ. 123; რ. შეტრეველი, დეკლასირებული ელემენტები შუა საუკუნეების საქართველოში V—XII სს. თბ., 1976.

⁵⁹ ეპითაღმწერელი, გვ. 155.

⁶⁰ ვ. გაბაშვილი, დასახ. ნაშრ., გვ. 151—152.

⁶¹ იქვე, გვ. 137—140.

და ისეთნაირად ეწყობა, როგორც ეს საერთოდ ქართული ქალაქების სინამდვილისათვის იყო დამახასიათებელი.

საზოგადოდ, XI—XII სს. დოკუმენტურ-ნარატიულ და მხატვრულ ნაწარმოებებში ურბანისტიკული ტერმინოლოგია ქართულია: ქალაქის ბერი, ქალაქის ნაცვალი, ვაჭართა თავადი, მოქალაქე, ვაჭართუხუცესი, ქალაქის მკვიდრი, გლახაკნი. ამის ყველაზე ნათელ ილუსტრაციას წარმოადგენს ვეფხისტყაოსნის სათანადო სტროფები (იხ. თავი მუხუთე, „ქალაქის საზოგადოებრივი ფენები“ ვეფხისტყაოსნის მიხედვით“).

თბილისში, მიმდინარე საქალაქო ცხოვრების და საზოგადოებრივი ურთიერთობის გაქართულების პროცესის პარალელურად, მიმდინარეობდა ინტენსიური მშენებლობა. სულ უფრო და უფრო მეტი ადგილი ეთმობოდა ქრისტიანულ საკულტო ტაძრებსა და საზოგადოებრივ შენობებს. ამის ყველაზე მკაფიო დადასტურებას წარმოადგენს თბილისის ლურჯი მონასტერი⁶².

თბილისის საქართველოს სამეფოსთან შეერთება გახდა საფუძველი იმისა, რომ XII საუკუნეში მისი როლი და ადგილი კიდევ უფრო გაიზარდა საერთაშორისო ასპარეზზე და ის უმნიშვნელოვანეს პოლიტიკურ, ეკონომიკურ და კულტურულ ცენტრად იქცა.

თბილისშიაც, ისევე როგორც საქართველოს სხვა კულტურულ ცენტრებში, შეიქმნა მეცნიერებისა და ხელოვნების უმნიშვნელოვანესი ქმნილებანი⁶³.

საქართველოს პოლიტიკური, ეკონომიკური და კულტურული განვითარება XII ს. სხვა ფაქტორებთან ერთად, განაპირობა საქართველოს ქალაქების აღმავლობამ და საქალაქო ცხოვრების გართულებამ. ამ მხრივ საქართველოს ქალაქებიდან განსაკუთრებული როლი XII ს. შეასრულა ქალაქმა თბილისმა, როგორც გაერთიანებული საქართველოს ეკონომიკურმა და კულტურულმა ცენტრმა.

⁶² ვ. ბ ე რ ი ძ ე. თბილისის „ლურჯი მონასტერი“, „ქართული ხელოვნება“, ქართული ხელოვნების ისტორიის ინსტიტუტის შრომ., ტ. 2, თბ., 1948, გვ. 91—110.

⁶³ ივ. ჯ ა ვ ა ხ ი შ ვ ი ლ ი, საქართველოს საზოგადო მდგომარეობა და კულტურული ვითარება ძლიერებისა და აყვავების ხანაში, ქართველი ერის ისტორია, ტ. II, გვ. 301.

IV. საქართველოს ძალაქების სავაჭრო-ეკონომიკური ურთიერთობა XII საუკუნეში

XI—XII საუკუნეების საქართველოში საქალაქო ცხოვრების განვითარებამ თვალსაჩინოდ გაზარდა ქართული ქალაქების მონაწილეობის ხვედრითი წონა საერთაშორისო ვაჭრობაში. საგარეო ვაჭრობის სარბიელზე საქართველოს სხვა ქალაქებთან შედარებით განსაკუთრებით დაწინაურდა ქ. თბილისი. თბილისის მნიშვნელობა ამ თვალსაზრისით არა ერთხელ აღნიშნულა ქართულ ისტორიოგრაფიაში (ივ. ჭავჭავიძე, ს. ჭანაშია, ნ. ბერძენიშვილი, ვ. გაბაშვილი, ლ. კილაშვილი, რ. კიკნაძე...). წყაროებიც, განსაკუთრებით აღმოსავლური, ერთხმად აღნიშნავენ თბილისის როლს მახლობელი აღმოსავლეთის საერთაშორისო ვაჭრობაში, მის კავშირს ამიერკავკასიისა და მახლობელი აღმოსავლეთის სავაჭრო მაგისტრალებთან.

XI—XII საუკუნეების საქართველოში და ამიერკავკასიაში „ვაჭრობა ფართო გასაქანს ღებულობს“¹.

დიდძალი საქონლით დატვირთული ქარავნები შემოდიოდნენ და გადიოდნენ თბილისიდან².

თბილისური საქონელი კარგად იყო ცნობილი ქვეყნის გარეთაც, კერძოდ, ამიერკავკასიისა და მახლობელი აღმოსავლეთის ქვეყნებში.

„აჯაიბ ად-დუნიას“ ანონიმურ ავტორს (XIII ს-ის I ნახ.) ჩამოთვლილი აქვს თბილისური ექსპორტის საქონელი (عاجا — „იქაური საქონელი“), ესაა: უნაგირები, სპილოს ძვლით გაწყობილი ლაგმები, კაპარკები, ხილიფები, მინა, ფიალები, საუკეთესო ბროლის ნაწარმი³.

¹ ვ. გ. უ. შ. ვ. ი. ლ. ი., ნარკვევები შუასაუკუნეობრივი საქართველოსა და ამიერკავკასიის ეკონომიური ისტორიიდან, ეკონომიკის ინსტიტუტის შრ. II, 1952, გვ. 306.

² ივ. ჭავჭავიძე, საქართველოს ეკონომიური ისტორია, თბ., 1907, გვ. 28—29.

³ Н. Д. Миклухо-Маклай, Географическое сочинение XIII в. на перс. языке, с. 203, „სამყაროს საკვირველებათა“ ცნობები საქართველოს შესახებ, სპარსული ტექსტი ქართული თარგმანით, შესავლითა და შენიშვნებით გამოც. რ. კიკნაძემ, თბ., 1978, გვ. 29, სპარსული ტექსტი, გვ. 9.

დიდი რაოდენობით შემოქონდათ საქართველოში ბროლი.

ბროლი აღმოსავლეთის ქვეყნებიდან შემოდიოდა, სახელდობრ, ჩინეთიდან და ინდოეთიდან⁴. ლ. ჭილაშვილის აზრით, სპილოს ძვლის მომწოდებელი კერა შეიძლება ყოფილიყო ეგვიპტე (ნუბია), რომელთანაც ქართულ ქალაქებს აღნიშნულ საუკუნეებში სავაჭრო-ეკონომიკური ურთიერთობანი ჰქონდათ დამყარებულნი⁵.

რაც შეეხება სპილოს ძვლით შემკულ ხილფებს, არსებობს მოსაზრება, რომ სპილოს ძვალი საქართველოში ინდოეთიდან შემოქონდათ⁶.

ყურადღებას იმსახურებს „აჯაიბ აღ-დუნეის“ სპარსული ავტორის მიერ ჩამოთვლილი სამეურნეო დანიშნულების პროდუქტებიც: თაფლი, ცვილი, ბროწეული და ტკბილეული⁷.

თბილისიდან რომ თაფლი გაჰქონდათ, ჩანს ისთახრის ცნობიდანაც. ამ ცნობის მიხედვით, თბილისიდან „მრავალი საქონელი და თაფლი მტკვრით მიაქვთ“⁸. საინტერესოა, რომ ჯერ კიდევ X ს. ავტორი იბნ-ჰალუალი აღნიშნავდა თაფლის გასაოცარ სიძაფეს საქართველოში⁹.

აღ-იდრისის ცნობის თანახმად, თბილისი საღებავი მცენარეულობითაც ვაჭრობდა. აღნიშნულ საღებავ მცენარეებს ფართოდ იყენებდნენ წინა აზიაში ქსოვილების შესაღებად¹⁰.

იბნ ისფანდიარის თარიხ-ე ტაბარისთანში (დასრულებულია 1216 წ.) დაცულია ფრიად საყურადღებო ცნობა, რომელშიაც თბილისურ ქსოვილებზეა ლაპარაკი. აღნიშნული წყაროს თანახმად, ტა-

⁴ ნ. ქოიავა, ძვირფასი ქვები შოთა რუსთაველის ეპოქაში „ენიმკის მოამბე“, ტ. III, გვ. 81.

⁵ ლ. ჭილაშვილი, ქალაქები ფეოდალურ საქართველოში ტ. II, თბ., 1979, გვ. 138. ე. გაბაშვილი, საქართველოს სავაჭრო ურთიერთობანი XII ს. თსუ, შრ., ტ. 121, 1967, გვ. 207; მისივე. საქართველო-ეგვიპტის ურთიერთობის ისტორიიდან (XI—XII სს.), კრ. XII საუკუნის საქართველოს ისტორიის საკითხები, თსუ, შრ. ტ. 125, გვ. 55, 57.

⁶ რ. კიკნაძე, არაბული და სპარსული ისტორიული წყაროები XI—XIII სს. თბილისის შესახებ „ცისკარი“, № 10, 1958, გვ. 167

⁷ Н. Д. Миклухо-Маклаи., დასახ. ნაშრ., გვ. 203; „სამყაროს საკვირველბათა“ ცნობები საქართველოს შესახებ, გვ. 29. სპარსული ტექსტი, გვ. 9.

⁸ ისთახრი, პოლუდ ალალეში. ჰამდალაჰ ყაზეინი. გვ. 4.

⁹ გვ. 292. *ابن حوقل ، كتاب صورت الارض ، بيروت* შდრ. ეთერ სიხარულიძე, იბნ ჰალუალი თბილისის შესახებ, საქართველოს ისტორიის აღმოსავლური მასალები, წ. I, გვ. 35; იბნ ჰალუალს აღნიშნული აქვს ისიც, რომ „ფასები აქ იაფია და თავისი სიმდიდრით (თბილისი) აღემატება სხვა მდიდარ ქალაქებსა და აყვავებულ, ნაყოფიერ მხარეებს“. იქვე.

¹⁰ Jaubert, *Geographie d'Edris*, 1849, 330.

ბარისტანის გამგებელს ისპაჰბად არდაშირს ძღვნად გაუგზავნია ზორეზმშაჰ თექეშისათვის ძვირფასეულობა, მათ შორის ქაოვილები — „რუმის, ბალდადური და თბილისური“ (و جامه های رومی و بغدادی و تهرانی)¹¹.

XII ს. დამდეგის ერთი სომხური ხელნაწერის თანახმად თბილისიდან საღმოსაუენქის მონასტერში გადიოდა ტყავი, რომელსაც წოგნების ყდებისთვის იყენებდნენ¹².

გარდა ზემოჩამოთვლილი მრავალფეროვანი საქონელისა, „აჯაბ ად ღუნისა“ ანონიმური ავტორის თანახმად, თბილისიდან გაჰყავდათ მონები (ორივე სქესის) და პირუტყვი¹³.

თბილისის სავაჭრო-ეკონომიკურ ურთიერთობაზე მიგვანიშნებს აგრეთვე არქეოლოგიურ მასალაში იმპორტული კერამიკის დადასტურებაც. გარე სამყაროსთან სავაჭრო კონტაქტების გამოძახატველია ასევე ზოგიერთი ადგილობრივი ნაწარმის უცხოურისადმი მიბაძვის ცდაც.

თბილისში ჩატარებული არქეოლოგიური კვლევა-ძიების დროს აღმოაჩინეს ჭურჭელი, რომელსაც ირანული კერამიკისთვის ნიშანდობლივი ელემენტები ახასიათებს¹⁴; ქუფური ორნამენტით შემკული შემოტანილი ჯამის ფრაგმენტები¹⁵. აქვეა ფაიანსის ჯამი აშკარად აღმოსავლური წარმოშობის¹⁶, აგრეთვე ჯამი, რომლის ზუსტი ანალოგია ნაპოვნია ორენ-ყალაში¹⁷, სომხეთის ქალაქებიდან შემოტანილი ჩიბუხები¹⁸ და სხვ.

ზოგიერთ კერამიკულ ნაწარმზე სპარსული წარწერებიცაა დადასტურებული¹⁹.

¹¹ 136. « تاريخ طبرستان » იხ. გ. ბერაძე, მასალები XII საუკუნის საქართველოს ისტორიისათვის იბნ ისქანდიარის თხზულებაში, გვ. 70—74.

¹² ვ. ს. ნალბანდიანი, თბილისი ძველ სომხურ მწერლობაში, თბ., 1959, გვ. 17.

¹³ Н. Д. Миклухо-Маклаи-დასახ. ნაშრ., 202; „სამყაროს საკვირველებათა“ ცნობები საქართველოს შესახებ., გვ. 29, სპ. ტექსტი, გვ. 9.

¹⁴ გ. ლომთათიძე, არქეოლოგიური გათხრა თბილისში 1948 წ. ზამთარში, მსკა, I, თბ., 1955, გვ. 154.

¹⁵ მ. მიწიშვილი, მოქიქული ჭურჭელი ძველ საქართველოში, თბ., 1969, გვ. 48.

¹⁶ ი. გრძელიშვილი, ო. ტყეშელაშვილი, თბილისის მატერიალური კულტურის ძეგლები (1956—57 წწ. არქეოლოგიური გათხრების მიხედვით) თბ., 1961, გვ. 53.

¹⁷ მ. მიწიშვილი, დასახ. ნაშრ., გვ. 48.

¹⁸ ლ. ქილაშვილი, ქალაქი რუსთავი, თბ., 1958, გვ. 106.

¹⁹ ლ. ქილაშვილი, ქალაქები ფეოდალურ საქართველოში, II, გვ. 153; გ. ლომთათიძე, დასახ. ნაშრ., გვ. 154.

თბილისთან დაკავშირებით წყაროები და არქეოლოგიური მასალები სრულიად სხვადასხვა სახის მრავალფეროვან საქონელს აღწეხავენ: პირადი მოხმარების ნივთები, საომარი იარაღი, სასოფლო-სამეურნეო პროდუქტები, მონები²⁰ და სხვ.

შესაბამისად ფართო იყო თბილისის საერთაშორისო ურთიერთობათა არეც.

საეპრო მაგისტრალების საშუალებით საქართველოს დედაქალაქი დაკავშირებული იყო როგორც ახლო (სომხეთი, აზერბაიჯანი) მდებარე ქვეყნებთან, ისე მასლობელი და შუა აღმოსავლეთის ქალაქებთან (რეი, ქაშანა, ზენჯანი, ვერაჰინი ქუთა...), აგრეთვე ბიზანტიასთან, ინდოეთთან, ჩინეთთან, რუსეთთან²¹.

წყაროების მიხედვით, თბილისი ჩრდილოეთის ქვეყნებს უკავშირდებოდა დარუბანდის გზით. თუმცა არსებობდა დარიალისა და შავიზღვისპირეთის გზებიც, მაგრამ პირველი უფრო კეთილმოწყობილი და პოპულარული იყო. დარიალის გზა რომ საკმაოდ ინტენსიურად იყო გამოყენებული, ეს კარგად ჩანს ზანქან ზორაბაბელის ელჩობიდანაც. როგორც ცნობილია, თბილისელი დიდვაჰარი სწორედ ამ გზით უნდა წასულიყო რუსეთს²². სამხრეთ რუსეთის ქალაქებთან საეპრო ურთიერთობის შედეგად წარმოიშვა ქ. უინვანი²³.

თბილისიდან საეპრო გზა ბარდავისაკენ მიდიოდა, ბარდავიდან კი—დერბენდში. დარუბანდი იმდროინდელი სამყაროს მნიშვნელოვან საეპრო-სატრანზიტო ქალაქს წარმოადგენდა. ამ თავს აყრიდნენ სხვადასხვა ქვეყნებიდან ჩამოსული დიდვაჰრები. დარუბანდიდან ჩრდილოეთის გზით შეიძლებოდა წასვლა ხაზართა ქვეყანაში და რუსეთში.

თბილისი მნიშვნელოვანი მაგისტრალებით იყო დაკავშირებული სამხრეთის ქვეყნებთანაც.

დიდ როლს თამაშობდა ამ მხრივ თბილისს-ბარდავის სამარშრუტო გზა²⁴.

²⁰ წყაროებს, ჩანს, მხედველობაში აქვთ ვაქრობა, რაც კავკასიაში განსაკუთრებით გაძლიერდა და გამრავალფეროვნდა ყირიმში გენუის ახალშენების დაარსების შემდეგ.

²¹ Э. Кверфельд, Китайская керамика XII—XIII вв. на Кавказе, Памятники эпохи Руставели, Л., 1938, с. 188; ლ. მ უ ს ხ ე ლ ი შ ვ ი ლ ი, დმანისი (ქალაქის ისტორია და ნაქალაქარის აღწერა). კრ. შოთა რუსთაველის ეპოქის მატერიალური კულტურა, თბ., 1938, გვ. 444.

²² ისტორიანი და აზმანი შარავანდედანი, გვ. 36—37.

²³ Ш. А. Месхиа, Города в городской строй феодальной Грузии, с. 44.

²⁴ ლ ე ვ ა ნ ქ ი ლ ა შ ვ ი ლ ი, დასახ. ნაშ., გვ. 131.

თბილისს-ბარდავის გზა ჰკვეთდა ისეთ მნიშვნელოვან პუნქტებს, როგორცაა კალა იზნ-ქანდამანი (გარდაბანი), ხუნანი, შამქორი, განჯა. აღსანიშნავია, რომ ეს მარშრუტი წარმოადგენდა ინდოეთისაკენ მიმავალი სატრანზიტო გზის შემადგენელ ნაწილს²⁵.

ბარდავიდან აღნიშნული გზა, ხუნანის, ბალაქანისა და დერბენდის გავლით, ჩადიოდა. არღებილში, მეორე კი ზენჯანისაკენ მიემართებოდა. ადერბილიდან ორი გზა მიდიოდა: ერთი ზენჯანისაკენ, მეორე სირია-ერაყსა და მცირე აზიაში²⁶.

ამგვარად, თბილისზე გამავალი მნიშვნელოვანი სავაჭრო-სატრანზიტო გზებით (თბილისი-ბარდავი-ზენჯანი და თბილისი-დვინი-მარალა) საქართველოს დედაქალაქი უკავშირდებოდა სპარსეთის ქალაქებს. სპარსეთის აღნიშნული პუნქტებიდან კი გზები იყრებოდა ინდოეთის, არაბეთისა და ეგვიპტის მიმართულებით²⁷.

თბილისი ბიზანტიასთან დაკავშირებული იყო საქართველოს შავი ზღვისპირეთის ქალაქებისა (ცხუმი, ხუფათი, ფოთი...) და ტრაპიზონის მეშვეობით. ტრაპიზონი მსოფლიოში სახელგანთქმული უმნიშვნელოვანესი სავაჭრო ქალაქი იყო. მასუდის ცნობის თანახმად, ამიერკავკასიის ვაჭრები აქტიურ მონაწილეობას იღებდნენ ტრაპიზონში გამართულ ყოველწლიურ ვაჭრობაში²⁸.

საქართველოს დანარჩენი ქალაქების შესახებ გაცულებით ნაკლები მასალა გვაქვს, მაგრამ ის, რაც ჩვენ ხელთაა, მაინც გარკვეულ წარმოდგენას გვიქმნის ამ ქალაქების ექსპორტზე და იმპორტზე.

რუსთავის არქეოლოგიურ მონაპოვარში საკმაო რაოდენობითაა წარმოდგენილი უცხოური წარმოშობის ნივთები და მონეტები. არქეოლოგიური მასალებიდან ირკვევა, რომ რუსთავს სავაჭრო-ეკონომიკური ურთიერთობანი ჰქონდა აზერბაიჯანთან და სომხეთთან²⁹, აღნიშნული ფაქტის დადასტურებას წარმოადგენს აქ ნაპოვნი სომხურ დამლიანი ჯამი³⁰, ჩიბუხები, რომლებიც სომხეთის ქალაქებიდანაა შემოტანილი³¹.

²⁵ ლევან კილაშვილი, დასახ. ნაშრ., გვ. 131.

²⁶ ე. ს ი ხ ა რ უ ლ ი ძ ე, ამიერკავკასიის სამარშრუტო გზები IX—X სს. არაბული წყაროების მიხედვით, კრ. მახლობელი აღმოსავლეთის ისტორიის საკითხები, თბ., 1963, გვ. 187.

²⁷ ლ. კ ი ლ ა შ ვ ი ლ ი, დასახ. ნაშრ., გვ. 133.

²⁸ M a s o u d i, Les praire d'or, Texte el traduction par C. Barbier de Meynard et Pavel de Courteille, Paris, 1867—77, 3, 11.

²⁹ გ. ლ ო მ თ ა თ ი ძ ე, რუსთავში წარმოებული თხრის უმნიშვნელოვანესი შედეგები, მასალები საქართველოს და კავკასიის არქეოლოგიისათვის, ტ. 1, 1958, გვ. 27.

³⁰ მ. მ ი წ ი შ ვ ი ლ ი, დასახ. ნაშრ., გვ. 69.

³¹ ლ. კ ი ლ ა შ ვ ი ლ ი, ქალაქი რუსთავი, გვ. 106.

ბიზანტიასთან კავშირზე მეტყველებს რუსთავეში ნაპოვნი XI ს. ბიზანტიური ოქროს მონეტა, ხოლო აღმოსავლურ სამყაროსთან ილდეგიზიდების სპილენძის ფული³².

რუსთავეში ნაპოვნი ჯამი აზერბაიჯანული კერამიკისათვის დამახასიათებელი ელემენტებისადმი მიბაძვითაა შექმნილი³³. აქვეა აზერბაიჯანული წარმოშობის კერამიკის ნაწარმის ფრაგმენტი³⁴. სლავური ტიპის“ ოქროს საყურე³⁵, მათარა, რომლის მსგავსი ნიმუშები ცნობილია კავკასიაში და აგრეთვე რუსეთში³⁶, სპარსული ფაიანსი³⁷.

რუსთავეში, თბილისში, გორში და დმანისში დადასტურებული ვერცხლის წყლის ჭურჭელი საქართველოს როგორც იმპორტის, ისე ექსპორტის ერთ-ერთი საგანიც უნდა ყოფილიყო³⁸. ყურადსაღებია რუსთავის ნაცობარზე ნაპოვნი ქუფური ორნამენტით შემკული ჭურჭელი³⁹.

მსგავსი ორნამენტებითაა აგრეთვე შემკული დმანისში აღმოჩენილი ჯამი.

ამგვარად, რუსთავეში გათხრების შედეგად მოპოვებული არქეოლოგიური მასალა ამ ქალაქის სავაჭრო-ეკონომიკური ურთიერთობის საკმაოდ ფართო მასშტაბებზე მეტყველებს.

საყურადღებოა, რომ რუსთავის ეკონომიკური დაწინაურების ერთ-ერთი უმნიშვნელოვანესი ფაქტორი იყო, აქ გამავალი სავაჭრო გზები. მნიშვნელოვანი საქარავნო გზა ბარდავი — თბილისი რუსთავეთან გადიოდა. რუსთავს ჰკვეთდა აგრეთვე სამხ. საქართველოსთან დამაკავშირებელი გზები⁴⁰.

რუსთავეთან ერთად დმანისი აღმ. საქართველოს ერთ-ერთ უმნიშვნელოვანეს ცენტრს წარმოადგენდა. დმანისი, როგორც ლევან მუსხელიშივილი აღნიშნავს, უმთავრესად სავაჭრო ქალაქი იყო⁴¹. დმა-

³² გ. ლომთათიძე, ფოთალური საქართველოს ქალაქებისა და საწარმოო კერათა ისტორიისათვის (არქეოლოგიურ ძეგლთა მიხედვით), სერია: ფოთალური საქართველოს არქეოლოგიური ძეგლები, თბ., 1969, გვ. 9.

³³ მ. მიწიშვილი, დასახ. ნაშრ., გვ. 71.

³⁴ იქვე.

³⁵ გ. ლომთათიძე, დასახ. ნაშრ., გვ. 9.

³⁶ ლ. ქილაშვილი, დასახ. ნაშრ., გვ. 110.

³⁷ გ. ლომთათიძე, დასახ. ნაშრ., გვ. 9.

³⁸ ლ. ქილაშვილი, ქალაქები ფოთალურ საქართველოში, II, გვ. 152.

³⁹ მ. მიწიშვილი, დასახ. ნაშრ., გვ. 48.

⁴⁰ ლ. ქილაშვილი, ქალაქი რუსთავი, გვ. 205.

⁴¹ ლ. მუსხელიშივილი, დმანისი (ქალაქის ისტორია და ნაქალაქარის აღწერა), კრ. შოთა რუსთაველის ეპოქის მატერიალური კულტურა, თბ., 1938, გვ. 448.

ნისი სავაჭრო-ეკონომიკური ურთიერთობით იყო დაკავშირებული მე-
ზობელ სომხეთთან და აზერბაიჯანთან. დმანისის სომხეთთან ურთიერ-
ობის დადასტურებას წარმოადგენს აქ ნაპოვნი სომხური და აზერ-
ბაიჯანული მოჭიქული ჭურჭლის ფრაგმენტები⁴², სომხური ჩიბუხე-
ბი⁴³.

დმანისში ჩატარებული არქეოლოგიური სამუშაოების შედეგად
ნაპოვნი ირანადან შემოტანილი ჭურჭლის ნიმუშები. აღნიშნული
ჭურჭელი ანალოგიას პოულობს სპარსეთის განთქმული კერამიკული
ცენტრების ნაწარმთან (რეი, ქაშანი, ვერამინი...) ⁴⁴.

საყურადღებოა, რომ საქართველოში აღმოჩენილია ჩინური კე-
რამიკის ნიმუშები. ჩინეთთან ვაჭრობის დადასტურების ერთ-ერთ სა-
ბუთს წარმოადგენს დმანისში ნაპოვნი ჩინური სელადონის ფრაგმენ-
ტები⁴⁵.

არქეოლოგიური მასალის ამ მონაცემებს ავსებენ წერილობითი
წყაობებიც. ასე, მაგალითად, „ხელმწიფის კარის გარიგებაში“ სხვადა-
სხვა ჭურჭელთან ერთად, ჩინური და ირანული (ქაშანური) ჭურჭე-
ლიცაა დადასტურებული⁴⁶.

დმანისის შესახებ შეტად საყურადღებო ცნობაა დაცული არაბ
ავტორ მაკუთისთანაც, საიდანაც ვგებულობთ, რომ დმანისიდან გაპ-
ქონდათ აბრეშუმში⁴⁷.

არქეოლოგიური მასალებიდან ჩანს, რომ დმანისს ეკონომიკურა
კავშირი ქონდა შავიზღვისპირეთის ქალაქებთან⁴⁸.

ბიზანტიასთან და მახლობელი აღმოსავლეთის ქვეყნებთან ურ-
თიერთობაზე მეტყველებს დმანისში ნაპოვნი ბიზანტიური და ილდე-
გიზიდური მონეტები⁴⁹.

საზოგადოდ დმანისის ნაქალაქარის ტერიტორიაზე არქეოლოგი-
ური გათხრების შედეგად აღმოჩენილია 400 მონეტაზე მეტი, ხოლო
მის გარეუბნებში შემთხვევით აღმოჩენილ მონეტათა რიცხვი 300

⁴² მ. მიწიშვილი, დასახ. ნაშრ., გვ. 75.

⁴³ ლ. კილაშვილი, დასახ. ნაშრ., გვ. 106.

⁴⁴ ლ. მუსხელიშვილი, დასახ. ნაშრ., გვ. 444.

⁴⁵ Э. Кверфельд, Китайская керамика XII—XIII в. на Кавказе, с. 188. ვ. ჭაფარიძე, ქართული კერამიკა (XI—XIII სს.) თბ., 1956, გვ. 62; ცისიაკაჩიანი, დმანისის არაბული წარწერები, თბ., 1965, გვ. 11.

⁴⁶ ხელმწიფის კარის გარიგება, ე. თაყაიშვილის გამოცემა, ტფ., 1920, გვ. 9.

⁴⁷ ე. სიხარულიძე, მაკუთის ცნობები საქართველოსა და კავკასიის შე-
სახებ, თბ., 1964, გვ. 57.

⁴⁸ დ. მუსხელიშვილი, ფეოდალური საქართველოსა და აზიურკავკასიის
მნიშვნელობა საერთაშორისო ვაჭრობაში, ცისკარი, № II, 1970, გვ. 136.

⁴⁹ დ. მუსხელიშვილი, დასახ. ნაშრ., გვ. 446.

ცალს აღემატება, ცხადია, აღნიშნული გარემოება დმანისის ეკონომიკური სიძლიერის დამადასტურებელ ერთ-ერთ მთავარ და მნიშვნელოვან საბუთს წარმოადგენს. საკუთრივ ქართული ფულის გარდა (თამარისა და დავითის მონეტათა განძები), აქ აღმოჩენილია ბიზანტიური სპილენძის მონეტები რომანოზ III-ის (1028—1034 წწ.) და თეოდორასი (1055—1056 წწ.), რაც ბიზანტიასთან დმანისის სავაჭრო-ეკონომიკურ ურთიერთობას გვიდასტურებს⁵⁰.

დმანისის ეკონომიკურ მნიშვნელობაზე და საქალაქო ცხოვრების აყვავებაზე მიგვითითებს ის ფაქტიც, რომ აქ ზარაფხანა არსებობდა და კრიდნენ მონეტებს. მონეტას დავით მეფის დამლა აზის. აღნიშნულია მეფის სახელი. მითითებულია ზარაფხანის ადგილი „ქალაქი დმანისი“ და თარიღი 1244 წ⁵¹.

დმანისისათვის XI—XIII საუკუნეები „ქალაქის სიმდიდრისა და აყვავების ხანაა“⁵².

ინტენსიურ საგარეო ვაჭრობასთან დაკავშირებული ჩანს ქალაქი თელავიც.

თელავის საგარეო კონტაქტების, კერძოდ, შავიზღვისპირეთის ცენტრებთან კავშირის მკაფიო მაგალითია თელავში არქეოლოგიური გათხრების დროს აღმოჩენილი ჭამი, რომელსაც ანალოგია ხერსონესის მასალაში მოეპოვება⁵³. თელავში ნაპოვნია აგრეთვე აღმოსავლურ-სპარსული ყაიდის ჭამი. აღნიშნულ ჭამს ანალოგიები მოეპოვება დმანისსა და ორენყალაში⁵⁴.

ამრიგად, დასტურდება თელავის სავაჭრო-ეკონომიკური ურთიერთობა ამიერკავკასიის ქვეყნებთან (აზერბაიჯანი, სომხეთი) და ყირიმის ქალაქებთან⁵⁵.

ჯავახეთის ახალქალაქში დადასტურებული კერამიკა ანალოგიებს პოულობს როგორც საკუთრივ საქართველოს, ისე ამიერკავკასიის ქა-

⁵⁰ ვ. ჯ ა ფ ა რ ი ძ ე, შუა საუკუნეების ერთი ისტორიულ-არქეოლოგიური ძეგლი ნაქალაქარ დმანისის გარეუბანში (საყდრისქედის ეკლესია), კრ., ფეოდალური საქართველოს არქეოლოგიური ძეგლები, II, თბ., 1974, გვ. 156.

⁵¹ ლ. მ უ ს ხ ე ლ ი შ ვ ი ლ ი, დასახ. ნაშრ., გვ. 447.

⁵² იქვე.

⁵³ ც. ჩ ი კ ო ი ძ ე, ქალაქ თელავის ისტორიისათვის (ნივთიერი კულტურის ძეგლებისა და წერილობითი წყაროების მიხედვით), სერია: ფეოდალური საქართველოს არქეოლოგიური ძეგლები, თბ., 1969, გვ. 41.

⁵⁴ ზ. მ ა ი ს უ რ ა ძ ე, ქართული მხატვრული კერამიკა (დმანისის ანგობიანი კერამიკა), თბ., 1954, გვ. 32; ც. ჩ ი კ ო ი ძ ე, დასახ. ნაშრ., გვ. 40.

⁵⁵ ც. ჩ ი კ ო ი ძ ე, დასახ. ნაშრ., გვ. 43; მისივე, არქეოლოგიური მასალები თელავის ისტორიისათვის შუაფეოდალურ ხანაში, ისტორიის ინსტიტუტის შრ., 1964, 7, გვ. 144, 147, 150.

ლაქების (ანისი, ღვინი, განჯა, ბაილაკანი) საწარმოო ცენტრებთან⁵⁶.

აქვეა აღმოჩენილი ბიზანტიური და თურქ-სელჩუკური მონეტა⁵⁷, შემოტანილი ლუსტრიანი ფაიანსი⁵⁸.

ახალქალაქის ეკონომიკურ დაწინაურებას ხელს უწყობდა ის გარემოებაც, რომ იგი სამხ. საქართველოს მნიშვნელოვან გზასაყარზე მდებარეობდა.

ქართული ქალაქების ბიზანტიასთან ურთიერთობის ერთ-ერთ საბუთს, საქართველოში ბიზანტიური მონეტების განძთა დადასტურება წარმოადგენს.

XI—XII სს. საქართველოში შემოდიოდა ბიზანტიური ჰურკელი (სოხუმი, ფოთი....)⁵⁹ და ბიზანტიის ქალაქური ხელოსნობის სხვადასხვა ნაწარმი⁶⁰.

სამშვილდე და ახალქალაქი არტანუჯის გზით უკავშირდებოდა ბიზანტიას, არსებობს აგრეთვე მოსაზრება „ქართული აგურის“ ექსპორტის თაობაზე ბიზანტიაში⁶¹.

საგარეო ურთიერთობის თვალსაზრისით ძალზე საინტერესოა საქართველო-ეგვიპტის ეკონომიკური ურთიერთობა.

ისტორიანი და აზმანი ერთადერთი წერილობითი წყაროა, რომელშიც ამ ურთიერთობის ამსახველი მასალაა დაცული. აღნიშნული წყაროს თანახმად. ალექსანდრიიდან საქართველოში შემოქონდათ ძვირფასი მატყლი⁶². ალექსანდრია კი განსაკუთრებულ როლს თამაშობდა დასავლეთისა და აღმოსავლეთის სავაჭრო-ეკონომიკურ ურთიერთობაში. შემთხვევით არაა, რომ ალექსანდრიას ორი მსოფლიოს ბაზარს უწოდებდნენ⁶³.

ალექსანდრია ბალდადთან ერთად ის ქალაქი იყო, რომელიც მსოფლიო ბაზრებზე საქონლის ფასს აწესებდა. საქართველოს ალექსანდრიასთან ვაჭრობის დადასტურების ფაქტს განსაკუთრებული მნი-

⁵⁶ ე. ჯ ა ნ დ ი ე რ ი, ჯავახეთის ახალქალაქის ისტორიისათვის, სერია: ფეოდალური საქართველოს არქეოლოგიური ძეგლები, თბ., 1969, გვ. 64, 66, 67.

⁵⁷ იქვე, გვ. 59.

⁵⁸ იქვე, გვ. 63.

⁵⁹ დ. მ უ ს ხ ე ლ ი შ ვ ი ლ ი, დასახ. ნაშრ., გვ. 136.

⁶⁰ ივ. ჯ ა ვ ა ხ ი შ ვ ი ლ ი, საქართველოს ეკონომიური ისტორია, ტფ. 1907, გვ. 31.

⁶¹ W. T. Rice, Byzantine Glazed Pottery, 1930, გვ. 38. დამოწმებულია ლ. კილაშვილის მიხედვით, ქალაქები ფეოდალურ საქართველოში, ტ. II, თბ., 1970, გვ. 154-155.

⁶² ისტორიანი და აზმანი, ქართლის ცხოვრება, ტ. II, გვ. 80.

⁶³ W. Heyd, Histoire du Commerce du Levant au Moyen Age, Leipzig, 1, 1885, 378.

შენელობა ენიჭება იმ მხრივ, რომ ყველა ქვეყანა, ვინც კი ქ. ალექსანდრიასთან ვაჭრობდა, მონაწილეობდა მსოფლიო ვაჭრობაში⁶⁴.

ამას გარდა, საქართველოს სამეფო ყოველწლიურად შესაწირავს უგზავნიდა სირია-პალესტინის ქართულ მონასტრებს. აღნიშნული შესაწირავი შემდგომ არაბულ სამყაროში ვრცელდებოდა. ზემოაღნიშნული ფაქტი საქართველო-ეგვიპტის ეკონომიკურ ურთიერთობათა ერთგვარ ფორმას წარმოადგენდა⁶⁵.

საქართველოს ეგვიპტესთან და არაბულ სამყაროსთან კონტაქტების დადასტურების ერთ-ერთ საბუთს წარმოადგენს ვეფხისტყაოსანში „ეგვიპტის“, „მისრის“, „მისრეთის“, „მობალდადე ვაჭრის“ არაერთგზის მოხსენიება.

ზემომოტანილი საქონლის გარდა, ქართულ წყაროებში ჩამოთვლილია მთელი რიგი აღმოსავლური წარმოშობის ხელოსნური ნაწარმი (არაბული, სპარსული...) ⁶⁶.

საქართველო სავაჭრო-ეკონომიკური ურთიერთობით იყო დაკავშირებული აგრეთვე ბალტიისპირეთის და აღმოსავლეთ ევროპის ქვეყნებთან.

ქართულ წყაროებში დამოწმებული „ქარვა“ ამ ურთიერთობის მაჩვენებელი და დამადასტურებელია.

ქარვა, როგორც ცნობილია, დიდი რაოდენობით მზადდებოდა ბალტიისპირეთში და მნიშვნელოვან საქსპორტო საგანს წარმოადგენდა.

ამასვე გვადასტურებს საქართველოში მოჭრილი და ბალტიისპირეთსა და აღმოსავლეთ ევროპაში ნაპოვნი ქართული მონეტები⁶⁷.

უაღრესად ინტენსიური იყო XI—XII სს. საქართველოში ძვირფასი თვლებისა და ქვების იმპორტი (განსაკუთრებით შუა აზიიდან, ირანიდან). მაგალითად, „ბალახში“ ირანული წარმოშობის სიტყვაა და ნიშნავს „ლალს“. ის დაკავშირებულია მხარის სახელთან. ბალახშის პროვინცია შუა აზიაში მდებარეობდა და განთქმული იყო ლალის დამუშავებით⁶⁸. აქედან წარმოებდა ძვირფასი ქვების ექსპორტი მსოფლიოს სხვადასხვა ქვეყნებში.

⁶⁴ ვ. გაბაშვილი, საქართველოს სავაჭრო ურთიერთობანი XII ს., გვ. 207.

⁶⁵ იქვე.

⁶⁶ ივ. ჯავახიშვილი, დასახ. ნაშრ., გვ. 30.

⁶⁷ Е. А. Пахомов, Монеты Грузии, Тб. 1970, с. 53. ვ. გაბაშვილი, საქართველოს სავაჭრო ურთიერთობანი XII ს., გვ. 202.

⁶⁸ გ. წერეთელი, ბალახში და ბალახში ვეფხისტყაოსანში, აღმოსავლური ფილოლოგია, თბ., 1972, ტ. II, გვ. 35, 38.

ძვირფასი თვლები დამოწმებულია ვეფხისტყაოსანში, ვისრამიანში, აბდულ-მესიასში—მარგალიტი. იაგუნდი, ალმასი, ბროლი, სათი, ზურმუხტი, გიშერი, ქარვა, ძოწი და სსვ.

ვეფხისტყაოსანში ძვირფასი ქვის 17 სახელწოდებაა. ამასთან, რუსთაველი ძვირფას ქვას იმეორებს 169-ჯერ, ე. ი. დაახლოებით ყოველ 9 ტაეპში ერთხელ⁶⁹, როგორც ნ. ქოიავა შენიშნავს, რუსთაველამდე არც ერთ მწერალს არ დაუხსახელებია ასეთი რაოდენობის ძვირფასი ქვები.

ძვირფასი ქვების სამშობლო აღმოსავლეთი იყო, ამიტომაც ძვირფასი თვალმარგალიტით ვაჭრობის საქმეში აღმოსავლეთის ქვეყნები დიდ როლს თამაშობდნენ.

XI—XII ს-ში ძვირფასი ქვების წყაროს წარმოადგენდნენ შემდეგი ქვეყნები — ეგვიპტე, ინდოეთი, ჩინეთი, ბირმა, სიამი, ცვილონი, იაპონია, ჩინეთი, არაბეთი, ირანი.

ბროლი, ქარვა და, ნაწილობრივ, მარჯანი შემოდის თანამედროვე გერმანიიდან, ალპებიდან და ხმელთაშუა ზღვის სანაპიროებიდან⁷⁰.

ძვირფასი ქვების საერთაშორისო ბაზარზე დიდ როლს თამაშობდა ირანი და ინდოეთი. ბიზანტია ამ მხრივ შუამავალის როლს ასრულებდა აღმოსავლეთს და დასავლეთს შორის. ნ. ქოიავა თვლის, რომ ძვირფასი ქვები საქართველოში ირანისა და ბიზანტიის გზით შემოდის⁷¹. მისივე აზრით, აღმოსავლეთიდან რუსეთში ძვირფასი ქვები საქართველოზე გავლით გაჰქონდათ⁷².

საქართველო ეწეოდა აგრეთვე ძვირფასი ლითონების იმპორტს.

ამ მხრივ საყურადღებოა ვეფხისტყაოსნის ერთი ადგილი, სადაც კვითხულობთ „დაუდგეს ტახტი ოქროსა, წითლისა მალრიბულისა“ (1049). „მალრიბული წითელი“ დასავლეთიდან შემოტანილ ოქროს ნიშნავდა. მართლაც, XI ს. ოქროს საბადოებს ამუშავებდნენ გერმანიაში, საფრანგეთში და ევროპის სხვა ქვეყნებში. აქედან ხდებოდა მათი ექსპორტი⁷³. ოქრო შემოდის აგრეთვე აღმოსავლეთის ქვეყნებიდან.

⁶⁹ ნ. ქოიავა, ძვირფასი ქვები შოთა რუსთაველის ეპოქაში, ვნიშვის მოამბე, თბ., 1938, ტ. III, გვ. 86.

⁷⁰ იქვე, გვ. 82.

⁷¹ ნ. ქოიავა, დასახ. ნაშრ., გვ. 82.

⁷² იქვე.

⁷³ ნ. ქოიავა, ფულის ტრიალი რუსთაველის ეპოქის საქართველოში, ვნიშვის მოამბე, ტ. III, ტფ., 1938, გვ. 94. მალრიბი მხოლოდ დასავლეთს არ ნიშნავდა. მალრიბში ნაგულისხმევი იყო აგრეთვე აფრიკის კონტინენტის ვრცელი ტერიტორია

საქართველოს უცხოეთთან სავაჭრო-ეკონომიკურ ურთიერთობათა ინტენსიურობის უტყუარ საბუთს, როგორც უკვე აღვნიშნეთ, წარმოადგენს საქართველოს საზღვრებს გარეთ აღმოჩენილი მონეტები.

ამ მხრივ ნუმისმატიკური მასალა არა მარტო ავსებს წერილობითი წყაროების ცნობებს, არამედ მნიშვნელოვნად აფართოებს იმ ქვეყნების რიცხვს, რომელთანაც საქართველოს ქალაქებს XI—XII სს. მანძილზე სავაჭრო ეკონომიკური კონტაქტები ჰქონდათ დამყარებული.

ჩვენთვის საინტერესო პერიოდის ქართული მონეტები და განძები ნაპოვნია სომხეთისა და აზერბაიჯანის ქალაქებში—დვინში, არზნიში⁷⁴, ყარსში, ეჩმიაძინში, ერევანში⁷⁵, ბაქოში⁷⁶, დარუბანდში⁷⁷.

XI ს. ქართული მონეტები ნაპოვნია იმიერკავკასიაში, ჩრ. რუსეთში, ვოლგისპირეთში, ბალტიისპირეთსა და გერმანიაში⁷⁸.

ყუბანის ოლქში რუსუდანის 500-ზე მეტი მონეტისანი განძია აღმოჩენილი⁷⁹.

თბილისში, დმანისში, ქუთაისში, რუსთავში დადასტურებულია იკონიისა და ერაყის სელჩუკთა, შირვანშაჰების, ილდეგიზიდების, ბიზანტიური და ზოგიერთი თურქული წარმოშობის ამირების მონეტები⁸⁰. დმანისში ნაპოვნია ბიზანტიური სპილენძის მონეტები⁸¹.

მცირე აზიის სელჩუკთა ვერცხლის მონეტები აღმოჩენილია აზიერკავკასიის თითქმის მთელ ტერიტორიაზე, ბაქოდან სოხუმამდე⁸².

ეგვიპტის დასავლეთით. გ. ჯ ა ფ ა რ ი ძ ე უარყოფს მოსაზრებას, რომლის თანახმად „მალრიბული“ ეწოდებოდა თითქოს ოქროს ფულს, რომელიც ეგვიპტეში იჭრებოდა (გ. ჯ ა ფ ა რ ი ძ ე, მალრიბული ოქრო XII—XIII სს. ქართულ წყაროებში, მაცნე, ფილოსოფიის, ფსიქოლოგიის, ეკონომიკისა და სამართლის სერია, № 4, თბ., 1975, გვ. 147). მისი აზრით“ ვეფხისტყაოსანში, ისევე როგორც სხვა დასახვლებულ ნაწარმოებებში, საუბარია არა ოქროს მონეტებზე, არამედ მალრიბულ ოქროზე, ანუ ლითონზე ან ამ ლითონის საბაზოზე“ (იქვე).

⁷⁴ Х. А. Мушегян, Денежное обращение Двина по нумизматическим данным, Ереван, 1962, с. 29, 30, 31.

⁷⁵ თ. ლომოური, ფული შოთა რუსთაველის ეპოქაში, გვ. 311; 313, 314.

⁷⁶ Е. А. Пахомов, II, 441.

⁷⁷ დ. კ ა პ ა ნ ა ძ ე, ქართული ნუმისმატიკა, თბ., 1969, გვ. 63.

⁷⁸ Е. А. Пахомов, Монеты Грузии, ст. 53.

⁷⁹ თ. ლომოური, დასახ. ნაშრ., გვ. 316.

⁸⁰ И. А. Джалагания, Два клада сельджукских монет, СА, 1958, № 2, 213.

⁸¹ თ. ლომოური, დასახ. ნაშრ. გვ. 300.

⁸² Е. А. Пахомов, Монетные клады Азербайджана, вып. I, № 440, Баку, 1926.

საქართველოში აღმოჩნდა აგრეთვე ორთუკიდების, ჰალაბისა და მოსულის ათაბაგების, ეძუბიდების, აზერბაიჯანის სელჩუკების, ილდეგიზიდების მონეტათა განძები⁸³.

ქართული ფულის განძთა დიდი რაოდენობით აღმოჩენა, საქართველოს სხვადასხვა კუთხეში და მის გარეთ, განვითარებული ფულადი მეურნეობის მიმანიშნებელია. აღნიშნული მოვლენის დადასტურებას წარმოადგენს აგრეთვე XI—XII სს. საქართველოში ზარაფხანათა სიმრავლე.

როგორც ნუმიზმატიკური გამოკვლევები ცხადყოფენ, იმ დროს ზარაფხანები ფუნქციონირებდნენ: თბილისში, დმანისში, ახალციხეში, ქუთაისში, ჟინვანში⁸⁴.

საყურადღებოა, რომ ვეფხისტყაოსანშიც ფული ყველა თავისა ფუნქციითაა წარმოდგენილი, რაც XII ს. საქართველოს განვითარებულ ფულად მეურნეობაზე მიგვანიშნებს⁸⁵.

XI—XII სს. ქართული ქალაქების ეკონომიკური აღმავლობის ხანაა. საქართველოს ქალაქები აქტიურად არიან ჩაბმული მსოფლიო ვაჭრობაში. ეს კარგად ჩანს აქ აღმოჩენილი ნუმიზმატიკური მასალებიდანაც. ქართული და უცხოური ფული ვრცელდება მთელს საქართველოში, უფრო ინტენსიურად კი მის აღმოსავლეთ ნაწილში, სწორედ იქ, სადაც უფრო განვითარებული იყო ქალაქები და საქალაქო ცხოვრება.

⁸³ თ. ლომოური, დასახ. ნაშრ., გვ. 316.

⁸⁴ დ. კაპანაძე, ზარაფხანათა და მონეტების ცენტრების ლოკალიზაციისათვის ძველ საქართველოში, საქ. სსრ მეცნ. აკად. მომბე, ტ. XXIII, № 4, 1954, გვ. 511.

⁸⁵ ნ. ქოიავა, ფულის ტრიალი რუსთაველის ეპოქის საქართველოში, გვ. 109.

V. ვეფხისტყაოსნის ურბანისტიკული ტერმინოლოგიიდან

ვეფხისტყაოსანში დამოწმებულია არა ერთი ურბანისტიკული ტერმინი, რომელთა შინაარსობრივი მნიშვნელობის დადგენა შესაძლებლობას გვაძლევს შევისწავლოთ XI—XII სს. საქართველოს ქალაქებისა და საქალაქო ცხოვრების არაერთი მხარე. წინამდებარე ნაშრომში ამ თვალსაზრისით განხილულია ქალაქის საზოგადოებრივი ფენები ვეფხისტყაოსნის მიხედვით და ისეთი ურბანისტიკული ტერმინები, როგორცაა „ხანაგა“ და „არიფი“.

ვეფხისტყაოსანი უშუალოდ არის დაკავშირებული XI—XII საუკუნეების ქართულ ისტორიულ სინამდვილესთან. შემთხვევით არ აიხსნება, რომ მასში აისახა აღებული ხანის საქართველოსათვის დამახასიათებელი ფეოდალური ურთიერთობანი, კერძოდ, პატრონჟიმის ინსტიტუტები და თვით სახელმწიფო წყობილების თავისებურებანი.

ვეფხისტყაოსანში მნიშვნელოვანი ადგილი ეთმობა ქალაქებს, საქალაქო ცხოვრებასა და წყობილებას. საამისო ცნობებიც ორგანულად განეკუთვნება XI—XII საუკუნეებს, როდესაც საქართველოს ფეოდალური მონარქიის ქალაქები და საქალაქო ეკონომიკა ყოველმხრივ იყო განვითარებული.

§ 1. ქალაქის საზოგადოებრივი ფენები ვეფხისტყაოსნის მიხედვით

რუსთაველი ასახელებს ქალაქის თითქმის ყველა საზოგადოებრივ ფენას, აღნიშნავს მათ როლსა და მნიშვნელობას, მათი საქმიანობის სარბიელს. ვეფხისტყაოსნის სათანადო სტროფების მიხედვით შეიძლება ვუჩვენოთ ის საზოგადოებრივი ფენები, რომელნიც კმნიდნენ ფეოდალური ქალაქის სოციალურ სტრუქტურას და კლასობრივ განლაგებას XI—XII სს. საქართველოში.

ამ თვალსაზრისით ვეფხისტყაოსნის ცნობები მკვლევართა მიერ სპეციალურად დღემდე არ ყოფილა შესწავლილი, საგანგებოდ არავის უცდია XI—XII სს. საქართველოს ქალაქების სოციალური სტრუქ-

ტურის აღდგენა რუსთაველის ნაწარმოების მიხედვით. მართალია, არა ერთი მკვლევარი გაკვირით თუ ზოგადად შეეხო და დაახასიათა კიდეც მასში ფიქსირებული საქალაქო ცხოვრების სხვადასხვა მხარე, მაგრამ მათ ვეფხისტყაოსნის სათანადო სტროფების შინაარსი აინტერესებდათ უპირატესად საქალაქო მმართველობასთან და სავაჭრო ურთიერთობასთან დაკავშირებით.

შ. მესხიას მიერ შესწავლილია დიდვაჰართა საზოგადოებრივ ფენაც და ვაჭართუხუცესის ინსტიტუტაც. მანვე უჩვენა დიდვაჰართა როლი და მნიშვნელობა XI—XII სს. საქართველოს საქალაქო ცხოვრებაში და სავაჭრო-ეკონომიკურ ურთიერთობათა სარბიელზე¹. სამიწისო ცნობები მას გამოტანილი აქვს ვეფხისტყაოსნიდანაც.

XI—XII სს. საქართველოსთვის დამახასიათებელი სავაჭრო-ეკონომიკური ვითარება სათანადოდ, აქვთ გათვალისწინებული და შეფასებული აგრეთვე ცნობილ რუსთაველოლოგებს კ. კეკელიძეს², შ. ნუცუბიძეს³ და პროფ. ალ. ბარამიძეს⁴.

რუსთაველის ვეფხისტყაოსნის სათანადო სტროფების შინაარსი, როგორც უკვე აღვნიშნეთ, შესაძლებლობას იძლევა ვუჩვენოთ XI—XII სს. ქართული ქალაქის სოციალური სტრუქტურა, კლასობრივ განშრეება.

ვეფხისტყაოსნის ურბანისტიკული ტერმინოლოგია სოციალური შინაარსის შემცველიცაა და აღნიშნავს როგორც საქალაქო არისტოკრატიას, ისე ქალაქის დაბალ საზოგადოებრივ ფენებს. ეს საშუალებას იძლევა დავახასიათოთ იმდროინდელი ქალაქის სოციალურ-სტრუქტურა.

ამავე დროს, რუსთაველის მიერ გამოყენებული ურბანისტიკული სოციალური ტერმინები, აგრეთვე ქალაქის გარეგანი სახის და დაწესებულებათა აღმნიშვნელი ტერმინები ქრონოლოგიურად არ სცილდება XI—XII საუკუნეებს. ამ კონკრეტულ შემთხვევაში საქმე არა გვაქვს არც მერმინდელ ინტერპოლაციებთან და არც გადაშვართა ჩა-

¹ შ. მესხია, Города и городская жизнь феодальной Грузии, Тб., 1959, გვ. 66—67, მისივე, საქალაქო კომუნა შუა საუკუნეების თბილისში, თბ., 1962 გვ. 34, 117.

² კ. კეკელიძე, საქართველოს პოლიტიკური, ეკონომიკური და კულტურული ვითარება რუსთაველის ეპოქაში, კრებ. რუსთაველი სკოლაში, თბ., 1937, გვ. 7—8, 25.

³ შ. ნუცუბიძე, Творчество Руставели, Тб., 1958, с. 5—42.

⁴ ალ. ბარამიძე, შოთა რუსთაველი, თბ., 1958, გვ. 144—150.

მატებებთან, რადგან მსგავსი ტერმინები გვხვდება თანამედროვე საისტორიო წყაროებშიც და ლიტერატურულ ძეგლებშიც.

XI—XII სს. ქართული ფეოდალური ქალაქის სოციალური სტრუქტურის დასახასიათებლად უაღრესად საყურადღებოა ვეფხისტყაოსნის შედგენილი ტერმინები: „ქალაქის ერი“, და „ქალაქის კრებული“.

როგორც ქვემოთ ვნახავთ, ეს ტერმინები გამოხატავენ და აღნიშნავენ სოციალურად დაპირისპირებულ საზოგადოებრივ ფენებს⁵.

„ქალაქის ერი“ რომ „ქალაქის ხალხის“ ან „ქალაქის მოსახლეობის“ აღმნიშვნელი ტერმინია ცხადად ჩანს ვეფხისტყაოსნის იმ სტროფის შინაარსიდან, რომელშიაც აღწერილია ავთანდილის ჩასვლა ქ. გულანშაროში:

ზარი გახდა, შემოაქრბეს ქალაქისა
რნი სრულად (1063).⁶

არ შეიძლება საინტერესო არ იყოს იმის დადგენა, თუ რომელი საზოგადოებრივი ფენაა ნაგულისხმევი „ქალაქის ერში“, რადგან, როგორც ცნობილია, ფეოდალური ქალაქის მოსახლეობაც არაერთგვაროვანი იყო თავისი კლასობრივი შემადგენლობით.

„ერი“ თუ „ერნი“ ამ დროს მთელ ხალხსაც აღნიშნავდა და ხალხის შემადგენელ ნაწილსაც (შდრ. „წვრილი ერი“, „სავაქრო ერი“, „ყოველი ერი“, „დარბაზის ერი“...). ამდენადვე „ქალაქის ერში“ თითქოს შეიძლება ვიგულისხმოთ საქალაქო არისტოკრატიაც და ქალაქის დაბალი საზოგადოებრივი ფენებიც. მაგრამ დასაშვებია ისიც, რომ არუსთაველს „ქალაქის ერი“ ნახმარი ჰქონდეს, არა ზოგადი, არამედ კონკრეტული მნიშვნელობით.

ამას გარდა, „წვრილი ერი“ XI—XII სს. საქართველოშიც აღნიშნავდა როგორც სოფლის, ისე ქალაქის მწარმოებელ მოსახლეობას, „ქალაქის ერში“ კი აშკარად ქალაქის დაბალი საზოგადოებრივი ფენებია ნაგულისხმევი⁷.

საიდანა ჩანს ეს?

ქართლის მატეიანეში, თბილისის საქალაქო არისტოკრატისაგან განსხვავებით, გამოყოფილია „ყოველი ერი“, რომელიც, მკვლევარ-

⁵ მ. გაბაშვილი, ქალაქის საზოგადოებრივი ფენები ვეფხისტყაოსნის მიხედვით, თბილისის სახ. უნივერსიტეტის სტუდენტთა სამეცნ. შრომების კრებული, ტ. X, თბ., 1970, გვ. 163—171.

⁶ შოთა რუსთაველი, ვეფხისტყაოსანი, საიუბილეო გამოცემა, თბ., 1966.

⁷ П. В. Гугушвили, Развитие промышленности в Грузии в XIX—XX вв., с. 28—29; შ. მუსხია, საქალაქო კომუნა შუა საუკუნეების თბილისში, გვ. 45, შენ. 1.

თა აზრით, წერილი ვაჭრებისა და ხელოსნებისაგან შედგებოდა. თბილისის „ყოველი ერი“, ცხადია, იმასვე ნიშნავს, რასაც რუსთაველის „ქალაქის ერნი“.

ამასვე გვიდასტურებს XI ს. არაბი ისტორიკოსის ფაკიჰის თბილისთან დაკავშირებული ცნობები.

ფაკიჰი ცალ-ცალკე ასახელებს „თბილისის კეთილშობილთა ჯგუფს“ და „თბილისის ხალხს“. მაშასადამე, თბილისის „კეთილშობილთა ჯგუფი“ და „თბილისის ხალხი“ სოციალური თვალაზრისით არ შეიძლება სხვადასხვა ცნებების შემცველი არ იყოს.

ეს შეიძლება დავადასტუროთ სხვა აღმოსავლური წყაროების ცნობებითაც.

ჩვენთვის არ შეიძლება საგულისხმო არ იყოს, რომ აღმოსავლური წყაროები „ქალაქის ხალხს“ ანუ „ქალაქის მოსახლეობას“ ასხვავებენ საქალაქო არისტოკრატიისაგან (დიდვაჭრები, ქალაქის რაინდები...)⁸. „ქალაქის ხალხში“ („აჰლ ალ-ბალად“) კი ჩვეულებრივ ნაგულისხმევი არიან: წერილი ვაჭრები, ხელოსნები, ფეხზე მოვაჭრენი, მტვირთავეები, დაქირავებული მუშები, ქალაქის ლატაკნი და გლახაკნი⁹.

ვეფხისტყაოსანში დამოწმებული „ქალაქის ერნიც“ შინაარსობრივად იმასვე ნიშნავს, რასაც აღმოსავლური წყაროების „ქალაქის ხალხი“, ამასთან, დამტკიცება არ სჭირდება იმას, რომ ძველქართული „ქალაქის ერი“ მხოლოდ „ქალაქის ხალხის“ მნიშვნელობითაა ნახნარი.

ამდენადვე ყველა საფუძველი არსებობს ამისათვის, რათა დავაკნათ: „ქალაქის ერი“ შედგება საშუალო და წერილი ვაჭრებისაგან, ხელოსნებისაგან და ქალაქის ლატაკებისაგან.

ფაკიჰი, როგორც ვნახეთ, ერთმანეთისაგან ასხვავებს „თბილისის კეთილშობილთა ჯგუფს“ და „თბილისის ხალხს“, „თბილისის ხალხში“ კი, ჩვენი აზრით, მხოლოდ (და არა უმთავრესად) წერილი ვაჭარნი და ხელოსანნი უნდა ვიგულისხმოთ.

ამგვარადვე შინაარსობრივად ერთმანეთისაგან განსხვავებულია ვეფხისტყაოსანში დამოწმებული „ქალაქის ერნი“ და „ქალაქის კრებული“.

„ქალაქის კრებული“ აშკარად ქალაქის ზედაფენის, საქალაქო

⁸ В. Ф. Минорский, История Ширвана и Дербенда X—XI вв., М., 1963, с. 101, 102, 104—105, 130, 163—167.

⁹ Л. В. Строева, К вопросу о социальной природе исмаилитского движения в Иране в XI—XII вв., Вестник ЛГУ, № 20, вып. III, 1953, с. 45.

არისტოკრატის აღმნიშვნელია, ისევე როგორც ფაქიძის თხზულებაში დამოწმებული თბილისის „კეთილშობილთა ჯგუფი“.

რუსთაველი „ქალაქის ერის“ საპარისპირო ცნებად იყენებს „ქალაქის კრებულს“.

ამის საჩვენებლად საკმარისია მოვიყვანოთ ვეფხისტყაოსნის იმ სტროფის შინაარსი, სადაც „ქალაქის კრებულია“ დასახელებული:

მოვიდეს, სადა საყოფად სახლი დგა მუნ აგებული,
მივიდა ნახვად ყოველი მის ქალაქისა კრებული.
მაშინვე დაჭდა ნადიმად მორკმული. ლალი, შვეებული.
უნა მის ღლისა შვებასა ყოლა ვერ იტყვის კლებული. (667).

ძნელია „ქალაქის კრებულში“ მოვათავსოთ მაგალითად, ხელოსნები. ამდენადვე სავსებით გამორიცხულია „ქალაქის კრებულის“ და „ქალაქის ერის“ გაიგივება.

„ქალაქის ბერნი“ რომ საქალაქო არისტოკრატის ეკუთვნოდნენ, ეს დიდი ხანია დამტკიცებულია (ივ. ჯავახიშვილი, შ. მესხია...). ამავე დროს გარკვეულია ისიც, რომ ქალაქის ბერების აღმოსავლურ შესატყვისის წარმოდგენდნენ ქალაქის რაისები¹⁰. ქალაქის რაისებს კი უკლებლივ ყველა ორიენტალისტი-ისტორიკოსი საქალაქო არისტოკრატის შემადგენლობაში ათავსებს. ფაქტიურად ამასვე ამბობს „ვეფხისტყაოსნის საზოგადოებათმეტყველების“ ავტორი¹¹. ოღონდ ისეთი მნიშვნელობითა და მოსაზრებებით, რომლებიც არსებითად ცვლიან „ქალაქის კრებულის“ და „ქალაქის ერის“ ნამდვილ მნიშვნელობას.

მკვლევარს „ქალაქის კრებულის“ და „ქალაქის ერის“ გაიგივებასა და მხედველობაში აქვს ზემომოტანილი სტროფის ის ფრაზა, სადაც ნათქვამია: „მოვიდა ნახვად ყოველი მის ქალაქისა კრებული“. სიტყვა „ყოველი“ გავრცელებულია ქალაქის მთელ კრებულზე, მთელ მოსახლეობაზე. „კრებული“ ძველქართულში უფრო დავიწროებული ცნების გამომხატველი იყო, ვიდრე „ერი“, ამიტომ „ყოველში“ უნდა ვიგულისხმოთ მხოლოდ საქალაქო არისტოკრატის ყველა წარმომადგენელი, ქალაქის კეთილშობილთა ჯგუფი, ქალაქის ბერებისაგან. ღიღვაჭებისა და ვაჭართა გილდიების მეთაურებისაგან შემდგარი

¹⁰ ვ. გაბაშვილი, თბილისის მმართველობა X—XI საუკუნეებში, თსუ, შრომები, ტ. 108, აღმოსავლეთმცოდნეობის სერია, 4, გვ. 331—358.

¹¹ მკვლევრის აზრით, „ქალაქის კრებული“ არის ქართული „ქალაქის ბერნი“, „ქალაქის საბჭოს წევრები“, თუმცა მას ეს განმარტება საკმარისად არ მიაჩნია და მოყვანილი აქვს მეორე მოსაზრებაც, რომლის თანახმად „ქალაქის კრებული“ შეიძლება გაიგვიგოთ „ქალაქის ერთან“. „ვეფხისტყაოსნის საზოგადოებათმეტყველება“, გვ. 90.

„ქალაქის კრებული“, როველიც „ქალაქის ერთან“ შედარებით ქალაქში უმცირესობას შეადგენდა.

ამას გარდა, დამოწმებულ სტროფის შინაარსის მთლიანად გათვალისწინება სულ სხვა დასკვნის შესაძლებლობას იძლევა.

საინტერესოა, რომ ავთანდილი გაჩერდა ყველაზე თვალსაჩინოდ ნაგებ სახლში, რომელიც, ალბათ, ქალაქის საკრებულო სახლს წარმოადგენდა. აქ მას ეწვია („მოვიდა ნახვად ყოველი“) „ქალაქის კრებული“, რომლის შემადგენლობაში მხოლოდ და მხოლოდ ქალაქის წარჩინებულნი უნდა ყოფილიყვნენ. „ქალაქის ერი“ კი იმავე ავთანდილს ქუჩებსა და მოედნებზე შეეგება. მოქმედების განვითარების მიხედვით, ავთანდილის სანახავად მოგრილ „ქალაქის ერს“ ცვლის „ქალაქის კრებული“, რომლის წარმომადგენლები ავთანდილს დარბაისლურად ეწვივნენ და მასთან ერთად მისი ნადიმი გაიზიარეს.

რუსთაველს სულ სხვადასხვანაირად აქვს აღწერილი ქუჩა-მოედნებზე მოზიმზიმე „ქალაქის ერი“ (მეტად დინამური ნიუანსებით) და ავთანდილის სანახავად დარაზმული „ქალაქის კრებული“.

საზოგადოდ ვეფხისტყაოსანში ნათლად არის ნაჩვენები ქალაქის მოსახლეობის სოციალური და ქონებრივი დიფერენციაცია. იყვნენ როგორც დიდვაჭრები („საქონელ სრულნი, მდიდარნი“), ისე საშუალო („ლარის გამყიდველნი“) და წვრილი ვაჭრები („ხილის გამყიდველნი“).

ურბანისტიკული სოციალური ტერმინოლოგიაც ვეფხისტყაოსანში ამის შესაფერისად არის გამართული.

რუსთაველს არაერთი ცნება და ტერმინი მოეპოვება ქალაქის საზოგადოებრივი ფენების აღსანიშნავად. მაგალითად, „მოქალაქენი“ ნახნარია „ქალაქის ერის“ ანუ „ქალაქის ხალხის“ სინონიმური მნიშვნელობით.

ვეფხისტყაოსნის 1446-ე სტროფში კვითხულობთ „მოატყდეს მოქალაქენი, დააგდეს მუნ ბაზარია“. რუსთაველის მიხედვით, აშკარაა, „მოქალაქენი“ თავიანთი საქმიანობით დაკავშირებულნი იყვნენ ბაზართან, ითვლებოდნენ ბაზრის ხალხად. საინტერესოა, რომ აღმოსავლურ წყაროებშიც (არაბულ და სპარსულ თხზულებებში) „ბაზრის ხალხი“ ქალაქის დაბალი საზოგადოებრივი ფენების აღსანიშნავად არის ნახმარი. „ბაზრის ხალხს“ დაცივნით ასახელებდა ფეოდალური იდეოლოგიის ისეთი გამომხატველი, როგორიც იყო „ყაბუს-ნამეს“ ავტორი.

ხელოსნების შესახებ ვეფხისტყაოსანში მეტად მცირე ცნობები მოპოვება. ხელოსანთიგან დასახელებულია: „ოქრომჭედელი“ (1898), „მხატვარი“ (1465).

სამაგიეროდ, უაღრესად საყურადღებოა ცნობა, რომლის შინაარსი დამიზღებელი მუშების საქმიანობას ეხება:

მათ ბალსა პირსა დააბეს ნავი საბლითა სამითა;
ავთანდილ ტანსა ჭუბანი ჩაიცვა, დაჭდა სკამითა;
მოახსნეს კაცნი მზიდავნი, დამიზღებულნი დრამითა (1050).

აქ ლაპარაკია დამიზღებულ ანუ დაქირავებულ მუშებზე, რომელთაც სავაჭრო ხომალდებიდან ნაპირზე საქონელი გადმოჰქონდათ. მათ იყენებდნენ ვაჭრობით განთქმულ ქალაქებში და შრომას დრამით უნაზღაურებდნენ. მიზდიდანაა ნაწარმოები სპარს. „მუზდავარ“ (შდრ. რუსული „Мзда“), რომელიც სწორედ XI—XII სს. ფართოდ იყო გავრცელებული დაქირავებული შრომის აღსანიშნავად და უშუალოდ დაკავშირებული საქალაქო ცხოვრებასა და ვაჭრობა-ხელოსნობასთან.

ვეფხისტყაოსანში დასახელებულია აგრეთვე „მუშაკი“, რომელიც შეიძლება ყოფილიყო ქალაქელიც და სოფელიც, ე. ი. მატერიალური დოვლათის შემქმნელი ფეოდალური ხანის საქართველოში.

რუსთაველის მიხედვით:

რაცა ვის რა ბედმან მისცეს, დასჯერდეს და მას უზნობდეს;
მუშა მიწყვი მუშაკობდეს, მეომარი გულოვნობდეს. (11).

გლეხი და ხელოსანი, ფეოდალური იდეოლოგიის თვალსაზრისით, უნდა „მიწყვი მუშაკობდეს“ ფეოდალი კი გულოვნობდეს, ანუ მეომრობდეს.

სწორედ ამიტომ რუსთაველის მხედველობაში „ქალაქი ერა“, რომლის წარმომადგენლები „მიწყვი მუშაკობდნენ“ და ღუქან-სახელოსნოებში საქმობდნენ.

დასახელებულია აგრეთვე ქალაქის დეკლასირებული ელემენტები: „გლახაკნი“.

ყველაზე ფართოდ ადგილი ქალაქის საზოგადოებრივი ფენებიდან ვეფხისტყაოსანში მაინც დიდვაჭრებს აქვთ დათმობილი.

ამას თავისთავად მოითხოვდა პოემის ფაბულის განვითარებაც და ის როლიც და მნიშვნელობაც, რომელსაც ფეოდალური ხანის ქალაქებში დიდვაჭრები ასრულებდნენ.

დიდვაჭარი მოხსენიებულია ვეფხისტყაოსნის 1055, 1056, 1057, 1110, 1111 სტროფებში.

ამ სტროფების შინაარსი ცხადად გვირკვევს დიდვაჭრების საქმიანობას, საზოგადოებრივ როლსა და მნიშვნელობას ქალაქის პოლიტიკური და ეკონომიკური ცხოვრების სარბიელზე.

დიდვაჭრები მონაწილეობდნენ საერთაშორისო და საბითუმო ვაჭ-

რობაში მათი ყურადღებისა და საქმიანობის მთავარი საგანი საგარეო ვაჭრობა იყო. დიდვაჭრებად არიან ვეფხისტყაოსანში მოხსენიებული ბაღდადეგი („ჩვენ ვართო მობაღდადენი ვაჭარნი“), ეგვიპტელი და ინდოელი ვაჭრები. მაგრამ საქართველოს ქალაქებშიც იმ დროს მოღვაწეობდა არაერთი დიდვაჭარი, რომელიც მახლობელ და შორეულ ქვეყნებთან ცხოველი სავაჭრო ურთიერთობით იყო დაკავშირებული. რუსთაველს, როცა დიდვაჭრების საქმიანობა-მოღვაწეობას აღწერდა, უწინარეს ყოვლისა, საქართველოს ქალაქების სრულიად გარკვეული საზოგადოებრივი ფენა უნდა ჰქონოდა მხედველობაში.

როგორც ვეფხისტყაოსანის სათანადო სტროფების შინაარსიდანაც ირკვევა, ქალაქებში დიდვაჭრები მნიშვნელოვან როლს ასრულებდნენ. ისინი ირჩევდნენ წინამძღოლს, უხუცესს, რომელიც ორგანიზატორის როლს ასრულებდა.

დიდვაჭართა სათავეში მდგარ პირს ვაჭართუხუცესი ეწოდებოდა. ვაჭართუხუცესის შესახებ რუსთაველი არაერთ საყურადღებო ცნობას გვაწვდის.

როცა უსენის მებაღე ავთანდილს ეცნობა, ეუბნება:

მე ვარ მებაღე უსენის, ვაჭართა უხუცესისა (1056).

ვაჭართუხუცესის მთავარ უფლება-მოვალეობას ვეფხისტყაოსნის მიხედვით შეადგენდა ქალაქში უცხოელი ვაჭრების დახვედრა, მიღება და დაბინავება. უიმისოდ სხვადასხვა ქვეყნებიდან მოსული ვაჭრები „ლარს ვერ გახსნიდნენ“ და საქონლის გაყიდვის უფლებას ვერ მოიპოვებდნენ. ვაჭართუხუცესი შუამავლობდა აგრეთვე მეფის კარსა და დიდვაჭრებს შორის.

ნავროზობა დღეს მას დიდვაჭრები (ცოლებითურთ) მეფის კარზე მიჰყავდა მდიდრული მისართმეველებით. თავის მხრივ, მეფეც უხვად ასაჩუქრებდა დიდვაჭრებს. ნავროზობის ნადიმზეც მეფეც და დიდვაჭრებიც თანამეინახებდად იხდნენ, ისევე როგორც ავთანდილი და „ქალაქის კრებული“ ქალაქის „საკრებულო სახლში“ გამართულ ნადიმზე.

სამეფო კარისა და დიდვაჭრების ურთიერთობის გამო კ. კეკელიძე შენიშნავდა: „ვაჭართა უხუცესი სამეფო კარზე შინაურ კაცად ითვლებოდა, იგი ხშირად სრულიად უბრალოდ ეახლება მეფეს ძვირფასი საჩუქრებით, მეფე მას ისწრებს სამეფო კარზე გამართულ ნადიმზე“¹². ასეთსავე აზრს გამოთქვამს ალ. ბარამიძეც¹³.

¹² კ. კეკელიძე, დასახ. ნაშრ., გვ. 25.

¹³ ალ. ბარამიძე, დასახ. ნაშრ., გვ. 14.

. სამეფო კარის (თუ ფეოდალების) დიდვაჭრებთან ამგვარი ურთიერთობა გაპირობებული იყო იმიტომ, რომ დიდვაჭრების საშუალებით მეფეც და ფეოდალებიც მონაწილეობდნენ მეტად მომგებიან საგარეო ვაჭრობაში. ეს იწვევდა მათი პოლიტიკური და ეკონომიკური ინტერესების თანადამთხვევას.

. ამითვე აიხსნება დიდვაჭრების აქტიური მონაწილეობა პოლიტიკური ცხოვრების სარბიელზე.

. დიდვაჭრებს ხშირად უხდებოდათ ყოფნა მახლობელ და შორეულ ქვეყნებში. ამიტომ ისინი შესანიშნავად იყვნენ ინფორმირებული ცალკეულ ქვეყნებში არსებული პოლიტიკური და ეკონომიკური ვითარების შესახებ. მათ კარგად იცოდნენ სხვადასხვა ქვეყნის „ამბავი“ (გავიხსენოთ 1582-ე სტროფის ფრაზა: „გვითხარ ვაჭარო, ამბავი ინდოეთისა“)¹⁴. ვაჭრების საშუალებით გებულობს ავთანდილი ნესტანდარეჯანის ასავალ-დასავალს. დიდვაჭრები იყვნენ ფეოდალების კონტრაგენტები საერთაშორისო ვაჭრობის სარბიელზე. ამიტომ გასაოცარი არაა, რომ დიდვაჭრები სავაჭრო ოპერაციასთან ერთად დიპლომატიურ დავალებებსაც ასრულებდნენ.

ეს კარგად ჩანს თბილისელი დიდვაჭრის ზანქან ზორაბებელის მაგალითიდანაც. მას, როგორც ცნობილია, დაევალა თამარის საქმროდ გიორგი რუსის ჩამოყვანა.

დიდვაჭრები, როგორც ვხედავთ, თავიანთი სოციალური, პოლიტიკური და ეკონომიკური მდგომარეობით მკვეთრად განსხვავდებოდნენ „ქალაქის ერისაგან“, მაგრამ, ამავე დროს, ფეოდალებთან შედარებით, ისინი სოციალური კიბის დაბალ საფეხურზე იდგნენ.

ეს გარემოება სათანადოდ არის ასახული ვეფხისტყაოსანში. ფეოდალთა ქედმაღლური დამოკიდებულება დიდვაჭრების მიმართ აშკარად გამოსჭვივის ავთანდილის შემდეგ სიტყვებში: „თქვენ ვაჭარნი, ჯაბანნი ხართ, ომისაცა უმეცარნი“ (1028). ირონიულადაა დახასიათებული ვაჭართუხუცესი უსენიც, მეფის ნაღიმზე დამთვრალი „ცქაფი ვაჭარი“.

რუსთაველმა ყურადღება მიაქცია სოციალური განსხვავების ისეთ ნიშანსაც, როგორიც იყო ჩაცმულობა: ვაჭართა „ჯუბაჩობა“ და ფეოდალთა „საჭაბუკო“ სამოსელი (სტროფები: 1068, 1244, 1386)¹⁵.

სავაჭრო ანუ ვაჭრული ტანსაცმელი და საჭაბუკო ანუ ფეოდალ-

¹⁴ შოთა რუსთაველი, ვეფხისტყაოსანი, პავლე ინგოროყვას რედაქციითა და შენიშვნებით, თბ., 1953.

¹⁵ შოთა რუსთაველი, ვეფხისტყაოსანი, საიუბილეო გამოცემა, თბ., 1966.

თა სამოსელი მკაფიოდ ავლენდა არსებულ სოციალურ კონტრასტებს, რადგან საქაბუეო უყეთესი იყო ვაჭრულზე.

როცა ავთანდილმა ვაჭრული ტანსაცმელი გახადა და კვლავ საქაბუეთი შეიმოსა: „მოიმატა დამშვენება, დაემსგავსა ლომი მზესა“ (1244).

შესაფერისი მსატკრული ხერხებით რუსთაველს ნაჩვენები აქვს ქალაქის ყველა საზოგადოებრივი ფენის სოციალურად ნიშანდობლივი მხარე. დამახასიათებელი თავისებურებანი, თითოეული მათგანის ნოქმედება-საქმიანობისა და ყოფითი ჩვევების ქალაქური ნიუანსები.

რუსთაველი, ჩანს, ზედმიწევნით იცნობდა ქალაქებს, საქალაქო ცხოვრებას, მმართველობას, სავაჭრო დაწესებულებებს, ვაჭართა და ხელოსანთა ამხანაგობებს, ქალაქის საზოგადოებრივ ფენებს.

როგორც ზემოთ ვნახეთ, ქალაქის საზოგადოებრივ ფენებში მას წარმოდგენილი ჰყავს: დიდვაჭრები, საშუალო და წვრილი ვაჭრები, ხელოსანები, დამიზღებელი მუშები, მუშაკნი, ქალაქის ლატაკები და გლახაკნი.

ანასთან, აღსანიშნავია, რომ რუსთაველი ქალაქებისა და საქალაქო ცხოვრების აღწერისას ყველგან ქართულ ტერმინოლოგიას იყენებს: ქალაქის ერი, მოქალაქენი, ქალაქის კრებული, დიდვაჭარი, ვაჭართუხუცესი და სხვ. აღმოსავლურ ტერმინოლოგიას კი იგი მიმართავს იმ დროს, როცა აღწერს სავაჭრო ურთიერთობას და მის ორგანიზაციას: შუკა (ბაზრის მნიშვნელობით), ბაზარი, ქარავანი, ქარავანსარა და სხვ.

ამრიგად, აღმოსავლური ტერმინოლოგია, თავს იჩენს იქ, სადაც ყველაზე ძლიერად ვლინდებოდა საქართველოს სავაჭრო ურთიერთობანი აღმოსავლეთის ქვეყნებთან.

აღნიშნული გარემოებაც, თავის მხრივ, გვიდასტურებს, რომ რუსთაველს ქალაქის საზოგადოებრივი ფენების აღწერა-დახასიათებისას ქართული ქალაქების სინამდვილე ჰქონდა მხედველობაში.

მკვლევართა აზრით, რუსთაველი ასრულებდა მეჭურჭლეთუხუცესის თანამდებობას. მეჭურჭლეთუხუცესის სახელისუფლოს განსაგებელს კი, როგორც ეს XIV ს. „ხელმწიფის კარის გარეგებაში“ არის აღნიშნული¹⁶ და აკად. ივ. ჯავახიშვილს აქვს ნაჩვენები¹⁷, შეადგენდა ქალაქები და ვაჭრობა.

როგორც ჩანს, ამითაც უნდა ავხსნათ, რომ რუსთაველის ცნობები ქალაქის საზოგადოებრივი ფენების შესახებ ზედმიწევნით ეხმაუ-

¹⁶ ხელმწიფის კარის გარეგება, ექ. თაყაიშვილის გამოცემა, გვ. 8—9.

¹⁷ ივ. ჯავახიშვილი, ქართველი ერის ისტორია, 11, გვ. 211.

რება XI—XII სს. საქართველოს ქალაქების ისტორიის სხვა თანამედროვე ქართულ მასალებს.

§ 2. ხანაგა

ვეფხისტყაოსნის ურბინისტიკული ტერმინოლოგიიდან ყურადღებას აბურობს სიტყვა „ხანაგა“. აღნიშნული ტერმინი პოემაში ორჯერ გვხვდება 795-ე 1204-ე სტროფებში:

რაცა თქვენთვის არ ვარგიყოს საქურქლესა დასადებლად,
მიეც ზოგი ხანაგათა, ზოგი ხიდთა ასაგებლად;
ნურა ნუ გშურს საქონელი ჩემი ჩემთვის წასაგებლად!
შენგან კიდე არეინ მივის ცეცხლთა ცხელთა დამავსებლად (795).

დღესა ერთსა, საღამო-ქამ, ჩასვლა იყო ოდენ შშისა,
წადდე წინა დარიჯაგთა, ქარი მიჩნდა ხანაგისა;
ვიგონებდი, სედა მკვლიდა მისისავე გონებისა,
ვთქვი: „კრულია ზენაარი ყოვლისამცა მამაციისა“¹⁸ (1204).

ვეფხისტყაოსნის ვახტანგისეული გამოცემის კომენტარებში, (1712 წ.) ხანაგა განმარტებული არაა. სულხან-საბა ორბელიანი კი ხანაგას „ობლების საკრებულო სახლებს“ უწოდებს¹⁹.

სულხან-საბას ეს განმარტება საინტერესოა იმიტომაც, რომ მას, როგორც ჩანს, იყენებს ვეფხისტყაოსნის ბევრი კომენტატორი და მთარგმნელი. საამისო მაგალითები ქვემოთაა მოტანილი. საზოგადოდ რუსთველოლოგიურ ლიტერატურაში და ისტორიოგრაფიაში ხანაგა სხვადასხვა მნიშვნელობითაა განმარტებული.

ი. აბულაძეს 1914 წ. გამოცემულ ვეფხისტყაოსნის ლექსიკონში ხანაგა (სპარს. ხანაგაპ ან ხანგაპ, ხანაკა ან ზანკა) ახსნილი აქვს როგორც დერვიშების მონასტერი²⁰.

მეორე, 1926 წ. გამოცემაში, იგი ამ სიტყვას უკვე სხვა მნიშვნელობას ანიჭებს და განმარტავს როგორც სამადლო სახლს, ობოლთა თავშესაფარს²¹. საობლო სახლად მიაჩნია ხანაგა ს. კაკაბაძესაც²².

¹⁸ შოთა რუსთაველი, ვეფხისტყაოსნი, თბ., 1966.

¹⁹ სულხან-საბა ორბელიანი, ქართული ლექსიკონი, თბ., 1949, გვ. 451.

²⁰ შოთა რუსთაველი, ვეფხისტყაოსანი, ი. აბულაძის რედაქციით, უფ., 1914, გვ. 201—203.

²¹ შოთა რუსთაველი, ვეფხისტყაოსანი, ი. აბულაძის რედაქციით, იბ., 1926, გვ. 293.

²² შოთა რუსთაველი, ვეფხისტყაოსანი, ს. კაკაბაძის რედაქციით ბ., 1926, გვ. 208.

კ. ბალმონტი და ნ. ზაბოლოცკი პოემის რუსულ თარგმანში ხანაგას „საობლო სახლად“ („сиротские приюты“) და „აშუაზხანედ“ („харчевня“) თარგმნიან²³.

გ. ცაგარელით, ხანაგა „უპატრონოთა თავშესაფარი“ („бездомным на жилища“) და „სასტუმროა“ („заежий дом“)²⁴, პ. პეტრენკოს თარგმანით კი „უპატრონოთა სახლიცაა“ („богодельня“) და „სასტუმროც“ („дом узрев странноприимный“)²⁵.

დაახლოებით ერთნაირად გამოხატავენ ხანაგას შ. ნუცუბიძე და ს. იორდანიშვილი. შ. ნუცუბიძის მიხედვით, ხანაგა „სალეთო სახლი“ („дома богоугодные“) და „სასტუმროა“ („дом для чужестранцев“), ს. იორდანიშვილის თარგმანით „სალეთო სახლი“ („богоугодный дом“) და „სასტუმრო“ („постоялый дом“)²⁶.

ვეფხისტყაოსნის მარჯორი უორდროპისეულ ინგლისურ თარგმანში ხანაგა „საობლო სახლისა“ („orphan home“) და „თავშესაფარის“ („the guards“) მნიშვნელობითაა გადათარგმნილი²⁷.

თარგმანის ასეთივე ვარიანტს გვთავაზობს ვ. ურუშაძეც — „საობლო სახლი“ („homeless orphan“), „თავშესაფარი“ („guardhouse“)²⁸, ასევეა ს. წულაძის ფრანგულ თარგმანშიც „სალეთო სახლი“, „თავშესაფარი“ („les hospice“) და „სასტუმრო“ („l'auberge“)²⁹.

ივ. ჯავახიშვილი აღნიშნავდა, რომ ქართულში ხანაგა „სპარსეთის

²³ Шота Руставели, Витязь в тигровой шкуре, пер. с груз. К. Д. Бальмонта. М., 1937, с. 157, 229; Шота Руставели, Витязь в тигровой шкуре, пер. с груз. Н. Заболоцкого, М., 1966, с. 143, 226, მითითებულია 795 და 1204. სტროფის თარგმანები.

²⁴ Шота Руставели, Витязь в тигровой шкуре, пер. с груз. Георгия Цагарели, под редакцией Вл. Эльснера, М., 1937, 117, 177.

²⁵ Шота Руставели, Витязь в тигровой шкуре, пер. с груз. Пантелеймона Петренко, при участии и под редакцией К. Чичинадзе, М., 1939, с. 132, 194.

²⁶ Шота Руставели, Витязь в тигровой шкуре, пер. с груз. Шалва Нуцубидзе, М., 1941, с. 148, 207. стр. 804, 1218., Шота Руставели, Витязь в тигровой шкуре, пер. с груз. С. Иорданишвили, Тб., 1966, с. 168, 250, სტრ. 795, 1204.

²⁷ Shota Rustaveli, The knight in the Tiger's Skin, tr. by Marjory Scott Wardrop, Moscow, 1938, p. 144, 211.

²⁸ Shota Rustaveli, The knight in the Panther's Skin, tr. from the Georgian by Venera Urushadze, Tbilisi, 1971, p. 199 171.

²⁹ Shota Rustaveli, Le chevalier à la peau de lièvre, tr. du géorgien avec une introduction et des notes par S. Tsouladze, Tbilisi, 1971, 119, 171.

გავლენის წყალობით არის შემოსული³⁰ მისი განმარტებით, „ხანაგა“ ს ა ს ტ უ მ რ ო ს ა ხ ლ ი ა³¹. მაშინ, როდესაც სპარსეთში ხანაგა ეწოდებოდა „დერევიშების სახლს, ე. ი. დაახლოებით სარწმუნოებრივ დანიშნულების ნაგებობა იყო, ქართულად კი სრულებით სხვა მნიშვნელობა აქვს“³². სხვადასხვა ქალაქებიდან მოსული ხალხი, განმარტავდა ივ. ჭავჭავიძელი, სხვაგან ყიდულობდა საქმელ-სასმელს, მაგრამ ხანაგაში მოჰქონდათ და იქ შეექცეოდნენ³³.

ნ. ბერძენიშვილმაც ხანაგა დაუკავშირა ურბანისტიკულ ტერმინოლოგიას და განმარტა ისეთი საქალაქო დაწესებულებად, „სადაც მოსულნი დადგებიან ხოლმე, სასმელ-საქმელს დრამით ყიდულობენ და ხანაგაში მოიტანენ საქმელად“³⁴.

აღსანიშნავია და საყურადღებო, რომ სპარსულ და არაბულ საისტორიო ძეგლებში ხანაგა ძირითადად ქალაქებთან და საქალაქო ცხოვრებასთან დაკავშირებით იხსენიება.

X ს-ის ანომიმური ავტორის თხზულების „ჰოდუდ ალ-ალემის“ მიხედვით „სამარყანდში მანიქეველთა ხანაგაა, სახელად ნიგოშაკი³⁵. ხანაგები დამოწმებულია ჰერთში³⁶, ნიშაბურში³⁷, ბაღდადში, ქუფაში, ბასრაში³⁸. ამასიაში³⁹ დაზასკოში (იბნ ჯუბეირის მიხედვით 1148 წ. დამასკოში არსებობდა მრავალრიცხოვანი ხანაგა)⁴⁰.

აკად. ვ. ვ. ბარტოლდი ხანაგას განმარტავს როგორც რელიგიისათ-

³⁰ ივ. ჭავჭავიძელი, მასალები ქართველი ერის მატერიალური კულტურის ისტორიისათვის, მშენებლობის ხელოვნება ძველ საქართველოში, I, თბ., 1946, გვ. 28.

³¹ ივ. ჭავჭავიძელი, დასახ. ნაშრ., გვ. 28, ზაზი ავტორისაა.

³² იქვე, გვ. 28.

³³ იქვე, გვ. 27, 63.

³⁴ ნ. ბერძენიშვილი, ვეფხისტყაოსანი როგორც საისტორიო წყარო, საქართველოს ისტორიის საკითხები, VII, თბ., 1974, გვ. 321.

³⁵ Худуд-ал Алем, Рукопись Туманского, с введением и указателем В В. Бартольда, АНСССР. 1930, с. 23 а.

³⁶ Bibliotheca geographorum arabicorum, ed M. J. de Goeje, v. 1, Lugduni Batavorum, 1876, 323.

³⁷ В. А. Жуковский, Жизнь и речи Абу-Саида Мейхенейского (Персидский текст), С—Петербург, 1899, 10, 11, 44, 46.

³⁸ Е. Э. Бертельс, Происхождение суфизма и зарождение суфийской литературы, Изб. тр., Суфизм и суфийская литература, М., 1965, сг. 41.

³⁹ Вл. Гордлевский, Государство сельджукидов Малой Азии, М.—Л., 1941, с. 172.

⁴⁰ ციტირებულია ფ. ჰიტის მიხედვით, იხ. P. K. Hitty, History of the Arabs, London-New-York, 1961, p. 660. ფ. ჰიტისაც khanaqah ნაწარმოებ აქვს სპარს. khanaqah -დან, იქვე, გვ. 660, შენ. 3.

ვის თავდადებულ დერვიშთა საცხოვრებელ სახლს, მონასტერს („Обитель подвижников дервишей“, „обитель религиозных подвижников“)⁴¹.

ე. ე. ბერტელსის მიხედვით, ხანაგა დერვიშთა საერთო საცხოვრებელი („общежитие дервишей“) და დერვიშთა სასტუმროა („странноприимный дом дервишей“)⁴².

ხანაგაში ცხოვრობდნენ როგორც მუდმივად, ისე დროებით, ე. ი. ერთგვარად სასტუმროს ფუნქციებსაც ასრულებდა. XI ს. ცნობილი შეიხის აბუ საიდ მეიპენელის ბიოგრაფიაში ვკითხულობთ, რომ მის ხანაგაში ნიშაბურში, მუდმივად ცხოვრობდა ორმოცი და ოთხმოციც სხვადასხვა კუთხიდან ჩამოსული დერვიში⁴³.

აღმოსავლური წყაროებიდან აშკარაა, რომ ხანაგა რელიგიურ დაწესებულებას წარმოადგენდა. ხანაგაში ცხოვრობდნენ მიურიდები, რომლებსაც ფაკირებსა და დერვიშებს უწოდებდნენ (არაბ. „ფაკირი“ და სპარს. „დერვიში“ ნიშნავს „ღარიბს“, „მათხოვარს“)⁴⁴.

საკულტო რიტუალების გარდა, რომელიც ხანაგაში სრულდებოდა, აქ იმართებოდა რელიგიურა სჯა-ბაასი და კამათიც. ასე, შაგალითად, ჯამის ჰერათის ხანაგაში ყველა ფილოსოფოსს შეეძლო დერვიშული სამოსის ჩაცმა და საღვთო საუბრების ჩატარება⁴⁵. ხანაგებში დერვიშთა შეიხების მიერ თავისებური პოეზიაც კი შეიქმნა, რომელიც ხანაგურის სახელით შევიდა სპარსულ ლიტერატურაში. ამასთან, ე. წ. „ხანაგური პოეზია“ სრულიად განსხვავდებოდა ლაზნეველთა კარის პოეზიისაგან⁴⁶.

ვ. ბარტოლდის აზრით, ადრე ხანაგა და მედრესე ერთიან დაწესებულებას წარმოადგენდა, მხოლოდ მოგვიანებით მოხდა მათი ერთმანეთისაგან გამოყოფა⁴⁷.

⁴¹ В. В. Бартольд, История культурной жизни Туркестана, соч., т. II, ч. I, с. 203, 227.

⁴² Е. Э. Бертельс, Роман об Александре и его главные версии на Востоке, Избр. тр., Навои и Джами, М., 1965, с. 363, прим. 239, История персидско-таджикской литературы, М., 1960, с. 80.

⁴³ В. А. Жуковский, დასახ. ნაშრ., გვ. 48.

⁴⁴ Е. Э. Бертельс, Происхождение суфизма и зарождение суфийской литературы, с. 41.

⁴⁵ Е. Э. Бертельс, Роман об Александре и его главные версии на Востоке, с. 363.

⁴⁶ Е. Э. Бертельс, Айн ал-Кузат Хамадани, Избр. тр., Суфизм и суфийская литература, с. 310.

⁴⁷ მუსლიმანურ სამყაროში, ისევე როგორც ქრისტიანულსა და მანიქველურში, რელიგიური მოძრაობა („უჰედ“) და სწავლა („ღმ“) ერთ მთლიანობას წარმო-

ხანაგები ქველმოქმედებასაც ეწეოდნენ. ნავოს მიერ აშენებულ ხანაგაში საკმელს ურიგებდნენ მათხოვრებს, ხოლო წელიწადში ერთხელ ტანისამოსაც⁴⁸.

ხანაგები, ჩვეულებრივ, რელიგიურ შეწირულებათა ანდა ქველმოქმედთა ხარჯზე არსებობდნენ⁴⁹. ამ უკანასკნელ გარემოებაზე პირდაპირ მიგვანიშნებს ჩვენ მიერ ზემომოტანილი ვეფხისტყაოსნის 804-ე სტროფა: „მიეც ზოგი ხანაგათა, ზოგი ხილთა ასაგებლად“.

ჯერ კიდევ ვ. ბარტოლდი ხანაგაში მცხოვრებ დერვიშებს უკავშირებდა შუა საუკუნეების აღმოსავლეთის ქალაქებისათვის დამახასიათებელ პოლიტიკურ ოპოზიციას, პროტესტსა და ბრძოლას. ხანაგის დერვიშებში იგი რელიგიისათვის თავდადებულთა („подвижничество“ — „зухд“) მოძრაობის მონაწილეებს ხედავდა⁵⁰. ერესების ნიადაგზე აღმოცენებული რელიგიური მოძრაობა კი შუა საუკუნეებში, როგორც ამას ფრ. ენგელსი აღნიშნავდა, ფაქტიურად სოციალურ მოძრაობას წარმოადგენდა. ამასთან დაკავშირებით მითითებულია სპარსეთიც⁵¹. სოციალური მოძრაობანი აღმოსავლეთში, ისევე როგორც დასავლეთში, რელიგიურ სამოსელში იყო გამოხვეული⁵².

ამასვე საკმაოდ გამჭვირვალედ მიგვანიშნებენ აღმოსავლური წყაროებიც. მაგალითად, მანიქეველთა ხანაგების არსებობა, უკვე თავისთავად მეტყველებს მათს ხასიათზე.

როგორც ცნობილია, მანიქეველობა მკაფიოდ გამოხატულ სოციალურ მოძრაობას წარმოადგენდა III ს. სასანურ ირანში და შემდეგაც ეს მოძრაობა თითქმის XIII საუკუნემდე გამოძახილს პოულობდა დასავლეთის და აღმოსავლეთის ქვეყნებში, ამ ქვეყნების დაბალ საზოგადოებრივ ფენებში. კარმატობაც სოციალური რიგის ერთ-ერთი მნიშვნელოვანი მოვლენა იყო⁵³ შუა საუკუნეების მახლობელი აღმოსავლეთის ქალაქების ისტორიაში.

აღვ. ნდა. მხოლოდ მოგვიანებით მოხდა მათი ერთმანეთისაკან გამოყოფა მდგრადედ და ხანაგად В. В. Бартольд, დასახ. ნაშრ., გვ. 227.

⁴⁸ Е. Э. Бертельс, Навои, Избр. труды, Навои и Джамии, с. 107.

⁴⁹ იქვე.

⁵⁰ В. В. Бартольд, დასახ. ნაშრ., გვ. 203, 231, 233.

⁵¹ ფრ. ენგელსი, აღრინდელი ქრისტიანობის ისტორიისათვის, თბ., 1955, გვ. 1, შენ. 1.

⁵² იქვე, გვ. 1.

⁵³ წყაროების მიხედვით, კარმატები, რასაც „მდიდრებს ართმევდნენ, ღარიბებს აძლევდნენ“, დასავლურ ისტორიოგრაფიაში კარმატებს „ისლამის ბოლშევიკებს“ (Bolsheviks of Islam) უწოდებენ P. K. Hittы, History of the Arabs, 444; კარმატთა მოძრაობის შესახებ შუა აზიაში იხ. Б. Н. Заходер, Мухаммед Нухшеби, К истории карматского движения в Средней Азии в Хв. Уч. зап. МГУ, вып. 41, М., 1940.

ასევე კერამიელთა (ერთ-ერთი ოპოზიციურა მიმართულების) ხანაგები განლაგებულა იყო ვრცელ ტერიტორიაზე. აღმოსავლეთის განთქმულ ქალაქებში, იერუსალემიდან დაწყებული. რომელიც ამ მოძრაობის უკიდურესი დასავლეთი რაიონი იყო, ბუხარამდე⁵⁴, ე. ი. მავერანნაჰრის (შუა აზიის) ერთ-ერთ მთავარ ქალაქამდე. აღნიშნული გარემოება მათი მოძრაობის ფართო მასშტაბებზე მეტყველებს და კერამიელთა იდეოლოგიის ფართოდ გავრცელებასაც გვიდასტურებს. მით უფრო საინტერესოა მათი კავშირი ხანაგებთან⁵⁵.

კერამიელთა დაიებს (პროპაგანდისტებს) თუ დავუჭერებთ, მათ მარტო მალრიბში (ჩრ. აფრიკა) შვიდასი ხანაგა ჰქონიათ. მუკადდასის ეს მტკიცება გაზვიადებულად მიაჩნია⁵⁶. მაგრამ ამ ფაქტიდან ცხადად ირკვევა, თუ რა დიდ მნიშვნელობას ანიჭებდნენ კერამიელთა ხანაგების არსებობას.

მუკადდასის ცნობით, კერამიელებს ხანაგები ჰქონდათ აგრეთვე ფერგანში, ხუტალში, ჯუზჯანანში, მერვერუდსა და სამარყანდში⁵⁷.

როგორც ჩანს, ხანაგა, ერთ-ერთი საშუალება იყო რელიგიურ სამოსელში გამოსხეველი სოციალური იდეოლოგიის გავრცელების და დანერგვისა ქალაქის მოსახლეობის ფართო ფენებში.

მახლობელი აღმოსავლეთის ქალაქებიდან ადრე ყველაზე მნიშვნელოვანი იყო ქუფის, ბასრისა და ბაღდადის ხანაგები⁵⁸. XI ს. ხანაგები განსაკუთრებით ძლიერია ქ. ნიშაბურში. ეს არცაა გასაკვირი, ვინაიდან XI საუკუნის ნიშაბური კერამიელთა მოძრაობის ცენტრი გახდა, ხოლო იგივე ქალაქი X—XI სს. სუფიური მოძრაობის ცენტრადაც იქცა. აღებულ ხანებში სუფიების ხანაგები თვალსაჩინოდაა წარმოდგენილი ქ. ნიშაბურში⁵⁹.

XII—XIII სს. მახლობელი აღმოსავლეთის ქალაქებში დერვიშთა ორდენები სულ უფრო და უფრო მნიშვნელოვან ძალას იქნენ, რისთვისაც არ შეიძლებოდა ანგარიში არ გაეწიათ გაბატონებული კლასის წარმომადგენლებს. განსაკუთრებით დიდი იყო დერვიშული ორ-

⁵⁴ В. В. Бартольд, *დასახ. ნაშრ.*, გვ. 233.

⁵⁵ ხანაგას მნიშვნელობით იხმარებოდა აგრეთვე თაქიე, ზავიე, რიბათი (takia, zawiya, ribat). რელიგიურ დერვიშულ დაწესებულებებს ფ. ჰიტი ანიჭებს სოციალური ცენტრის დანიშნულებას («with at the same time serve as social centres»), *დასახ. ნაშრ.* გვ. 436.

⁵⁶ მუკადდასი, *დასახ. ნაშრ.*, გვ. 438.

⁵⁷ იქვე, გვ. 323.

⁵⁸ E. Э. Бертельс, *Происхождение суфизма и суфийской литературы*, с. 41.

| ⁵⁹ ქალაქ ნიშაბურში ერთმანეთს უპირისპირდებოდნენ სუფიები და კერამიელები.

დენების შეიხების გავლენა ქალაქის დაბალ საზოგადოებრივ ფენებზე. მაგალითად, როდესაც 1006 წ. თურქებმა აღეს ქ. ნიშაბური, მათ თან წაიყვანეს დერვიშთა შეიხი, ვინაიდან ემინოლათ იმ დიდი გავლენის, რომელიც მას „ქალაქის ხალხში“ ჰქონდა მოპოვებული⁶⁰.

„ქალაქის ხალხში“ კი ნაგულისხმევი იყვნენ უპირატესად წვრილი ვაჭრები და ხელოსნები, ქალაქის ღარიბ-ღატაკები.

დერვიშული ორდენები მჭიდროდ იყვნენ დაკავშირებული სავაჭრო და ხელოსნურ წრებთან, ხოლო ზოგიერთი მათგანი ხელოსნობის ამა თუ იმ დარგსაც მისდევდა⁶¹.

აშკარად ჩანს აგრეთვე ხანაგების ურთიერთობა ქალაქის დაბალ საზოგადოებრივ ფენებთან, ე. წ. „ქალაქის ხალხთან“.

ამასთან დაკავშირებით, ყურადღება მიიქცევა იმ გარემოებას, რომ წერილობით წყაროებში ერთ კონტექსტში არიან დასახელებული ხანაგაში მცხოვრები „მიურიდები“ და „აიარუნები“ («جماعت و مریدان») («صوفیان و عیاران») ⁶², აგრეთვე სუფიები და აიარუნები.

„აიარუნები“, როგორც ცნობილია, ქალაქის დაბალი საზოგადოებრივი ფენებიდან იყვნენ გამოსულები („იარი“ ოღიოზური სიტყვაა და ნიშნავს „შიშველ-ტიტველს“, „გაღლეთილს“), „ისინი განსაკუთრებული აქტიურობით გამოირჩეოდნენ და ხშირად აწყობდნენ კიდევ აჯანყებებს მახლობელ და შუა აღმოსავლეთის ქალაქებში“⁶³.

„აიარუნები“, თავის მხრივ, დაკავშირებული იყვნენ „ფითიან-ჯევანმარდებთან“, რომლებიც „აირუნებთან“ ერთად ხელოსნებისა და წვრილ ვაჭართა ფენას განეკუთვნებოდნენ. მაგრამ ხანაგებთან დაკავშირებული იყვნენ დიდვაჭრებიც.

დიდვაჭრები არა მარტო მფარველობდნენ ხანაგებს, არამედ თვითონაც აშენებდნენ მათ. ჩალატაის მუსლიმანი ვეზირი ხაბაშ ამიდი,

⁶⁰ В. В. Бартольд, დასახ. ნაშრ., გვ. 234. ამ თვალსაზრისით საინტერესოა კერამიელთა მიერ სუფიების შეიხის აბუ საიდ მეიჰენელის საწინააღმდეგოდ შედგენილი წერილი, რომელიც სულთნის კარზე გაიგზავნა. ამ წერილში ლაპარაკია იმ სახიფათო გავლენაზე, რომელიც აბუ საიდმა მოიპოვა ნიშაბურის მოსახლეობაში: „ხალხმა მაშინვე იბრუნა პირი მისკენ და სწორ გზას აცდა. დაბალი ხალხის დიდ ნაწილში არეულობამ იჩინა თავი, თუ არ იქნება ზომები მიღებული, ეს არეულობა საერთო ამბოხებაში გადაიზრდება“-ო. В. А. Жуковскии, დასახ. ნაშრ., გვ. 235.

⁶¹ Е. Э. Бертельс, დასახ. ნაშრ., გვ. 41.

⁶² В. А. Жуковскии, დასახ. ნაშრ., გვ. 73, 77.

⁶³ ვ. გაბაშვილი, ქალაქ თბილისის სოციალური ისტორიიდან (ყამთა-აღმწერლის ერთი ცნობის განმარტება), კრ. ნარკვევები მახლობელი აღმოსავლეთის ქალაქების ისტორიიდან, თბ., 1966, გვ. 123.

რომელიც ერთდროულად მდიდარი ვაჭარიც იყო და აქტიურად მონაწილეობდა საგარეო ვაჭრობაში, სიკვდილის შემდეგ დამარხულ იქნა მის მიერვე აგებულ ხანაგაში⁶⁴...

შეიხების შესახებ არსებული ბიოგრაფიული ცნობებიდან, კერძოდ, აბუ საიდ მეიქენელის ცხოვრებიდან, კიდევ შეიძლება არა ერთი მსგავსი მაგალითის მოტანა.

ხანაგებს აშენებდნენ ან მფარველობდნენ თვით სულთნებიც, ამირებიც და, საზოგადოდ, მუსლიმანური ქვეყნების ფეოდალებიც.

ასე, მაგალითად, მასუდ I (1150 წ.) ამასიაში ააგო ხანაგა⁶⁵.

ხანაგებს აშენებდნენ დიდი და გავლენიანი ხელისუფლებიც. მაგ., ალა ად-დინ ჯუეეინი⁶⁶, რაშიდ ელ-დინი და სხვ⁶⁷.

ამრიგად, ირკვევა: ხანაგები ერთმანეთისაგან განსხვავდებოდნენ სოციალური ნიშნებით, არსებობდნენ მდიდართა (სულთანთა, ამირათა, დიდვაჭართა...) და ქალაქის დაბალი საზოგადოებრივი ფენების (მანიქეველთა, კერამიელთა, რადიკალური მიმართულების სუფიებრს..); ხანაგები. ამავე დროს, ხანაგები სოციალური მოძრაობების ერთგვარ ცენტრსაც წარმოადგენდნენ მახლობელი და შუა აღმოსავლეთის ქალაქებში. ამ შემთხვევაში, რა თქმა უნდა, ლაპარაკი შეიძლება იყოს მხოლოდ ქალაქის დემოკრატიული ნაწილის ხანაგებზე.

რომელი ხანაგა აქვს შოთა რუსთაველს მხედველობაში ვეფხისტყაოსანში?

უწინარეს ყოვლისა, უნდა აღინიშნოს, რომ ვეფხისტყაოსანშიც ხანაგა ქალაქთანაა დაკავშირებული. ხანაგა არსებობდა გულანშაროშიც⁶⁸. ფატმანი, როცა აეთანდრის ქალაქში მომხდარ ამბებს მოუთბრობს, ასახელებს ხანაგის კარს (სტრ. 1204).

⁶⁴ В. В. Бартольд, *დასახ. ნაშრ.*, გვ. 148.

⁶⁵ Вл. Гордлевский, *Государство сельджукидов Малой Азии*, გვ. 172. სამარყანდში თემურ ლენგი ხშირად დადიოდა სარაი მულქე ხანუმის მედრესესა და თუმან აღას ხანაგაში, სადაც ის სახელმწიფო და სასამართლო საქმეებს წყვეტდა. თუმან აღა თემურის ცოლი და ამირა მუსას შვილი იყო. В. В. Бартольд, *Мечеть Бунд-Ханым*, *Соч.*, VIII, გვ. 116—117. შაჰროზ I (1405—1447) ქ. ქერათშო აშენა მედრესე და ხანაგა. ამ ნაგებობათა ინტერიერი გამოირჩეოდა სიმდიდრითა და დახვეწილი გემოვნებით. შაჰროზის ცოლის, გოუპარ შად ხათუნის მიერ აშენებულ ხანაგა თემურიანთა დროინდელი არქიტექტურის ერთ-ერთი შესანიშნავი ნიმუში იყო. В. Э. Бертельс, *Навои*, გვ. 18, 19. ხანაგებს აშენებდნენ თით X VII ს. მაგ., „ტიბეტის ერთ-ერთმა მეფემ“ აშენა ბუერი მეჩეთი და ხანაგა В. В. Бартольд, *Соч.*, VIII, с. 172.

⁶⁶ В. В. Бартольд, *Соч.*, VIII, გვ. 592.

⁶⁷ იქვე, გვ. 308—309.

⁶⁸ ხანაგას ივ. ჯავახიშვილი უკავშირებდა ვეფხისტყაოსნის შემდეგ ადგილებს: წაუღევ წინა დარაჯათა, კარი მიჩნდა ხანაგისა... მოვიდა სიძმე ღარიბი, მონა მოყ-

შეიძლებოდა გვეფიქრა, რომ ხანაგას ვეფხისტყაოსანშიც სოციალური ელფერი გადაჰკრავს. ამას თითქოს გვიდასტურებს 795-ე სტროფის ერთი ადგილი: „მ ი ე ც ზ ო გ ი ხ ა ნ ა გ ა თ ა, ზ ო გ ი ხ ი ღ თ ა ა ს ა გ ე ბ ლ ა დ“.

მაგრამ, ამავე დროს, საფიქრებელია ისიც, რომ აქ ლაპარაკი იყოს საერთოდ „სასტუმროების, გზების და ხიდების ასაგებად საჭირო თანხების გამოღებაზე. თუმცა, ამასთან ერთად, აშკარაა ქველმოქმედების მომენტიც. დახმარებისა და შველის წადილი.

ყოველ შემთხვევაში ვეფხისტყაოსანში დამოწმებული ხანაგას ნამდვილი მნიშვნელობის დასადგენად აუცილებლად საჭიროა ყველა იმ მასალის გათვალისწინება, რომელიც ზემოთ აღმოსავლური წყაროებიდან მოვიხმეთ. მით უმეტეს, რომ რუსთაველი ხანაგას ასახელებს მუსლიმანურ ქალაქ გულანშაროში და, ალბათ, მას აღმოსავლურ ნიუანსს უნარჩუნებდა.

ივ. ჭავჭავიძე ილი ხანაგას განმარტებისას კატეგორიულად ამბობდა: „სპარსულად, როგორც აღვნიშნე, ის სულ სხვას ნიშნავს, დერევიშების თავშესაფარს ეწოდებოდა. ქართულად — კი არავითარი კავშირი დერევიშებთან ამ ხანაგას არა აქვს, ის მგზავრების ჩამოსახლოვნი ჩვეულებრივი სასტუმროა“⁶⁹. მაგრამ, მისი სიტყვით, „ხანაგა სასტუმროსაგან იმით განსხვავდება, რომ ის ურესტორანია“⁷⁰. ე. ი. ქალაქში მოსული მგზავრები სხვაგან ყიდულობდნენ სასმელ-საქმელს და ხანაგაში შეექცეოდნენ⁷¹.

მაგრამ ვეფხისტყაოსანში დამოწმებული ხანაგის ნამდვილი მნიშვნელობა მაინც გამოსარკვევი რჩება.

უნებლიეთ ისმება კითხვა: რატომ უნდა მიეღო ქართულ სინამდვილეში დერევიშთა თავშესაფარს, ე. ი. ხანაგას, სასტუმროს მნიშვნე-

ესითა სამითა, მონა, მონურად მოსილი, სხვანი მგზავრულად ხამითა. სასმელ-საქმელი მოილეს; ქალაქს ნასყიდი დრაპითა, სმიდეს, სქამდეს და უზნობდეს, სხდეს მხიარულნი ამითა - (აბულ. 1146,2—1147; კაკ. 1169—1170; საიუბ გამ. 1216—1217). აღმოსავლურ ხანაგებშიც უფრო დროებით ცხოვრობდნენ, ვიდრე მუდმივად. В. В. Бахтурин, Соч., 11, ч. I, с. 236.

⁶⁹ ივ. ჭავჭავიძე ილი, მასალები ქართველი ერის მატერიალური კულტურის ისტორიისათვის, გვ. 62.

⁷⁰ ივ. ჭავჭავიძე ილი. დასახ. ნაშრ., გვ. 63.

⁷¹ იქვე. სპარსულად ძველი დროიდანვე არსებობდა სასტუმროს, ქარვასლის აღმნიშვნელი სხვადასხვა ტერმინი: „ხ ა ნ“ „თ ი მ“ და სხვ. მაგრამ საჭიროა აღინიშნოს, რომ სუფიური იდეების ალგორითულ გამოთქმებში გარკვეული ცნების შემცველი სიტყვები „ღვინო“ და „ღათრობა“ გამოხატავდნენ „მისტიკურ ექსტაზს“, „აშფაზხანეს“. «харчевня, место радения дервишей», История Ирана с древнейших времен до конца XVIII века, Л., 1958, с. 160.

ლობა? ასეთი დანიშნულების ნაგებობად XI—XII სს. საქართველოში იყო ფუნდუკი და ქარავანსარაი. ივ. ჭავჭავიძის განმარტებით „ხანაგა განსხვავდება ქარავანსარაისაგანაც და ფუნდუკისაგანაც იმ მხრივ, რომ ის სასტუმროს წარმოადგენდა მგზავრებისათვის“⁷².

თუ ეს ასეა, მაშინ, რა თქმა უნდა, ყოველგვარი აზრი ეკარგება ხანაგას „საობლო სახლის“ და „საღვთო სახლის“ მნიშვნელობის განმარტებას ვეფხისტყაოსნის ბევრ თარგმანში.

მაგრამ არ შეიძლება ანგარიში არ გავუწიოთ იმასაც, რომ სულხან-საბა ორბელიანი ხანაგას „ობლების საკრებულო სახლებს“ უწოდებს. რომელი ტექსტის რა ადგილი აქვს მხედველობაში ქართველ ლექსიკოგრაფს, არ ჩანს.

შეიძლებოდა გვეფიქრა, რომ ქართულ სინამდვილეში ხანაგას ობოლთა და გაკირვებულთა თავშესაფრის მნიშვნელობაც ენიჭებოდა. მაგრამ ამის დამადასტურებელი საბუთები არ მოიპოვება. ამიტომ უპირატესობა ისევ ივ. ჭავჭავიძის განმარტებას უნდა მივანიჭოთ.

შეიძლება გამოვთქვათ მხოლოდ ზოგიერთი ვარაუდი.

ამ მხრივ ყურადღებას იქცევს პეტრე ქართველის სარიულ ტექსტში დასახელებული ტერმინი „გ ლ ა ხ ა კ თ ა თ ა ვ შ ე ს ა თ ა რ ი“ და სვიმონ მესვეტის ცხოვრებაში ნახმარი „ს ა გ ლ ა ხ ა კ ო მ ქ ა ლ ა ქ ი ს ა მ“⁷³.

XI—XII სს. საქართველოს ქალაქებში გლახაკნი დიდი რაოდენობით არსებობდნენ⁷⁴. მათ სასარგებლოდ დაწესებული იყო საგანგებო გადასახადი: „გლახაკთა ნაათალი“; უნდა ეარსება გლახაკთა თავშესაფარსაც.

ხომ არ იყო სპარს. „ხანაგას“ ქართული შესატყვისი „გლახაკთა თავშესაფარი“ ან „საგლახაკთა ქალაქისა“?

საკითხის ამგვარად დასმის შესაძლებლობას იძლევა ის ცნობები და დაკვირვებები, რომლებიც ხანაგასთან დაკავშირებით წყაროებსა და ორიენტალისტიკურ გამოკვლევებში შეგვხვდა.

⁷² საქირთა აღინიშნოს, რომ აღმოსავლეთის ქვეყნებში ხანაგა იყო არა მარტო დერეფნთა, არამედ ქალაქის ღარიბ-ღატაკთა (აიარუნები და სხვ.) თავშესაფარიც.

⁷³ ივ. ჭავჭავიძე ილი, დასახ. ნაშრ., გვ. 63.

⁷⁴ რ. მეთრეველი, შინაკლასობრივი ბრძოლა ფეოდალურ საქართველოში თბ., 1973, გვ. 245. მისივე, დეკლასირებული ელემენტები შუა საუკუნეების საქართველოში (V—XII სს.), თბ., 1976.

§ 3. არიფი

ვეფხისტყაოსანში დამოწმებული ურბანისტიკული ტერმინოლოგიიდან ყურადღებას იქცევს აგრეთვე სიტყვა „არიფი“, რომელიც პოემაში ორჯერ გვხვდება—1153-ე და 1542-ე სტროფებში „არიფისა“ და „არიფობის“ ფორმით:

უსენ მივიდა, ხელმწიფე დახვდა ნადიად მკდომელი,
უსენ არიფი მეფისა. მეფეცა მისი მნდომელი,
წინა მიისეა, შეიძენა; ძღვენი მიართვა რომელი.
აწ ნახო მთერალი ვაჟარი, ცქაფი, უწრფელი, მსწრომელი (1153).

და კიდევ:

არაბთა მეფე მასპინძლობს, იქმს ოდენ არიფობასა,
ზოგჯერ მათ ახლავს, ზოგჯერ მათ, არ იხმობს ხელწიფობასა,
გასცემს და უქებს ყველაი უხვობა-იეფობასა,
ფრიდინ ზის ახლოს ავთანდილს, ჩვეული თვით მეფობასა (1542)⁷⁵.

„ვეფხისტყაოსანის გამომცემლებისა და სხვადასხვა დროის კომენტატორების მიერ „არიფი“ შეძლებისდაგვარად განმარტებულია და ზოგიერთ შემთხვევაში აღნიშნულია მისი აღმოსავლური წარმომავლობაც. მაგ., პოემის ვახტანგისეული გამოცემის კომენტარებში ეს სიტყვა ახსნილი არაა, მაგრამ ნათქვამია რომ „არიფი თათრული არის“⁷⁶. „თათრული“, ცხადია, ამ შემთხვევაში აღმოსავლურის მნიშვნელობით იხმარება. სულხან-საბა ორბელიანი „არიფში“ ხედავს საყვარელ ფავორიტს („არიფი საყვარელი ფავორიტი“).⁷⁷ მას განმარტებული აქვს აგრეთვე არიფიდან ნაწარმოები „არიფინა“, რომელიც მისი სიტყვებით უნდა ნიშნავდეს „მოყვასთაგან საჭმელთა შემოკრებას“⁷⁸.

არიფს არაბულ სიტყვად მიიჩნევს თეიმურაზ ბაგრატიონი და საკმაოდ ვრცლად გადმოგვცემს მის შინაარსობრივ მნიშვნელობას: „არიფი ერთი მეორის აზრზედ მდგომი, ესე იგი, მე ვისიმე ვარ მას აზრზე თანახმა, ანუ ამხანაგი, რომელსაც აზრზედ იგი დგას (ანუ რომელსაც აზრსა თუ საქმეს იგი იპყრობს, უყვარს და აღასრულებს). არიფ-ესე იგი, ნერიფ არაბული სიტყვა არის, ნიშნავს მეგობრობაში, განა ჭკევაში

⁷⁵ შოთარ უსთაველი, ვეფხისტყაოსანი, საიუბილეო გამოცემა, თბ., 1966.

⁷⁶ შოთარ უსთველი, ვეფხისტყაოსანი, ტფ. 1712.

⁷⁷ სულხან-საბა ორბელიანი, ლექსიკონი ქართული, I, თბ., 1966

თანასწორებას და თანხმობას ნიშნავს გინა ურთიერთის სიყვარულში თანასწორებასა⁷⁹.

დ. კარიჭაშვილის მიერ შედგენილ ლექსიკონში, რომელიც თანახლავს მის მიერ გამოცემულ ვეფხისტყაოსანს, არიფი განმარტებულია როგორც „დაახლოებული ამხანაგი, ტოლი, სუფრის მოზიარე, აქედან სწარმოებს არიფანა, საამხანაგო პურისქამა“⁸⁰.

ი. აბულაძეს პოემის 1914 წ. გამოცემაში არიფი (არაბ.-სპ. პარიფ) ახსნილი აქვს შემდეგნაირად. „მეგობარი, თანამზრახველი, მონაწილე, წევრი — დაახლოებული პირი“⁸¹. ასეთსავე განმარტებას იძლევა ის 1925 და 1937 წლის გამოცემებშიც — „არიფი — არაბ. დაახლოებული პირი, ტოლი, სუფრის მოზიარე“⁸².

არიფის მსგავს განმარტებას იძლევა ს. კაკაბაძე: (არაბ.-სპ. حریف) ამხანაგი მონაწილე⁸³.

აკაკი შანიძის აზრითაც არიფის ქვეშ უნდა იგულისხმებოდეს „ამხანაგი, პარტნერი, სუფრის მოზიარე“⁸⁴.

ვუკოლ ბერიძე ვეფხისტყაოსნის კომენტარებში არიფს ცოლად და ამხანაგად მიიჩნევს⁸⁵.

ნ. ნათაძე, ვეფხისტყაოსნის სასკოლო გამოცემის ლექსიკონში არიფს დაახლოებულ პირს, ჩვეულ თანამეინახეს და სუფრის თანამოზიარეს უწოდებს⁸⁶, არიფობას კი (რომელიც არიფიდან მომდინარეობს) — სუფრის მოზიარეობას. ნადიმის წევრობას⁸⁷.

ზემომოტანილი მაგალითებიდან საეხსებთ აშკარაა, რომ ვეფხისტყაოსნის გამომცემლები და კომენტატორები არიფში დაახლოებით

⁷⁹ თ ე ი მ უ რ ა ზ ბ ა გ რ ა ტ ი ო ნ ი, განმარტება პოემა ვეფხისტყაოსანისა, გაიოს იმედაშვილის რედაქციით. გამოკვლევითა და საძიებლით, თბ., 1960, გვ. 225

⁸⁰ შ ო თ ა რ უ ს თ ა ე ე ლ ი, ვეფხისტყაოსანი, დ. კარიჭაშვილის წინასიტყვაობა, შენიშვნებითა და ვრცელი ლექსიკონით, ტფ. 1903, გვ. 295.

⁸¹ შ. რ უ ს თ ა ე ე ლ ი, ვეფხისტყაოსანი, ი. აბულაძის რედაქტორობით, თბ., 1914, გვ. 186.

⁸² შ. რ უ ს თ ა ე ე ლ ი, ვეფხისტყაოსანი, 26-ე გამოცემა. იუსტიინე აბულაძის რედაქტორობით, ტფ. 1926, გვ. 242; შოთა რუსთაველი, ვეფხისტყაოსანი, თბ., 1937, გვ. 344.

⁸³ შ ო თ ა რ უ ს თ ა ე ე ლ ი, „ვეფხისტყაოსანი“, სარგის კაკაბაძის რედაქტორობით, გამოცემა მეორე, გამოკვლევა, ტექსტი, ლექსიკონი, თბ., 1926, გვ. 192.

⁸⁴ შ ო თ ა რ უ ს თ ა ე ე ლ ი, ვეფხისტყაოსანი (ა. შანიძის ლექსიკონი), თბ., 1957 გვ. 349.

⁸⁵ ე უ კ ო ლ ბ ე რ ი ძ ე, ვეფხისტყაოსნის კომენტარი, თბ., 1974, გვ. 311.

⁸⁶ შ ო თ ა რ უ ს თ ა ე ე ლ ი, ვეფხისტყაოსნის სასკოლო გამოცემა, ტექსტი გამოსაყვამად მოამზადა, შესავალი, განმარტებანი და კომენტარი დაურთო ნ. ნათაძემ, თბ., 1974, გვ. 380.

⁸⁷ იქვე.

ერთსა და იმავე შინაარსობრივ მნიშვნელობას ხედავენ—ამხანაგი, დაახლოებული პირი, თანამოაზრე, თანამეინახე და ტოლი. ამასთან, ზოგიერთი მათგანი საესეებით სამართლიანად აღნიშნავს მის აღმოსავლურ წარმოშობასაც (ვანტანგ VI, თეიმურაზ ბაგრატიონი, ი. აბულაძე, ს. კაკაბაძე).

როგორ ესმით და თარგმნიან არიფს ვეფხისტყაოსნის მრავალრიცხოვანი მთარგმნელები?

კ. ბალმონტს არიფი მეგობრისა და თანამესუფრის გაგებით გადმოაქვს („За столом царя застал он. дружен с ним и пировал он“)⁸⁸, არიფობას კი პურმარილიანად და ენაწყულიანად თარგმნის („хлебосолен, краснобаен“)⁸⁹.

ბ. ზაბოლოცკის მიხედვით არიფი მეგობარია („друг — приятель“) არიფობა ტოლი, ტოლფერი („ровния“)⁹⁰.

გ. ცაგარელის თარგმანით, არიფი მეგობარია („друг“)⁹¹ ვეფხისტყაოსნის სხვა ტაეპში კი არიფობა გაგებულია როგორც პატივისცემა („почёт“)⁹².

ს. იორდანიშვილის პწკარელში არიფი ნიშნავს მეგობარს („приятель“), არიფობა—ტოლს („ровния“)⁹³.

შ. ნუცუბიძე ერთადერთია, ვინც უთარგმნელად ტოვებს არიფს („Царь давно ариф Усену“...)⁹⁴, არიფობას კი იგი თარგმნის მეგობრის („друг“) მნიშვნელობით⁹⁵.

მ. უორდროპს „არიფი“ თარგმნილი აქვს კარგ კომპანიონად („User is the king's boon companion“)⁹⁶, არიფობას კი — სტუმარიანობად („The king of the Arabs plays the host, he does nothing but entertain“)⁹⁷.

ვ. ურუშაძეს ერთგან გამოტოვებული აქვს სიტყვა არიფი („When he

⁸⁸ К. Бальмонт, Витязь в тигровой шкуре, перевод с груз. К. Д. Бальмонта, М., 1937, 221.

⁸⁹ იქვე, გვ. 287.

⁹⁰ Шота Руставели, Витязь в тигровой шкуре, перевод с груз. Н. Заболоцкого, М., 1966, с. 218.

⁹¹ Шота Руставели, Витязь в тигровой шкуре перевод с груз. Георгия Цагарели, под редакцией Вл. Эльснера, М., 1937, с. 171.

⁹² იქვე, გვ. 226.

⁹³ Шота Руставели, Витязь в тигровой шкуре, Подстрочный перевод с груз. С. Иорданишвили, Тб., 1966, с. 1553, 1542.

⁹⁴ Шота Руставели, Витязь в тигровой шкуре, перевод с груз. Ш. Нуцубидзе, М., 1937, с. 174.

⁹⁵ იქვე, გვ. 228.

⁹⁶ S h o t ' h a R u s t ' h v e l i, The knight in the Tiger's Skin, tr. by Marjory Scotte Wardrope, Moscow, 1938, p. 211.

⁹⁷ იქვე, გვ. 281.

arrived at court, the monarch was sitting and feasting, But on beholding Usenhe bid him sit down beside him“)⁹⁸, სხვაგან კი არიფობას უკავშირებს „სტუმრების ღიღებულად მიღებას“ („entertaining with splendour“)⁹⁹.

ვეფხისტყაოსნის გერმანულ თარგმანში ჰუგო ჰუპერტს არიფი მეგობრის მნიშვნელობითა აქვს გადათარგმნილი („freund“)¹⁰⁰, არიფობა კი — სტუმართმოყვარეობად („Der Araber könig, gastlich, mit der Welt“)¹⁰¹.

ვეფხისტყაოსნის ს. წულაძისეულ ფრანგულ თარგმანში ერთგან არიფი მეგობრის მნიშვნელობითაა გადატანილი („l'ami“)¹⁰². სხვაგან კია („არიფობა“) შესანიშნავ მასპინძლად („un parfait hôte“) გადათარგმნილი¹⁰³.

ასევეა ელისაბედ ორბელიანის მიერ შესრულებულ ფრანგულ თარგმანში: („Usen etait l' amie du roi“)¹⁰⁴ „არიფთან“ დაკავშირებით, „არიფობა“ კი ამგვარადაა გადათარგმნილი: „Rostevan alors les feta“¹⁰⁵.

ესპანურ თარგმანში „არიფი“ ნიშნავს მეფის ნადიმის, დღესასწაულის თანამონაწილეს, თანამეინახეს („compañero de fiestas del Ray“)¹⁰⁶. „არიფობა“ კი—საზვიამო მიღება-სტუმრირანობას („El Ray de los Arabes actuode enfiltrión: unada hizo sino atenderles“)¹⁰⁷.

იტალიურად არიფი თარგმნილია „კარგი კომპანიონის“ მნიშვნელობით („buon compagno“)¹⁰⁸, „არიფობა“ კი „ღიდესულოვან მასპინძლობად“ („generosamente ospital“) არის მიჩნეული¹⁰⁹.

არიფი საკმაოდ ხშირად გვხვდება აღმოსავლურ (არაბულ, სპარსულ) წყაროებსა და ორიენტალისტიკურ გამოკვლევებში.

⁹⁸ Shota Rustaveli, The Knight in the Panther's Skin, tr. from the Georgian by Venera Urushadze, Tb., 1971, p. 165.

⁹⁹ იქვე, გვ. 216.

¹⁰⁰ Shota Rustaveli, Der Recke im tigerfell, Deutsche Wachbi- chlung von Hugo Huppert, Berlin, 1955 s. 213.

¹⁰¹ იქვე, გვ. 271.

¹⁰² Shota Roustaveli, Le chevalier à la peau de tigre, tr. du gé- orgien avec une introduction des notes par S. Tsouladze, Tb., 1971, p. 198.

¹⁰³ იქვე, გვ. 250.

¹⁰⁴ Shota Roustaveli, Le preau à la peau de tigre, texte francais d'Elisabeth Orbeliani et de Solomon Iordanichvili, Tb., 1977, p. 156.

¹⁰⁵ იქვე, გვ. 210.

¹⁰⁶ Shota Rustaveli, El caballero de la piel de tigre, Santiago de Chile, tr. de Gustavo Alfredo de la Torre, Botezzo, 1967, s. 200.

¹⁰⁷ Shota Rustaveli, El caballero de la piel de tigre, tr. de Gus- tavo Alfredo de la Torre Botezzo, s. 54.

¹⁰⁸ La pelle di Leopardo di Sciotha Rustaveli, tr. di Scialva Beridzè, Milano, 1945, გვ. 260.

¹⁰⁹ იქვე, გვ. 310.

„არიფის“ სხვადასხვა მნიშვნელობა, ამ ტერმინის შინაარსობრივი ევოლუციის გათვალისწინებით, ვრცლად არის აღნიშნულ-დახასიათებული „ისლამის ენციკლოპედიაში“.

„არიფი“ (عارف) არაბული სიტყვაა და ნიშნავს „მცოდნეს“, იმას, ვინც რამე იცის“, ასეა ეს ტერმინი განმარტებული „ისლამის ენციკლოპედიის მეორე გამოცემაში“¹¹⁰.

„არიფი“, როგორც ეს სათანადო წყაროებიდან ჩანს, გამოიყენებოდა სამხედრო და სამოქალაქო თანამდებობათა აღსანიშნავად. პირველი ოთხი ხალიფასა (632-661) და ომაელთა დროს (661—750). არიფები ჰკრებდნენ გადასახადებს და გადასცემდნენ მას მუსადიკს, რომელიც ხალიფას ზეერ ინიშნებოდა¹¹¹. ომარ I (634—644) დროიდან მოყოლებული არიფის თანამდებობა ხშირად უკავშირდებოდა არაბთა სახელმწიფოს სამხედრო ორგანიზაციას და ამსარებს (სამხედრო ბანაკებს, რომელთა საფუძველზედაც წარმოიქმნა ახალი ქალაქები—ბასრა, ქუფა, შირაზი, ფუსტატი და სხვ.), საიფ ბ. ომარის სიტყვით, კადისიის ბრძოლის შემდეგ ქუფას ლაშქარი დანაწილდა მრავალრიცხოვან შენაერთებად („ირაფა“) და თითოეულ მათგანს ჰყავდა საკუთარი „არიფი“. ეს არიფები პასუხისმგებელი იყვნენ, იმ პენსიებისათვის („ატა“), რომელიც მეომართა შორის ნაწილდებოდა¹¹². არიფის სამხედრო თანამდებობასთან კავშირი გრძელდებოდა მთელი შუა საუკუნეების განმავლობაში¹¹³.

¹¹⁰ The Enciclopedia of Islam, V. 1, Leiden-London, 1960. გვ. 629. წერილის ავტორები არიან სალიჰა ალ-ალალი და კლოდ კენი, წერილი დაფუძნებულია უპირატესად არაბულ წყაროებზე და უმთავრესად მუსლიმანური სამყაროს დასავლეთი ნაწილის ვითარებაა გათვალისწინებული. უნდა აღინიშნოს, რომ გრაფიკულად ერთმანეთისაგან განსხვავდება عارف, حريف და عريف ვეფხისტყაოსნის კომენტატორებს მხედველობაში აქვთ მხოლოდ حريف-ის (ამხანაგი, მეგობარი) მნიშვნელობა, თუმცა სპარსულში حريف ნიშნავს აგრეთვე ამხანაგს ხელობაში. მაგრამ პოემაში უნდა იგულისხმებოდეს عريف-იც, რაც გარკვეული გაერთიანების მეთაურს აღნიშნავს, კონკრეტულად კი—ვაჰარათა და ხელოსანთა გაერთიანების მეთაურს. ვეფხისტყაოსნის ტერმინ „არიფის“ დადგენისათვის ერთნაირადაა მხედველობაში მისაღები როგორც عارف-ის, ისე حريف და عريف-ის შინაარსობრივი მნიშვნელობა.

¹¹¹ EI², გვ. 629.

¹¹² EI, გვ. 629.

¹¹³ იქვე, რა თქმა უნდა, ამ შემთხვევაში ცვალებადობას განიცდიდა არიფის სამხედრო ფუნქცია. პარუნ არ-რაშიდის დროს არიფი მეთაურობდა ათიდან ორმოცდაათ

მაგრამ, ამავე დროს არსებობდა არა მარტო სამხედრო, არამედ სამოქალაქო არიფთა თანამდებობაც.

სამოქალაქო ხელისუფლებასთან დაკავშირებული არიფები ასრულებდნენ სხვადასხვა მოვალეობას. მაგალითად, ჰიჯრის პირველი ორი საუკუნის განმავლობაში არიფები პასუხისმგებელი იყვნენ იმისათვის, თუ როგორ სრულდებოდა ობოლ და უკანონო ბავშვების ინტერესთა უზრუნველყოფა¹¹⁴.

სათანადო არაბული წყაროებიდან ირკვევა აგრეთვე, რომ არიფები ნაბლობელ და შუა აღმოსავლეთის ქალაქებში დაკავშირებული იყვნენ სრულიად გარკვეულ სოლიდარულ ურთიერთდამოკიდებულებასთან და სოციალურ ორგანიზაციასთან.

უღრესად საინტერესოა, რომ საკუთარი არიფი ჰყავდა სოციალურ მოძრაობათა ყველაზე აქტიურ მონაწილეებს — აიარუნებს, წყაროებიდან ირკვევა, რომ ჩნდებოდა აიარუნების ურათა, როდესაც მათ სურდათ სამხედრო შენაერთის ორგანიზება (ალ-ტაბარი, III, 179, აღმასული, მურაჯ VI, 452)¹¹⁵.

საყურადღებოა ისიც, რომ წყაროებში დასახელებულია ზიმიების (არამუსლიმების) არიფიც¹¹⁶. ამ შემთხვევაშიც არიფი სრულიად გარკვეული სოლიდარული ვითარებისა და ურთიერთდამოკიდებულების გამომხატველი ჩანს.

როგორც ვნახეთ, „არიფი“ აღმოსავლეთის ქვეყნებში (და, უწინარეს ყოვლისა, ქალაქებში) ფართოდ იყო გავრცელებული როგორც ადრინდელ, ისე გვიანდელ შუა საუკუნეებში. მისი შინაარსობრივი მნიშვნელობა დროთა განმავლობაში იცვლებოდა, ევოლუციას განიცდიდა, ამავე დროს, დაკავშირებული იყო როგორც სამხედრო, ისე სამოქალაქო ხელისუფლებასთან.

„არიფის“ არც ერთი ეს განმარტება შინაარსობრივად არ უდგება ვეფხისტყაოსნის ჩვენთვის ცნობილ კონტექსტებს.

როგორც ჩანს, „ვეფხისტყაოსნის“ არიფს არაფერი აქვს საერთო ჰიჯრის პირველი ოთხი საუკუნის (VII—X) აღმოსავლური წყაროების არიფთან. ამდენადვე, აღმოსავლური წარმოშობის ამ ტერმინის მნიშვნელობა საძიებელია XI—XII საუკუნეების ფარგლებში.

უწინარეს ყოვლისა, ჩვენს ყურადღებას იქცევს ის გარემოება, რომ არიფი ვეფხისტყაოსანში აშკარად ურბანისტული ტერმინია, ორ-

კაცამდე შემდგარ რაზმს (ალ-ბალაზორი, გვ. 190), აღ-ჰაქიმის დროს კი არიფი ასი ცხენოსანის მეთაურად არის დასახელებული (ახბარ მაჰმუა, გვ. 129—130).

¹¹⁴ EI, გვ. 629

¹¹⁵ იქვე, გვ. 629.

¹¹⁶ იქვე.

განულად დაკავშირებული ქალაქებთან და საქალაქო ცხოვრებასთან. პოემაში პირდაპირ არის ნათქვამი, რომ „უსენი არიფი მეფისა“ არის „ვაჰარი“ („აწ ნახო მთერალი ვაჰარი ცქაფი, უწრფელი, ჰრომელა“).

ვეფხისტყაოსანში კარგადაა ნაჩვენები ვაჰრის სოციალური როლი და ადგილი, ვაჰრის მონაწილეობა საქალაქო ცხოვრებასა და ურთიერთობაში. პოემაში დასახელებული არიან დიდვაჰრები, არსებობდნენ ვაჰართუხუცესებიც, ვაჰართა უხუცესია თვითონ უსენი. უსენის მებაღე აეთანდღის ეუბნება: „მე ვარ მებაღე უსენის ვაჰართა უხუცესისა“ (ამავე დროს უსენი არის „არიფი მეფისა“), ჩვენ ზემოთ, თავის ადგილზე, უკვე დავიმოწმეთ კ. კეკელიძის აზრი, რომლის მიხედვით, ვაჰართა უხუცესი სამეფო კარზე შინაურ კაცად ითვლებოდა. მეფე მას ისწრებს სამეფო კარზე გამართულ ნადიმებზე¹¹⁷, ერთი სიტყვით, უსენი არის არიფიც და ვაჰართუხუცესიც.

ჰქონდა თუ არა არიფს აღმოსავლეთის ქალაქებში ურთიერთობა ვაჰრებთან და ვაჰრობასთან?

შოთა რუსთაველი აღწერდა აღმოსავლეთის ქალაქს. ყველაფრიდან ჩანს, რომ იგი, როგორც უკვე აღვნიშნეთ, ზედმიწევნით იცნობდა აღმოსავლური ქალაქის ყველა თავისებურებას, სოციალურ სტრუქტურას, ეკონომიკურ მდგომარეობას, ადმინისტრაციულ წყობილებას.

ეს ზონაცემები თამამად შეიძლება გავავრცელოთ XI—XII საუკუნეების ქართულ ქალაქებზეც, რადგან, მიუხედავად ბევრი სპეციფიკური თავისებურებებისა, ქართული ქალაქები მჭიდროდ აყვენენ დაკავშირებული აღმოსავლეთის ქალაქებთან. ეს შეპირობებული იყო საქართველოს ქალაქების აღმოსავლეთთან სავაჭრო-ეკონომიკური ურთიერთობით. ამის გამო ზემოთ უკვე გვქონდა საუბარი.

ამ თვალსაზრისით არიფის თანამდებობას XI—XII საუკუნეების საქართველოს ქალაქებშიც უნდა ეარსებნა, ყოველ შემთხვევაში, იმ ქალაქებში მაინც, რომელნიც XII საუკუნის დამდეგამდე თბილისის საანროში იყვნენ წარმოდგენილი (თბილისი, დმანისი, რუსთავი, სამშვილდე...).

ამასთან, XI—XII სს. აღმოსავლური წყაროებიდან ცხადად ირკვევა არიფის თანამდებობრივი მნიშვნელობა, მისი ორგანული კავშირი ქალაქთან და საქალაქო ცხოვრებასთან.

XI—XII საუკუნეების აღმოსავლური წყაროების მიხედვით „არიფი“ ფართოდ გავრცელებული ტერმინი ჩანს როგორც მუსლიმანური საწყაროს აღმოსავლურ, ისე დასავლურ ნაწილებში. მაგრამ ერ-

¹¹⁷ კ. კეკელიძე, საქართველოს პოლიტიკური, ეკონომიური და კულტურული ვითარება რუსთაველის ეპოქაში, გვ. 25.

თი და იგივე თანამდებობა მუსლიმანურ სამყაროს სხვადასხვა ნაწილებში სხვადასხვა არაბული ტერმინით იყო ცნობილი.

აღმოსავლეთში იხმარებოდა არიფი, დასავლეთში კი—ამინი¹¹⁸.

თავისთავად ცხადია, რომ ვეფხისტყაოსანში გვხვდება ის ტერმინი, რომელიც მუსლიმანური სამყაროს აღმოსავლეთი ნაწილისათვის იყო დამახასიათებელი (როგორც ცნობილია, სხვადასხვა აღმოსავლურ ინსტიტუტებს აშკარად ეტყობათ ირანული გავლენა აღმოსავლეთ რეგიონებში, ხოლო დასავლეთ რეგიონებში კი—რომაულ-ბიზანტიური), ამიტომ საფუძველი გვაქვს ვთქვათ, რომ „არიფი“ საქართველოს ქალაქებში ირანული გზით იყო შემოსული და გავრცელებული.

ვის ეწოდება არიფი XII საუკუნის აღმოსავლური წყაროების მიხედვით?

აღსანიშნავია, რომ სწორედ XII ს. აღმოსავლურ წყაროებში (არაბულში, სპარსულში...) „არიფი“ ხშირად იხსენიება. ყველაზე უფრო ხშირად, როგორც ამას მკვლევარები აღნიშნავენ, „არიფი დასახელებულია ვაჭრობა-ხელოსნობასთან დაკავშირებით, „არიფი“ მიჩნეულია ამქრის მეთაურად¹¹⁹. ასევე ამქრის მეთაურად მიჩნეულია ამინიც. არიფსა და ამინს შორის კი, როგორც უკვე ვთქვით, არავითარი განსხვავება არ არსებობდა“¹²⁰.

ამინს, ზოგიერთი მკვლევრის მტკიცებით, ევალეზოდა ამქრის წევრების რეგისტრაცია, მათი დღესასწაულებში მონაწილეობის მოწესრიგება¹²¹ (აქ ზედმეტი არ იქნება გავიხსენოთ XIX საუკუნის საქართველოს ქალაქების ვაჭარ-ხელოსნების „არიფანა“) და სხვ., მაგრამ საამისო ცნობები, რამდენადაც ვიცით, XI—XII სს. აღმოსავლურ წყაროებში არ მოიპოვება.

საინტერესოა აღინიშნოს ისიც, რომ განსაკუთრებით XII საუკუნიდან მოყოლებული „არიფი“ გველინება მუჰთასიბის ხელქვეითად, მის თანაშემწედ¹²². მუჰთასიბობა კი, როგორც წესი, უშუალო ურთი-

¹¹⁸ EI, გვ. 629.

¹¹⁹ «But the most frequent use of the title of arif in the medieval Arabic-speaking Orient is to denote the head of a guild». EI, 629. უნდა აღინიშნოს, რომ ზალაქ ალ-ალის და კლოდ კაენს გვიანდელი შუა საუკუნეების ვითარებაც აქვთ გათვალისწინებული, როდესაც ხელოსნური ამქრები უკვე საეხებით იყვნენ ჩამოყალიბებული.

¹²⁰ არსებობდა ამინ ალ-უმანას („ამინთ ამინის“) თანამდებობაც, (EI², გვ. 629). ეს იმას უნდა გვიდასტურებდეს, რომ არსებობდა არა ერთი, არამედ რამდენიმე არიფის თანამდებობა.

¹²¹ იქვე.

¹²² «But it is mainly from the 6th/12th century onwards that references to

ერთობით იყო დაკავშირებული ვაჭრობასთან და ხელოსნობასთან როგორც ბაზრების და ზომა-წონის მეთვალყურე.

მუქთასიბის თანამდებობა, ძალზედ სპეციფიკური, ისლამის რელიგიასთან დაკავშირებული თანამდებობა იყო. საქართველოში, როგორც ჩანს, ეს თანამდებობა არსებობდა იმ ქალაქებში, სადაც მუსლიმანური მოსახლეობაც იყო წარმოდგენილი (თბილისი, დმანისი...), თბილისში მუქთასიბის თანამდებობის არსებობა დადასტურებულია გიორგი III-ის 1170 წლის სიგელით, იქ სადაც მუქთასიბი არსებობდა, უნდა ყოფილიყო „არიფიც“, მაგრამ საამისო პირდაპირი ცნობა არ მოგვეპოვება.

ყველაზე ნიშანდობლივი „არიფის“ თანამდებობაში ჩანს მისი ურთიერთობა ვაჭრებთან და ვაჭრობასთან, ხელოსნობასთან და ხელოსნებთან.

როგორც უკვე აღვნიშნეთ, ზოგიერთ მკვლევარი არიფს უშუალოდ უკავშირებს ხელოსანთა გაერთიანებას (ასნაფს) და ვაჭართა კორპორაციას. ისიც აღვნიშნეთ, რომ ზოგიერთი ორიენტალისტი-ისტორიკოსი „არიფს“ მიიჩნევს ხელოსანთა გაერთიანების მეთაურად, უსტაბაშად, მათი აზრით, არიფი სათავეში ედგა ვაჭართა გილდიასაც.¹²³

ვეფხისტყაოსნის „არიფიც“ ვაჭრებთან და ვაჭართა უხუცესთან არის დაკავშირებული, მაგრამ, შეიძლება თუ არა ვეფხისტყაოსნის არიფი მივიჩნიოთ ხელოსანთა, ან ვაჭართა მეთაურად?

ხელოსანთა და ვაჭართა გაერთიანების არსებობის თაობაზე ორიენტალისტიკურ ლიტერატურაში აზრთა დიდი სხვადასხვაობაა¹²⁴.

ლ. მასინიონის აზრით, ხელოსანთა გაერთიანება აღმოსავლეთში

arifa, the role of a assistants to the muhtasibs, occur frequently in works designed for use of the latter», იქვე

¹²³ E. Ashtor-Strauss, L'administration urbaine en Syrie medievale, Rivista degli Studi Orientali, 31, 1956, s. 71-128; მისივე, L'urbanisme syrien à la basse époque, ibid., 37, 1958, s. 81—209.

ასევე ამინიც „კორპორაციის მეთაურია“ («chef de corporation»), Louis Gardet La cité musulmane, vie sociale et politique, Paris, 1961 s. 261, 380. არიფის და ამინის მოვალეობანი ლუი გარდეს მიერ შემდეგნაირადაა განმარტებული: «Groupé sous l'obéissance de leur chef arif ou amin, les corporations des villes musulmanes connurent, elles aussi la hierarchie des apprentis, compagnons et maîtres», იქვე, გვ. 260—261.

¹²⁴ აღნიშნულ საკითხზე იხილეთ ვ. გაბაშვილის წერილი: „ახლოაღმოსავლური ასნაფი“, კრ. საქართველოს ისტორიის აღმოსავლური მასალები, II, თბ., 1979, გვ. 3—35.

არსებობს IX—X საუკუნეებიდან¹²⁵, ორიენტალისტ-ისტორიკოსთა მნიშვნელოვანი ნაწილი კი უარყოფს მის ჩამოყალიბებული სახით არსებობას XVI საუკუნემდე მახლოებულ აღმოსავლეთში (ფ. ტაეშერი, გ. ბაერი)¹²⁶.

ყოველ შემთხვევაში, XI—XII საუკუნეებში ხელოსანთა გაერთიანებას, ან ვაჭართა გილდიას არ უნდა ეარსებნა ყოველმხრივ ჩამოყალიბებული ზრდადასრულებული სახით¹²⁷.

ვეფხისტყაოსანში დამოწმებული ვაჭართუხუცესი იმის მაჩვენებელი უნდა იყოს, რომ არსებობდა ვაჭართა რაღაც გაერთიანება, რომელსაც თავისი მეთაური, ე. ი. „ვაჭართუხუცესი“ ჰყავდა¹²⁸. ასეთი მეთაურები დასახელებულია აღმოსავლურ წყაროებშიც. მაგრამ ეს, ზოგიერთი მკვლევარის აზრით, ჯერ კიდევ არ ნიშნავდა ხელოსანთა, ან ვაჭართა გაერთიანების ჩამოყალიბებული სახით არსებობას.

ყოველ შემთხვევაში უაღრესად საყურადღებო ფაქტია ვეფხისტყაოსანში „ვაჭართუხუცესის“ დასახელება.

ვაჭართუხუცესობა იმდენად მნიშვნელოვან თანამდებობად ითვლება, რომ მისი მატარებელი მიჩნეულია მეფის მახლობელ პირად—არიფად, თუმცა ამ შემთხვევაში არც მისდამი ქედმაღლური დამოკიდებულებაა უგულვებელყოფილი („ცქაფი ვაჭარი“, „თქვენ ვაჭარნი ჯაბანნი ხართ, ომისაცა უქეცარნი“).

ჩვენ ვუჩვენეთ „არიფის“ ყველა ის მნიშვნელობა, რაც აღმოსავლურ წყაროებში გვხვდება. ვუჩვენეთ ამ ტერმინის შინაარსობრივი ცვლილებები საუკუნეების მანძილზე. როგორც გაირკვა, ვეფხისტყაოსანის „არიფს“ საერთო (პირდაპირი თუ არაპირდაპირი) შეიძლება ჰქონ-

¹²⁵ L. Massig non, Les corps de métier et la cité islamique, Revue internationale de sociologie, XXVIII, 1920, p. 473—488.

¹²⁶ Fr. Taeschner, Das Zünft in der Türkei, Leipziger Vierteljahrsschrift für Südosteuropa, 5, 1941, 173, 178; G. Baer, Guilds in Middle Eastern History, Studies in the Economic History of the Middle East, London, 1970, p. 17.

¹²⁷ აშტორის ვარაუდით, არიფი ორნაირი უნდა ყოფილიყო. ერთი ოფიციალური ხელისუფლების წარმომადგენელი, რომელსაც მუქთასიბი ნიშნავდა, მეორე კი—გილდიების სოციალური ფუნქციების შემსრულებელი პირი. აღნიშნული ინსტიტუტი „ქისბასთან“ ერთად (აქედანაა წარმოშობილი მუქთასიბი) აშტორს მიაჩნია XI—XII სს. მუსლიმანური აღმოსავლეთის ქალაქებში ასნაფის არსებობის დამადასტურებელ ერთ-ერთ მნიშვნელოვან საბუთად. A. A s h t o r, L'urbanisme syrien à la basse époque, 186, p. 201—202.

¹²⁸ ამგვარა მეთაურის არსებობა ჯერ კიდევ არ ქმნიდა „ასნაფის“ არსებობის მთავარ პირობებს (იხ. ვ. გაბაშვილი, დასახ. ნაშრ., გვ. 32—33). ამავე თვალსაზრისით უნდა განვიხილოთ რუსთაველის ეპოქის წყაროებში დამოწმებული მხატვართუხუცესი, კალატოზთუხუცესი და სხვა მსგავსი უხუცესების მნიშვნელობა.

დეს მხოლოდ XII საუკუნის აღმოსავლური წყაროების იმ ცნობებთან, რომლებშიაც აღწერილია მუჰთასიბის და არიფის ურთიერთდამოკიდებულება, მუჰთასიბის კავშირი ვაჭრობა-ხელოსნობასთან. ამის მტკიცების შესაძლებლობას იძლევა ის, რომ „არიფი მეფისა“ ვაჭართუხუცესია, ვაჭართუხუცესი კი ვაჭარ-ხელოსნების წარმომადგენელი უნდა ყოფილიყო მეფის კარზე, მათი ინტერესების გამომხატველი და დამცველი (შუა საუკუნეებში ყველგან, აღმოსავლეთშიც და დასავლეთშიც, საშუალო და წვრილი ვაჭარი ხელოსანიც იყო და, პირუტყუ, ხელოსანი ვაჭარი). ვეფხისტყაოსნის მიხედვით, ქალაქ გულანშაროში დიდვაჭრებს მეფის კარზე ვაჭართუხუცესი წაუძღვებოდა ხოლნე („ქმარი ჩემი დიდ-ვაჭართა წაუძღვება, უსენ, წინა“). აქედან, უდავოდ, ამკარაა ვაჭართუხუცესისა და დიდვაჭრების ურთიერთობა პროფესიული ნიშნის მიხედვით. „არიფი მეფისა“ შეიძლება წავიკითხოთ როგორც „უსტაბაში მეფისა“. ოღონდ ამ შემთხვევაში დავდგებოდით ლ. მასინიონისა და მის თანამოზიარეთა პოზიციებზე, რომლის თანახმადაც გაფორმებულ-ჩამოყალიბებული ამქრების არსებობა მახლობელი აღმოსავლეთის ქვეყნებში ივარაუდება უკვე IX საუკუნიდან. მაგრამ, ჩვენი აზრით, ვეფხისტყაოსნის „არიფის“ ურთიერთობა მეფის კართან, ოფიციალურ ხელისუფლებასთან (რაც ერთდროულად, იმასაც გვაგულისხმებიანებს, რომ ვაჭართუხუცესს მეფე ნიშნავს) გამორიცხავს ხელოსნური გაერთიანების დასრულებული ჩამოყალიბებული სახით არსებობას, ლაპარაკი შეიძლება იყოს მხოლოდ მის საწყისს, ემბრიონარულ ფორმაზე, თუ ეს ასეა, მაშინ ვაჭართუხუცესი, როგორც მეფის „არაფი“, არ შეიძლება მივიჩნიოთ „ასნაფის“ (ადრინდელი გამოთქმით) და „ამქრის“ (გვიანდელი გამოთქმით) უსტაბაშად. ამრიგად, ვეფხისტყაოსნის ცნობა „არიფთან“ და ვაჭართუხუცესთან დაკავშირებული იძლევა ამის თქმის საბაბს, რომ XII საუკუნეში ჯერ კიდევ არ უნდა ყოფილიყო „ასნაფი“ (ვაჭართა ან ხელოსანთა გაერთიანება) დასრულებულ-დამთავრებული სახით ჩამოყალიბებული და ორგანიზებული. როგორც ცნობილია, ამქრის დამოუკიდებელი არსებობისა და განვითარებისათვის აუცილებელი პირობა იყო ის, რომ თავისუფალი ყოფილიყო ოფიციალური ხელისუფლების ზემოქმედებისაგან, მისი ყოველმხრივი კონტროლისაგან¹²⁹. სწორედ ეს აუცილებელი პირობა

¹²⁹ მართალია, გვიანაც (XVI—XVIII სს.) მახლობელი აღმოსავლეთის სხვადასხვა ქვეყნებში შაჰიც და სულთანიც, ასე თუ ისე, ხელს სდებდა ამქრებს, მაგრამ ხელოსანთა გაერთიანებები ამ დროისათვის ყოველმხრივ იყვნენ ჩამოყალიბებულნი და სრულიად დამოუკიდებელ როლს ასრულებდნენ ქალაქის სოციალური ცხოვრების სარბიელზე.

არ ჩანდა არც XII საუკუნის მახლობელ აღმოსავლეთში (ამას გვიდასტურებენ არსებული მასალები), და არც საქართველოში (საწუხებაროდ. ამ შემთხვევაში კიდევ უფრო მწირი მასალები გაგვაჩნია).

ამიტომ ძნელია „ამინი“ (მუსლიმანური სანჯაროს დასავლეთ ნაწილში) მივიჩნიოთ ამქრის მეთაურად, ხოლო „არიფი“ (მუსლიმანური სამყაროს აღმოსავლეთ ნაწილში) ამქრის უსტაბაშად.

„არიფი“ ვეფხისტყაოსნის მიხედვით, უწინარეს ყოვლისა, მეფის კართან ახლო მდგომ პირს, მისი საზეიმო ცერემონიალის მონაწილეს და თანამეინახეს ნიშნავს („ჩვენ დიდ ვაჭართა ზედა-გვაც დარბაზს ნიღება ძღვენისა“). ამ მხრივ კიდევ უფრო საგულისხმოდ გვეჩვენება სულხან-საბა ორბელიანის განმარტება „ფავორიტი“. ამასთან ცხადია ისიც, რომ მეფის „არიფი“ ვაჭართუხუცესია (სხვანაირად „ცქაფი ვაჭარი“ ვერ მოხვდება მეფის კარზე), ვაჭართუხუცესი კი, თავის მხრივ, ვაჭრებისა და ხელოსნების წარმომადგენელია, მათი მეთაური და, ალბათ, მათი საქმიანობის მომწესრიგებელიც. ვაჭართუხუცესივე უნდა ყოფილიყო შუამავალი ქალაქის გარკვეულ საზოგადოებრივ ფენასა და მეფის ხელისუფლებას შორის, წყაროების მიხედვით, „არიფის“ სხვა მნიშვნელობის ჩვენება ძნელია. ამის თქმისა და მტკიცების შესაძლებლობას იძლევა ისიც, რომ „არიფიდანაა“ ნაწარმოები „არიფანა“, რომელიც გვიან ქართული ქალაქების სინამდვილეში ვაჭარხელოსანთა დღესასწაულის აღმნიშვნელი ტერმინი იყო¹³⁰. „არიფანას“ შორეული დამოკიდებულება თუ წარმომავლობა უნდა ჰქონდეს. ვეფხისტყაოსნის „არიფობასთან“, რომელიც თანამეგობრობას და თანამეინახეობას ნიშნავდა (სტროფი 1542—„არაბთა მეფე მასპინძლობს, იქნა ოდენ არიფობასა“). ადრინდელი „არიფობა“ და გვიანდელი „არიფანა“ სოლიდარული ურთიერთდამოკიდებულების ნიადაგზეა აღმოცენებული და განვითარებული¹³¹.

არიფი გვხვდება როგორც ქართულ ორიგინალურ ძეგლში (ვეფხისტყაოსანში), ისე გადმოქართულებულ თხზულებაში (ვისრამიანი).

¹³⁰ ი. გ რ ი შ ა შ ვ ი ლ ი, ძველი თბილისის ლიტერატურული ბოჰემა, თბ., 1929.

¹³¹ „არიფის“ სულ გვიანდელი მნიშვნელობა (პირღია, დოყლაპია) ისევე ჩანს დეგრადირებული, როგორც ირანის სინამდვილეში დეგრადირებული იყო „ლოთი“ და „ავარა“. თავის დროზე „ლოთები“ და „ავარები“ სოციალური მოძრაობების მონაწილენი იყვნენ, გვიან კი დეკლასირებულ ელემენტებად იქცნენ. თანამედროვე აზერბაიჯანულ ენაში, პირიქით, არიფმა შეინარჩუნა თავისი ოდინდელი და ძველი მნიშვნელობა—მკოდნე. საინტერესოა, რომ არიფი მამაკაცის საკუთარი სახელიცაა, არიფე კი—ქალის. თანამედროვე სომხურში არიფი პირღიას დოყლაპიას ნიშნავს, აღრე კი აზხანავს, შევობარს ნიშნავდა, (აქარიანის ლექსიკონი).

ორთავე XII საუკუნეს განეკუთვნება. „არიფი“ ვისრამიანის გამომცემლებს განმარტებული აქვთ როგორც „ამხანაგი, ტოლი“¹³², და როგორც „ძმაბიჭი, მეგობარი, ამხანაგი, მოყვარე, სწორი“¹³³. მათვე არიფობა დაკავშირებული აქვთ ნადიმთან. ქართული ვისრამიანის მკვლევრებს და გამომცემლებს მზედველობაში აქვთ ქმედვეგი ადგილები: „მიწყვი მისი არიფა“ (72) და „მისნი არიფნი ხარაბათნი მათნი ნადიმნია“ (105)¹³⁴, არიფის ასეთი მნიშვნელობა გვინაც კარგად იყო ცნობილი (სულხან საბა-ორბელიანი, XIX ს. არიფანა და XX ს. არიფონი¹³⁶).

რუსთაველს არ შეიძლებოდა არ სცოდნოდა „არიფის“ ყველა ის მნიშვნელობა, რაც აღმოსავლეთის ურბანისტიკულ სინამდვილეში ამ ტერმინით იყო ნაგულისხმევი. ჩვენთვის ახლა ცნობილია ისიც, რომ ეს ტერმინი რუსთაველს და მის თანამედროვეებს ირანული სინამდვილიდან აქვთ აღებული. როგორც უკვე ვიცით, ურთი და იმავე თანამდებობის აღსანიშნავად მუსლიმანურ სამყაროს დასავლეთ ნაწილში „ამინი“ იყო გამოყენებული, ხოლო აღმოსავლეთ ნაწილში — „არიფი“. „არიფ-ამინის“ ასე ფართოდ გავრცელება წინა აზიის ვრცელ ტერიტორიაზე იმის დამადასტურებელია, რომ მისი აზრობრივი მნიშვნელობა კარგად უნდა ყოფილიყო ცნობილი კავკასიურ და ქართულ სინამდვილეშიც.

¹³² ვისრამიანი, ტექსტი გამოსაცემად მოამზადეს, გამოკლევა და ლექსიკონი და ურთეს ალ. გვახარიაშვილი და მაგალი თოდუამ, თბ., გვ. 732.

¹³³ ვისრამიანი, ალ. ბარამიძის, პ. ინგოროყვას და კ. კეკელიძის რედაქციით და შესავალი წერილით, ლექსიკონი ი. აბულაძისა, ტფ., 1938, გვ. 349.

¹³⁴ იქვე, არიფის ასეთი მნიშვნელობა გვინაც კარგად იყო ცნობილი. არიფი დამოწმებულია გვიანდელ ქართულ თხზულებებშიც (რუსულდანიანი, ბარამ გულანდამიანი, თომსარიანი, იოსებ-ზილიხანიანი და სხვ.), ზოგან ნადიმობასთან დაკავშირებით: ზოგან ტოლის, ამხანაგის აღსანიშნავად, მოგვაქვს მხოლოდ ზოგიერთი მაგალითი „მან არიფი ვერ იშოვნა, ვის მნათობნი შეჰნატრიან“ (თეიმურაზ პირველი, გამოცემა, პირველი, ტექსტი, გამოკლევა და ლექსიკონი ალ. ბარამიძისა, ტფ., 1938, გვ. 84). ლექსიკონში, რომელიც თანაერთვის აღნიშნულ კრებულს, „არიფი განმარტებულია როგორც „ტოლი, ამხანაგი, თანამესუფრე“ (იქვე, გვ. 288). „ვის მოყვარე ჰყავს, ერთი ჰხამს არიფობა და ხელობა...“ (ბარამ გულიჯანიანი, დ. ბ რ ე გ ა ძ ე, ქართველი მწერლები რუსეთში, I, 1958, გვ. 129). „შენც შემობრალე არიფო, მოდი და ჩემთან ახედვი... (ვაზაასება თეიმურაზისა და არჩილისა, გვ. 395).

¹³⁵ 1927—1928 წლებში საქართველოში არსებობდა მწერალთა გაერთიანება, რომელსაც „არიფონი“ ეწოდებოდა. 1928 წ. გამოვიდა აღმანახის ერთი ნომერი (რედაქტორები გ. ქიქოძე და ვ. გორგაძე). არიფონში გაერთიანებული იყვნენ ს. შან-შიაშვილი, შ. დადიანი, მ. ჭავჭავაძე, კ. ჯანაშიანი, კ. ჭიჭინაძე, ლ. ქიჩელი და სხვ. ამ გაერთიანების წევრთა სტყევებით, მათ აკავშირებდა ერთმანეთთან არა მხოლოდ საერთო შემოქმედებით-დელოკოეური მრწამსი, არამედ პირადი მეგობრობაც. ალბათ, ამის გამოც შეარჩიეს მათ ეს სახელი „არიფონი“.

ჩვენთვის „არიფ-ამინის“ ასე ფართედ გავრცელება ძირითადად ურბანისტული თვალსაზრისით არის საინტერესო და საყურადღებო.

XII საუკუნიდან მოყოფებული „არიფი“ უმთავრესად ვაჭარ-ხელოსნების სოლიდარული ურთიერთდამოკიდებულის გამომხატველი ჩანს, რაც კარგად უნდა სცოდნოდა რუსთაველსაც. მის დროს ვაჭარ-ხელოსნების წრე სრულიად გარკვეული მდგომარეობით სარგებლობდა, საკმაოდ მტკიცე ფეხმოკიდებულ სოციალურ ფენას წარმოადგენდა ქალაქის საზოგადოებრივი და ეკონომიკური ცხოვრების სარბელზე ამიტომ ვაჭართუხუცესი უსენი არ შეიძლებოდა არ ყოფილიყო „არიფი მეფისა“, მეფის კარზე მიღებული, მეფური ზეიმისა და პურობის თანამეინახე.

XII საუკუნის აღმოსავლური წყაროებიდან კარგად ჩანს, რომ „არიფი“ (აღმოსავლეთში) და „ამინი“ (დასავლეთში) არ შეიძლება დაცილოთ ქალაქებს და ქალაქურ სინამდვილეს. ამიტომაც, რომ ორიენტალისტი მკვლევარები არიფს უკავშირებენ ისეთ ინსტიტუტს, როგორც იყო „მუჰთასინის“ თანამდებობა.

მუჰთასინის თანამდებობის არსებობა XII საუკუნის თბილისში დასტურდება დოკუმენტური წყაროთი (გიორგი III-ის 1170 წლის სიგელი), ხოლო არიფის თანამდებობა იმავე საუკუნის მხატვრული მწერლობის ნიმუშებით (ვეფხისტყაოსანი, ვისრამიანი...)

VI. XI—XII საუკუნეების საქართველოს ძალაქები და „ვერცხლის კრიზისი“

XI—XII საუკუნეების საქართველოს ძალაქების ეკონომიკური მდგომარეობის შესასწავლად და დასახასიათებლად, წერილობით წყაროთა ცნობებთან და არქეოლოგიურ მასალებთან ერთად, ჩვენს განკარგულებაშია მეტად საყურადღებო ნუმისმატიკური ფაქტებიც.

ნუმისმატიკური მონაცემების გათვალისწინება საშუალებას გვაძლევს დავახასიათოთ საქართველოს ძალაქების ვითარების სხვადასხვა მხარე (პოლიტიკური, ეკონომიკური, კულტურული...) XI—XII საუკუნეებში.

XI—XII საუკუნეების უაღრესად საყურადღებო ნუმისმატიკურ ფაქტს წარმოადგენს ე. წ. „ვერცხლის კრიზისი“.

„ვერცხლის კრიზისით“ იყო გაპირობებული ის, რომ XI—XII საუკუნეებში ქართველი მეფეები ჭრიდნენ მხოლოდ და მხოლოდ სპილენძის მონეტას.

აღნიშნული გარემოება არა ერთი მკვლევრის მიერაა შესწავლილი და შეფასებული (ე. პახომოვი, თ. ლომოური, დ. კაპანაძე, ნ. ქოიავა, დ. ლენგი...). თუმცა არცერთ მათგანს „ვერცხლის კრიზისი“ არ დაუუკავშირებია საქართველოს ძალაქების ეკონომიკურ მდგომარეობასთან. მხოლოდ უკანასკნელ ხანებში ზოგად ორიენტალისტიკაში „ვერცხლის კრიზისს“ სულ უფრო და უფრო ხშირად უკავშირებენ ძალაქების საერთო ეკონომიკურ აღმავლობა-განვითარებას.

„ვერცხლის კრიზისის“ მთელი თავისებურება მდგომარეობდა იმაში, რომ, როგორც უკვე აღვნიშნეთ, იჭრებოდა სპილენძის მონეტები საქართველოს და აღმოსავლეთის ზარათუხანებში. ერთი შეხედვით, სპილენძის მონეტების მოჭრა თითქოსდა არ შეესაბამებოდა საქართველოს ინტენსიურ სავაჭრო-ეკონომიკურ ურთიერთობებს და მისი ძალაქების საერთო ეკონომიკურ აღმავლობას.

სწორედ ამ შეუსაბამობას მიუთითებდნენ ის ნუმისმატიკები, რომლებიც XI—XII სს. ქართულ მონეტებს სწავლობდნენ.

„ვერცხლის კრიზისი“ აღმოსავლეთის ბევრი ქვეყნის დამახასიათებელ საერთო მოვლენას წარმოადგენდა. ეს მოვლენა მოიცავდა უზარ-

მაზარ ტერიტორიას (მახლობელი აღმოსავლეთი, შუა აზია, ამიერკავკასია...) და მიმდინარეობდა ხანგრძლივი პერიოდის მანძილზე, რომელიც ქრონოლოგიურად XI—XII საუკუნეებს და XIII საუკუნის პირველ ნახევარს მოიცავს¹.

საქართველოშიც „ვერცხლის კრიზისი“ დაახლოებით ამავე ქრონოლოგიურ ჩარჩოებში თავსდება (XI ს. — XIII ს. 30-იან წწ.).

ისეთი საინტერესო და საყურადღებო მოვლენა, როგორცაა „ვერცხლის კრიზისი“, თავს აჩენს სწორედ ვერცხლის მიმოქცევის სფეროში.

„ვერცხლის კრიზისის“ ერთ-ერთი გარეგნული ნიშან-თვისებაა მონეტების მრავალფეროვნება². ამ დროს ფულად მიმოქცევაში მონაწილეობენ ოქროს დინარები, მრავალფეროვანი დირჰემები (მაღალხარისხოვანი ვერცხლისა და იძულებითი კურსის „დირჰემები“) და ფელსები (წვრილი ხურდა ფული).

„ვერცხლის კრიზისის“ დასაწყისად ითვლება ის პერიოდი, რა დროიდანაც შეინიშნება მონეტის გაფუჭება. მონეტის გაფუჭება გულისხმობს მაღალხარისხოვან დირჰემში სხვადასხვა შენაერთის გაჩენას³.

¹ აღნიშნულ საკითხთან დაკავშირებით შუა აზიის მკვლევარმა, ე. დავიდოვიჩმა წერს: „Самую сложную картину рисуют монеты, относящиеся к сфере серебряного обращения и именуемые дирхеманы. Именно здесь имели явления, которые дали основание говорить о «серебряном кризисе», Е. А. Давидович Из области денежного обращения в Средней Азии в XI—XII вв., сб., Нумизматика Эпиграфика, М., 1960, с. 102.

² მუსლიმანური აღმოსავლეთის სამონეტო სისტემა ხალიფა აბდ ალ-მალიქის რეფორმიდან მოყოლებული დამყარებული იყო ვერცხლის (დირჰემი) და ოქროს (დინარი) ბიმეტალიზზე. М. Н. Сауваире, Matérieux pour servir à l'histoire de la Numismatique et de la Métrologie Musulman, JA, VII serie, Paris, 1882. p. 281—282. გამონაკლისს წარმოადგენდა ფატიმიანთა ეგვიპტე, სადაც ოქროს მონეტებო იკრებოდა.

³ უკვე ვერცხლის კრიზისამდე, კერძოდ IX—X სს. შუა აზიაში, ვერცხლის მიმოქცევის სფეროს მსახურებოდნენ იძულებითი კურსის დირჰემები. იბნ ჰალუალი სამარყანდის მონეტების აღწერისას აღნიშნავს, რომ ისინი შეიცავენ მეტალის სხვადასხვა შენაერთებს («من جواهر شتّى») Opus geographicum auctore Iub-Haukal, ed. J. Kramers, Lugduni Batavorum, Lipsiae, 1938, 500. ისთახრი ჩამოთვლის ამ მონეტებს—ჩინა, სპილენძი, ვერცხლი და სხვ. (و نحاس و فضة و) «و نحاس و فضة و» (Bibliotheca Geographorum Arabicorum, ed M J. de Goeje, Lugduni Batavorum, 1, 1887 323; А. П. Ковалевский, Книга Ахмеда ибн Фадлана о его путешествии на Волгу в 921—922 г., Харьков, 1956, с. 122). ბირუნის თავის გამოკვლევის იმ ნაწილში, სადაც ლაპარაკი

„ვერცხლის კრიზისის“ აღრინდელი და გვიანდელი ეტაპები სწორედ ვერცხლისა და სპილენძის, ანდა სხვა მეტალების პროპორციული ურთიერთმიმართულებით განისაზღვრება. ნაწილობრივ ამისდა მიხედვით ხდება აგრეთვე ამ ტიპის მონეტების დათარიღებაც. თუ კი „ვერცხლის კრიზისის“ დასაწყის სტადიაში ღირებეში სპილენძი უმნიშვნელო რაოდენობითაა დადასტურებული, დროთა განმავლობაში სპილენძის და სხვა შენაერთების პროცენტული შემადგენლობა თანდათანობით მატულობს და გარკვეული პერიოდის მანძილზე მაქსიმუმს აღწევს. მაქსიმალური განვითარება „ვერცხლის კრიზისისა“ გულისხმობს ვერცხლის მონეტის გაქრობას და სპილენძის მონეტის გაბატონებას, რაც, ცხადია, იმას ნიშნავს, რომ ვერცხლის მიმოქცევის სფეროში ღირებულების ადგილს იკავებს სპილენძის მონეტა. ამგვარად, ამ დროიდან მოყოლებული, გარკვეულ პერიოდამდე, ძირითადი დატვირთვა ფულად მიმოქცევაში სპილენძზე მოდის.

საქართველოში ვერცხლის მონეტიდან სპილენძის მონეტაზე გადასვლა დავით IV-ს ბოლო წლებიდან იწყება, თუმცა მონეტის გაფუჭების პროცესი გაცილებით უფრო ადრე დაიწყო. მისი პირველი ნიშნები ჭერ კიდევ X ს. დამლევს იჩენს თავს, რის დადასტურებასაც წარმოადგენს თბილისის ამირა ალი იბნ ჯაფარის მიერ მოჭრილი ღირებეები⁴.

უკვე XI საუკუნის დასაწყისიდან ვერცხლის მონეტის წონა კატასტროფულად ეცემა და 3,5 გრამიდან ამავე საუკუნის ბოლოსათვის 0,5 გრამამდე დადის. ამის საუკეთესო მაგალითია ბაგრატ IV, გიორგი II-ს და დავით აღმაშენებლის მონეტებში⁵. ბაგრატ III-ს მონეტების წონა (XI ს. დასაწყისი) თბილურ-არაბული დრამებთან შედარებით ერთი ორადაა შემცირებული⁶, ხოლო ბაგრატ IV-ს მონეტებთან შედარებით გიორგი II-ს მონეტა გაცილებით ნაკლები წონისაა და ამასთან უხეშიც⁷.

აღნიშნავს რა ქართულ სამონეტო, ფულად და საფინანსო სისტემაში მომხდარ ცვლილებებს, დ. კაპანაძე შენიშნავს: „XI—XII სს.

აქვს მონეტებზე, მოჰყავს აბუ საიდ დუსთის ერთი ლექსი, რომელშიც ნათქვამია:

„ეფიქრობ მნათობნი მათ აეს უზრახვენი.

მათი ღირებენი ხომ არიან სპილენძნარევენი“.

А б у Р а й х а н а л-Б и р у н и, Соб-ранне сведения для обозначения драгоценностей (Минералогия), М., 1968, с. 230.

⁴ დ. კაპანაძე, ქართული ნუმიზმატიკა, თბ., 1969, გ. 55, 58.

⁵ იქვე, გვ. 58.

⁶ იქვე, გვ. 59.

⁷ დ. კაპანაძე, ქართული ნუმიზმატიკა, თბ., 1969, გვ. 65.

საქართველოს კულტურულ-პოლიტიკურ აღონძინებას, ე. წ. „ოქროს ხანას“ უცნაურად უპირისპირდება მისი ნუმისმატიკის „სპილენძის ხანა“: „ვერცხლის კრიზისი“, რომელიც უკვე XI საუკუნის დაწყებისთანავე მთელ წინა აღმოსავლეთს მოედო, არც საქართველოს ასცდა და მალე ისიც მეზობლების მაგალითს მიჰყვა“⁸.

ნ. ქოიავა საქართველოში მონეტის გაფუჭების პროცესში ორ პერსონს გამოჰყოფს: 1. ვერცხლის მონეტის გაფუჭება კეთილშობილური ლითონის ხარჯზე და 2. როდესაც ვერცხლის მონეტის გაფუჭება თავის უმაღლეს წერტილს აღწევს. სწორედ ამ პერიოდში ვერცხლის მონეტის ადგილს იკავებს სპილენძის მონეტა⁹.

როგორც უკვე აღვნიშნეთ, ანალოგიურ პროცესთან გვაქვს საქმე მახლობელი და შუა აღმოსავლეთის ქვეყნებში, აზერბაიჯანსა და სომხეთში. ამიტომაც, რომ საქართველოში ნაპოვნი ილდეგიზიდების, დიარბეჯიერის, ორთუქიდების, ჰალაბის ათაბაგების, ემუბიდების და სხვ. მონეტები უკლებლივ ყველა სპილენძისაა, ე. პახომოვი ამის გამოწერდა: „Хотячей монетный Азербайджана, Грузии и Армении и прилегающих к ним стран была в XII в. исключительно медь“¹⁰.

„ვერცხლის კრიზისის“ პერიოდში აღმოსავლეთის ბევრ ქვეყანაში სპილენძის ფული ვერცხლის ფულად გამოცხადდა და მათ შესაბამისი წარწერაც გაუკეთდა: „ეს დირჰემია“ («هذا الدرهم»), შესაბამისად ფელსებზეც ჩნდება წარწერები „ეს ფელსია“ («هذا الفلوس»)“¹¹.

⁸ დ. კ. ა. ნ. ა. ძ. ე., დასახ. ნაშრ., გვ. 70.

⁹ ნ. ქოიავა, ფულის ტრიალი არუსთაველის ეპოქის საქართველოში, „ენიქის მოამბე“, ტ. III, ტფ., 1938, გვ. 101.

¹⁰ Е. А. Пахомов, Монетное обращение Азербайджана в XII и начале XIII века, Нумизматический сборник, ч. 2, Тр. ТИМ, вып. XXVI, М. 1957, с. 85. მართალია, ვერცხლის მონეტები აღმოჩენილია ამიერკავკასიის ტერიტორიაზე ბაქოდან სოხუმამდე, მაგრამ ისინი უკვე იმ დროს ნუმისმატიკურ იშვიათობას წარმოადგენდნენ.

¹¹ როგორც ზემოთ უკვე ვუჩვენეთ, ვერცხლის კრიზისამდე IX—X სს, შუა აზიის ვერცხლის მიმოქცევის სფეროს ემსახურებოდნენ იძულებითი კურსის მონეტები (აღნიშნულ საკითხზე იხ. Е. А. Давидович, Из области денежного обращения в Средней Азии в XI—XII вв., с. 113.), ეს დირჰემები აქვს, ალბათ მხედველობაში ისთახრის, როდესაც წერს: „იქაური (ბუხარის) დირჰემები გავს სპილენძისას“ (BGA, 1, 63). არაბი ისტორიკოსი იბნ ფალანის, რომელმაც დაწერილებით აღწერა ბუხარის სამონეტო სისტემა, ხაზს უსვამს იმ გარემოებას, რომ მან აქ ნახა დირჰემების ნაირსახეობა (А. П. Ковалевский, დასახ. ნაშრ., გვ. 122). იბნ ხორდადბეგი, აღ-მუყადასი და სხვა გეოგრაფოსები და ისტორიკოსები აღნიშნულ დირჰემებს „შავ დირჰემებსაც“ უწოდებენ, იმ გარეგნული ნიშნებისდა მიხედვით რაც მათი ფერიდან გამომდინარეობდა. ამ დირჰემებზე აღ-მუყადასი პირდაპირ ამბობს, რომ ისინი

ანალოგიურ შემთხვევასთან გვაქვს საქმე საქართველოშიც, სადაც თამარ მეფის 1187 წ. გამოშვებულ სპილენძის მონეტას შემდეგი წარწერა აქვს გაკეთებული: „სახელითა ღვთისაითა იქნა ქედაი ვეცხლისი აზის ქორონიკონსა 407“ (—1187 წ.)¹². მსგავსი, ოლონდ სპარსულ

ისეთივე შავებზე არიან. როგორც ფელსები: „შავი ღირაქმების“ საპირისპიროდ ისმარებოდა აგრეთვე „თეთრი ღირაქმები“ (დასაკლეთ ეეროპაშიც, მონეტების გაფუჭების პერიოდში, გერმანული და ფრანგული ღირაქმები ვერცხლის ფულს ყოფენ „შავ ღირაქმად“ და „თეთრ ღირაქმად“ (Ф. И. Михалевский, Очерки истории денег и денежного обращения, т. I, М., 1948, с. 134.).

მაღალხარისხოვანი და იძულებითი კურსის მქონე ღირაქმების გავრცელების არეალი სხვადასხვა იყო. თუ ბუხარ-ხელათური ე. წ. შავი ღირაქმები არ სცილდებოდა შუა აზიის არეალს. „ისმარლის ღირაქმები“, (ანუ „თეთრი ღირაქმები“) «the normal Islamic silver dirhem», როგორც მათ რ. ფრაი უწოდებს (R. N. Frye, Bukhara, Medieval Achievement, Norman, (USA), 1965, 154), დღეის ჩათვლითაა აღმოჩენილი ისლამური სამყაროს როგორც დას. რაიონებში, ისე აღმ. და დას. ევროპის ქვეყნებში (რუსეთი, ბალტიისპირეთი, შვეიცია, ინგლისი ირლანდია, ისლანდია და სხვ.). სამაგიეროდ, შუა აზიის ტერიტორიაზე ნაპოვნ განძებში ვერცხლის მონეტები იშვიათად დასტურდება (E. A. Давидович, დასახ. ნაშრ., გვ. 113). აქედან, საესებით ამჟარაა, რომ ისმარლის ღირაქმები უმნიშვნელო როლს თამაშობდნენ ადგილობრივ ვაჭრობაში და ძირითადად სავარეო ვაჭრობას ემსახურებოდნენ. ამის შემდგომ გასაგები ხდება იზნ პაუკალის სიტყვები, რომლის თანახმადაც აღნიშნულ მონეტებთან შედარებით უპირატესობა ჰქონდათ სხვა ღირაქმებს (იგულისხმება ბუხარ-ხელათური მონეტები Ibn Haukal, ed Kramers, 490). იგივეს ამბობს აღმუკადლასი: „მათ (ე. ი. შავ ღირაქმებს) უპირატესობა აქვთ თეთრებზე «لها فضل على البيض» (BGA, III, 1960, 340), ამას უნდა დაემატოს ისიც, რომ სახელმწიფო მოსახლეობაში გადასახადების აკრეფას შავი ღირაქმები იწყებდა. აღნიშნული მიზეზების გამო უმნიშვნელო და ადგილობრივი ვაჭრობაში მოთხოვნილება შავ ღირაქმებზე მაღალი იყო. ეს კარგად ჩანს ნერშაჰის ერთი ცნობიდანაც, საიდანაც ვიკებთ, რომ გიტრიფის მონეტა, რომელიც შეიცავდა რკინას, სპილენძს, თუთიასა და სხვა შენაერთებს, მოქრილი იქნა მას შემდეგ, რაც ბუხარის მცხოვრებლებმა დაყენებული თხოვნით მიმართეს აბასიდ მმართველს, გამოეშვა ისეთი მონეტა, რომელიც ბუხარიდან არ გავიდოდა და მხოლოდ ადგილობრივ სავაჭრო ოპერაციებს მოხმარდებოდა. (Texte persan publié par Charles Scheffer, Paris, 1892). რ. ფრაი თავის მონოგრაფიულ გამოკვლევაში ბუხარ-ხელათური მონეტების აღწერისას, მათი გავრცელების არეალს ბუხარითა და მისი შემოგარენით განსაზღვრავს. ამასთან, იქვე დასძენს, რომ ადგილობრივ ვაჭრობაში ბუხარ-ხელათური მონეტები უფრო ფასობდა, ვიდრე ვერცხლის ღირაქმები (R. W Frye, Bukhara, 154) დას. ევროპის ქვეყნებში მონეტების გაფუჭებასთან დაკავშირებით ფ. მიხალევსკი წერს, რომ ამ პროცესის შედეგად ყველაზე უფრო „წერილი ერი“ («мелкий люда») ზარალდებოდა. ამიტომ მონეტების გაფუჭებას ზმირად თან სდევდა აჯანყებანი და ამბოხებანი, მაგრამ იყო ისეთი შემთხვევებიც, როდესაც აჯანყების მიზეზი ხდებოდა არა მონეტის გაუარესება, არამედ მისი ხარისხის გაუმჯობესება (Ф. И. Михалевский დასახ. ნაშრ., გვ. 140).

¹² დ. კაპანაძე, ქართული ნუმიზმატიკა, გვ. 75; თ. ლომოური, ფული შოთა რუსთაველის ეპოქაში, კრ., შოთა რუსთაველის ეპოქის მატერიალური კულტურა, თბ., 1938, გვ. 288, E. A. Пахомов, Монеты Грузии, Тб., 1970-152

წარწერა დადასტურებული ლაშა-გიორგის სპილენძის მონეტაზეც (1210 წ.) „სახელითა უწმიდესის ღვთისა იქედა ესე ვეცხლი წელსა 430“. «بنام خدای پاک این سیم را زده اند بتاريخ چهار صد و سی سال»¹².

„ვერცხლის კრიზისის“ პერიოდში სპილენძის ფულს ნოჩინალა უფრო მაღალი იყო, ვიდრე მისი რეალური ღირებულება. იმისათვის, რათა სპილენძის მონეტები ბრუნვაში აქტიურად ჩაბმულყო საქრო გახდა მათზე შესაბამისი წარწერის გაკეთება. საამისოდ საუკეთესო საილუსტრაციო მასალას წარმოადგენს სამარყანდში 1225 წ. გამოშვებული მონეტა, რომელზეც ვკითხულობთ: «بسمرقند و نواحی شهر روان» („ეს მონეტა) სამარყანდა და მის ოლქში მიმოქცევაშია“) (1225 წ.)¹³, ანდა «بسمرقند و نواحی این شهر که نگیرد گناه کار بود» („ვინც სამარყანდა და მის ოლქში არ მიიღებს (ამ მონეტას) ის ბოროტმოქმედია“) (1232—1233 წწ.)¹⁴ და სხვ.

ასეთსავე მიზანს ემსახურებოდა, ალბათ, ეპიტანე კათალოკოსის წარწერა ანისის ტაძარზე (1218 წ.), საიდანაც ჩანს რომ „თბილურ დრამებს“ სავალდებულო მიმოქცევის უფლება ენიჭებოდათ¹⁵.

с. 90—91. საგანგებოდ უნდა აღინიშნოს, რომ ამ ტიპის მონეტები დიდი რაოდენობით აღმოჩენილი და ინახება სხვადასხვა კოლექციებში.

¹² დ. კ ა პ ა ნ ა ძ ე, დასახ. ნაშრ., გვ. 77—78; თ. ლ მ ო უ რ ი, დასახ. ნაშრ., გვ. 289—300; E. A. Пахомов, დასახ. ნაშრ., გვ. 97—98. აღნიშნულ გარემოებას ყურადღება მიიქცია დ. ლენგმა, მისი სიტყვით, «In Georgia, many of these pactionale copper coins still bore on them the demonation «vetskli», which properly signifes a silver pieces.» D. M. Lang, Studies in the Numismatic History of Georgia in Transcaucasia, New-York 1955, p. 21. როგორც შეკვლევები ფიქრობენ, ზოგიერთი იძულებითი კურსის დირჰემები ზემოდან დაფარული უნდა ყოფილიყო ვერცხლით З. А л ь х а м о в а, Клады медных посеребренных монет Самаркандских дирхемов 663 г. х. Тр САГУ, вып. XI, Ташкент, 1950, с. 71. 73; E. A. Д а в и д о в и ч, Термезский клад медных посеребренных дирхемов 617/1220г., Эпиграфика Востока, VIII, 1953, с., 50. 50-55; მისივე, Их истории денежного обращения на территории ферганы, Тр. Музея Истории Ан Уз ССР, вып. II, Ташкент, 1954, с. 50—51; მისივე, Клады древних и средневековых монет Таджикистана, М., 1979, с. 192.

¹⁴ E. A. Д а в и д о в и ч, Денежное хозяйство Средней Азии в XIII в., М., 1962, с. 41.

¹⁵ იქვე.

¹⁶ П. М. Мурадян. Грузинская эпиграфика Армении. Ереван, 1977, с. 42—43. XII ს. მიწურულის საქართველოში შემოღებული იქნა დადამღვის წესი. მონეტის დადამღვის ერთ-ერთი მიზანი იყო მისი რეალური ღირებულების ნომინალის აწევა და იძულებითი კურსით გასაღება. უმოკრესად დადამღულია თამარის, ლაშა-გიორგისა და რუსუდანის მონეტები. დ. კ ა პ ა ნ ა ძ ე, დასახ. ნაშრ., გვ. 83. ყურადღებას იქცევს ის გარემოება, რომ მონეტის დადამღვის წესი სწორედ „ვერ-

ზემომოტანილი მაგალითების საფუძველზე სავსებით ცხადად იკვეყა, რომ „ვერცხლის კრიზისის“ ერთ-ერთი დამახასიათებელი ნიშანია მონეტების მრავალფეროვნება. აღნიშნულ პერიოდში ფულადი მიმოქცევის სფეროში შემოდის სხვადასხვა მეტალის, ზომის, წონისა და ფორმის მონეტები, რომელთაც აერთიანებთ საერთო სახელწოდება „ღირკემი“¹⁷.

აკად. ვ. ბარტოლდის დაკვირვებით, სპილენძის ის მონეტები, რომლებიც „ღირკემის“ სახელს ატარებდნენ, საკრედიტო მონეტის ფუნქციას ასრულებდნენ¹⁸.

ამრიგად, იძულებითი კურსის მქონე ღირკემები, „ვერცხლის კრიზისის“ პერიოდში, ემსახურებოდნენ ვერცხლის მიმოქცევის სფეროს.

ასე იყო საქართველოშიც და აღმოსავლეთის ქვეყნებშიც.

ჩვენ ყურადღება მივაქციეთ XII ს. ერთ სპარსულ წყაროს (აბუ საიდ მეიჰენელის ცხოვრება), სადაც ქ. ნიშაბურის ეკონომიკური ცხოვრების აღწერისას, ერთ კონტექსტში დასახელებულია როგორც „ღირკემი“ („كچم“) ისე „ვერცხლის ღირკემი“ („كچم — كچم“)¹⁹. ღირკემი, როგორც ცნობილია, თავისთავად „ვერცხლის“ მონეტას ნიშნავდა. ამიტომ იქ, სადაც ლაპარაკია უბრალოდ ღირკემზე, უნდა იგულისხმებოდეს ე. წ. შავი ღირკემები, ხოლო ვერცხლის ღირკემის ქვეშ—მაღალხარისხოვანი მონეტები.

ამკარად ანალოგიურ სიტუაციასთან გვაქვს საქმე საქართველოშიც, სადაც ჩვენთვის საინტერესო პერიოდის წყაროებში (საისტორიო და მხატვრულ ნაწარმოებებში—„ვეფხისტყაოსანი“) დამოწმებულ „ღრამის“ პარალელურად გვხვდება ძალზედ საინტერესო ტერმინი „ვეცხლი ღრამა“. ღრამა ვერცხლის ფულის აღმნიშვნელი ტერმინი იყო²⁰. მაგრამ, როგორც სავსებით სამართლიანად შენიშნავს ზოგიერთი მკვლევარი, რუსთაველის დროს ღრამა აღნიშნავდა არა ვერცხლს, არამედ სპილენძის მონეტას²¹. ამ პერიოდის წყაროებში, ყველგან, სა-

ცხლის კრიზისის“ მაქსიმალური განვითარების ხანას ემთხვევა. დემეტრე I, გიორგი III, და დავით ნარინის მონეტათა დადამლვა იშვიათია.

¹⁷ Е. А. Давидович, Из области денежного обращения в Средней Азии в XI—XII вв., с. 118.

¹⁸ В. В. Бартольд, История культурной жизни Туркестана, Соч., т. II. М., 1966, с. 255.

¹⁹ В. А. Жуковский, Жизнь и речи старца Абу Са'ида Мейхенейского, персидский текст, СПб, 1899, с. 31

²⁰ ივ. ჭავჭავაძის აზრით, ტერმინი „ღრამა“ საქართველოში VIII საუკუნიდან ვრცელდება, ი. ჭავჭავაძის აზრით, ქართული საფას-საზომთა კოდნეობა ანუ ნუმიზმატიკა-მეტროლოგია, ტფ., 1925, გვ. 17.

²¹ თ. ლომოური, დასახ. ნაშრ., გვ. 297.

დაც დრამაზეა ლაპარაკი, იგულისხმება სპილენძი. მოგვყავს რამდენიმე მაგალითი: „ჩემია მკვიდრი მამული, არ მივეცემ არცა დრამასა“ (ვეფხისტყაოსანი, 1109).

ისტორიანსა და აზმანში გიორგი III-ს მიერ დეინში მოპოვებულ ნადავლის ჩამოთვლისას ნათქვამია: „ვინათგანცა აღივსო სამეფო ქალაქი ტფილისი, რომელ ტყუესა თვით დრამად გინა ფუკად მომსყიდავთაგან მომსყიდელობდეს“²². ამგვარად, ამ შემთხვევაშიც საქმე გვაქვს იმულებითი კურსის მონეტებთან (გავიხსენოთ ანისის ტაძრის წარწერის თბილური დრამები, რომელთაც სავალდებულო მიმოქცევის უფლება ჰქონდათ). ჩვენს მოსაზრებას კიდევ უფრო ამაგრებს ის გარემოება, რომ ქართულ წერილობით ძეგლებში, კერძოდ, ნიკორწმინდის XI ს. სიველში, გვხვდება ტერმინი „დრამა“ როგორც ცალკე, ისე „ვერცხლის დრამის“ სახით („ვეცხლი დრამა“) — „ყანა გავისაკუთრე და მივეც... ორმოცისა დრამისა კმელადი“²³ „საწირეს ვიყიდე ყანა და მივეც... ვეცხლი დრამა: კ: ე“²⁴ და სხვ. დრამის გვერდით ვეცხლის დრამის (ანუ ვერცხლის ღირებულების) ხმარება გაპირობებული იყო იმ გარემოებით, რომ ამ უკანასკნელის ქვეშ, როგორც ჩანს, უნდა იგულისხმებოდეს მალაზხარისხოვანი ვერცხლის ღირებულება (მდრ. სპარსული *مرا* და *مرا*).

ამგვარად ჩვენ მიერ ზემომოტანილი ტერმინოლოგია უკავშირდება ვერცხლის კრიზისს და ამ კრიზისთან დაკავშირებულ მოვლენებს.

უაღრესად საყურადღებო და საგულისხმოა ისიც, რომ „ვერცხლის კრიზისს“ არ გამოუწვევია ვაჭრობის მოშლა, ანდა რაიმე უარყოფითი სოციალურ-ეკონომიკური ხასიათის ძვრები²⁵, პირიქით, სწორედ აღ-

²² ისტორიანი და აზმანი შარაენდელთანი, გვ. 5—6.

²³ ქრონიკები და სხვა მასალა საქართველოს ისტორიისა და მწერლობისა, შეკრებილი, ქრონოლოგიურად დაწყობილი, ახსნილი თ. ჟორდანიას მიერ, წიგნი მეორე (1231 წლიდან 1700 წლამდე), ტფ., 1897, გვ. 45.

²⁴ იქვე, გვ. 48.

²⁵ B. B. Бартольд დასახ. ნაშრ., გვ. 255; „ვერცხლის კრიზისის“ პერიოდში „შავი ღირებულები“ ძირითადად საშინაო ბაზარს ემსახურებოდა, საგარეო ვაჭრობა კი „თეთრი ღირებულებით“ წარმოებდა. წყაროები არჩევენ ერთმანეთისაგან არა მხოლოდ შავსა და თეთრს, არამედ მთელსა და დამსხვრეულ ღირებულებსაც. ხშირად წერილი ფულის საჭიროების შემთხვევაში ღირებულები ქუცმაცდებოდა სხვადასხვა ზომის ნაჭრებად. მსგავსი მონეტები საკმაო რაოდენობითაა აღმოჩენილი ჩვენთვის საინტერესო პერიოდის განძებში (R. P. Blacke, The Circulation of the Silver in the Moslem East down to the Mongol Epoch, Harvard J. of Asiatic Studies, 11, 1937, 294). საქართველოშიც, აღმოსავლეთის მსგავსად, პრაქტიკაში ყოფილა ფულის თანაბარ ნაწილებად დაჭრა მცირე ნომინალების მიღების მიზნით. ეს წესი, მონეტის ამ გზით „დახურდაება“, ჩვენში XIII ს. შუა წლებამდე შემორჩენილა. ცნობილია

ნიშნულ პერიოდში საქართველოში, ისევე როგორც მახლობელი აღმოსავლეთის ქალაქებში, ადგილი აქვს ვაჭრობისა და ეკონომიკის არაჩვეულებრივ ზრდასა და აყვავებას²⁶, განსაკუთრებით ინტენსიურია საგარეო ვაჭრობა XI—XII სს. სწორედ ამ დროს, როგორც ვნახეთ, საქართველოს ქალაქები მკიდრო სავაჭრო-ეკონომიკური ურთიერთობებით იყვნენ დაკავშირებული მახლობელი აღმოსავლეთის ქალაქებთან.

საქართველოში უკვე დემეტრე I-დან მოყოლებული (1125—1156 წწ.) ჩვეულებრივ მოვლენად იქცა ე. წ. წესიერად მოჭრილი მონეტები²⁷. გიორგი III-ის დროიდან კი „უწესოდ მოჭრილი“ მონეტების პარალელურად რუსუდანის რეფორმამდე იჭრება ე. წ. „წესიერი მონეტებიც“. ნუმისმატთა აზრით, აღნიშნული მონეტა ვერ-

თამარისა და რუსუდანის ამგვარად მოჭრილი „ნახევრიანი“ და „მეოთხედისანი“ მონეტები (დ. კ ა პ ა ნ ა ძ ე, დასახ. ნაშრ., გვ. 74). უაღრესად საინტერესოა და საყურადღებო აგრეთვე „ვერცხლის კრიზისის“ პერიოდში მახლობელი აღმოსავლეთის ფულად სისტემაში ფიქსირებული ტერმინი „კომერციული დირჰემი“ (*edaralim tijariyya*). ნუმისმატთა აზრით, „კომერციული დირჰემი“ („the commercial dirhama“) ეწოდებოდა წვირლ ფულს, რომელიც საშინაო ვაჭრობის მოთხოვნილებებს ემსახურებოდა. A. J. U d o v i t c h, *Partnership and profit in Medieval Islam*, University Press, Princeton, New Jersey, 1970, p. 179).

გიორგი მთაწმინდელის თხზულებაში (ათონის კრებული, გვ. 14) დადასტურებულია ტერმინი „ფოლი“. ივ. ჭავჭავიძის აზრით, ის აღნიშნავდა ფულის პატარა ერთეულს („ფოლი ერთი ვითარცა საფასის უკნინესი ერთეული“ ივ. ჭ ა ვ ა ხ ი ძ ე ი ლ ო, დასახ. ნაშრ., გვ. 28). მისივე სიტყვით, ფოლი ბერძნულ *φολις*-დან მომდინარეობს (იქვე). თ. ლომოური ფიქრობს, რომ ფოლიდანაა ნაწარმოები არაბ. *سلف* (ფულის უმცირესი ერთეულია) და ქართული ფული (თ. ლ ო მ ო უ რ ი, დასახ. ნაშრ., გვ. 298).

²⁶ სპილენძის ფულის უდიდესი განძები, რომლებიც აღნიშნულ ხანებშია დაგროვილი (XII—XIII სს.), მეტყველებს ფულის დიდი თანხების მოთხოვნილებაზე და გაცხოველებულ ვაჭრობაზე. თ. ლ ო მ ო უ რ ი, დასახ. ნაშრ., გვ. 294.

²⁷ მონეტები, რომლებიც „ვერცხლის კრიზისის“ პერიოდში ემსახურებოდნენ ვერცხლის მიმოქცევის სფეროს, იყოფოდნენ ორ ჯგუფად—წესიერ და ქარაწესიერ მონეტებად. წესიერი მონეტების კატეგორიას განეკუთვნებოდნენ ვარკვეული ფორმის ზომის და წონის მონეტები ამ მონეტებისაგან განსხვავებით, არაწესიერ მონეტებს ახასიათებდათ შემთხვევითი ფორმა, წონა, ფრაგმენტული წარწერები. ხშირად ამ ტიპის მონეტებზე სიკის ანაბეჭდი მთლიანად ვერ თავსდებოდა. ზემოთხსენებული ნიშნების საფუძველზე მკვლევრები ფიქრობენ, რომ წესიერი მონეტები ცალკეობით იბრუნებოდნენ, ხოლო არაწესიერი მონეტები იწონებოდნენ. E. A. Д а в и д о в и ч, *Из области денежного обращения в Средней Азии в XI—XII вв.*, с. 107; E. A. П а х о м о в, *Монетные клады Азербайджана и Закавказья. Тр. Общества обследования и изучения Азербайджана*, вып. 3, Баку, 1926, с. 24; M. E. M а с с о н, *К вопросу о взаимоотношениях Византии и Средней Азии по данным нумизматики, Труды среднеазиатского Гос. университета, новая серия, вып. XXIII, Ташкент, 1951, с. 102.*

ცხლის ფულის ფუნქციას ასრულებდა²⁸. „წესიერ მონეტებს“ ახასიათებდათ დაახლოებით ერთნაირი საშუალო წონა და მრგვალი მოყვანილობა. ისინი ფუნქციონირებდნენ თვლით და არა წონით.

უწესოდ მოჭრილი მონეტები „ვერცხლის კრიზისის“ ერთ-ერთი დამახასიათებელი მოვლენა და ნიშან-თვისება იყო. ამიტომ შემთხვევით არაა, რომ ამ ტიპის მონეტები მიმოქცევაში აყვნენ XII ს. და XIII ს. პირველ ნახევარში²⁹, რაც ვერცხლის კრიზისის მაქსიმალურ განვითარებას ემთხვევა.

აღსანიშნავია, რომ „ვერცხლის კრიზისის“ დროს, წინა პერიოდთან შედარებით, მნიშვნელოვნად გაიზარდა ოქროს როლი³⁰. საქართველოშიც, სწორედ ჩვენთვის საინტერესო ხანაში, ოქრო ფულის აღმნიშვნელ ზოგად ტერმინად იქცა³¹.

შემთხვევითი არაა აგრეთვე ისიც, რომ ქართულ საისტორიო წყაროებსა და ლიტერატურულ ძეგლებში ოქროს ფულის აღსანიშნავად გვხვდება მრავალფეროვანი ტერმინოლოგია, როგორც ქართული, ისე ბერძნული და აღმოსავლური წარმოშობისა — წითელი³², პერპერა, ბოტინატი, დუკატი, კონსტანტინატი, მიხაილიტი, რომანატი, დრაკანი და სხვ. საკუთრივ საქართველოში მოჭრილი ოქროს მონეტა ცნობილი არ არის, თუმცა, როგორც მკვლევრები ფიქრობენ, XII—XIII სს. საქართველოში საამისოდ რეალური ნიადაგი არსებობდა³³.

ზაქარია ყაზვინის ის ცნობა, რომელშიაც საქართველოში ოქროს

²⁸ დ. კ ა პ ა ნ ა ძ ე , დასახ. ნაშრ., გვ. 73.

²⁹ იქვე, გვ. 63.

³⁰ საინტერესოა აღინიშნოს, რომ შუა აზიის ტერიტორიაზე აღმოჩენილ ყველა დროის ოქროს მონეტებიდან, ოქრო ყველაზე დიდი რაოდენობით მოდის XI—XII საუკუნეებზე, განსაკუთრებით XII ს. და XIII ს. პირველ ნახევარზე (E. A. Давидович, Из области денежного обращения в Средней Азии в XI—XII вв., с. 100, 101—102.), რაც ვერცხლის კრიზისის მაქსიმალური განვითარების ხანას ემთხვევა.

³¹ ივ. ჯ ა ვ ა ხ ი შ ე ი ლ ი , ქართული საფას-საზომთა მცოდნეობა ანუ ნუმისმატიკა მეტროლოგია, გვ. 8, 11, 12.

³² ქართული წერილობითი წყაროების წითელი და წითელი ოქრო გ. ჯაფარიძეს მუსლიმანური დინასტიების მაღალხარისხოვან ოქროს მონეტად მიაჩნია. გ. ჯაფარიძე, ოქროს მონეტის ტერმინოლოგია XI—XII საუკუნეების საქართველოში, მაცნე, ისტორიის, არქეოლოგიის, ეთნოგრაფიისა და ხელოვნების ისტორიის სერია, თბ., 1976, გ. 87; აღსანიშნავია, რომ ტერმინი „წითელი“ დადასტურებულია ვეფხისტყაოსანშიც: „ასი ათასი წითელი შენ ქრთამად შეიწირეო“ (743).

³³ თ. ლ ო მ ო უ რ ი , ფული შოთა რუსთაველის ეპოქის საქართველოში, გვ. 294.

ფულის მოქრაზება ლაპარაკი³⁴, გარკვეულ ექვს იწვევს³⁵. დავით აღმაშენებლის ისტორიკოსის თხზულებაშიც, როგორც ივ. ჯავახიშვილმა დაამტკიცა, ოქრო ფულის ზოგადი მნიშვნელობითაა ნახმარი³⁶.

ჩვენთვის საინტერესო პერიოდში ოქრო მიმოქცევაში იყო არა ცალობით, არამედ წონით. ეს კი იმას ნიშნავს, რომ მას განსაზღვრავდნენ არა როგორც ფულს, არამედ როგორც საქონელს³⁷.

³⁴ ზაქარია აღ-ვაზინის ცნობები საქართველოსა და კავკასიის შესახებ, არაბულ ტექსტს შესავალი წაუძღვარა, ქართული თარგმანი და შენიშვნები დაურთო ო. ციტირებულა, თბ., 1975, გვ. 40. არაბული ტექსტი, გვ. 348.

³⁵ ივ. ჯავახიშვილი, დასახ. ნაშრ., გვ. 8, თ. ლომოური, დასახ. ნაშრ., გვ. 294; გ. ჯაფარიძე, დასახ. ნაშრ., გვ. 94.

³⁶ ივ. ჯავახიშვილი, დასახ. ნაშრ., გვ. 12. დავით აღმაშენებლის და დემეტრე I-ის დინარებს იხსენიებს აგრეთვე XII ს. არაბი ისტორიკოსი იბნ ალ-აზრაყ აღ-ფარაყი (გ. წერეთელი, არაბული ქრესტომათია, თბ., 1949, გვ. 68, 71, 72; V. M. I-n o r s k y, Caucasia in the History of Mayyafariqn, BSOAS, vol. XIII, pt-1, 1949, 32, 34). საქართველოს საერთაშორისო კონტაქტები განაპირობებდა იმ გარემოებას, რომ საქართველოში საყოთარ საფასვსთან ერთად მიმოქცევაში იყო მუსლიმანური დინარი და ბიზანტიური ნომისმა, მაგრამ საქართველოში XI—XIII სს. ოქროს ფულიდან დღეისთვის მხოლოდ ბიზანტიური ნომისმა ცნობილი, რაც შეეხებამუსლიმანურ დინარს, ის დღემდე აღმოჩენილი არ არის. გ. ჯაფარიძე, დასახ. ნაშრ., გვ. 85. იხ. აგრეთვე თ. აბრამიშვილი, საქართველოს სახელმწიფო მუზეუმის ბიზანტიური მონეტები, თბ., 1959. გ. ჯაფარიძეს შესწავლილი აქვს აგრეთვე ვეფხისტყაოსანში დამოწმებული „მალრიბული ოქროს“ სადაურობა და წარმომავლობა. იხ. გ. ჯაფარიძე, მალრიბული ოქრო XII—XIII სს. ქართული წყაროებში, „მაცნე“, ფილოსოფიის, ფსიქოლოგიის, ეკონომიკისა და სამართლის სერია, 1975, № 4, გვ. 145—151.

ამგვარად, საქართველოში, ჩვენთვის საინტერესო პერიოდში, ფულად მიმოქცევაში იყო უცხოური წარმოშობის სხვადასხვა ხარისხისა და ღირებულების ოქრო-მსხვილი სავაჭრო ოპერაციები ოქროთი წარმოებდა, ოქროთი ისტუმრებდა აგრეთვე დიდ ხარჯებს საქართველოს სახელმწიფო.

³⁷ „Золото принималось только как товар, т. е. на вес“ წერს ე. ბარტოლდი სამანიანთა ფულადი სისტემის დახასიათებისას (В. В. Бартольд, დასახ. ნაშრ., გვ. 255). იბნ ჰაუკალი ქ. ბუხარის მაგალითზე პირდაპირ ამბობს: „მათი ფულია დირჰემი, დინარი კი საქონელი“ «**نقودهم الدراهم و الدينار كالعرض**» (Ibn Haukal, ed. Kramers, გვ. 90). ისთახრი ქ. ბუხარის ფულადი სისტემის აღწერისას აღნიშნავდა: „მათი ფული დირჰემია, ისინი ერთმანეთთან არ ევაკრებენ დინარებით, რომელიც (მათთან) საქონელივითაა. «**نقودهم الدراهم و لا يتعامدون بالدينار قيميهم و كالعرض**», (BGA, I, 314). იბნ ფადლანიც (X ს.), რომელსაც დაწვრილებით აქვს აღწერილი ბუხარის მონეტები, ოქროს დინარებს საერთოდ არ ასახელებს (А. П. Ковалевский, Книга Ахмда ибн-Фадлана, с. 122), ნუმისმატ ე. დავიდოვიჩის აზრით, ანალოგიურ სიტუაციასთან გვაქვს საქმე სამარყანდშიც (Е. А. Давидович, Из области денежного обращения в Средней Азии в XI—XII вв., с. 106—107). ამ დასკვნაზე ის მდის ისთახრი და იბნ ჰაუკალის ტექსტების კრიტიკული ანალიზის საფუძველზე აღნიშნულ საკითხთან

როგორც ჩანს, საქართველოშიაც ოქრო იწონებოდა. აღნიშნული ფაქტის დადასტურებას წარმოადგენს ვეფხისტყაოსნის ერთი ადგილი, რომელშიც ოქროს მონეტის აწონია ფაქტთან გვაქვს საქმე („სამოცი ლიტრა წითელი, აწონეთ არ ნაკლულითა“, (388). ოქროს აწონის ფაქტთან გვაქვს საქმე აგრეთვე ფაენელთა სიგელში („მომიწონა ოცდაათი ლიტრა ოქრო, ოცდაათი ლიტრა ვერცხლი“)³⁵.

დიდი ხარჯების გასტუმრებისას, როგორც თ. ლომოური ფიქრობს, ფულის გარდა ოქროს ზოდებიც უნდა გამოყენებინათ³⁹. ისტორიანისა და აზმანის ავტორი თანარის ქორწილის აღწერისას ამბობს: „ეგრეთ იქნა ქორწილი სახედაუდებელი და იგავ-მიუწოდომელი; სიპრაველენი სახეობათანი, ძღუნობანი და ნუკებანი თუალთა და მარგალიტთანი ოქროჭედილთა და უქედელთანი...“⁴⁰. იმავე ისტორიკოსს, სხვაგან სადაც ჩამოთვლილია გიორგი III-ის მიერ ქ. ანისში მოპოვებული ნადავლი, ნათქვამი აქვს: „სიმდიდრე თუალთა და მარგალიტთა ოქროთა ქედილთა და უქედელთა“⁴¹.

ზემომოტანილ ფაენელთა სიგელიდან ჩანს, რომ იწონებოდა არა მარტო ოქრო, არამედ ვერცხლიც⁴².

საყურადღებოა, რომ ვეფხისტყაოსანში ოქრო მოხსენებულია 19-ჯერ, ვერცხლი კი ერთხელ⁴³.

დაკავშირებით მკვლევარი წერს: „В Средней Азии X—XII вв., штучного обращения золотых монет вообще не было, об этом свидетельствуют как письменные источники, так и вес самых монет. Не могло быть штучного обращения и в Хорасане, так как сельджукские дирханы также разноресны“. (Е. А. Давидович, Денежное хозяйство в Средней Азии в XIII веке с. 34). ოზბეკისა და ისტორიის სტუდენტთა, დნარს საქონლის ფუნქციება ჰქონდა ქერმანსა და ფარსში (BGA, I, 156, Ibn Naukal, ed. Kramers, 301, 313).

ყოველივე ზემოთქმული, იმას არ ნიშნავს, რომ ოქროს ფულის ფუნქცია საერთოდ არ გაჩნდა მაგრამ ეს ფუნქცია მას სხვა ფუნქციებთან შედარებით გაცილებით ნაკლებ ჰქონდა განვითარებული (Е. А. Давидович, „Денежное обращение в Мавераннахре при Саманидах, с. 109).

³⁹ ნასყიდობის დაწერილი ფაენელისა შიომღვიმისადმი (IX), ქართული სამართლის ძეგლები, ტ. II, თბ., 1965, გვ. 3, ჩვენთვის საინტერესოა ფაენელთა სიგელში დამოწმებული „მომიწონა ოცდაათი ლიტრა ოქრო“ და არა თვითონ სიგელის ნატყუარობა-უტყუარობის საკითხი.

⁴⁰ თ. ლომოური, დასახ. ნაშრ., გვ. 295.

⁴¹ ისტორიანი და აზმანი შარავეანდელთანი, გვ. 37.

⁴² იქვე, გვ. 9.

⁴³ ოქროსა და ვერცხლის ზოდებს, როგორც გადახდის საშუალებას, მიმართავდნენ როგორც შუა საუკუნეების დას. ევროპის ქვეყნებში, ისე რუსეთში: Ф. И. Михалевский, დასახ. ნაშ., გვ. 83—84, 138; И. Г. Спасский, Русская монетная система, М., 1970, с. 62—63.

⁴⁴ ნ. ქოიავა, ფულის ტრიალი რუსთაველის ეპოქის საქართველოში, გვ. 107

ამრიგად, XII ს. პირველი მეოთხედიდან XIII ს. 30-იან წლებამდე საქართველოში მიმოქცევაშია სპილენძი და ოქრო. აღნიშნულ პერიოდში სპილენძი ფულად მიმოქცევაში ძირითადი მონეტის როლს თამაშობდა და ცვლიდა ვერცხლის მონეტას.

სპილენძი, როგორც უკვე აღვნიშნეთ, ძირითადად ემსახურებოდა საშინაო ბაზარს, საგარეო ვაჭრობა კი ოქროთი წარმოებდა.

„ვერცხლის კრიზისი“ საქართველოში რუსუდანის რეფორამედ გაგრძელდა (1230 წ.). რუსუდანის ფულადი რეფორმის შედეგად კვლავ განახლდა ვერცხლის მონეტის მოჭრა საქართველოში. ვერცხლის მონეტა ძირითად მეტალად გადაიქცა, ის იჭრება მაღალი სინჯის ვერცხლისაგან და მისი ნორმალური წონა მერყეობს 2,35 გრამიდან 2,70 გრამამდე⁴⁴. რაც შეეხება წესიერად მოჭრილ მონეტას, აღებულ ხანებში ის უკვე წვრილი ფულის ფუნქციას ასრულებდა.

ამგვარად, რუსუდანის რეფორმით დამთავრდა „ვერცხლის კრიზისი“ საქართველოში, დაახლოებით ამავე ხანებში დასრულდა აღნიშნული კრიზისი მახლობელი აღმოსავლეთის ზოგიერთ ქვეყანაში, შუა აზიაში, აზერბაიჯანსა და სომხეთში.

რა იყო მიზეზი „ვერცხლის კრიზისისა“, რომელმაც მთელი ორასი წლის მანძილზე მოიცვა უზარმაზარი ტერიტორია, საქართველო, შუა აზია, მახლობელი აღმოსავლეთი?

ვერცხლის კრიზისს და ამ კრიზისიდან გამომდინარე მოვლენებს არა ერთმა ნუმისმატმა და ეკონომიკოს ისტორიის მკვლევარმა მიაქცია ყურადღება. ჯერ კიდევ გასული საუკუნის მიწურულს ორიენტალისტები ცდილობდნენ ამ პრობლემის გადაჭრასა და ეს საკითხი საგანგებოდ იდგა დღის წესრიგში 1878 წ. ორიენტალისტების III საერთაშორისო ყრილობაზე პეტერბურგში⁴⁵.

ვერცხლის კრიზისით და ამ კრიზისიდან გამომდინარე მოვლენებით კვლავ დაინტერესდნენ უკანასკნელ ხანებში. საკითხის გარშემო საბჭოურსა თუ საზღვარგარეთულ ორიენტალისტკაში გაჩნდა მთელი რიგი საყურადღებო და საგულისხმო დაკვირვებანი და მოსაზრებანი. მიუხედავად ამისა, ვერცხლის კრიზისზე დღემდე ერთიანი შეხედულება არ არსებობს.

მკვლევართა ერთი ნაწილი „ვერცხლის კრიზისის“ საბადოების გამოფიტვას უკავშირებს. ამგვარ აზრს გამოთქვამდა რ. ბლეიკი და სხვ⁴⁶.

⁴⁴ დ. კ ა პ ა ნ ა ძ ე , დასახ. ნაშრ., გვ. 82.

⁴⁵ Труды третьего международного съезда ориенталистов в Санкт-Петербурге, 1876, I, СПб., 1879—1880 წ. ყრილობაზე ვერცხლის კრიზისის გამომწვევი მიზეზად მიჩნეულ იქნა ხაზართა სახელმწიფოს დაცემა. აქვე, გვ. 38.

⁴⁶ რ. ბ ლ ე ი კ ი ვერცხლის ხელახლა გამოჩენის ერთ-ერთ მიზეზს ხედავს მონ-

მკვლევარები „ვერცხლის კრიზისის“ მიზეზად ასახელებენ აგრეთვე ვერცხლის დიდი რაოდენობით გატანას ევროპასა და რუსეთში⁴⁷.

„ვერცხლის კრიზისის“ გამომწვევ მიზეზებს, ხედავენ აგრეთვე პოლიტიკურ სიტუაციაში. კერძოდ, ე. პახომოვის აზრით, „ვერცხლის კრიზისის“ მიზეზი გახდა თურქ-სელჩუკთა იმპერიის შექმნა და თურქ-სელჩუკების დასავლეთისაკენ გადანაცვლება⁴⁸. ამ აზრს იზიარებდა მ. მასონიც⁴⁹.

გარდა პოლიტიკური ხასიათის მოვლენებისა, ე. პახომოვს „ვერცხლის კრიზისის“ გამომწვევ მიზეზად მიაჩნდა აგრეთვე ნატურალური მეურნეობის განვითარება ფულადი მეურნეობის ხარჯზე, ფულის დიდი რაოდენობით გატანა ჩრდილოეთში⁵⁰.

დ. კაპანაძე არ იზიარებდა „ვერცხლის კრიზისის“ შესახებ გამოთქმულ მოსაზრებებს⁵¹. „ვერცხლის კრიზისის“ გამომწვევი მიზეზების გამო მკვლევარი შემდეგ ვარაუდს გამოთქვამდა: „ვერცხლის მონეტა ჩვენში სპილენძით რომ არ შეცვლილიყო, რომელიც იძულებით „ვერცხლად“ საღებოდა, საქართველოს საზღვრებს გარეთ გატანილი ძვირფასი ლითონის მარაგი მალე გამოილეოდა და სახელმწიფო ხაზინა დაზარალდებოდა“⁵².

ნ. ქოიავას აზრით, ვერცხლის ნაკლებობამ კი არ გამოიწვია მონეტის გაფუჭება, არამედ პირიქით, მონეტის გაფუჭებამ გამოიწვია ვერცხლის მიმოქცევიდან გაქრობა⁵³. მისი სიტყვებით, „მონეტის გა-

ლოლების მიერ ჩინეთის დაპყრობაში. რის შედეგადაც ჩინეთიდან იწყება ვერცხლის დიდი რაოდენობით ღენა. R. Blacke, The circulation of the silver..., p. 328

⁴⁷ ვერცხლის ღირებულებები დიდი რაოდენობით გადიოდა ჩრ. და აღმ. ევროპის ქვეყნებში—რუსეთში, ბალტიისპირეთში, პოლონეთში, სკანდინავიის ქვეყნებში, ინგლისში, გერმანიაში, ისლანდიაში. A. M a r k o v, Топография кладов восточных монет (сасанидских и куфических). С.-Петербург, 1910. საინტერესოა, რომ რუსებს შორის მდიდრად ითვლებოდა ის პირი, ვინც ვერცხლის ვარკვეულ რაოდენობას ფლობდა ფულისა თუ სამკაულების სახით, B. Spuler, Trade in Eastern Islam Countries, 1970, p. 19, ამასთან, აღნიშნულ ქვეყნებში ვერცხლი ეკონომიკური ცხოვრების საფუძველს წარმოადგენდა. B. Spuler, დასახ. ნაშრ., გვ. 17. იხ. აგრეთვე, A. Ю. Я к у б о в с к и й, Феодалное общество Средней Азии и его торговля с Восточной Европой X—XV вв., Тр., Ин-та востоковедения АН СССР, т. VI, вып. 3, Л., 1933, с. 15, 27, 28.

⁴⁸ E. A. Па х о м о в, Монетное обращение Азербайджана..., с. 90.

⁴⁹ M. E. М а с с о н, К истории черной промышленности Карамазара, Тр. Тадж. базы АН СССР, т. IV, М—Л., 1935, с. 295.

⁵⁰ E. A. Па х о м о в, დასახ. ნაშრ., გვ. 90.

⁵¹ დ. კ ა პ ა ნ ა ძ ე, დასახ. ნაშრ., გვ. 67.

⁵² იქვე, გვ. 70.

⁵³ ნ. ქოიავა, ფულის ტრიალი რუსთაველის ეპოქის საქართველოში, გვ. 103.

ფუძეება აფინანსებდა ღონისძიებებს საქართველოს გასაერთიანებლად, მონეტის გაფუძეება აფინანსებდა საქართველოს ძლევამოსილ ომებს. ამიტომაც არის რომ სპილენძის ფულის მიმოქცევა თავსდება ფეოდალურ საქართველოს უმაღლეს აყვავებასთან⁵⁴.

დ. ლენგი საქართველოს მაგალითზე „ვერცხლის კრიზისის“ გამოწვევებზე მიზეზებს („Among the complex causes for this phenomenon“) ხედავს პოლიტიკურ და ეკონომიკურ ფაქტორებში (ინტენსიური სავაჭრო ურთიერთობანი ჩრდილოეთის ქვეყნებსა — (რუსეთი, სკანდინავია...), და ისლამურ მსოფლიოს შორის, თურქ-სელჩუკთა შემოსევები და მათი ბატონობის გავრცელება, ვერცხლის დინება აღმოსავლეთ ევროპის, ბალტიისპირეთის და სკანდინავიის ქვეყნებში და სხვ⁵⁵.

აღსანიშნავია, რომ მკვლევარების ერთმა ნაწილმა „ვერცხლის კრიზისი“ ეკონომიკურ განვითარებას დაუკავშირეს. ამგვარი თვალსაზრისი 30-იან წლებში გამოთქვა ა. იაკუბოვსკიმ⁵⁶. ეკონომიკურ ფაქტორს ჯერ კიდევ ა. მარკოვმა მიაქცია ყურადღება გასული საუკუნის მიწურულს, მაგრამ ჯეროვნად არ დაუსაბუთებია⁵⁷.

1953 წ. ბ. ლიტვინსკიმ წამოაყენა ფრიად საყურადღებო მოსაზრება, რომლის თანახმადაც „ვერცხლის კრიზისი“ უნდა გამოეწვია ქალაქებისა და საქალაქო ცხოვრების განვითარებას⁵⁸. ეს მოსაზრება შემდგომში გაიზიარა მკვლევართა ერთმა ჯგუფმა (დავიდოვიჩი, გაფუროვი, სეიფედდინი, ხოჯანიაზოვი, გუსეინოვი და სხვ.). მათ კიდევ უფრო გააღრმავეს და ახალი ნუმისმატიკური მასალებით შეამაგრეს

⁵⁴ იქვე ნ. ქოიავას სიტყვით, XII ს. საქართველოში არ გააჩნდათ ვერცხლის საკმარისი რაოდენობა (იქვე, გვ. 122. აქედან კარგად ჩანს, რომ ნ. ქოიავა „ვერცხლის კრიზისს“, ისევე როგორც ბევრი სხვა მკვლევარი, უკავშირებდა ვერცხლის საბადოების გამოფიტვას და საზოგადოდ ვერცხლის ნაკლებობას.

⁵⁵ D. M. Lang, Studies in the Numismatique History of Georgia., p. 81.

⁵⁶ «Ростом товарного производства возрастает спрос на монету в денежном обращении», А. Ю. Якубовский, Феодализм на Востоке, ГЭ, .Л., 1932, с. 27—28.

⁵⁷ «Причина прекращения ввоза дирхемов в XI в. в Европу была не политическая, а чисто экономическая», А. Марков, Топография кладов.... с. II.

⁵⁸ Б. А. Литвинский, О некоторых моментах развития средневекового города Средней Азии, Изв. АН Тадж ССР, вып. 4, Сталинабад, 1953, с. 63: «Углублению этого кризиса, как это на первый взгляд не парадоксально, косвенно, видимо способствовали расцвет городов и собственно ремесло и торговля». იქვე, გვ. 62.

ბ. ლიტვინსკის დებულება. „ვერცხლის კრიზისისა“ და მისი გამომწვევი მიზეზების კვლევა-ძიებისას საყურადღებო მოსაზრება აქვს გამოთქმული ე. დავიდოვიჩს. შუა აზიის სამონეტო სისტემის ცნობილ მკვლევარი აქცენტს ეკონომიკურ ფაქტორზე აეთებს, კერძოდ. ქალაქებზე. მისი სიტყვებით, „ვერცხლის კრიზისის“ გამომწვევი მიზეზების შესასწავლისას განსაკუთრებული ყურადღება უნდა მიექცეს სწორედ ქალაქს („как яче́йки, где сосредото́чивались товарные производ-ство и денежная торговля“)⁵⁹.

„ვერცხლის კრიზისის“ მიზეზებს ბ. საიპანოვი, ზოგიერთი მკვლევარის მსგავსად, ხედავს სხვადასხვა მოკლენების ერთიანობასა და სინთეზში, ესენია: სავაჭრო ოპერაციების შედეგად ვერცხლის დიდი რაოდენობით გატანა ჩრ. აღმოსავლეთ ევროპაში, ვერცხლის საბადოების შემცირება და აგრეთვე სხვადასხვა ხასიათის პოლიტიკური მოკლენები, მათ შორის თურქ-სელჩუკთა დასავლეთისაკენ გადა-ნაცვლება და აგრეთვე ქალაქების არაჩვეულებრივი აყვავება და ფუ-ლადი სასაქონლო მეურნეობის განვითარება⁶⁰.

XI—XII და XIII ს. დასაწყისში მახლობელი აღმოსავლეთის ქვეყნებისათვის დამახასიათებელია ქალაქების არაჩვეულებრივი ზრდა, ვაჭრობისა და ხელოსნობის აღმავლობა. ისეთი ქალაქები, როგორცაა ბაღდადი, ალემო, ნიშაბური, ისფაჰანი შირაზი, უმნიშვნელოვანეს როლს თამაშობდნენ იმდროინდელი მახლობელი აღმოსავლეთის საერთაშორისო ვაჭრობაში. არაბულ-სპარსული წყაროებიც ხაზს უსვამენ აღნიშნული ქალაქების მაღალ სავაჭრო-ეკონომიკურ დონეს.

მახლობელი აღმოსავლეთის ქალაქების მსგავსად, XI—XII სს. და XIII ს. პირველ მეოთხედზე მოდის აგრეთვე შუა აზიის ქალაქების საერთო ეკონომიკური აღმავლობა⁶¹.

XI—XII საუკუნეებისათვის, როგორც არა ერთგზის აღვნიშნეთ,

⁵⁹ Е. А. Давидович, Из области денежного обращения в Средней Азии в XI—XII вв., с. 93. ე. დავიდოვიჩის მოსაზრებებზე ვერცხლის კრიზისთან დაკავშირებით ყურადღებას ამახვილებს ი. ჭალაღანიც, მაგრამ არც მას აქვს ნაჩვენები „ვერცხლის კრიზისის“ მიზეზები და ამ საკითხის სპეციალური შესწავლის საჭიროებას აღნიშნავს. И. Л. Джагаганя, Иностранная монета в денежном обращении Грузии V—XIII вв., Тб., 1979, с. 77—80.

⁶⁰ Б. П. Сайпанов, Проблема «серебряного кризиса» денежного обращения на Востоке в нумизматической литературе, Вестник Московского Университета, История, 1976, № I, с. 64—65.

⁶¹ შუა აზიის ქალაქების შესახებ არსებობს საქმოდ ვრცელი ლიტერატურა, იხ. А. М. Беленицкий, И. Б. Бентович, О. Г. Большаков, Средневековый город Средней Азии, М.-Л., 1973. (იქვე მითითებულია ვრცელი ბიბლიოგრაფია).

დამახასიათებელი იყო ქალაქების არაჩვეულებრივი ზრდა, ვაჭრობისა და ხელოსნობის აღმავლობა. განვითარებული სასაქონლო და ფულადი გეურნეობა, ცხადია, მოითხოვდა ვერცხლის ფულის დიდ რაოდენობას. ამ მოთხოვნების დაკმაყოფილებისათვის აუცილებელი გახდა ისეთი მონეტის შემოღება, რომლის ნომინალი რეალს არ შეეფარებოდა: «Именно бурное развитие городов, товарного производства и денежной торговли потребовало такого количества монет средств обращения, которое не могло быть дано рынку на базе высокопробных монет»⁶².

ამგვარად, ძირითადი მიზეზი „ვერცხლის კრიზისისა“, როგორც მკვლევარები აღნიშნავენ, იყო ეკონომიკის არაჩვეულებრივი განვითარება, ქალაქების ზრდა და ვაჭრობის გაფართოება⁶³. „Серебро вообще не псыякло, но оно не могло обеспечить в течение XI—XII вв. потребность возросшего товарного производства, денежной торговли, растущих городов. Это была как бы болезнь роста восточного феодализма в области денежного обращения экономики в целом»⁶⁴.

აღნიშნული მიზეზები საერთო იყო როგორც შუა აზიის, ისე მახლობელი აღმოსავლეთის და ამიერკავკასიის ქვეყნებისათვის⁶⁵.

ქალაქების სიმრავლის თვალსაზრისით XI—XII სს. საქართველოს ვერც ერთი სხვა პერიოდი ვერ გაუტოლდება.

როგორც ქართულ ისტორიოგრაფიაშია აღნიშნული, არც ერთ დროს საქართველოში იმდენი ქალაქი არ წარმოქმნილა, როგორც ეს იყო XI—XII საუკუნეებში (ნ. ბერძენიშვილი).

XI—XII სს. ქართული ქალაქების ეკონომიკური აღმავლობის ხანაა. საქართველოს ქალაქები აქტიურად არიან ჩაბმული მსოფლიო ვაჭრობაში, ეს კარგად ჩანს აქ აღმოჩენილი ნუმისმატიკური მასალებიდანაც.

ქართული და უცხოური ფული ვრცელდება მთელ საქართველოში, გაცილებით ინტენსიურად მის აღმოსავლეთ ნაწილში, სწორედ იქ, სადაც უფრო განვითარებული იყო ქალაქები და საქალაქო ცხოვრება.

ამრიგად, საქართველოში ვერცხლის მაგიერ სპილენძის მონეტის

⁶² Б. Г. Гафуров, Таджики, Древнейшая, древняя и средневековая история, М., 1972, с. 424.

⁶³ Е. А. Давидович, *დასახ. ნაშრ.*, с. 117.

⁶⁴ Р. А. Гусейнов, Из истории денежного обращения в Передней Азии XI—XII вв., НЭ, IX, М., 1971, С. 113.

⁶⁵ М. В. Габашвили, Ближневосточный город XI—XII вв. по нумизматическим данным, Всесоюзная конференция молодых востоковедов, (Тезисы) Тб., 1973.

შემოღება ეკონომიკის არაჩვეულებრივი აყვავებით იყო გამოწვეული⁶⁶.

ამ თვალსაზრსით „ვერცხლის კრიზისი“ ერთი და იგივე მიზეზებით იყო გაპირობებული როგორც შუა აზიისა და მახლობელი აღმოსავლეთის ქვეყნებში, ისე საქართველოში.

„ვერცხლის კრიზისი“ ყველგან ეკონომიკური აღმავლობის პირდაპირ შედეგს წარმოადგენდა. სწორედ ამიტომ უთავსდება, მაგალითად, საქართველოში, მონეტის გაფუჭება და სპილენძის მონეტების გავრცელება ქვეყნის საერთო ეკონომიკურ აღმავლობას, ქალაქების გამრავლებას, საქალაქო ცხოვრების განვითარებას და გართულებას.

„ვერცხლის კრიზისის“ თავისებურებათა გათვალისწინება საქართველოსა და მახლობელ აღმოსავლეთში საფუძველს გვაძლევს დავუკავშიროთ ეს მოვლენა წმინდა ეკონომიკური ხასიათის ფაქტორებს, კერძოდ, ქალაქებს და ინტენსიურ საქალაქო ცხოვრებას.

„ვერცხლის კრიზისი“, როგორც ნუმისმატიკური მოვლენა. გვიდასტურებს საქართველოს ქალაქების აღმავლობა-განვითარებას XI—XII საუკუნეებში.

⁶⁶ «Диалектика развития монетного дела в феодальном хозяйстве такова, что чем важнее становится значение денег как средства обращения и платежа, тем больше усиливается порча монеты» Ф. И. Михалевский, *დასახ. ნაშრ.*, გვ. 135.

ГОРОДА ГРУЗИИ XI—XII ВЕКОВ

Резюме

История городов Грузии XI—XII вв. и, в частности, история Тбилиси должным образом не исследованы.

Города Грузии тех времен до сих пор еще не стали объектом монографического исследования. Вообще, изучению истории средневековых грузинских городов препятствует то обстоятельство, что в грузинских исторических источниках по интересующему нас вопросу имеются лишь скудные, фрагментальные сведения.

Вместе с тем, археология феодального периода Грузии не была развита до такой степени, чтобы она сделала возможной исследование данных раскопок.

Положение резко изменилось в последние годы. Научная литература о городах Грузии XI—XII вв. обогатилась новыми, большей частью, восточными источниками, появились новые археологические материалы, опубликованы монографические исследования о городах Грузии раннефеодальной эпохи (VI—X вв.), зрелого феодализма (XI—XIII вв.) и позднего (XVI—XVIII вв.) периода.

Все это в значительной степени способствовало монографическому исследованию грузинских городов XI—XII вв.

К сожалению, скудность материалов не дает возможность полностью изучить все явления, связанные с городской жизнью и городами Грузии XI—XII вв.

По вполне определенным причинам из всех городов Грузии XII в. в письменных исторических источниках более многочисленные и разносторонние сведения имеются о городе Тбилиси. К этому надо добавить и археологические находки. Они обогатили наши знания о Тбилиси XII в. и одновременно дали возможность сопоставить археологический материал с письменными источниками.

Этим и объясняется то обстоятельство, что в книге наибольшее внимание уделено г. Тбилиси XII в.

Из существующих источников о Тбилиси обращает на себя внимание «Матиане Картлиса» («Хроника Картли»), Грамота Георгия II 1072 г., завещание Давида Строителя 1125 г., Грамота Георгия III, датированная 1170 г.

При изучении городов Грузии XI—XII вв. первостепенное значение приобретают также эпиграфические и нумизматические данные.

Немаловажное значение при исследовании истории городов Грузии XI—XII вв. имеют также произведения художественной литературы. В этих произведениях встречается немало урбанистической терминологии. С этой точки зрения особенное значение приобретает «Витязь в тигровой шкуре» Рустанели и засвидетельствованная в ней городская терминология «калакие эри» («городской люд»), «калакие кребули» («городское собрание») и др.

Восточные письменные источники XI—XII вв. дополняют ценными фактическими данными сведения грузинских историков. Большая часть этих источников посвящена Тбилиси и тем событиям, которые в нем имели место.

О Тбилиси X—XII вв. немало интересных сведений имеется у следующих авторов: ал-Факих, ал-Истахри, Ибн Хаукал, Ибн ал-Азрак ал-Фарикли, Ибн ал-Асир, Факут, ал-Хамави, Ал-Идриси, Сибт ибн ал-Джаузи, Закария ал-Казвини и др.

Особенное внимание в работе уделено сведениям арабских и арабоязычных историков XI—XIII вв. ал-Факиху, ибн ал-Азраку ал-Фарикли, а также Сибт ибн ал-Джаузи.

В восточных источниках имеется материал не только по политической истории грузинских городов XI—XII вв., но также об их социальной и экономической жизни.

С этой точки зрения несомненный интерес представляют сочинения Наджиба Хамадани, персидского анонимного автора XIII в., Закария ал-Казвини, Ибн Исфанднара, Шихаб ад-Дина ан-Насави, Якута, Ибн ал-Хамави, Шамс ад-Дина Йусуфа, ал-Айни, ал-Бакуви и др.

Для сравнения в нашей работе использованы также те сообщения арабских историков и географов раннего периода, в частности X в., которые рассматривают Тбилиси в аспекте торгово-экономических взаимоотношений (ал-Истахри, Ибн-Хаукал, анонимный автор «Худуда ал-алам» и др.).

В сочинениях арабских авторов (Ибн Хордадбех, ал-Истахри, ал-Мукаддаси, Якут и др.) содержатся подробные сведения о торговых путях, проходивших через Закавказье и Тбилиси.

Нами использованы также армянокие (Матвей Эдесский, Аристакес Ластвертци, Матвей Урхаецы) и византийские (Константин Порфиrogenет...) источники.

Изучение истории городов Грузии начинается с сороковых годов XIX в. (Пл. Иоселиани, Н. Берзенов, Д. Бакрадзе). Но развитие грузинской урбанистики, как и развитие других отраслей грузинской историографии, связано с именем и деятельно-

стью акад. И. А. Джавахишвили. Определенное место отведено различным вопросам истории городов Грузии и в трудах С. Н. Джанашия, Н. А. Бердзенишвили, Ш. А. Месхиа, М. Д. Лордкипанидзе, В. Н. Габашивили, Л. А. Чилашвили, Р. К. Кикинадзе, О. В. Циктишвили, В. У. Копалмани и др.

Нами использованы труды грузинских археологов и нумизматов (Д. Г. Капанадзе, Т. Н. Ломоури, Г. А. Ломтатидзе, О. Д. Джапаридзе и др.).

В Грузии XI—XII вв. существовали оформившиеся феодальные города. Их развитие было обусловлено высоким уровнем феодальной экономики, ростом ремесла, торгово-экономическими связями с соседними и дальними странами.

XI—XII вв. являются знаменательным периодом в развитии грузинского города. Возвышение старых и возникновение новых городов было наиболее ярким доказательством высокого уровня экономического развития Грузии. Не случайно X—XII вв. в специальной литературе известны под названием «новгородов».

«Эпоха новгородов» особенно характерна для восточной Грузии, где друг за другом в течение IX—XII вв. возникают новые города.

Среди новых городов можно назвать: Атени, Гори, Дманиси, Олтиси, Ахалкалаки, Ахалцихе, Телави и др.

Возникновению новых городов Восточной Грузии и одновременно возвышению старых (Тбилиси, Рустави, Самшвилде и др.) благоприятствовали различные факторы. В первую очередь, этому процессу способствовало объединение Грузии в единое государство, а с другой стороны ее экономические связи с внешним миром. Города Восточной Грузии вели интенсивную торговлю с городами Передней Азии. Несколько иное положение было в городах Западной Грузии.

Из городов Западной Грузии лишь о Кутаиси имеются в источниках более или менее подробные сведения.

В Кутаиси XI—XII вв. возникли весьма благоприятные условия для развития городской жизни. Именно в указанный период (980—1122 гг.) Кутаиси становится столицей объединенного государства. Это обстоятельство определило его дальнейшее развитие.

Кроме Кутаиси в Западной Грузии существовали следующие города — Сухуми, Анакопия, Никопсия, Хупати, Поты.

Все эти города за исключением Кутаиси, были расположены на берегу Черного моря. Но по своим масштабам и значению они не могли идти в сравнение с городами античного и эллинистического периодов.

Кроме того, очевидно, в Западной Грузии в эпоху раннего

феодализма не было т. н. периода новых городов, столь характерного для Восточной Грузии.

При изучении истории городов Грузии XI—XII вв. становится ясным, что условия развития городов и городской жизни Западной и Восточной Грузии не были одинаковыми.

Исследуя историю городов Западной Грузии XI—XII вв., по нашему мнению, особое внимание должно быть уделено роли и значению Черного моря.

Дело в том, что интенсивность связей с внешним миром по Черному морю в значительной степени определяла состояние городов Западной Грузии в античную и феодальную эпохи.

Ситуация на Черном море резко изменилась в период арабско-византийского соперничества. Вследствие того, что арабы утвердились на Средиземном море, Черное море оказалось блокированным. Прибрежные города Черного моря перестали общаться с главными центрами мировой торговли, связь между которыми осуществлялась посредством Средиземного моря и Индийского океана. Надо отметить и то, что мусульманские купцы, господствовавшие в мировой торговле, не были заинтересованы в основании торговых факторий на Черноморском побережье. Вот почему в течение длительного времени Черное море было фактически «закрытым морем» — «*Mare clausum*».

Этот процесс привел к тому, что прибрежные города Черного моря оказались оторванными от центров мировой торговли.

Вместе с тем следует отметить и то обстоятельство, что в период блокирования Черного моря города Западной Грузии развиваются на той общей экономической основе, которая создала благоприятные условия для политического объединения феодальной Грузии. Города Западной Грузии Лихским перевалом были связаны с Восточной Грузией и со странами Ближнего Востока. Но эта связь Западной Грузии с восточным миром была менее интенсивной, чем Восточной Грузии. На это указывают как письменные источники, так и нумизматические данные. Если судить по распространению монетных кладов, то их количество менее значительно в Западной Грузии, чем в Восточной.

Ситуация существенно изменилась лишь во II половине XII в., когда на Черном море место ослабевшей Византии занимают венецианцы и генуэзцы. Здесь на северном побережье Черного моря и Крыма они основывают свои торговые поселения.

В XII—XIII вв. торгово-экономическое значение Черного моря было восстановлено. Но вскоре началось монгольское нашествие. Монгольские вторжения оказали свое отрицательное

вливание и на города Черного моря и оказались весьма погубными для развития городов Западной Грузии.

Опираясь на имеющиеся в нашем распоряжении материалы, мы можем выделить следующие периоды в развитии городов Грузии IX—XII вв.

IX—X вв. — возникновение новых городов, первая половина XI в. — усиление городов в переходный период от раннефеодальной эпохи к средней, начиная с 60-х годов XI в. до конца 90-х годов того же века — упадок городов вследствие сельджукского нашествия, конец XI в. и XII в. — новый расцвет городов Грузии.

В книге отдельный параграф посвящен положению Тбилиси в 1082—1122 гг. Согласно ал-Фарики в Тбилиси 1082—1122 гг. правит народ (اهل), другой же историк Сибт ибн ал-Джаузи свидетельствует о том, что власть находится в руках «молодых людей», «юношей» (شباب). Сведения последнего совпадают со сведениями ал-Фарики, однако вместо народа Сибт ибн ал-Джаузи называет «юношей».

Дело в том, что в восточных источниках «молодые люди» («фитианы», «джеванмарды») имеет социальное значение, социальный смысл. Точно так же «шабаб», встречающийся у Сибт ибн ал-Джаузи, имеет то же самое значение, что в других восточных источниках «фитианы» и «джеванмарды». На этой основе нами сделан вывод о том, что «правление народа» ал-Фарики, и «правление молодежи» Сибт ибн ал-Джаузи представляют собой явление социального порядка, в котором принимали участие представители низших слоев населения.

Для иллюстрации этого явления в работе использовано не только социальное осмысление терминов «шабаб», «фитианов», и «джеванмардов» по восточным источникам, но также приведены и образцы поэзии трубадуров, в которых европейские «юноши» „jovens“ в социальном отношении отождествлены и связаны с восточными фитианами.

В 1122 г. Тбилиси вновь становится столицей грузинского государства. Давид Строитель освободил Тбилиси и присоединил его к грузинскому царству. С присоединением Тбилиси завершился процесс создания объединенного грузинского государства. С этого времени Тбилиси вновь становится столицей Грузии. В связи с этим явлением возросло как политическое, так и экономическое значение этого города.

Если до 1122 г. в Тбилиси была распространена восточная терминология, восточные городские институты — райс, амид, мухтасиб, шурта, мушриб и др., то после 1122 г. были приняты меры для их перестройки на грузинский лад. Впоследствии они вообще исчезли из обихода некоторые же из них при-

няли грузинское смысловое значение (эмир). В Тбилиси вновь было восстановлено городское правление, характерное для всех остальных городов феодальной Грузии.

По сведениям арабских и персидских источников Тбилиси большой и цветущий, благоустроенный, богатый, переполненный всякими товарами и укрепленный город.

Это подтверждают и материалы археологических раскопок.

Возросшим политическим и экономическим значением Тбилиси была вызвана финансовая реформа, проведенная Давидом Строителем. Как известно, во время его правления широкое распространение получили монеты с мусульманскими надписями. Это способствовало их распространению в мусульманском мире. Соображениями экономического характера можно объяснить те привилегии, которые Давид Строитель пожаловал мусульманскому населению.

Несмотря на малочисленность материалов, мы попытались воссоздать социальную и классовую структуру Тбилиси: «крупный купец» («дидвачари»), «глава купцов» («вачарта тавади», «вачарт-ухуцеси»), «горожанин» («мокалаке»), «житель города» («калакис мквидри», «тбилисис мквидри»), «городская беднота» («глахакни»).

Имеющиеся в нашем распоряжении материалы свидетельствуют о том, что грузинские города были связаны с торговоматристральными путями, как с соседними странами (Азербайджан, Армения), так и с городами Ближнего и Среднего Востока (Рей, Кашан, Верамин, Куфа, Александрия и др.). Из городов Грузии (Тбилиси, Дманиси...) вывозили седла, стекло, пилы, «тбилисские ткани», шелк, привозили янтарь, драгоценные камни, меха и др.

Монеты грузинского чекана, найденные за пределами Грузии, являются неопровержимым доказательством интенсивных торгово-экономических связей с внешним миром.

В поэме Руставели «Витязь в тигровой шкуре», имеются интересные сведения, отображающие реальную действительность Грузии XI—XII вв. В поэме значительное место уделено городам, городской жизни и городскому строю. Кроме того, Руставели дает описание почти всех общественных слоев, указывает на их роль, значение и место в городской жизни: «городской люд» («калакис эри»), «крупный купец» («дидвачари»), «глава купцов» («вачарта тавади», «вачартухуцеси»), «горожане» («мокалаке»), «городская беднота» («глахакни») и др. В поэме встречаются также интересные восточные термины — «караван», «каравансарай», «шука» (арабск. «сук»), «базар» и др., что дает возможность восстановить торговую организацию городов Ближнего Востока и систему торговых связей между раз-

пыми странами Востока XI—XII вв. Из терминологии «Витязя в тигровой шкуре» нами изучены также термины «ханага» и «ариф» (то же восточного происхождения), связанные так же с городом и городской жизнью.

По мнению исследователей, Руставели выполнял функцию «мечурчлет-ухуцеси» (министр финансов). Очевидно, этим можно объяснить и тот факт, что сведения Руставели о городах XI—XII вв., их социальной структуре и экономическом положении полностью перекликаются с иными сведениями источников по истории Грузии соответствующего периода.

В период наивысшего экономического подъема грузинского государства в Грузии чеканили исключительно лишь медные монеты (до 30-ых годов XIII в.).

Вышеуказанное явление в специальной литературе известно под названием «серебряного кризиса».

О причинах «серебряного кризиса» в специальной литературе высказаны разные соображения. В 1953 г. Б. А. Литвинский высказал мнение относительно «серебряного кризиса». По его утверждению, «серебряный кризис», в первую очередь был вызван ростом городов и развитием городской жизни. Впоследствии эта формулировка была принята и развита другими нумизматами и историками (Е. А. Давидович, Р. А. Гусейнов, Б. А. Гафуров и др.).

Как отмечено в специальной литературе, XI—XII вв. были временем бурного расцвета городов, ремесла и торговли. Развитие товарного производства и денежного хозяйства требовало большого количества серебряных монет. Для удовлетворения возросших потребностей возникла необходимость в выпуске таких монет, чья номинальная цена не соответствовала их реальной стоимости.

Итак, одним из главных причин «серебряного кризиса», как утверждают некоторые исследователи, явился необычный экономический рост, интенсивное развитие городов и расширение торговли.

Вышеотмеченные явления были общими как для Грузии, так и для Средней Азии и Ближнего Востока.

Этими же причинами можно объяснить, по нашему мнению, распространение медной монеты взамен серебра в Грузии XI—XII веков.

«Серебряный кризис», наряду с другими факторами, о которых речь шла выше обусловил рост и развитие городов и городской жизни в Грузии XI—XII веков.

შ ი ნ ა ა რ ს ი

I. წყაროებისა და ლიტერატურის მიმოხილვა	8
II. საქართველოს ქალაქები XI—XII საუკუნეებში	10
§ 1. აღმოსავლეთ საქართველოს ქალაქები XI—XII საუკუნეებში	26
§ 2. დასავლეთ საქართველოს ქალაქები XI—XII საუკუნეებში	41
§ 3. თბილისი 1082—1122 წლებში	63
III. თბილისი XII საუკუნეში	83
IV. საქართველოს ქალაქების სავაჭრო-ეკონომიკური ურთიერთობანი XII საუკუნეში	101
V. ვეფხისტყაოსნის ურბანისტიკული ტერმინოლოგიიდან	114
§ 1. ქალაქის საზოგადოებრივი ფენები ვეფხისტყაოსნის მიხედვით	114
§ 2. ხანაგა	124
§ 3. არიფი	134
VI. XI—XII საუკუნეების საქართველოს ქალაქები და „ვერცხლის კრიზისი“ Города Грузии XI—XII веков (Резюме)	148 166

დაიბეჭდა საქართველოს სსრ მეცნიერებათა აკადემიის
სარედაქციო-საგამომცემლო საბჭოს დადგენილებით

ИБ 1710

*

რეცენზენტები: ისტ. მეცნ. დოქტორები: კ. კუციია, თ. ცქიტიშვილი

რედაქტორი გ. ბერაძე
გამომცემლობის რედაქტორი დ. ლეჟავა
ტექნედაქტორი ნ. თკუჭავა
კორექტორი ნ. შენგელია

გადაეცა წარმოებას 31.12. 1980; ხელმოწერილია დასაბეჭდად 21.5.1981;
ქაღალდის ზომა 60X90¹/₁₆; ქაღალდი № 2; ნაბეჭდი თაბახი 11;
სააღრიცხვო-საგამომცემლო თაბახი 10;
შე 01105; ტირაჟი 3000; შეკვეთა № 4305;
ფასი 1 მან. 20. კაპ.

გამომცემლობა „მეცნიერება“, თბილისი, 380060, კუტუზოვის ქ., 19
.Издательство «Мецниერება», Тбилиси, 380060, ул. Кутузова, 19

საქ. სსრ მეცნ. აკადემიის სტამბა, თბილისი, 380060, კუტუზოვის ქ., 19
Типография АН Груз. ССР, Тбилиси, 380060, ул. Кутузова, 19

Манана Валериановна Габашвили
ГОРОДА ГРУЗИИ XI—XII ВЕКОВ
(на грузинском языке)

ზამოცემლობა „მეცნიერება“ უახლეს ხანში ბამოსცემს შემდეგ წიგნებს:

ო. გვილაჯა, ირანის მთავრობის ცენტრალიზატორული პოლიტიკა და მომთაბარე ტომების პრობლემა (XX საუკ. 20-იან წლები) 1981, ფასი 2 მან.

ისკანდერ მუნში, აბასის ქვეყნის დამამშვენებელი ისტორიკოგრაფიკული, 1981, ფასი 85 კაპ.

ლ. მამაცაშვილი, კოხისა და სპენსერის ცნობები საქართველოს შესახებ, 1981, ფასი 1 მან 90 კაპ.